



3138. III. A.C.

✓

MEMORIA
REGUM ET BANORUM
REGNORUM
DALMATIÆ, CROATIÆ ET SCLAVONIÆ
INCHOATA
AB ORIGINE SUA, ET USQUE AD PRÆSENTEM ANNUM
M D C L I I.
DEDUCTA
AUCTORE
GREGORIO RATTKAY DE NAGY THABOR,
LECTORE ET CANONICO ZAGRABIENSI.

EDITIO ALTERA.



VINDOBONÆ,

Typis Josephi Kurzböck, Cæs. Reg. Aulæ Illyrico-Orientalis, nec non Incl. Inf.
Austriæ Ordin. Typographi & Bibliopolæ, 1772.

МЕМОРИА



FERDINANDO IV.

APOSTOLICO, UNGARIÆ, DALMATIÆ, CROATIÆ,
SCLAVONIÆ, RAMÆ, SERVIÆ, BULGARIÆ,
LODOMERIÆ, GALLICIÆ &c.

R E G I.



Grande prorsus me ausum onus subiisse, non immerito miraberis, Rex Apostolice; nempe, qui & historiam scribere presumens & Regio nomini Tuo consecrare non erubescens, in publicum prodire attentaverim: quoniam nulla sublimior inter Sæculi potestates Imperatoriis sceptris gloria, nulla pene scriptio asperioribus difficultatibus veluti perpetuis spinis, aut peracutis rupium crustis implexa magis. Scilicet quia rara prudentiæ & elegantis dictionis mistio, cum prima historici virtus prudentia sit, eleganti veritati innixa; & nemo sibi historiam esse scribendam intelligere debeat, quem non ætas & longa rerum experientia docuerunt. Et quidem haud ignoro in omni hoc opere, ambulare me per dolosos cineribus insepultos ignes; attamen quod scripse. Horat.

E P I S T O L A

rim, præter impellentem Genium, majorum judicio atque autoritati, qui jubere poterant, obaudire debui; quod Regiis vero pedibus Tuis prosternere voluerim, Alexander Macedo impulit, qui terrarum orbe victoriis parto, moriens interrogatus, cui vastissimum hoc Imperii corpus post ultima fata, relinquere; non felicissimo, non ditissimo, sed dignissimo, generose dixit, annulumque non Arridæo fratri, sed Perdicæ tradidit, quid optimo cuique faciendum, verbo simul & exemplo posteritati consignans. Supervacaneum porro, Te dignissimum esse demonstrare velle, censeo; cum vel sola nominis majestas omnem sibi honorem venerationemque impendi velit; nec quicquam sit, quod Regum Augustali amplitudini fatis esse posse videatur. Sed præterquam quod dignissimus sis, cui etiam aptius convenientiusque præteriorum Illyrii Regum vitam gestaque consecrem, quam optimo eorum Successori? Cui Pro-Regum, aliorumque præclarorum Heroum merita, plororumque sanguine suo testata, referam? Quorum posteritas non degeneri majorum suorum æmulatione, Tibi Regi anteriorum Hæredi avitam fidelitatem commendat.

Cui Principum decora ac heroica militum facta, quam bellatorum Principi, potius debentur? Cui demum aut piorum Regum virtutes æmulandas, aut improborum vitia detestanda repræsentare magis decebat, quam Regi Sanctorum Nepoti, ac filio Regis Pietate Regna gubernantis, & Justitia Scelera vindicantis? Porro quemadmodum dignissimum ac congruentissimum fuerat, Librum hunc Regio nomini Tuo consecrari, ita Tu vicissim eundem a me Jure Tibi vendicare poteras; cum & juxta consilium Catonis, temporis haecenus impensi rationem reddendam, & juxta Divinum præceptum Regi meo vestigal, gentis meæ nomine, pendendum esse intelligeres.

Quare non hæc ideo Tibi scripta putas, Rex optime, quasi docere, qualis esse debeas, velim; cum hoc inter æquales nescio periculi, an audaciæ majoris, in Principe vero superbum, in militiæ

Duce

DEDICATORIA

Duce fatuum videatur. Bonos tamen Principes, virosque bello aut toga claros, tanquam in speculo posteritati prospectandos propone-re, utilitatis habet plurimum, arrogantiæ & audaciæ nihil. Atque hoc matutinæ Tuæ æti congruum quam optime videtur, ut in pre-tioso præsenti Tuo otio, & mentem erudita lectione imbuas, & mo-res clarissimorum virtute Majorum vitæ ac institutis conformes, & animum Martialibus exemplis accendas. Cæterum ego, cum & æta-tem jam superiorem, atque aliquem rerum usum adesse mihi intel-ligerem, nec inferiorem multo fortassis dignitati operis eruditionem, assidua lectione, ac improbo pene studio mihi comparavisse; neque sic tamen ab adversariorum impetu satis me munitum opinarer; Tui Regii nominis umbonem in protectionem adlegi, illudque unum solatii loco reposui, ut cum magni illi, Cicero, Sallustius, Tacitus, Livius, Seneca, calamos repererint morosiores, mihi multis passuum millibus infra illos incedenti, meliora non esse speranda, satisque mihi ad laudem existimabam, vel luminis horum umbram attigisse.

Tu vero Rex Apostolice, cum in omni hoc opere Inclytæ hujus gentis Illyricæ Heroes Augustissimis Tuis Majoribus utilissimos fide-lissimosque legeris, eorum vero Nepotes, ac me quoque inter ipsos similes quotidie experieris ipse, universos Justitia atque clementia protegere haud intermittas, monentis Senecæ bene memor: Illius demum magnitudinem stabilem fundatamque esse, quem omnes tam supra se esse, quam pro se sciunt, cuiusque curam excubare pro sa-lute singulorum, atque universorum quotidie experiuntur.

Lib. I. de
clem.



EPISTOLA

ILLUSTRISSIMIS DOMINIS DOMINIS
NICOLAO COMITI PERPETUO A ZRINIO,

Regnum Dalmatiæ, Croatiæ & Sclavoniæ

B A N O,

Confiniorum ejusdem Regni Sclavoniæ Colapianorum Supremo, &
Præsidii Legrad, totiusque Insulæ Muraköz

HÆREDITARIO CAPITANEO,

Comitatuum Szaladiensis, & Simigiensis

COMITI SUPREMO,

Sac. Cæs. Regiæque Majestatis Cubiculario,

CONSILIARIO,

Supremo Vigiliarum Præfecto & Agazonum Regalium in Hungaria
Magistro &c.

AC

PETRO COMITI PERPETUO A ZRINIO,

Sac. Cæs. Regiæque Majest. Cubiculario, Consiliario, ac ejusdem Præsidii
Silbergensis ac Szliun Capitaneo &c.

Historicum de rebus Illyricis opus, Drascovicio Pro-Regi a me de-
stinatum, Tibi Pro-Rex Illustrissime Superi annuerunt; e voto
coeli dignitatem accepisti, honos ipsi debitus ut sequatur, æquum est:
nempe & Gentilium more quod aræ uni sacrificandum destinabatur,
nefas alteri admovere ducebatur. Quam opportune porro, Pro-Rex
eximie, rerum nostrarum ruinis, quas amissio magno Drascovicio
formidabamus, velut alter Atlas prudentiæ bellicique roboris humeris
gravatam patriam succolans, successisti. Successisti vere armata Pal-
las, nec magis in Pro-Regia dignitate, quam in amore literarum,
in voto juvandæ ornandæque Patriæ, in munifico erga me animo.
Non tango hic invicta arma Tua, quæ liber iste meus suis locis orbi
universo luculenter palam dabit; literarum certe ac historiarum præ-
cipue studium, quo cupide flagras, non in eo solum declaras, quod
re-

A I L O D E D I C A T O R I A.

reconditum quoddam elegantissimarum eruditionum scrinium habearis, sed præsertim quod aliorum utilitati & ipse erudite memoranda scribas. Ut æmulus fieres magnorum, ut ambidexter evaderes, & in hoc magnis successisti; par enim decus ad utrumque inflammari arbitraris; neque tantum nocumenti afferre inermem sapientiam, quantum insipientem armaturam putas, denique omnem quidem ætatem strenuos habere milites, nisi otio plane marcescant homines, at non omnem, imo nec sæpe multas sapientiam proferre intelligis. Paucos antiquitas Cæfari similes numerabat, qui utra laude præstaret magis, & an laureatæ Minervæ, an armatæ Palladi, an Marti, an Apollini plus gloriæ contulerit, dubium posteris reliquit. Sane qui bellicæ gloriæ, præstantiam & amorem literarum conjunxissent, eorum pene omnium Græca vetustas numerum concludit in Alcibiade, Themistocle, Demosthene, Hierone, Agesilao, Conone, Niocle: Latina vero in Cicerone, M. Catone, Cn. Pompejo, M. Antonio, Julio Cæfare, Augusto, & paucis admodum aliis. Paucos omnino & tempora nostra norunt; at quemadmodum nobis habere paucos dedecori est, ita tibi intra paucos numerari gloriæ cedit. Quare cum liber iste meus & eruditionis quidpiam redolere videatur, & bellicas Heroum virtutes exprimat; tibi Martialis ingenii Principi, tibi Heroi sapienter armato debebatur; & illum patrocinium quærere consenteum argumento decuit.

Nec dispari multum Tibi, Illustrissime PETRE, debetur ratione, qui Illustrissimum tuum fratrem ut ætate sequeris, ita virtutum actionibus comitaris; par enim pene tibi in armis alacritas, in literarum studio diligentia, in amicos amor, in hostes benignitas, in cunctos comis urbanitas: vicina quoque ingenii vivacitas, memoriæ tenacitas, judicii firmitas: cunctas demum corporis animique vestrum utriusque dotes, quorumlibet etiam generosorum dixerim cotes. Vere Gemini estis, nec prope parem habetis; quare vestra hæc in tuto laus manet:

Par nobile Fratrum.

Sed nec literis minus opis tulisse censeris aliorum labores liberali munificentia promoverendo, quantum ille scribendo propria. Eam inter linguam ac manum naturæ cognationem a majoribus accepimus, ita utriusque munera mutua quasi conspiratione consentire, ut quemadmodum lingua a nonnullis appellatur ingenii manus, ita manus totius corporis lingua censeatur: ex quo factum existimem, ut non in-

EPISTOLA DEDICATORIA.

In Hexam.
lib. 6. cap. 9. ingeniose minus Ambrosius linguam dixerit edentis manum, quam
Artemidorus manum nuncupaverit sermonem quendam mentis ac
tacitæ voluntatis interpretem. Quod manus linguae, hoc Tu mihi
es Comes Illustrissime! nam præter mutuam nostri sanguinis, quam
Lib. 1. cap. 44. natura dedit, cognitionem, adeo mihi in hoc literali exercitio cog-
natus esse voluisti, ut fere lingua mutus haecsem, nisi manus tua di-
fertum fecisset, majorque jam liberalis tuæ dexteræ eloquentia, quam
oris mei facundia habeatur; ut merito proinde cum Artemidoro ma-
num tuam sermonem mentis meæ, & tacitæ scriptionis interpretem
nuncupayerim.

Prodeat igitur monumentum observantiæ meæ Illustrissimo no-
mini vestro consecratum, tametsi nec vestris respondens meritis, nec
animo meo; quibus ego, quidquid fecero, satisfaciā nunquam.
Quia tamen amor otiosus esse nequit, accipite a me honoris vestri
debitum, amoris mei pignus. Quod si non surda, ut soletis, aure
intimas quoque voces exceperitis observantiæ in vos meæ, intellige-
tis profecto, quanta sit non jam Libri hujus, sed pectoris eloquentia,
cuius lingua Cor est.



PROOEMIUM

AD INCLYTOS REGNORUM SCLAVONIAE ET CROATIAE
STATUS ET ORDINES.

Memoriam nostræ gentis scripturus, & calamo tametsi non adeo gra-
vi & eruditio primordia Imperii illius, Regnum amplitudinem,
Regum ac Pro-Regum seriem, populorum mores, militum heroica
facta posteritati commendaturus; invidiae in me atque odii flamas,
in plerorumque suscitatas pectoribus, in incendium evoco. Eam enim
hoc nostro infelici saeculo videre est vitae corruptionem, morum dis-
solutionem, ingeniorum petulantiam, ut nemo fere, quod pro poste-
rorum bono laude dignum sit, agat; aut si reperias aliquem, is e ve-
stigio acerbissimis Criticorum censuris altisque superciliis injuriosissime
perstringatur: ut non tam calcaria tibi ad praeclari quidpiam agen-
dum, quam fræna ad cursum jam inchoatum cohibendum adhiberi
sentias; unde nec immerito cum Ethnico dixeris: |

*Aetas parentum pejor avis, tulit nos nequiores,
Mox datus progeniem vitiosiorem.*

Horatius.

Etenim quemadmodum tota rerum natura jam senescit & ve-
tustate redditur debilior, ita animi mortalium, quanto proprius ad
finem mundi acceditur, tanto efficiuntur debiliores, & veluti sensim
degenerare a prima firmitudine & integritate cernuntur. Quid aliud
hoc nostro saeculo fieri videas, quam quia hos veterus tenet; il-
los inquieta turbat inertia inanibus occupatos; libido alios visco
tenaci implicat; alios invidiae & emulationis stimulis ambitio ex-
agitat; alios habendi, dominandique cupido insatiabilis in perni-
ciem innocentum furentes agit. Quot numerabis, quos nulla un-
quam hamarunt munera, nec ulla viscavit gratia, ut affectibus fini-
stris, & pravis inclinationibus sopitis ac demortuis, æquitatis recti-
tudinem, ad quam conditi sunt, cuique jurejurando se famulaturos
postea obstrinxerunt, sequerentur: Quot sunt, proh Deum immor-
talem! qui in aliena longe lateque rapaces manus inferunt, altera ma-
nu orientem, si fas tantum foret, occidentem attentarent altera, &
cum Alexandro Macedone, quæ non capiunt, cupiunt tamen, nec
meminerunt hi, qui in immensum spes improbas cupiditatesque ex-
tendunt, quod ea ipsa, quæ nullo suo bono, multorum malo quæ-

PROOEMIUM.

fiverunt, miserabilem fortientur exitum, & quidquid longo tempore multa Dei indulgentia struxerunt, id una sparget dies!

Lucretius

Multosque per annos
Sustentata ruet moles.

Hanc ipsam quæso Illyriæ gentem in experimentum accipiamus, an non cernimus eam tot olim plerorumque orbis partium spoliis opulentam, tot victoriis claram, tot regna complexam. Heu quo non recedit! periit alta, & fere totius Europæ sedes primaria, ac de tanto imperio vix tot reliqua sunt oppidula, quot olim regna referbat. Quid Illyrico acciderit, quondam Illyrii indigenam audite Hieronymum:

„ Horret, inquit, animus temporum nostrorum ruinas prosequi.
„ Viginti & eo amplius anni sunt, quod inter Constantinopolim &
„ Alpes Julias quotidie Romanus sanguis effunditur. Scythiam,
„ Thraciam, Macedoniam, Dardaniam, Daciam, Thessalonicam,
„ Epiros, Dalmatiam, cunctasque Pannonias; Gottus, Sarmata,
„ Quadus, Alanus, Hunni, Vandali, Marcomanni vastant, trahunt,
„ rapiunt, ubique luctus, ubique gemitus, & plurima mortis imago.

Epist. 3. An ab iis vero temporibus, felicia nostra putamus sæcula?
ad Heliod. Utinam & nos & ventura posteritas, Mahometanam barbariem ex tot illatis bellis, bellorumque miserrimis appendicibus, ex tot Arcium, Oppidorum, Urbium exuptionibus, ex quibus nihil nisi fumantia superlunt rudera, ex tot vastationibus Provinciarum, expoliationibus divitum, deprædationibus mediocrium, exiliis pauperum, irritis lacrymis non deploremus, & vel ipso Illyrico sanguine rubescentes patriæ campos, signa numinis in vindictam lacestisti, & ad meliorem vitæ morumque frugem nos revocantis, vel sero agnosceremus. Ut quid nos perditum amplius imus? ponamus odia, ambitionem malorum omnium officinam, aut si mavis nutrices cineres dicere, restinguamus, & quicquid demum malæ fementis est, ex patria eradicantes gleba, in alieno finamus crescere solo: atque ita in duas nos omnes distinguamus classes, & pars una pulcherrimarum virtutum ornamentis patriam exornet, pars vero altera in patentem laudabilis æmulationis campum, id est, ad Illyrici imperii res præclare gestas, alia que calamo digna posteritati tradenda, invicem provocata excurrat; ne, cum tot sint omnium aliarum nationum præclarissimi Heroes, & Heroum scriptores, hæc una tam ampla natio sua privetur laude,

&

P R O O E M I U M.

& velut infæcunda tellus nullum germen rerum bene gestarum, aut fructum eruditorum virorum produxisse existimetur. Moveat nos, obsecro, ad præclara quælibet atque laude digna aggredienda, immanissimi Christiani nominis hostis barbara crudelitas, qua adeo ob detestabilem plerorumque negligentiam, ob execrandas animorum similitates, atque privata studia, in exiguum redacti sumus pugillum, ut merito cum Propheta immortales Deo gratias, pro misericordiis Domini quia non sumus consumpti, reddere debeamus; moveat innata Illyricæ nationi generositas, avorum, atavorumque virtus; moveat divini honoris incrementum, propriaque salus, ne vel jam propriis sepulti obruamur cineribus; neque sit nobis tantum gaudii atque tripudii perire, aut forte penitus periisse. Vos vero, Proceres Illustrissimi, cæterique Optimates inclyti, hunc meum laborem serena legite fronte, ac vobis persuasum habete, non paucos habere viros, eruditione & tempore præclaros; jugi tamen torpere otio: quo vero majori criminis, majorum nostrorum vetustas arguenda est, quod suarum memoriam rerum alta oblivious sepe liverit, eo gravioris ac molestioris mihi erat laboris, tam vetusta, tam multa, paucis admodum auctoribus subsidium ferentibus, in lucem dare. Nam ut recte Bonfinius: quid Sauromatae tot gentium auctores, quid Longobardi, quid denique Sclavones per tot nationes, & linguas ample diffusi gesserint, a senioribus potius quam scriptoribus accepimus. Itaque laborem magnum, ac diuturnum, veritate summa, qua fieri potuit, quæ princeps est historiæ virtus, collectum ac confectum prono æstimare debetis judicio & benevolo suscipere animo; ut cum ita vitiatos hominum mores esse sciatis, ut ipsos etiam laudabiles conatus carpere non cessent, benevolentia saltem mihi compensetis: minime siquidem id ego mihi polliceri ausim, ut omnes laudatores audiam, cum nullus unquam vel probatissimorum Historicorum fuerit, qui alicujus non subierit censuram. Atque ideo non doceo hic, ne audiam Græculus apud Hannibalem, narro tantum, & ut imperitus Comœdus, ignorantiam meam in hac scena proludo. Reducetis vos benigna manu vestra cortinam, si peccasse videar, fin placitura dixi, tuebimini dextera vestra, & conatum laudabitis, cum rem non possitis. Utrumque si feceritis, humanitatis erit vestræ, non eruditionis meæ, quam nunquam agnovi, illam semper confitebor.

In Præfat.
ad Wla-
dislaum
Regem.

MAGNIFICO ET ADMODUM REVERENDO DOMINO
G E O R G I O R A T T K A I
LIBERO BARONI
D E N A G Y T H A B O R,
Lectori & Canonico Cathedralis Ecclesiæ Zagrabiensis, in Sclavonicam suam Historiam accinebat.

Quæ virtus aliis divisa, GEORGIUS illam
Unitam Rattkai noster hic unus habet.
Illi si populus sacro in sermone docendus,
In Cathedra, in Templo, primus & alter adest.
Si castra, in castris si Cæsaris arma sequenda;
Militis & Mystæ pertulit Officium.
Sclavorum si gesta petas, si gesta Banorum,
Historiæ Primas Illyris Auctor adest.
Dum Slavi, & Bani, dumque Illyris ora manebit,
Illyrica Rattkai vivet in Historia.

Joannes Szakmardi de Diancoucz,
Protonotarius Regnorum Croatiae &
Sclavoniae. AA. LL. Philos. Magister.

IN LIBRUM ET PRO LIBRO.
[MAGNIFICI ET ADMODUM REVERENDI DOMINI
GEORGII RATTKAI DE NAGY THABOR,
LIBERI BARONIS
Lectoris & Canonici Cathedralis Ecclesiæ Zagrabiensis.

Exigu liber est fructus, nec dignus honore
Inter Scriptores hic novus Historicos.
Ambitio & fastus mentis, non publica Regni
Commoda, fuderunt hanc Methodum historicam.

AD AUCTOREM LIBRI.

Magne Vir ingenio, titulis & stemmate clare,
Qui cultum docto pectora promis opus.
Quod tuus iste liber non est a scommate liber,
Parce; verecundo cultius ore loquar.
Ex falso verum Dialeticus elicit arte,
Ex In, Pro, versus arte Poeta facit.
Sim licet Aonia modicus versatus in arte,
Arte exclamabo, Pro, mea vota dabo.
Historicos novus hic scriptores inter honore
Dignus, nec fructus est liber exigui.
Historicam Methodum hanc fuderunt commoda Regni
Publica, non mentis fastus & ambitio.

I M O.

Ingenium, virtus, stat Nobilitatis in illo.
Pulcher bonus, nec non cultæ facundia linguae.

E P I G R A M M A

De Auctoris insignibus.

Magna per abruptos qui ducitis agmina montes
Bellorum Proceres, Martia corda, Duces.
Si posset gelidos sitiens exercitus amnes,
Fons hic abundantes suppeditabit aquas.
Magnus Alexander si duceret amplius agmen,
Non alio cuperet Fonte levare sitim.

A L I U D.

Imbibit ut tellus pluviales arida guttas,
Undique flumineas ut bibit æquor aquas.
Sol ut arenosi salsa bibit æquoris undas,
Ut Solis radios æmula Luna bibt.
Nectarum quod Fonte fluit, manatque GEORGI
Flumen, posteritas sic bene grata bibt.

CHRONOSTICON,

Annum complectens, quo verum erat dicere:

Nobile prodit opus, culte quod Nobilis Author — Edidit.

Alphabeto jam olim sic æstimate.

1	2	3	4	5	6	7	8	9	10	20	30	40	50	60	70	80	90	100	110	120	130	140
---	---	---	---	---	---	---	---	---	----	----	----	----	----	----	----	----	----	-----	-----	-----	-----	-----

R e s o l u t a.

N	30	t	90	u	100	u	100
o	40	o	40	o	40	t	90
b	2	p	50	d	4	h	8
i	9	u	100	N	30	o	40
l	10	s	80	o	40	r	70
e	5	c	3	b	2	E	5
p	50	u	100	i	9	d	4
r	70	l	10	l	10	i	9
o	40	t	90	i	9	d	4
d	4	e	50	s	80	i	9
i	9	q	60	A	1	t	90

269 | 628 | 325 | 429

Collectio quatuor columnarum per additionem Arithmeticam.

2 6 9
6 2 8
3 2 5
4 2 9

Facit 1651 Annum.

Pofuit

Petrus Baxai,
Vice-Comes Comitatus Varasdensis.

E P I G R A M M A.

In Auctore.

Mars, pietas, Pallas, pariter de fronte duellant,
Quidquid inest A'avis, exprimit illa, tuis.

Clarus avis scribens memori ratione Parentes,
In cineres cupiens, gratus opire pios.

Ludovicus Bedekovich,
Archid. Goricens. & Canon. Cathed. Zagrab.

AN-

PROLOGUS
ANTELOGIUM VEL ELOGIUM.
ADMODUM REVERENDI AC MAGNIFICI DOMINI
G E O R G I I R A T T K A Y,
Lectoris & Canonici Ecclesiæ Cathedralis Zagrabiensis,
Heroica Inlyti Regni Illyrici gesta scribentis.

Illyrici florent illustria lilia Regni,
Illyrico binum fidus in orbe micat.
Sanctorum vitas redimitus fronte Thibara
Lector & Antistes Tomcus in orbe dedit.
Stirpe Baro, virtute Maro, Spectabilis arte,
Lector Rattcarius Martia facta dedit.
Heroum referens insignia gesta virorum,
Quorum sunt Manes, & celebranda manus.
Vivite Lectores meritis post fata manentes,
Illyrici Doctor Lector uterque sui.

A L I U D E J U S D E M.

Zrinus Illyrici splendescit gemma decoris
Quæ primi, superans, arma tulere viri.
Illyrici Rattkay splendescit lumen honoris,
Quæ primi superans, scripta dedere viri.

Cecinim

Christophorus Kalmandi,
Cathed. Eccl. Zagrabiensis Canonicus.

PRO.

PROLOGUS AD LECTOREM.

Petiverat a me Joannes Drascovicius Prorex Illustrissimus, imo jure suo, quod in me Banus habuerat, exigebat; ut quod privata de rebus nostris historiarum lectione pro me collegoram, brevi pagella, Regum, ac Banorum præsertim originem, seriem atque gesta in historiolæ formam redacta, e tenebris excitarem & saltem utilitati posterorum nostræ gentis aperirem. Morem gessi utpote Bano & Patrone: & Patrono quidem, cuius in me præ cæteris merita compendiosa narratione explicari nequeunt, Bano vero æmulatione Atavorum innata virtute per immortalitatis iter incedenti. Neque enim persuaderi potui, alio ipsum id a me fine postulasse, quam ut omnium virtutes atque præclare gesta hic expressa intuens, atque aviditate quadam boni inardescens, in se uno exprimeret, & quod eorum singuli longissime inter se distantibus geslere temporibus, ut ipse solus vita superstite præstare niteretur. Verum dum miseranda naufragia trium ferme sæculorum, quibus gens nostra jactatur astidue, ac extremam Majorum nostrorum in scribendo negligentiam considerassem: bona venia illius, quam in me habebat, autoritatis, flagitato me subtraxisse officio, nisi & ipsius mihi transgredi voluntatem, & priorum imitari socordiam sceleri duxisse; maxime cum necdum quidam inordinato tumentes fastu effutire cessent, nos vix e nostris aliquem habuisse Regem. Et vero cum similia audire cogimur, nostræ indignemur inertiae, cum non pauci Majorum nostrorum, ingenio ac eruditione eximii, omni sæculo visi sint, nullus tamen repertus, qui res patrias literis mandasset, contenti forsitan virtute, quæ laudata patrare novit, laudari negligit, nec prosperam gestorum suorum memoriam relinquunt posteris; ignari prorsus, contemptu famæ contemni virtutes, & quod suum cuique decus posteritas rependere soleat, heroesque honor Annalium æternus, non brevis & plebeia prædicatio, colit & consecrat. Itaque cum rari apparuerint nantes in gurgite vasto, ex omnibus horum contraxi seriem atque vitam Regum ac Banorum, quorum & ex historiis & scripturarum familiarium reliquiis notitiam assequi potui. Fruere proinde opere industriae Drascovicianæ, benevolè Lector, & si quid tibi profuile cognoveris, ipsi acceptum referas: nam & nos, si quem animum in superstitem indueramus, minime in defunctum exuimus. Mors dolorem addidit, non minuit amorem, & feralem de sublato ex vivis memoriam soporare, non extinguere potest. Porro quantumvis caute & omni sinceritate studeamus veritatis iter usquequaque tenere, vix ii tamen, qui conamur esse, possumus apud omnes haberi; nihilominus ut & historici partes execuar, & severiorum Criticorum censuram minus timeam, rem ita mihi agendam proposui, ut nec ob metum a veritatis tramite declinem, nec adulacione cuiquam blandiri videar.

ME.



M E M O R I A E
R E G U M , E T B A N O R U M
D A L M A T I A E , C R O A T I A E , E T S C L A V O N I A E .
G E O R G I I R A T T K A Y ,
L I B E R P R I M U S .



Cum Deus Opt. Max. restituta pace cataclysmum illum genera-
lem super faciem terræ diminuisset, & icto cum humano gene-
re pacis foedere, Noë, cum tribus filiis suis, Sem, Cham, & Japhet, illæ-
sos ex Arca abire fecisset: ab his, testantibus divinis literis, disseminatum
est omne genus hominum super universam terram; scriptores deinde Genes. 9.
tam sacri quam prophani, Japhet, in divisione hæreditatis paternæ,
Europam fortitum fuisse tradunt, ejus vero filios, qui Sclavicæ linguæ
principium fecere, septentrionalem plagam versus, eam terræ partem,
quam magnam Scandinaviam in longitudinem protensam 800., in la-
titudinem autem 600. milliaribus extensam, appellarunt; incoluisse,
primamque ibi fixisse sedem perhibent. Scandinavia mari Baltico
undique alluitur, ac cingitur, excepta sola Orientis parte, ex qua duo-
bus ingentibus clauditur montibus. Longo deinde temporis decursu
ob innumerabilem hominum propagationem dilatavere sese in Sar-
matiam sub Duce Gomer, cuius & scripture meminit; quæ in se Po- Genes. 10.
loniam, Russiam, Lithuania, Moscoviam, Prussiam, Pomeraniam,
Valachiam, Tartariam occidentalem & partem Tanais, qua Asia ab
Europa disjungitur, continet. Rursum deinde facta copiosiori multi-
tudine ad Taurunos montes, & ab his in Siciliam usque; & ab Aqui-
lonari Ponto usque ad Adriaticum, meridiem versus, sese protende-
runt; unde nec mirum, quod nostratum lingua tam late per Orbem
universum pateat, ut suo loco dicemus.

Initio
Chron.c. i

Quia vero, ut Thurocius in Hungarorum Chronica scribit, ex his postea propter longi ævi irreminiscibilem vetustatem mutata sunt plurima, paucaque in se, vel sibi simili aut propinquo permanerunt;

Appian. hinc quod antea telluri huic nomen, quive incolæ fuerint, cognosce-
de bellis Illyricis. re non potui: Appiano tamen facem præferente, licet magnam tem-
porum revolutionem omittere debeamus, ejus Provinciæ nomen ab

Illyrio- Illyrio Polyphemo ortum habuisse reperio. Polyphemo quippe Cy-
rum origo clopi ac Galateæ, Celtum & Illyrium filios extitisse, eosque ex Sicilia
& Regio- progressos, Celtis & Illyriis ab ipsis nomen assumentibus imperitaſſe:
nis ampli- tudo.

Et hæc mihi, inquit Appianus, inter pleraque a multis commemorata placuere. Illyrio demum filium inter cæteros Dardanum & Auta-
rium, huic vero Pannonium latina voce, Græca vero Pæonum &
Scordiscum filios fuisse; Pæono Tribalum, & sic de cæteris, a quibus pariter Nationum cognomina traducta sunt. Porro omnis ea Regio,
quæ Illyrii nomine latissime sumpto intelligi deberet, ab aliquibus an-
gustioribus constricta, ab aliis autem amplioribus dilatata est limitibus,

In Praefatiōne ad Lectorem quæ omnia ex Illyricanæ Regiæ Sanctitatis fœcunditate Joannis Tom-
co Episcopi Bosnensis, Viri nostro sæculo de rebus Historicis bene

meriti, transsumenda brevitatis ac eruditionis gratia judicavi. Nam sicut, inquit, videre est apud Livium & Florum, quo primum tempore Romani ultra superum mare arma protulerunt, eam terræ portionem, quæ Plinio & Pomponio teste circa Labeatē paludem jacet, quam Illyricus fluvius inibi, Antonino in suo Itinerario notus, interfluit Scodra Urbe nobilem, tanquam a Dalmatia & reliquis Regionibus ejusdem linguae diversam, hoc nomine appellarunt. Adulta vero Ro-
mana potentia, Suetonius, dum maximam partem Illyrici per Tibe-
rium sub Augusto debellatam scribit; totum, inquit, Illyricum, quod intra Italiam, regnumque Noricum & Thraciam, & Macedoniam, in-
terque Danubium flumen & Sinum maris Adriatici patet, perdomuit.
Plinius, Pomponius item, & Appianus, amplioribus terminis dilatant.
Illud itaque Illyricum hic intelligimus, quod vergente ad senectutem Romano Imperio, Valerianus Imperator apud Trebellium Pollionem ad Zozimionem epistola, dum Claudium Illyricanæ gentis, Duxem Illyrici factum scribit, amplioribus describit limitibus, cum ait: Dux factus est, & Dux totius Illyrici; habet in potestatem Thracios, Moë-
fos, Dalmatas, Pannones, Dacos exercitus; illam denique Europæ portionem, quam Sextus Rufus vir Consularis sub Valentiniano ad-
huc ampliori sepsit ambitu, cum decem & septem Illyrici recensuit Provincias, sex postremas jurisdictione tantum Illyrico adscribendo, utpote majori ex parte Græcanicas. Maximo vero finium termino Illyrici indigena, & proinde optime omnibus aliis, paucis licet ob

ocu-

oculos posuit Divus Hieronymus, dum Illyricum a Constantinopoli ad Alpes Julias producit: qua ratione Illyricum totam eam terræ plagam accipimus, quæ inter Ponticum, Ægeum & Adriaticum maria, Danubium fluvium, seu Istrum & Græciam, atque Italiam regiones clauditur. Hactenus Tomco.

Hæc igitur omnis Regio, tam amplis inclusa finibus, omni tempore viros literis, rerum gerendarum peritia, bellica virtute præstantes, atque etiam vitæ integritate conspicuos, ubi veræ fidei lumen afferuit, tulit, aluitque; nullis orbis Provinciis inferior. Verum, cum jam supra ex Bonfinio dixerimus, plura nos a Majoribus, quam Scriptoribus accepisse; ideo quibuscum qualiave ab origine sua bella geferint, reperire non licuit; ab Amynta solum magni Alexandri avo initium sumere placuit. Anno itaque ante Christum natum 359. Amyntas ipse Philippi Pater, Illyriis Macedoniam incursantibus, Vrbe sua Pella, quæ Philippi & Alexandri natalibus illustrior postea redita est, excidit, & Imperii servandi spe dejectus, Olinthiis propinquum ipsis agrum dono dedit; quem post biennium Thessalanorum ope restitutus, repetiit, & Spartanorum opera recuperaverit: Illyriis nihilominus vestigialis fuit, & fidei causa Philippum natu minimum illis obsidem dedit, quem illi Thebanis conservandum tradidere. Thebis triennio obses habitus, prima pueritiæ rudimenta undecimum agens annum in urbe severitatis antiquæ & in domo Epaminondæ Summi & Philosophi & Imperatoris depositus. Amyntas fatis concedens, Alexandrum primogenitum, Philippi fratrem, regni reliquit Hæredem, qui inter Imperii primordia bellum ab Illyriis pacta mercede, & Philippo fratre obside relicto, redemit. Hic regnum unum duntaxat tenuit annum, cui postea Perdiccas frater ejus in regno successit; cumque hic sexto Imperii sui anno Illyricum jugum excutere conaretur, ingenti prælio ab iis victus in pugna cecidit, tametsi Q. Curtius veneni tabe sublatum scribat. Orbato regno, Philippus e Thebana custodia interim elapsus, percommode opem tulit, illudque admodum male affectum suscepit: nam in acie contra Illyrios supra quatuor Macedonum millia, cum Perdicca Rege occubuerant, & qui superfuerant, Illyriorum vires tantopere expavescabant, ut nihil eis ad instaurandum bellum animi superesset, præcipue quod Illyrii novam in Macedonas molirentur expeditionem. Suscepto itaque regno Philippus, anno ætatis suæ quarto supra vigesimum, nihil habuit antiquus, quam ut populum suum crebris concionibus ad bene sperandum animaret, & militari exercitatione armorum bene peritum redderet: deinde ut placaret Athenienses, hostem eo tempore gravissimum Amphipoli decedens suis eam legibus vivere permisit. Inde missa le-

Gesta Illyriorum cum Macedonibus

gatione, Pannorum, qui eo temporis Macedonas infestis armis vexabant, alios muneribus corrupti, alios pollicitationibus retinuit, & ad pacem in præsens tempus ineundam adduxit. His Philippus usus initii, regnum suum brevi omnium in Europa maximum reddidit, & Macedoniam, quam Illyricorum jugo pressam acceperat, potentissimum gentium dominam effecit: etenim non ita multo post rebus suis, obtenta ab aliis pace, melius constitutis; Amphipolim crebris pulsata machinis expugnavit. Atheniensium vero bello liberatus, cum Agim Pæonum regem mortuum audisset, commodam sibi occasionem datam existimavit, Pannones, a quibus per contemptum agrorum suorum populatione fuerat laceratus, invadendi, sibique subjiciendi: armata igitur manu terram illorum ingressus, eosdem acie vicit, gentemque deinceps Macedonibus parere coegerit.

Restabant Hostes Illyrii, qui superioribus annis Macedones clibanis multis affecerant, tributa ab eis exegerant, ipsum etiam Philipum in Custodia Thebis asservatum habuerant: hos ergo, cum magno debellandi studio teneretur, suosque ad id bellum, opposita oratione animasset, ad Bardylem Illyriorum Regem feiales ex more gentium, qui omnium Macedoniæ urbium, quas illi dudum occupatas tenebant, repetundarum gratia proficiscerentur, expedit: Bardyles vero Legatos pacis redintegranda causa mittit ad Philippum ea conditione; ut quas quisque tunc urbes in sua haberet potestate, eas deinceps retineret; at Philippus cum eam legam non admitteret, sed omnino vellet, ut urbes Macedonicæ sibi restituerentur, ad manus ventum est. Macedonum igitur & Illyriorum Legatis infecto negotio ultro citroque reversis, Philippus in Illyriorum fines copias ducit millia peditum decem, equites vero ad 600. sub vexillis habens; quibus suppares opposuit copias Bardylis, quem partæ jam dudum victoriæ ad retinendam gloriam, sicut Philippum acceptæ clades ad injuriarum ultionem accendebat. Diu anceps fuisse prælium Diodorus refert, propter eximiam utriusque exercitus fortitudinem, tandem Illyricus se in fugam dedit, cui Makedo a tergo servidus institit, quibus haec tenus dare terga solitus fuerat; & juvabat alacritatem conversa belli fortuna, tantaque Illyrii affecti sunt clade, ut plus septem millibus in eo confituti occubuerint. Philippus Illyriis magno prælio devictis, omnes Lychnitidem usque paludem habitantes, ejusdem nominis urbi Macedoniæ, Dalmatiæque finibus conterminam, Imperio suo subjecit & cum Illyriis pace facta, quam annis multis desiderio summo fuerat præstolatus, in Macedoniam regreditur. Anno insequenti Pannones & Illyrii, cum nuper a Philippo victi essent, & proprio malo & incrementis inimici affligebantur, ita quod singuli facere posse desperabant,

ut Philippum Regno ac fortunis omnibus everterent, universi aggrediuntur. Verum eos, dum copias adhuc in ipsum cogunt, Parmenio Dux subito adventu oppresos in Jura Macedonici Regni concedere coegerit. Philippus interea diversis bellorum tumultibus in Graecia distractus, ab Illyriorum infestatione quievit usque ad annum 343. atque ita Illyrii quatuor annorum revolutionibus alienum inassueti tolerare jugum, feliciorem fortunae successum gratis praestolari cogebantur.

Philipus siquidem anno supra memorato 343. regno suo probe undique stabilito, magnisque incrementis aliorum ruina amplificato, ex veteri in Illyrios odio, quod quasi hereditarium a patre acceperat, iterum eorum terras ac urbes valido cum exercitu invadit, & agros populatus, multisque Dardanorum praesertim urbibus expugnatis, cum maxima preda Macedoniam repetit. At vero Bulgari damna Dardanorum sociorum ægre ferentes, & de Philippo ulcisci machinantes, anno ante Christum natum 338 eidem ex Scythia ingenti onusto preda in Macedoniam revertenti occurunt: negant se transitum daturos, nisi praedæ portionem accipient; hinc jurgium, & mox prælium exoritur, in quo ita in femore vulneratus est Philippus, ut per corpus equus ejus interficeretur ducibus ac militibus occisum putantibus universam amittentibus prædam. Ita qui praedæ causa bellum suscepérat, & prædam amisit, & pene mortis aut hostium preda factus est. Et certe tametsi Bulgarorum manus vivus evaserit, attamen triennio post arrogantissimi hominis superbiam, qua inflatus, duodecim Deorum populo signa in theatro spectante cultu mirifico & artificio singulari, tum tertium decimum ipsius Philippi simulacrum divino per omnia simile, quasi rege supra humanam fortem in Deorum confessum admisso, ostentare curabat. Summus Deus, qui glo-
riam suam alteri dare non vult, Pausaniæ familiaris suæ gladio, & morte turpissima vindicavit; quo modo postea Herodem similia au-
dientem Angelica manu percussit, & vermibus vivum consumendum dedit. Contigit ea Philippi cædes anno ætatis ejus 47. Regni vero,
ut Salianus scribit, vigesimo quinto.

Philipus turpiter ac ignominiose vitæ suæ periodo conclusa, quam alioquin in summa bene rerum gestarum felicitate & nominis sui in universa Graecia, atque Persarum regno celebritate relicta, Imperii denique Macedonici maximis factis incrementis traduxerat: Alexandrum filium Magnum postea cognomento dictum, sub finem anni ante ortum Christi 335. ætatis annos natum vigenti, aliquot jam antea præliis exercitum, heredem & regni successorem reliquit. Is cum varios animorum motus in suis inter spem metumque fluctuan-

tibus animadverteret, quod pro callido ac veterano Rege regnantem viderent servidum adolescentem, Imperium Persarum, totamque Asiam lacefittam scirent, Græciam nondum perdomitam, Illyrios, inter quos præcipue Dardanos ad libertatem pristinam, tum sponte sua, tum occasione mutati Regis aspirantes cognoscerent: his omnibus aliisque difficultatibus ut occurreret, primum advocata concione ita suos pro tempore consolatus hortatusque est, ut & metum timentibus demeret, & in spem sui omnes impelleret, tum deinde animum prorsus ac vires omnes ad Persicam expeditionem promovendam, a patre suo inchoatam adjecit. Verum eam sibi provinciam minime aggrediendam ratus, nisi prius Illyrici populos Macedoniae vicinos, sibique vehementer infensos, ac patris sui olim dominos, omnino domitos subjectosque sibi redderet; præsertim cum novis eos rebus studere accepisset.

Quare ineunte vere anni 334. per Thraciam in eos copias duxit, arreptoque ex Amphipoli itinere, Thrases, tum Triballos Bulgaros, Sclavos, inde Getas Istri accolas, summo sui suorumque periculo, infracto animo, Sclavis præsertim resistentibus, maxima tamen in rebus difficillimis invicti animi perseverantia vicit ac subegit; atque tantæ militaris gloriæ, quam omnibus deinde succendentibus temporibus consecutus fuerat, hic prima jecit fundamenta. Verum ut laboriosum ac periculi res plena simul est, Gentes in armis exercitatas potestati suæ subdere, ac nativa easdem libertate privare; ita Alexandro populos hos devincere magni fane constituit. Cum enim Sclavi, ut Orbinus vult, Scytharum nomine a Quinto Curtio vocati, Legatos ad eum expedivissent, & gravi oratione persuadere conati fuissent, quo felicitati suæ frænos imponeret, armorum etiam ac belli exitus dubios proinde fugiendos potius, quam persequendos esse; responsumque ab eo retulissent, se sua usurum fortuna; congressi cum eodem, minimo suorum damno, duo peditum millia & 300 Macedonum equites, inter quos Menedemum Alexandri Ducem in ipso fervore pugnæ delevere. Quia vero optimi quique authorum Sclavorum orationem, quos, ut dixi, Q. Curtius Scythes & Barbaros appellat, ob sententiarum gravitatem & ad fortitudinem eximiam, ac militaris animi invictum robur declarandum, laudatissimam censem, eam hic velut gentis nostræ propriam adscribere visum est; ut appareat jam tum Sclavos sapientiam egregie cum virtute militari conjunxit. Igitur unum ex his maximum natu, ita locutum accepimus.

„ Si Dii habitum corporis tui aviditati animi parem esse voluissent, Orbis te non caperet, altera manu orientem, altera occidentem contingeres; & hoc affecutus scire velles, ubi tanti Numinis fulgor conderetur; sic quoque concupiscis, quæ non capis. Ab „ Eu-

„ Europa petis Asiam, ex Asia transis Europam. Deinde si huma-
 „ num genus omne superaveris, cum sylvis & nivibus & fluminibus,
 „ ferisque bestiis gesturus es bellum. Quid tu? ignoras arbores ma-
 „ gnas, diu crescere, una hora extirpari? stultus est, qui earum fru-
 „ etus spectat, altitudinem non metitur. Vide, ne dum ad cacumen
 „ pervenire contendis, cum ipsis rauis, quos comprehendenteris deci-
 „ das. Leo quoque aliquando minimarum avium fit pabulum & fer-
 „ rum rubigo consumit: nihil tam firmum est, cui periculum non sit
 „ etiam ab invalido. Quid nobis tecum est? Nunquam terram tuam
 „ attigimus, quis sis, unde venias, licetne ignorare in vastis sylvis vi-
 „ ventibus? nec servire ulli possumus, nec imperare desideramus;
 „ dona nobis data sunt, ne gentem nostram ignores, jugum boum,
 „ aratrum, & sagitta & patera: his utimur & cum amicis & adver-
 „ sus inimicos; fruges amicis damus boum labore quaesitas, patera
 „ cum qua Diis vinum libamus; inimicos sagitta eminus, hasta co-
 „ minus petimus; sic Scythiae Regem, & postea Persarum, Medorum-
 „ que superavimus, patuitque nobis iter usque in Ægyptum. At tu,
 „ qui te gloriaris ad latrones persequendos venire, omnium gentium,
 „ quas adiisti, latro es. Lydiam cœpisti, Syriam occupasti, Persi-
 „ dem tenes, Bactrianos habes in potestate, Indos petisti, jam etiam
 „ ad pecora nostra avaras & instabiles manus porrigis. Quid tibi di-
 „ vitiis opus est, quæ te esurire cogunt: primus omnium satietae fa-
 „ mem parasti, ut quo plura haberet, acrius quæ non habes cuperes.
 „ Non succurrit tibi, quamdiu circa Bactra hæreas? dum illos subi-
 „ gis, Sogdiani bellare cæperunt, bellum tibi ex victoria nascitur;
 „ nam ut major fortiorque sis quam quisquam, tamen alienigenam
 „ Dominum nemo pati vult. Transi modo Tanaim, scies, quam la-
 „ te pateat, nunquam tamen conqueriris nostros, paupertas nostra
 „ velocior erit, quam exercitus tuus, qui prædam tot nationum ve-
 „ hit. Rursum cum procul nos abesse credes, videbis in tuis castris;
 „ eadem velocitate & sequimur & fugimus. Proinde fortunam tuam
 „ pressis manibus tene, lubrica est, nec invita teneri potest. Salubre
 „ consilium sequens, quod præsens tempus ostendit melius, impone
 „ felicitati tuæ frænos, facilius illam reges. Nostri sine pedibus esse
 „ dicunt fortunam, quæ manus & pinnae tantum habet; cum manus
 „ porrigit, pinnae quoque comprehendere non sinit. Denique si
 „ Deus es, tribuere mortalibus beneficia debes, non sua eripere; sin
 „ autem homo es, id quod es, semper esse te cogita: Stultum est
 „ eorum meminisse, propter quæ tui oblivisceris: quibus bellum non
 „ intuleris, bonis amicis uti poteris, nam & firmissima est inter pares
 „ amicitia, & videntur pares, qui non fecerunt inter se periculum vi-
 „ rium;

Nota Ora-
tores hos
non fuisse
Scythes.

„ rium; quos viceris, amicos tibi esse cave credas; inter servum &
 „ dominum nulla amicitia est, etiam in pace belli tamen jura servan-
 „ tur. Jurando gratiam nos sancire ne credideris, colendo fidem ju-
 „ ramus. Cæterum nos & Asiæ & Europæ custodes habes, Bactra,
 „ nisi dividat Tanais, contingimus. Ultra Tanaim, & usque ad Thra-
 „ ciam, collibus Thraciæ Macedoniam conjunctam esse fama est.
 „ Utrique imperio tuo finitimos hostes, an amicos esse velis, conside-
 „ ra. Hæc ille. „

Et quidem merito Alexander gravissimis oratoris hujus admonitionibus commoveri debuisset, nisi Illyriorum & Sclavorum præsertim pernicie & sanguine ubique invictum fæse arbitratus fuisset, neque dubitasset eorum occasu victori sibi Europam patere: Et quia terminos gloriæ suæ non locorum spatiis, quæ transiverat, sed nominis sui immortalitate, quam affectabat, metiebatur, avidissimi hominis animus fleti nequaquam potuit. Igitur & inexplicabilis orbis potiundi fames, & damni illati, mortisque Menedemi recens memoria ad ulciscendum stimulabat. Quare impositis in præparatas rates militibus, quorum pars major a puppe nantes equos loris trahebat, Tanaim transit, aciem pro temporis opportunitate instruit, acerrime dimicans hostium turbat alas, turbatisque acriter pedem inferre cœpit, & per octuaginta stadia fugientes insequi perseveravit; jamque linquente eum animo suis tamen præcepit, ut donec lucis aliquid superesset, fugientium tergis inhærerent. Sed Macedonas longius ira provexit, Marte eis arridente; quippe media fere nocte in castra redierunt multis interfectis, pluribus captis, eosque 1800 abegere. Ceciderunt autem Macedonum 600 equites, pedites mille, mille læthali accepto vulnere sauciati. Hac obtenta victoria Alexander, tametsi suis minime incruenta, animo lætus, cum invictos Sclavos esse inaudiverat, iis fractis, nullam gentem Macedonum armis parem fore confitebatur. Tum deinde Sclavos in fide permanentes summis prosecutus favoribus, adversus alias omnes gentes devincendas, belli socios strenuissimos adhibuit, quorum cum constantem semper fidem, ac in maxime arduis quibusvis præliis invictas vires expertus fuisset, in grati animi significationem ac dignam meritorum compensationem, hoc eos sub vitæ finem subiecto privilegii Diplomate remuneratus est, ut apud Franciscum Glavinich in vitis Sanctorum videre licet.

„ Nos Alexander Philippi Regis Macedonum filius, Archos Mo-
 „ narchiæ figuratus, Græcorum Imperii Inchoator, magni Jovis fi-
 „ lius nunciatus, Dominus Bragianorum & Arborum, ab ortu solis
 „ usque ad occasum, & a meridie usque ad Septentrionem, Persarum
 „ & Medorum, Mundique Dominus, Solis & Lunæ conculcator,
 „ No-

, Nobili Genti Sclavorum, & eorum linguæ gratiam, pacem & salu-
 , tem a nobis & a nostris posteris, qui in mundi succendent Imper-
 , rum. Quoniam semper nobis constantes in fide, animosi in armis
 , & strenui adjutores nostri fuistis; ideo vobis damus & donamus
 , plena libertate in perpetuum omnem Terræ plagam ab Aquilone,
 , usque ad ultimos fines meridiem versus, ea conditione, ut nulla
 , alia gens & natio ibidem residere, inhabitare, aut possidere quid-
 , quam audeat, nisi vestra: Et si qui ibi habitantes reperientur, sint
 , subditi ac captivi vestri & filii eorum captivi filiorum vestrorum.
 , Datum Alexandriæ, a nobis fundatæ, in magna Nili ripa, anno
 , duodecimo Regnorum nostrorum arridentibus magnis Diis Jove,
 , Marte, Plutone, & Minerva. Testes donationis hujus sunt Nobi-
 , lis Athleta Thesaurarius noster, & undecim Principes, quos, de-
 , cedentibus nobis absque liberis, Successores nostros constituimus. ,
 Hæc ille pro virtute præmia, quem utinam & moderni Reges imita-
 rentur, hujus inclytæ gentis Viros ac Heroas debitiss eorum virtuti
 ac fidei honoribus prosequentes.

Alexandro Magno in ipso ætatis flore, anno secundo scilicet su-
 pra trigesimum expleto, ex hac vita decerente, &, ut res humanæ vi-
 ciſſitudinibus variantur, cum bellica virtute orbis parte majori suba-
 ēta, imperio divinos & quare vellet honores, præter spem e vivis sub-
 lato: Regnum Macedonicum celeberrimis amplificatum urbibus,
 Regnis, ac Provinciis, intra annos aliquot, tot ac tantis bellorum tu-
 multibus labefactatum est, ut per diversa Procerum studia, & intesti-
 nas factiones, dum quisque sibi Imperii dignitatem vendicare ambit,
 pene interierit: ut luculenter appareat, quantum intersit prudentis
 atque magnanimi principis Imperium sustinere. Liberati igitur Illy-
 ri Imperio Alexandri, belli atque amplificandi Regni cupidi, quam-
 vis cum aliis etiam nationibus signa sæpius contulerint, ea quippe
 tempestate, inquit Polybius, Illyrii non aliquorum, sed communes
 omnium hostes erant, cum Romanis tamen postea præcipua gessere
 prælia; adeo ut Appianus dicat: Quemadmodum autem sub Impe-
 riū illos adegerint Romani, cum de Celtis scriberemus, præfati fu-
 mus, minime nos abunde cognovisse, neque bellorum principia aut
 occasiones percepisse. Nos tamen, quantum apud alios Historicos de-
 prehendere licuit, eorum gesta, & variantem fortunæ successum nar-
 rare progredimur.

Illyrii & innata generositate & potentia, quam sub Alexandre
 consecuti fuerant, elati, incusso Romanis terrore ab eorum præliis per
 plures annos abstinuerunt. Nam, ut Orbinus ait, omnibus sibi ob-
 viantibus occisis, jam sparso Romanorum sanguine ebrii, prædis onu-

sti redierant, & quieverant, donec anno ante natum Christum 221. Agro Illyrici Rex contra Ætolos re bene gesta, gaudio & ebrietate intra paucos dies consumptus, Regnum Teutæ Reginæ uxori suæ reliquit administrandum. Hæc, sive ob præteritam victoriam fastu tumens, sive eorum voluntati acquiescens, quorum consiliis in Regni gubernatione utebatur, suos contra obvios quoque pyraticam exercere, non privatis modo navigiis, sed totis etiam classibus permittebat. Itaque contigit, ut plerosque, qui ex Italia navigabant, damnis atque injuriis afficerent: maxime autem cum Phœnicem præcipuam Epiri urbem occupatam tenerent, plures simul e classe discedentes mercatorum Italicorum alios deprædati sunt, alios trucidarunt, nec paucos cœpere vivos, & cum ingenti præda ex Phœnico collecta secum abduxerunt. Romani, qui hac tenus querelas suorum de Illyriorum injuriis siluerant, tunc cum plures simul injurias in Senatum detulissent, Legatos in Illyrium decernunt, Cajum & Lucium Coruncanos, ut vult Polybius, Appianus unum solum vult fuisse Cajum, ut de iis accurate cognoscerent. Teuta reversis ex Epiro lembis multitudinem prædæ demirata, ad lacefendos injuriis Græcos animosior est redditæ. Cum autem Issam, quæ urbs est in Insula maris Illyrici, obsideret, Romani advenerunt, qui ad colloquium admissi, de suis injuriis expoßtularunt. Teuta, dum illi verba faciunt, ingentem animi ferociam præseferre, cum autem finem dicissent, ait, curæ sibi futurum, ne quæ populo Romano ab Illyriis publice fiat injuria: cæterum ut impedit, quo minus privatim, quam potest, quisque utilitatem e mari capiat, hoc vero Regibus in more nequaquam esse. Tuit indigne hæc illius verba junior legatorum, & simul: Romanis, inquit, o Teuta mos est, privatas injurias publice persequi, & injuriam passis opem ferre, itaque dabimus operam, ut hæc tua instituta condemnes. Eam libertatem tam iracunde atque impotenter Regina accepit, ut spredo gentium jure mitteret, qui Legatos infecuti, liberioris dicti auctorem securi percuterent, ac præfectos navium igne absūmerent. Autorum aliqui de numero imperfectorum Legatorum dissentunt, alii unum, utrumque cum sociis alii occisos volunt. Teuta Regina pro sua improvida ac muliebri superbia, nihil cogitans, quales sibi hostes in Italia peperisset, navales suas copias in diversas distribuit urbes, quo animadverso Demetrius Præses, qui ex Agronis adhuc imperio Pharum obtinebat, earum aliquot, quibusdam eum apud Teutam criminibus, sibique ab illa metuens, Romanis tradit, cæteraque omnia, quæ in potestate sua habebat. Insuper continuo Senatusconsulto in Dalmaticam expeditionem Cn. Fulvius Centimanus mittitur, qui tractum illum universum perdomuit, & ut Legatorum manes inferiis placaret,

in Principum Dalmatarum colla secures strinxit. Unde Regina metu consternata, Legatis ad Romanos missis, pacem cum illis hisce conditionibus sancit, ut tributa, quæ ipsi imperarentur, quotannis penderet, Illyrico toto præter pauca admodum loca excederet, & ne ultra urbem Lissam maritimam Dyrrachio vicinam pluribus quam duobus limbis, iisque inermibus liceret ei navigare. His pactis conditionibus, decennium jam exactum fuerat, quod Illyrii Romanorum potestati, prodente eos Demetrio, parebant; qui tamen oblitus beneficiorum, quæ Populus Romanus in ipsum contulerat, cum jam eos contemnere coepisset, & cum Gallis ac Carthaginensibus, aut cum Celtis Illyrii populis, ut vult Appianus, eos graviter distentos cerneret, minime sibi formidabiles arbitratus, ab eis deficit. Urbes itaque Romanæ ditios in Illyrico vastare coepit, & in suam redigere potestatem, atque ultra Lissam contra Leges pacis quinquaginta Lembis navigare. In eum Romani ineunte vere L. Æmilium in Illyricum cum exercitu mittunt; ipse ex omni subditorum numero sex millia fortissimorum feligit, & Phari collocat, ipse vero Dymalum sive Delminium, idoneo præsidio rebusque necessariis instructum, tueri statuit; sed Consul adhibitis machinis septimo die expugnavit, profugiente tamen Demetrio ad Philippum Macedoniæ Regem, ubi & vitæ finem eum posuisse tradit Procopius, quamvis Appianus in patriam reversum scribat. Æmilius Pharum deinde repentina incursu invadit, eamque mox captam diruit. Illyrico insuper universo in potestatem redacto, rebusque omnibus ex animi sententia compositis, affecta jam æstate magnificum egit triumphum.

Demortua Regina Teuta, in Illyriorum Imperium Gentius successit anno 179. vir calliditate ingenii vafer & pacis impatiens, eodem anno Duronius vir Romanus in Senatu adversus eum conquestus est, omnes latrocinantium naves & oram infestam habentium ejus esse, nec Legatis ad eum missis conveniendi sui potestatem fecisse: multis Civibus Romanis, & sociis Latini nominis in Regno ejus factas injurias, & cives Romanos dici Corcyrae retineri. Aderant & a Gentio Legati, orantes, ne confictis in se criminibus crederetur, Regem ægrum in intimo Regno Legatis operam dare nequivisse. Senatui omnes, qui detineri dicebantur, quive de injuriis quererentur, Romani adduci placuit, & apud Prætorem Vrbanum disceptare, nec ante Gentio, ejusque Legatis responsum dari. Interea vero temporis, Istri in Romanos magnis cladibus & vastationibus irrupere, Manlius, cui cæterum Gallia decreta fuerat, Istrorum adventum inaudiens, ne consulto quidem Senatu ab Aquileja profectus castra adversus Istros posuit. Istrorum tria ferme armatorum millia, Duce Carmelo, occulto loco,

sub montem in omnem occasionem intenti, confederunt. Albescente die ad primum teporem solis, incerta adhuc lux speciem rerum omnium multiplicem intuenti reddens, non solum hostem patefecit, sed multo majores copias, quam res ferebat, adesse persuasit. Ergo territi utriusque stationis milites ingenti tumultu cum in castra contumissent, haud paulo ibi plus quam secum ipsi attulerant, terroris fecerunt: nam neque dicere poterant quid fugissent, nec percontantibus reddere responsum, & clamor in portis, incertaque concursatio erat, quasi jam deletæ stationes, jam hostis in vallo esset.

Inde ad mare ex Castris fese Romanorum pars armati, pars major inermes proripiunt; cumque eos nec auctoritate, nec precibus Consul retinere potuisset, ipse quoque castris desertis ad mare profectus est, ubi non minor trepidatio pavorque fuit in naves e terra prossilientium, & commeatum expositum in naves conjicientium. Istri tanto Romanorum pavore animadverso, statim in castra, sed jam tum vacua impetum faciunt, ibi paucos, qui ad defensionem castrorum substiterant, obtruncant; inde cum rerum omnium paratam expositamque copiam invenissent ad mare, epulari omnes, hostium armorumque obliti, affatim cœperunt, cum alios pavidos, inermes, dissipatosque facili negotio opprimere potuissent. Manlius deinde anno insequenti, principio veris, in fines Istrorum ulciscendi causa rursum irruptit, ubi cum effuse popularetur, dolor magis & indignatio Istros excivit, diripi res suas cernentes. Concursu facto juventutis, ex omnibus populis repentinus & tumultuarius exercitus, acrius primo impetu quam perseverantius pugnavit, ad quatuor millia eorum in acie cæsa, cæteri omisso bello Nusatium Istriæ urbem passim diffugerunt. Claudius Consul, cum novo superveniens exercitu, urbem circumfedit ac cœpit; duo deinde Oppida, Mutila & Faveria vi capta & deleta; præda spe major militibus tota concessa, quinque millia capitum, 632. sub corona venierunt. Atque ita Istria tota trium Oppidorum excidio, & morte Carmeli Ducis superata est, omnes tum deinde undique populi obsidiibus populo Romano datis in deditioñem venerunt. Sed ut ad Gentium redeamus; is ob diuturniorem suorum facialium remissionem irritatus, acceptis interea etiam a Perseo Macedoniae Rege trecentis pecuniarum talentis, conjunctioneque animorum ac virium cum illo semper habenda obligata, M. Perpennam, & L. Petilium Romanorum Legatos, qui tum forte ad eum venerant, in custodiam ac vincula conjecit; causando, non legationis sed explorationis causa eos ad se venisse. Romani exacerbati animo, ac supra modum indignum rati eam sibi sufferendam ignominiam, Anitium Prætorem cum validissimo copiarum exercitu ulciscendæ injuriæ causa in Illyricum misere.

Gen.

Gentius exiguo tempore quindecim armatorum millia ad Scodram Albaniæ urbem & ingenio loci & arte munitissimam, ut totius Regni arcem, ac belli caput, contraxerat, eamque viribus omnibus tutari statuit. Sed Gentius spe semper in Persei auxilia fretus, ab eodem per summam fraudem perfide deceptus ac desertus, diuturnæ atque pressæ Romanorum obsidioni tandem cedere coactus est, Anitiique in potestatem redacto, Legatos in vincula conjectos ad se adduci ius-
sit, quibus splendore suo restituto, Perpennam extemplo mittit ad comprehendendos amicos cognatosque Regis, inter quos uxor, frater, ac filii reperti; eundem deinde victoriae nuncium Romam misit, ac paucos post dies Gentium ipsum cum conjuge, fratre, liberis, aliis-
que Principibus captis Illyriorum: demum Scodræ præsidio imposito, cæteris etiam urbibus Præfectis constitutis, quinque Roma novos accepit Legatos. Evocatis ex tota deinde Provincia Optimatibus con-
ventum habent, ubi e sententia Concilii pro tribunali Anitius pronunci-
cat, Senatum populumque Romanum Illyrios esse liberos jubere, tri-
butum, quod Regi ante pendissent, ejus dimidium Romanis solvere.
Inde in tres partes Illyricum divisit, quarum sua quæque gens com-
mune Concilium haberet. At Romani interim Gentium cum suis
Spoletium civitatem Umbriæ in custodiam, cæteris ejus Principibus
Romæ detentis, transmisere. Hæc Gentii clades Perseo quoque exi-
tium ac perniciem, violatæque fidei cæteris gentibus documento pœ-
nam attulit. Nam Romanus exercitus superato Gentio victoria elat-
us, mox in Perseum arma convertit, & collatis signis Duce Aemilio
Paulo Consule, Perseus viginti millibus suorum cæsis, ac undecim
captis miserabili prorsus prælio fusus est; hinc urbem suam Pidnam,
tum Pellam Macedoniæ regiam advenerat, sed terrore perculsus, iisdem
urbibus desertis & amissis in Samothraciam tandem cum duobus
talentum millibus fuga delatus salutem quæsivit. Verum insequenti-
bus eum Romanis, spe evadendi dejecta, hoc unum privatis obtinuit
literis, ut aliqui ad se mitterentur, cum quibus de rebus suis agere
liceret; nihil tamen cum iisdem perfectum est, Perseo regium nomen
tenaciter retinente, Paulo e contrario renitente, ut se, suaque omnia
fidei ac clementiæ populi Romani permitteret. Perseus fuga de-
nuo elabi conatus, nec ullam evadendi opportunitatem nactus, Præ-
tori Octavio sese cum Philippo filio dedidit. Is ipsum in præto-
riam navim cum filio imponi jussum, ac pecuniam, quæ apud Regem
inventa est, extemplo deduxit Amphipolim. Inde Octavius Regem
ad Consulem misit in castra, ubi honorifice ab Aemilio, omnibus ad id
spectaculum confluentibus, exceptus est, & ad spem bonam de Ro-
mana Clementia erectus, Q. Aelio servandus traditur; Romam dein-

de cum Gentio missus ante victoris Aemilii Anitiique currum pro triumpho ductus, postea Albam remissus, deprecante Aemilio pro carcere in libera custodia tentus est, & ad cumulum malorum ejus inedia ultro consumptus. Hic finis belli cum Perseo, idemque finis Regni Macedonici, cum quadriennium totum pugnatum esset, durassetque ab Alexandri Magni obitu annis 156. Sed ad Illyrios sermo revocetur.

Dalmatæ, qui in Scodræ urbis defensione, Regisque capti amissione ob exigui temporis moram adesse non poterant, ubi reliquos Illyrici populos Romanis adhæsisse, imo eis sese subjecisse viderunt; eosdem hostilibus armis invasere, gravissimaque damna intulere. Hi Romanis, quos jam in protectores admiserant, de Dalmatarum populationibus questi, Cajum Fannium Consulem ad dissensiones inter eos componendas impetravere; at Fannius longo frustra fatigatus itinere aliud nihil Senatui retulit, quam Dalmatas neque satisfacere iis voluisse, quos plurimis interea cladibus affecerant, neque aures sibi præbere, ut qui dicerent, nihil sibi cum Romanis esse commune; & non solum nulla sibi hospitii ac humanitatis officia exhibita, verum equos etiam ademptos, ac plurimas illatas injurias, vim demum timentem silentio se eorum finibus excedere coactum. Hac a Dalmatis accepta sui Consulis repulsa, Romani adversus illos arma M. Figulo Consule ducente expedivere; at hi Figulo quamprimum inferente copias, eas aggressi superaverunt, ac primam Figuli impressionem ita fregere, ut ad Naronem usque fluvium fugientes persequerentur. Inde porro incomposite revertentes Consul invadens in fugam verit, & ad urbem usque Delminium compulit. Ea plurium dierum spatio sine fructu obsessa, cum se operam perdere animadverteret, bicubitales demum fudes pice ac sulphure stupaque componens ex catapultis jacit in Oppidum, quæ ab impetu succensæ, quæcunque attigissent, igne corripiebant. Ea res multum vexavit Dalmatas, nec tamen ad deditiōnem ad annum usque sequentem Consule Nasica bellum urgente compulsi sunt, a quo & belli finis impositus, Dalmatis legibus libertateque sua vivere permisis. Annis deinde pluribus sine motibus sub potestate Romanorum quievere Illyrii, tametsi post Figulum statim Cæcilius Metellus Consulatum adeptus fuerit, & Dalmatis triumphandi libidine, nihil illis delinquentibus, bellum intulerit, nihil tamen eo bello aut sibi laudis peperisse, aut Dalmatis damni commemoratur intulisse.

Porro Caius Julius Cæsar, anno ante Christum natum quadragesimo septimo Romani Imperii gubernacula suscipiens, Liburnos Illyriorum gentem in potestate habuit; sed Dalmatæ cum prospere rem gessisse adversus Figulum sese arbitrati fuissent, Promonam Liburnorum urbem vi captam abstulere. Cæsar ad eos Legatos misit, hor-

tatusque est, ut qui Promonam eripuissent, Liburnis restituerent; despicientibus vero illis mandata exercitum ingentem intulit, qui tamen a Dalmatis acriter resistentibus fusus oppressusque fuit. Cæsar curis præpeditus instantे Pompejanorum seditione, cum jam ad bellum inclinaret, nihil ulterius molitus est. Sed Gabinius cum Cohortes peditum quinque supra decem, equitum vero tria millia per Illyricum ad Cæsarem adducere tentaret, Dalmatæ timore eorum, quæ paulo ante in Cæsarem egissent, cum victoriam ejus internacionem rebus suis al-laturam arbitrarentur, Gabino excepto paucisque cum illo fugientibus, ad unum iteremere omnes, magnamque ob hoc pecuniarum copiam spoliaque innumera obtinuere. Hæc Cæsar ob belli cum Pompejo necessitatem dissimulanter ferre cogebatur, devicto deinde Pompejo, Asinium cum tribus peditum legionibus, magnoque equitatu ad eos mittit, qui in jura Romani Imperii eos cogant, tributa imponant, & ob præteritas illatas injurias obsides depositant. Sublato interim e vi-vis, execranda & indigna cæde, Cæsare Imperatorum omnium gloria, rati Dalmatæ Romanorum res, ut in illo potissimum vires habuissent, ita funesta ejus morte extinctum penitus iri, Asinio parere recusarunt, neque tributa, aut obsides conferre voluerunt: quin potius motis in eum armis copias omnes delevere. Duce eorum Bebio acriter dimicante acie interempto, & Asinio Epidaurum fuga delato.

Adest jam placationis ac miserationis divinæ annus, quo universo terrarum orbe in summa constituto pace, Princeps pacis, qui ab æterno de humano genere cogitationes pacis & non afflictionis in mente habuit, humana carne vestitus, e Virgine nascitur: decuit siquidem Gesta Illyriorum post Christum natum. Authorem pacis, qui ruptum inter Deum & homines concordiæ foedus redintegrare venerat, pacatissimo Seculi tempore procreari; quo moderator Augustus Julii Cæsaris successor, tanta duodecim annis Isaiae 2. circa tempus Dominicæ Nativitatis pace regnavit, ut bellis toto orbe sotipis Prophetæ præfagium ad literam videatur impleuisse; Senatique Romano majestas, legibus vigor, auctoritas Judiciis, populis demum subjectis tranquillitas summa, securitasque parta refloruerit. Itaque non nisi sexto æræ Christianæ anno, tumultus iterum in Illyrio cœpere: Dalmatæ siquidem eo victoriæ successu elati, quo Cæsaris legiones prostraverant, ad majora animos consiliaque erexere; proinde cum Sclavis sub Duce Marobaduo & cum Pannonibus belli societate inita, ac palam bello Romanis indicto, octo centena hominum millia, ut Vellejus lib. 2. affirmat, in castris numeravere; e quibus universis ducenta peditum, novem vero equitum millia armis promptiora selegerunt, quibus Batho & Pineus peritissimi bellorum, supremi copiarum Duces imperarent; in tres deinde exercitus legiones omnes

omnes distributæ, quorum unus Romanos, alter Macedoniam iis subjectam, infestis armis divexaret, tertius patriæ tutamento præsidioque foret. Et quidem Pineus Macedoniam ingressus, eam omnem ferro flammaque incineratam in vastæ cujusdam solitudinis speciem reddidit; Batho vero, non solum cives Latini nominis ac mercatores, verum obvios quosque gladio submittens, eum Augusto terrorem intulit, ut is convocato Senatu, ni e vestigio Romanæ urbi præsidio succurratur, intra diem decimum eam hostem accessurum afferuerit. Non parum Romanos hæc perculit fama, quare Tiberii potestati, qui post Augustum imperavit, triginta legiones in prælium excitæ traduntur, atque is in mandatis accipit, ut conjunctis ultra marinis Cecinnæ & Sylvani Planci viri Consularis, ac Metalci quoque Thraciæ Regis ingentibus copiis, nulla interposita mora, Illyrico exercitu obviam proficiscatur. Illyrii ubi auxiliares suppetias adventare cognoverunt, ac Thraciæ Regi potissimum indignati, quod socia gente deserta alienæ potestati subesse mallet, eas, antequam cum Romanis copiis conjungerentur, aggrediendas arbitrati adoriuntur. Itaque celeritate fortunam auxere, & parte exercitus Romani deprehensa, acre cum ea contrahunt certamen, diu utrinque fortissime præliantibus, tandem ab Illyriis victoria stetit, quinque Romanorum deletis legionibus: ex quo regressi prælio, adventanti Matalco occurruunt, & Martio pleni fervore equitatum ejus opprimunt. Tiberius, cruenta suorum clade intellecta, mirum quantum indoluit, tum ob perpeccam nominis sui jacturam, tum ob miserandum fortissimorum militum interitum, ac tantis suorum concisis agminibus honore mulctatus remeavit.

Quare Augustus Cæsar, armorum felicitate cæterum fama præclarus, cum inter loquendum M. Antonii inertiam Senatui explicuisset, Illyricam Gentem præ cæteris bellicosissimam, & se molestissime sæpe numero infestantem, teste Appiano affirmavit. Unde mirari satis nequeo impudentiam ac rusticitatem Petri Opneri Batavi, qui non ita pridem opere Chronographicò Orbis universi in lucem edito, Sclavos Illyrii populos sordidum, ac foedum genus hominum, imo fæcem omnium hominum ausus sit sordidissimo ac foedissimo ore, & velut fex omnium scriptorum compellare; etenim si quampiam vel umbratilem suorum projectorum adjecisset causam, æquiori prorsus animo prudens Lector tantam toleraret calumniam, at nulla penitus apposita ratione, nulla populi aut morum descriptione prævia, ob quæ id dixisse videri potuisset, tam petulantes tamen ac modesto scriptore, qualis Historicus omnis esse debet, indignas effutire voces, petulantissimi omnino genii ac pectoris est indicium. Quæ vero aut de Pannonia, aut Illyrici Partibus in eodem opere scripsit, ad cumulum in-

Digressio
adversus
Petrum
Opnerum.

fru-

fruniti animi infcitiam adjiciens adeo imperite, ac e vulgi tantum collecta rumoribus, atque eadem plus quam Laconice perstrinxit, ut nec historiam, quam dicere velit, satis assequaris, nec locorum personarumve nomina tenuerit. Accipe, candide Lector, unum e reliquis ignorantiae argumentum, & ex eo cætera conjice, ubi Tomo 2. operis a Laurentio Bayerlinck continuato Canisam Europæ decantatam, Styriæ Oppidum scribit esse. Sed his prætermissis, quale genus hominum Sclavi fuerint, & Alexandri Magni privilegium, & universi veteres probatissimique Authores, ea demum omnia, quæ hoc opere nostro summa, qua potuimus, veritate posteriorum memoriarum tradidimus, luculento sunt testimonio; quorum illos si Opmerus legit, pervicacem suam declaravit dementiam, si non legit, cum publicus esse velit scriptor, turpem ignorantiam. Verum sordibus ejus mundities scriptionis nostræ ultra maculanda non est.

Illyrii incinerata Macedonia, cæsisque Romanis atque Thracibus, amplissimis onusti prædis, una cum Pannoniis in sedes suas dilapsi, revertuntur, & annis pluribus pace fruuntur; donec Tiberius Augusto in Imperium succedens, præteritæ non immemor clavis atque ignominiae, moto in Illyrios, Pannoniosque bello, omni potentia atque crudelitate in eosdem sœviit. Tametsi enim primis administrationis suæ annis optimi Principis, & ab omni fastu alienissimi speciem dederit, in eam tamen rabiem, atque tyrannidem, humanæ quasi naturæ expers, commutatus fuerat, ut sœvissimos quosque crudelitate superaverit. Nam teste Suetonio nullus a poena hominum cessavit dies, ne religiosus quidem aut facer; imo, quod mirere, decreta accusatoribus præcipua præmia, etiam testibus; & interdictum ab eo, ne capite damnatos propinquai lugerent. Ob quod non immerito Cornelius Tacitus eum a natura in lucem editum dicebat, ut appareret, quid summa vitia in summa potestate possent. Itaque grassante in Sclavos, Dalmatas, ac Pannonios Tiberio, ac in Thraces L. Pisone, qui omnes per absentiam Tiberii res novas moliti fuerant, utrisque bello simul illato, eoque modo hac, modo illac translato, utrosque in suam potestatem redigit. Verum Batho potens in Dalmatia Princeps, & victoris nuper exercitus contra Romanos duxtor, impatiens Tiberii ac Romanorum lupinæ feritatis præfectorum, concitatis suis, multum Romanis damni intulit, ac post triennium, primum per transactionem Tiberio sese dedidit; postridie vero, cum ad eum pro tribunali sedentem adductus fuisset, quærente Tiberio, quid ita deficeret ac tantum temporis repugnare Romanis statuisset? „Vos, respondit Batho, in culpa estis ipsi, qui ad vestros greges custodiendos, non canes, pastoresve, sed lupos mittitis.“ Atque ita Dalmatia pa-

cificatione demum ad Romanos rediit, reliquis Illyriorum populis sub Imperio conservatis, licet saepius in libertatem innatam enitentibus, donec anno Virginei partus ducentesimo quinquagesimo quarto, universo omnino subacto Illyrico id in certas diviserunt Provincias, ut Orbinus scribit. Eam nos divisionem hoc loci, utpote vetustam nimis, ac minus necessariam prætermittentes, aliam sub Budimerio catholico Illyrici populorum Rege factam opportune subnectimus; his, quæ Illyrii gentilitatis tenebris involuti gessere, primum hunc librum concludentes.

Admonet proinde hic locus, cum alias opportuniorem vix haburi simus, exactam horum Regnorum magnitudinis, limitum, Comitatum, ut vulgari voce dicam, ac aliarum rerum ad pleniores deinceps Historiæ cognitionem consequendam scitu necessariarum notitiam subjicere, quam ex probatissimis Authoribus, ac observacione quoque nostra delumsimus. Ac imprimis illud observandum, nos initio hujus libri abunde magnitudinem Illyrii latissime sumpti posuisse, attamen magis proprie novem censi Regna, quæ Illyrii appellatione velut communi ac generali nomine intelliguntur; nempe Dalmatiam, Croatiam, Sclavoniam, Bosnam seu Moesiam sive Ramam, Bulgariam, Serviam seu Galliciam, Rasciam seu Thraciam, Dardaniam & Epirum seu Albaniam, quibus adnumerari potest Liburniæ Provincia olim ad Croatiam pertinens, quemadmodum & Istria ad Dalmatiam. Sane Orbinus & Ranzanus Sclavoniæ nomen generale esse volunt, eo quod lingua gentis hujus latissime omnium aliarum pateat, quippe quæ a mari Adriatico ad Oceanum Septentrionalem extenduntur; nam præter ipsos Sclavos ea utuntur Dalmatae, Croatæ, Bosnenses, Bulgari, Thraeces, Istrii, Moravi, Bohemi, Albani, Poloni, Lusatii, Silesii, Lithuani, Prutheni, Moscovitæ, Russi, Prussi, Scandinaviæ incolæ, & aliæ Regiones Constantinopolim usque, adeo, ut etiam ejus usus inter Turcas sit, nec ibidem dignus honore putetur, qui eam ignoret. Quare Ranzanus in Epitome rerum Hungariæ Indice primo: „Ea Regio, inquit, hoc sibi claritudinis vendicavit, ut ab ipsa nomen acceperit universa Dalmatia cum sibi conterræ, minis Illyride atque Liburnia, quæ uno vocabulo ab omnibus pene nationibus vulgo ita vocantur, qui vero ipsas tenent, Sclavones.“ Verum nos Illyrii nomine potius utimur, velut apud omnes pene Histicos usitatori; nunc singillatim percurrentes, a Sclavonia ordiamur.

Descrip.
tio Sclavo
niæ ac ejus
partium.

Duplicem ejus nominis originem haberi majores tradidere, quidam enim Savoniam absque Literis L. & C. a Savo fluvio denominandam autumant, ac Savones non Sclavones dicendos esse, ut Ranzanus adnotavit; alii Szlaunos non Slavos appellari volunt, a voce pro-

proprii idiomatis Szlava quod gloria interpretatur, a qua denominatio-
tione Slauni populi, id est gloriosi, & Provinciam Szlauniam quasi glo-
riosam appellandam esse; ob quam etiam causam Martem alteram vir-
tutis gloriam, cum prima ingenio sit excellere, insignibus præfert.
Utramque hanc etymologiæ deductionem veram arbitror, ac genti
ipsi consonam, quam Valeriam olim a Valeria Messala Corvino appel-
latam Bonfinius tradit. Ea porro regio celeberrimis duobus iisque
navigabilibus fluminibus clauditur Savo & Dravo juxta omnes autho-
res, Isthuanssio excepto, qui 2. lib. circa initium Hunna fluvio a Croa-
tia dividi contendit; verum id qua ratione dixerit, non satis assequor,
cum neque juxta modernam vulgi divisionem id verum sit, quod a
Dravo Colapim usque Sclavoniam protendit; neque ullibi Hunna
Sclavoniam contingit, præter exiguum sinum prope Dubiciam ar-
cem, ubi Savo commiscetur; quod pro totius Regni limite statui ne-
quaquam potest. Verum unum illud hic opponi posse videtur, quod
si Sclavonia intra Savum Dravumque continetur, quorsum Siscium
cis Savum locatum adnumerandum erit? Sed Siscium Romanis scri-
ptoribus Insula Segestica, ac belli horreum Appiano appellatum fuit,
Savo, Colapi, atque Odra in trianguli figuram circumfluentibus con-
clusa. Tametsi autem medium inter Savum ac Colapim obtineat lo-
cum, Sclavoniæ tamen semper, etiam veteribus, portio censebatur.
Longitudo Sclavoniæ ab oppido & arce Vinicensi, a parte lœva us-
que ad Dravi cum Danubio confluentem ad Valconem arcem, continet
milliaria germanica 70, a parte vero dextra usque ad Belgradum, qua
Sirmium includitur, ubi Savus Danubio commiscetur, 80. Idem quip-
pe de Sirmio dicendum, quod supra de Siscio adnotavimus, cuius
tametsi partem aliquam Danubius alluat, Sclavoniæ tamen portio adnu-
meratur, quæ ultimo suos ad Belgradum fines constituit. Latitudo ab
oppido Caproncia usque ad limites Styriam Carniolamque versus Szós-
zediæ arcis, quos Savus cum minore amne Suttla efficit, per milliaria
germanica 15. protenditur; quamvis olim Ciliæ Comitatus latitudinem
Sclavoniæ, in qua continebatur, qui & a Marchia Sclavonica appellabatur, clauerit. Sclavonia in novem Provincias seu comitatus am-
plos omnino dividebatur, primus a finibus Hungariæ Dravo divisus, qui
Szaladiensis est Comitatus (tametsi & is jurisdictioni Episcopi Zagrabien-
sis subjaceat, ac eidem Ecclesiæ Decimas obligetur) initium sumit,
Varasdiensis dictus ab Arce atque Oppido, vallo fossaque sat validis ac
firmis, nisi extrema Civium incuria urbecula squalleret. Hunc per
longum porrecto itinere, Zagrabiensis sequitur hodie patentissimus,
quippe ad mare usque Adriaticum deductus, bifariam olim divisus;
pars enim montibus interclusa Zagoriæ Comitatus appellabatur, qua

vero planicie funditur Turopolia etiamnum nomine retento nuncupatur. Zagoriæ Sedes Arx cum Oppido Crapina fuit, Chehy ac Lehy fratrum virorum in Regno potentium natale domicilium, qui ob ci-viles discordias, ut rara est concordia fratrum, inde recedentes alias sibi quæsivere sedes; quorum ille eam terræ portionem, quæ nunc Bohemia dicitur, hic vero Poloniam occupavit: Regiones deinde ac populos a se ipsis ille Chehios, id est Bohemos, hic Lengulos hoc est Polonus denominatos voluere, ut fuse tradit Ablavius in annalibus Bohemorum. Stanislaus vero Horius Cardinalis, eruditissimus Poloniæ Antistes, Patriam linguamque Sclavonicam pro matre agnoscens, in Dialogo de sacro missæ officio, ita loquitur.

„Quamlibet autem nos
„ipsoſ amemus, tamen illud fateamur necesse est, Sclavorum aut Dal-
„matarum linguam esse multo elegantiorem, quam sit nostra. Ita ut si
„precationes & sacras lectiones in vernaculam transferri linguam oport-
„eat, in eam potissimum transferendæ sint, a qua nostra duxit origi-
„nem, quæ præstat. „ Hæc ille. Porro Provincia hæc nomen a loco
Episcopali sede celebri accepit, cui collis Græcensis appellatus ad oc-
ciduum solem oppositus urbe superimposita insignis, a meridie ubere
gleba amoenaque planicie, quam Savus allabitur; ab oriente pulcher-
rimis vinetiæ egregio vino abundantibus, vallibusque, torrentibus mi-
noribus intercurrentibus, jucundissimus adjacet, ipse porro locus a
hauriendo, quod Sclavonicum nomen sonat, Zagrabi, & ut Bonfinius
scribit, a rerum abundantia per Antistichon, solique ubertate nuncu-
patur. Porrigitur deinde ab amne Sutla Ciliæ Provincia, Sclavoniæ
olim pars, quippe inter Savum ac Dravum collocata, ob quam causam
Bani horum Regnum Ciliæ Comites habebantur, ut sequentibus
patebit libris. Qua vero ratione a Sclavonia hic tractus sit avulsus,
Styriæque adjectus, nondum nobis innotuit. Varasdino ad lævam
Martinianicum oppidum situm est, a quo deinde Crisiensis Provincia
longe lateque protensa diffunditur, a civitate hujus nominis appellata
olim amplissima, & Comitiorum frequentia, quibus Reges quoque Hun-
gariæ intererant, celebri. Est in hoc trax arx atque oppidum Chasma,
quinis decoratum sat elegantibus Ecclesiis, Episcopi Zagrabiensis olim
fedes atque habitationis locus, in quo deinde Stephanus II. collegium
duodecim Canonicorum, amplis ex bonis Ecclesiæ suæ attributis re-
ditibus, eximia piæ liberalitatis commendatione, patriæ ornamento,
ac posterorum bono fundavit & extruxit. Huic adjacet Comitatus
Veruciæ ab arce & oppido muro cincto ac libertatibus Regum donato
denominatus, cuius titulum Episcopus Zagrabiensis instar aliorum
Hungariæ antistitum semper gessit, ut diploma Regium ipsi datum
testatur; oppidum peculium Regis erat, arx vero Comitum Banf-

fiorum; locus comitiorum honore ac Uladislai Regis præsentia celebratus. Finito Veruciæ tractu, Poseganus initium sumit, qui, ut Ranzanus accuratissimus locorum observator notat, intra Savum Dravumque ample diffusus jacet; arce atque oppido ejusdem nominis arte ac natura munitissimis, & Capituli olim collegiati honore gloriatur. Szygethum quoque famosum illud Sclavoniae propugnaculum in se continens, perenni fama, barbaricarum legionum in sui defensione virtute Zriniana deletarum, celebratissimum. Eam unam hujus terræ portionis insignem a majoribus accepimus laudem, quod Evangelica illa terra esset, quæ ex modica in tellurem jacta semente centesimum referret fructum. Isthuanffius lib. 13. fol. 211. Pannoniae hunc tractum adjicit, Garavicio monte a Sclauonia disterminari afferens; verum hæc quomodo cum iis, quæ lib. 8. fol. 112. dixerat, cohaereant, non satis assequor. Pone insequitur Comitatus Valconiensis seu Valponiensis, eam enim arx atque oppidum tractui denominationem indidit. Claudit Regionem Comitatus ac simul Ducatus Syrmiensis, ubertate Glebæ, ac generosi vini copia præstans; huic caput est oppidum Wyalachum atque arx in edita montis crepidine locata, quæ medium regionis locum obtinent; olim vero a Syrmio veteri oppido, quod Syrmus Triballorum Rex condiderat, denominatus.

Hæc ex probatis Historiarum authoritatibus ac Tabula præsertim Geographica Joannis Bleu, accuratissime ordinata, deprompta, pretium veritatis habent; ex quibus perspicue intelligi potest, quam falsus nulloque nixus fundamento legum Hungariae codicis catalogus sit, qui tres tantum primos Sclavoniae attribuit Comitatus, posteriores Hungariae adnumerando, in quo & Stephanus Brodericus nostræ cæterum gentis scriptor erravit.

Sclavoniae Croatia juncta est, Bonfinio Dalmatiæ pars, Corvino Descriptio Messala eam subjugante appellata, unde & Corvatia veteribus dicta fuit, alma virorum in armis quasi natorum procreatrix, terræ fœcunditate qua campis funditur (cum pars altera præruptis & inaccessis montium ac petrarum crepidinibus referta sit) amniumque frequentia nobilis; tota enim Regio velut artificio quodam latis, atque variorum piscium feracibus flaviis exornatur, quales præcipui Colapis, Hunna, Catina, Mresnicia, Coracinia, Dobra, atque Kerka. Eam Regionem a Savo initium sumere veteribus placet. Hinc Ranzanus: „quidquid agrorum est, inquit, trans Savum, per quos fit iter Italiam versus, Croatia nominant.., Hic author initium quidem, sed minime fines Regionis constituit; sed nec illud apposite, per quos fit iter Italiam versus, neque enim ad occidentalem solum plagam, qua Italia nostris est, verum & ad Meridionalem quoque, Croatia situatur; quare

absque iis vocibus dixisse potuerat, quidquid agrorum trans Savum est, Croatiam nominari. Aliter Jovius, qui lib. 13. & initium & limites statuit: „Introrsus, inquit, Savus flumen ex Carnicis alpibus per Illyricos placido cursu effusus, simul Cetina & Hunna minores amnes, Provinciam claudunt.“ Sed melius his Joannes Bleu in Tabula Geographica fluvio Kerka terminari ponit, qui deinde per Dalmatiam decurrens in mare devolvitur. Unde Croatia 60. nostrarum milliaribus in longitudinem protenditur, a Savo Sumzediæ arci subiecto Tinninium usque, urbem episcopali fede nobilem, ac validis cinctam mæniibus Kerkæ fluvio adjacentem. Latitudo vero 20. milliarium spatium continet, ac Hunna Costaniciæ Dubiciaeque subiecta usque ad mare Adriaticum, sive Segniam mari incumbentem, tametsi & ipsa limitibus sibi subjacentibus latitudinem regionis terminet. In quot porro Comitatus veteres Croatiam partiverant, nondum compertum acceperimus, eorum quos cognitos habemus notitia, cæteros contentos cupimus. Atque a Savo progrediendo Modrusensis occurrit supra 15. Germanica millaria in longitudinem protensus; deinde Segniensis, ac post eum Cetinensis, quorum omnium titulum Frangepani Comites non solum perpetui, sed etiam supremi semper habuere; ac Modrusæ quidem urbis Episcopali throno decoratae moeniorum rudera, quibus cincta fuerat, etiamnum politi lapidis artificia spectantibus exhibent. Corbaviæ deinde, atque Licæ, Uduinæque Comitatus priorum quasi latera cingunt, quorum duo priores, ejus amplitudinis fuisse traduntur, ut 72. in se dominia comprehendenterint; Carlovitiorum Comitum & Torquata Romanorum progenie oriundorum uterque ditioni subiectus. Nec minor fama spatiove Clissiæ tractus, cuius Comes Mladinus Banus fuerat, de quo 2do lib. fusiis, quanquam is ad Dalmatiam jam spectet. Tum Bihacianus ab splendida urbe atque arce & Hunna eas fluvio in Insulæ modum circumfluente, appellatus. Hoc regnum celebrius Episcoporum sedibus habetur, quam Sclavoniæ; deleta enim tyrannide Dacorum Sisciensi urbe, & in Colapim demerso D. Quirino ultimo ejus loci Antistite, D. Ladislaus Zagrabensem substituit, de quo suo loco, Syrmensi in suo statu permanente. In Croatia vero situs est Modrusensis, qui quod Corbaviæ etiam suam habuisset habitationem, saepius Corbaviensis est appellatus: deinde Segniensis, Noviensis, Rosonensis, ac Tinniensis.

A Croatia lævam tendendo Mysia, Moësia sive Bosna imminet, a dextera Dalmatia jacet, Sanctissimorum Regum ac Rom. Imperatorum fecunda mater. Hæc magnitudine sua Croatiam ac Sclavoniam exsuperat, de qua plura sequentibus libris memoratu digna, quam a Delminia urbe appellatam quibusdam placet. Illa in superiore ac

inferiorem dividebatur, quarum prior Servia, posterior Bulgaria, Bulgaris ac Triballis eam incolentibus appellata est, Ciabro fluvio nobilis intersecante. Serviæ caput Senderovia, seu Samandria est, non procul a Belgrado in Danubii ripa sita: Bulgariae Nicopolis a ponte celebris, quem Trajanus, dum cum Getis prælio dimicaturus esset, extruxerat: Serviæ deinde conjuncta est Dardania, Macedoniæ parte ab altera confinis, Anchisis Æneæ patris natale solum, & gens Virgilii Poëtæ versibus celebratissima. Sed Bosna, ab ejusdem nominis flumine appellatione sumpta, inter Hunnam, Savum, ac Drinum Bebiosque montes collocata, longitudinem inter duo flumina Hunnam & Drinum exorrectam milliaribus Germanicis 40. habet, latitudinem vero inter Bosnæ fontes ac confluentem Germanicis milliaribus 15 deducitam. Eam regionem Sclavi Gothis expulsis occupaverant, sed variante concordia ac discordia Hungaris cesserat. Ejus caput Jaicia est, arx in edito monte ad ovi similitudinem constructa, ad cuius radices urbs celebris Pliva ac Verbano fluminibus septa jacet. Duos Regnum istud velut Principatus habet, quorum alter Ducatus S. Sabæ, alter Varbosania seu nostrate lingua Herczegovina dictus est. Atque hæc de numero, magnitudine, ac terminis horum Regnorum paucis adnotasse sufficiat, cætera, si quæ desiderari possunt, ex decursu Historiæ supplebuntur.

Finis Libri primi.



M E M O R I A E
R E G U M , E T B A N O R U M
D A L M A T I A E , C R O A T I A E , E T S C L A V O N I A E ,
G E O R G I I R A T T K A Y ,
L I B E R S E C U N D U S .

Illyricam Gentem alteram omnium aliarum ab Apostolo Paulo Ecclesiæ membrum sub capite Christo effectam, ex Actis Apostolicis discimus; primam siquidem Syriam fuisse ex eorundem Apostolicorum Actuum cap. 11. constat, ubi Barnabas Tarsum profectus dicitur, „ut quæreret, inquit Lucas, Saulum, quem cum invenisset, perduxit Antiochiam, & annum totum conversati sunt ibi in Ecclesia, & docuerunt turbam multam, ita ut cognominarentur primum Antiochiæ discipuli, Christiani. „ Pertranseuntes autem Syriae Civitates ac Phrygiæ & Galaciæ Regionem, tametsi in Asiam iter instituerint, vetati tamen sunt a Spiritu Sancto, inquit idem sacer Textus cap. 16., loqui verbum Dei in Asia, sed profecti in Mysiam Illyrici Provinciam, quæ omnium Historicorum consensu nunc Bosna dicitur, eandem Christiana Religione imbuerunt, nec in Bythiniam redire conatos Spiritus JESU discedere permisit, donec pertransita Mysia Troadem urbem

Altera ex gentibus Illyrica a Paulo ad Christum conversa. maritimam Antigoniam aliis dictam descenderent, ubi mira Paulus viri Macedonis per somnum visa specie, se nutu Dei in Macedoniam vocari persensit. Porro etsi Tullius in oratione pro Flacco Mysiam inferioris Asiæ Regionem esse dicat, quia tamen Paulum Spiritus Dei absolute in Asia loqui, testante Luca, prohibuit; non hanc proinde Mysiam Asiæ Provinciam, sed aliam Illyrici portionem Pannoniæ vicinam esse dicimus, præsertim cum Strabo eosdem Asiæ populos ut originem, ita & nomen ab his duxisse asserat. Quamquam etsi Myrios Illyricanos non convertisset, & Asiaticam pertransiisse Mysiam nemine converso dicatur, ut Scripturæ littera sonare videtur, quia tamen inde Troadem postremam Asiæ Regionem ac postea Macedonia venit, Macedoniaque juxta plures, ac præcipue D. Hieronymum in Illyrico contineatur, ut ex Epistola ad Heliodorum in Epitaphio

Ne-

Nepotiani, & Epistola ad Geruntiam sive Ageruchiam, ubi a Constantinopoli usque ad Alpes Julias Illyricum producit, constat; alteram Illyrici Gentem a Paulo conversam fatendum est. Disseminato Neapoli ac Philippis verbo Dei, Paulus deinde Thessalonicam clarissimam Macedoniæ urbem præsens accessit, & Timotheo, quem ex Asia socium sibi adsciverat, ad Irenam Licinii Thraciæ Regis filiam Thessalonicæ eo temporis commorantem introducente, eo Doctore Christianis instituta disciplinis ex Ethnica fit Christi Virgo, Timotheo eam Irena Virgo Illyrica a Paulo conversa. sacris undis eluente, quæ multis deinde gravibusque subjecta cruciati- bus pro Christi nomine ad Virginitatis Laureolam Martyrii adjunxit palmam. Eosdem Paulus Thessalonenses longiore deinde Epistola, fidei documenta continente, eruditivit. Hinc & ipsem Epistola ad Romanos testatur, se ab Jerusalem per circuitum usque ad Illyricum repleuisse Evangelium Christi; neque illa verba, usque ad Illyricum, eo accipienda sunt sensu, ut terminos duntaxat Illyrii attigisse intelligatur, sed quod vere ipsum Illyrium pertransiens Evangelio Christi prædicato, eosdem populos Christianos effecerit, omnino dicendum, ut ex locis Scripturæ supra citatis manifestum redditur. Unde & S. Hieronymus, dum scribens ad Marcellam, verbum Dei totum ubique fuisse docet; versabatur, inquit, cum Thoma in India, cum Petro Romæ, cum Paulo in Illyrico. Petrus porro Damianus multo amplius Pauli labores per Illyricum amplians: respice, inquit, Paulum totum pervagantem Illyricum, suscitantem mortuos, subvertentem & templaque Deorum. Hoc idem Gregorius Nyssenus sermone de S. Stephano, hoc Dorotheus Tyri Episcopus, hoc Joannes octavus ad Regem Bulgarorum contestantur. Quare non exigua subit animum admiratio, quod Joannes Tomcus Episcopus Boñnae in Regia Illyricana fœcunditate Romæ Typis Vaticanis edita, Illyricam gentem primam ab Apostolo Paulo Christo acquisitam asserat. In vita quippe Irenæ Virginis & Martyris hæc habet: cum æternæ, inquit, benignitatis consilium eo tenderet, ut Illyrica Gens amplitudine sua inter omnes alias Nationes per Asiam, Europamque maxima, prima ex gentibus effuso per Christum sanguine mercaretur; & quod immediate verbis S. Lucæ in Actis Apostolicis, cap. 16. opponitur, subjungit: sed & ulterius in Myfiam progredi eodem spiritu obstante prohibentur. Eadem in vita Tryphonii Virginis repetit, & authoritatibus SS. Patrum paulo supra a nobis recitatis perperam examinatis, quibus Paulum in Illyrico fuisse affirmant; is eo verborum sensum protraxit, ut primos a Paulo Illyrii populos conversos, iis verbis affirmari contuleret. Successore Paulo Lucas Evangelista in Dalmaticæ Ecclesiæ cura, Lino Petri successore teste, quemadmodum & Titus eodem Apostolo

Sermo de
SS. Petro
& Paulo.

secunda ad Timotheum attestante, ac postea Hermes. Ex Petri autem schola Marcus Evangelica clarus historia, in ea parte quam Dalmatiam supra mare prope Carnos stylus Ecclesiæ Romanæ appellat, nos vero Croatiam vocamus, suam impendit operam. Domnio Salonarum condidit Ecclesiam, ut alios omittam complures utriusque Apostoli Alumnos; ut mirum non sit Illyricos ejuscemodi Magistris primi subsellii, tantum in Christiana pietate profecisse, quantum clarissimum Heroum agmina in Illyrico, tabulis Ecclesiasticis attestantur.

Verum diversis in his Provinciis imperantibus uti nonnunquam alia Imperatorum supervenit potentia, ita incolarum plantata a viris Apostolicis fides, nutavit saepius. Anno siquidem Christianæ salutis DXLVII. Strogilus Totilæ frater Illyrici Regno per vim potitus, Mysiam inferiorem quæ nunc Bosna dicitur ingressus, cum & ipsam brevi subjagasset, in Dalmatiam descendit, ac urbes maritimas deprædatus est; Scardonam Oppidum & Salonas totius Provinciæ emporium diruit & evertit. His necdum malis satiatus, misit cum parte exercitus filium suum Suejoladum ad Dalmatiam Mediterraneam, quæ nunc Croatia dicitur expugnandam, olim Croatia uti & Corvati populi, vetustioribus vero Scriptoribus Latinis Curetæ dicti, Lucani Poëtæ versibus celebrati, quo tempore mirum quantum Christiana fides debilitata est in Bosna, Dalmatia & Croatia quibus eo temporis

Suejoladus summo cum Imperio præerat Christiano nomini infestissimus. Strogilus cum Cæsare Justiniano interea configens, prælio victus occubuit, Suejoladus vero anno Imperii sui duodecimo vita de-

cedens, filio suo Selimiro Regnum reliquit, æra Christiana 559. Hic Patri natura ac moribus longe dissimilis, tametsi & ipse Gentilis esset, omnes tamen sibi subjectos perhumaniter ac perbenigne habebat, jus suum cuique tribuens, neminem lædi permittens, & in exigendis vectigalibus nullum inter Christianos ac Barbaros habens discrimen. Quare plerique de cœtu fidelium, qui ob persecutionem & saevitiam

Patris dilapsi fuerant, rediere, brevique effectum est, ut tota Croatia populosior fuerit numerata; Selimiro autem, cum unum & triginta annos regnasset, e vivis sublato successit Mladinus, anno nimirum Quingentesimo Nonagesimo, filius mitis admodum, & paternæ mansuetudinis æmulus, qui filium tamen suæ probitatis minime parem, ingenioque aversum dictum Razimerium progenuit: hic cum jam adlevisset, ccepit insolescere, & regnante adhuc Patre par in Regno dominium exercere. Fatis concedente Mladino, Regni gubernacula suscepit Razimerius, avitæ humanitatis penitus expers, ac inimico prorsus in Christianos animo. Non pauca Regni oppida, quæ ab il-

Razimerius. habitabantur evertit incolis in servitatem redactis, sed iis præcipue in-

infestus, qui maritima Dalmatiæ incolebant loca. Itaque quæ avi, patrisque benignitas coli frequentarique fecerat, vasta ac desolata ejus reddidit duritia. Plerique Christianorum latebras sibi quærebant, ad Multi in sylvarum deserta, montiumque solitudinem fese transferendo, ac vi-Croatia Martyres tam misere admodum sustinendo, dum spem fovent, se Deo miserante meliorem tandem Dominum sortituros. Neque ea spes eos fefellit, quamvis ad quintum usque Regem dilatus est eventus. Etenim haud multo post moritur Razimerius absque liberis, nullaque post se prole relicta, multis interea pro Christi nomine, quibus fides vita potior erat, omnia extrema perpeti magis eligentibus, quam gentilitatis erroribus implicari, occumbentibus. Unum illud memoria dignum de illo, Aimonius apud Baronium in annum sexcentesimum quadragesimum notat, omissa quidem ejus nomine, quod tamen in veteri quodam manuscripto codice e tenebris a nobis eruto repertum est, quod cum Dagobertus Francorum Rex facialem ad eum misisset, pro repetendis mercibus, quibusdam mercatoribus Francis ablatis, dixissetque Razimerius expetere se Regis Francorum amicitiam, Legatus vero respondisset, non esse possibile, ut servi Christi cum canibus fœdera jungerent, tum deinde Razimerius reposuit: Quandoquidem vos servos Dei esse profitemini, & nos canes sumus; ideo quæ vos nequier contra ejus geritis voluntatem, ut inutiles famuli, nobis frequenter conceditur, moribus ipsa ulcisci; atque ita Legatum e conspectu abjecit. Scitum prorsus a Gentili dictum, quod si Christiani nostri fortius animo suo imprimarent, non dubium, quin optimus Deus rabidissimi illius Mahometici Canis exacuatos dentes aut omnino contereret, aut saltem magis retunderet. Sublato igitur absque omni posteritate Razimerio, divina ita disponente providentia, quintus ab iis in Regnum vocatus, nomine Satimerius, qui omnino absti-nuit a fidelium infestatione, atque in omnes partes æquo animo fuit. Satimerius Rex. Eo regnante in publicum prodibant, qui diu latuerant, quique antea metu conterriti, partim a fide defecerant, partim diffugerant, pristina libertate usi, ad sua quæque loca redibant. Ea tempestate vir quidam nomine Constantius Thessalonicus, multa vitae sanctitate prædictus vivebat, philosophiæ documentis apprime eruditus; hic divinitus inspiratus, cum de Thessalonica se transtulisset, totam fere Bulgarorum Provinciam veritatis prædicatione ab erroribus vindicavit. Imperavit hic Satimerius cum Razimerio Tyranno, atque Mladino optimo cuique amabili annis uno supra quinquaginta; tametsi ignoretur, quot eorum quisque Imperii tenuerit gubernacula, hoc uno solum Satimerius præcipue dolendus, quod necdum expleto Imperii anno, quod piissime inchoaverat, vitam terminarit. Sed Dalmatarum Re-

gum nomen & authoritas ab eo præsertim enituit tempore, quo inclinato Romano Imperio, & ejus reliquiis in oriente vix retentis, vastato Illyrico ejusque præcipua portione Dalmatia, deletis Romanis Præsidiis sub Heraclio Phocæ successore, per Avares, qui Simacato eorum temporum scriptore Constantinoque Porphyrogenito testibus, cum Gothis Sclavi sunt habiti; Heraclii hortatu in suos desolatores armis insurgentes, Patrio solo recuperato, authoritate legibusque ab Apostolica Romana sede acceptis, hostiumque reliquiis per Sacerdotes ab Apostolico throno submissos ad veram pietatem adductis & sibi admixtis, Reges sibi ex suis Croatarum Dalmatarumque titulis decorarunt.

Budimerius Rex
& Apostolus.

Quare hoc ipso anno Satimerio vita ac Imperio functo cum Budimerius, vir humanitate animique mansuetudine & ipse præclarus, anno insequenti Diadema Sceptrumque suscepisset, a Constantio viro integerimo Christi religionem edoctus eam utrisque amplexus est ulnis, fideique statim lavacro purificatus. Et quoniam literis quoque non parum instructus erat, cum Philosophis aliis incredulis disceptatione ausus contendere, nonnullos ex iis in Christum credere compulit. Erat tunc summus Ecclesiæ Pontifex Joannes IV. natione Dalmata, qui per omnem Dalmatiam plurimas misisse pecunias refertur a Baronio, in annum sexcentesimum quadragesimum primum, ad redimendos nimirum captivos, quos Sclavi gentiles, sub Razimerio in illas Regiones grassantes, fuerant deprædati. Hic Pontifex cum mirifica Constantii opera inaudivisset, videre illum cupiens, ut ad se veniret, per literas petivit; vir igitur sanctus Constantius, cum interim apud Budimerium credentes in fide confirmasset, & authoritate Apostolica Presbyteros aliquot ordinasset, Romam est profectus jussis Apostolicis id poscentibus, fideles vero, quibus Budimerius præerat, interea temporis omnes uno ore laudabant Deum, & Dominum Jesum Christum, qui pro salute in se creditum sustinuit Crucem. Rex porro quibusdam latinæ linguae peritis negotium dedit, ut coactis in unum litoralis Dalmatiæ quondam accolis atque habitatoribus, loca oppidaque superiorum Regum impietate diruta ac desolata restaurarent, quo Christi nomen longius latiusque diffunderetur. Videbat præterea diversos genere ac lingua permixtos confuse constipari, & eos quemque suis locis, suisque legibus distinguere maturabat. Sed dum Seniorum Sapientumque Concilio super ea re deliberat, nec quicquam, quid facto opus esset, satis compertum haberet, legatos Romanum ad summum Ecclesiæ Præfulem, & Constantium & Augustum mittit, ab eis rei, quam facere decreverat, consilium auxiliumque petens, & aliquos de sapientum numero viros, cum veteribus locorum urbiumque Scripturis Regnique sui finium atque jurium, qui disponere

nere omnia rite edocti scirent, & in statum suum redigere; quo religionis a se populoque suo suscep*tæ* fides, rebus recte constitutis, certior atque diuturnior haberetur. Hac audita legatione Pontifex & Christianam propagari fidem intelligens, incredibili afficitur gaudio, postulataque concedit ulti*o*, & extemplo ad Regem Cardinales duos totidemque Episcopos simul destinat, quibus tertius Honorius Cardinalis præerat. Advenienti Regi in Campo Cliuna, prope Arcem Clisza Regni Dalmatiæ, cum magno procerum suorum comitatu Apostolici hospites occursero*n*e, & ab universis honorifice suscep*t*i sunt. Ibi per dies octo Viri Apostolici & Cæsarei aliud egerunt nihil nisi ut omnibus persuasum esset in Christum credere, fidem religionemque propagare, communi omnium saluti consulere, & quidquid deinde Romanæ sedis authoritate definitum fuisset, ratum habere. Per illos deinde Presbyteri consecrati, fundatæ & erectæ Ecclesiæ, leges rogatæ, & quæcunque novitiis Christianis necessaria erant, plene perfecteque fuere constituta. Tum demum cunctis audientibus, scripturæ per dies quatuor lectæ, & prout hæ monebant regiones divisæ metæque finium singulæ impositæ, ac Jura constituta. His peractis Budimerium Regem sacro Chrismate delibutum sanctificavere, & in dignitate Regia, quam jam obtinebat, opportunis benedictionibus confirmaverunt, imponentes reliquis omnibus, ut semper dicto ejus audientes essent, jussaque perficerent, & suis post illum hæredibus pari studio obsequerentur. Tum Archiepiscopos duos creavere, quorum unum Salonas, cujus quidem urbis pars maxima erat diruta, & quæque egregia Gothorum immanitate atque sævitia vastationibus deformata, alterum vero Diocleam Dalmatiæ urbes miserunt; Episcopos autem alios aliis locis præficientes, horum Archiepiscoporum jurisdictioni ac regimini subjecerunt, Ecclesiarum ædificia, quæ prostrata jacebant, rursum sunt erecta, & ipsorum consecrationibus sanctifica*ta*; Regis præterea edicto cautum est, ne quis ullius Ecclesiæ Jus usurparet, ne quis Clerico injuriā faceret, ne quis adversus Ecclesiasticam libertatem ire prælumeret; sed ut omne Clericorum Jus, ac potestas Præpositorum Ecclesiæ arbitrio definiretur, læsæ Majestatis reus esset, si quis contra auderet attentare. Postquam cuncta in suum redacta sunt statum & ordinem, hoc est maritima mediterraneaque Dalmatiæ loca, & quæ inter flumina Dravum & Savum Danubium influentia jacent. Regionemque, quæ a Delminii ruinis usque ad locum, qui Valdemini appellatur, & ab hoc usque Dyrrachium urbem Adriatico mari incumbentem protenditur, quam & Bosznam statuerunt ripa Drini fluminis divisam a Dalmatia. His itaque separatis Duces deinde constituerunt, quos Banos dictos voluerunt, Latini Tribunos

Immu-
nitas Eccle-
siastica in
his Regnis.

Origo Ba- vocant. Porro nomen hoc Ban dictum, meo quidem judicio, puto
dorum. a voce proprii idiomatis Boian, id est timendus, quasi ille, qui hujus
 esset officii ac dignitatis, cæteris sibi subjectis metuendus, ea ra-
 tione, qua apud Rascianos etiam ejusdem dignitatis persona Starosta,
 a senectute dictus appellabatur; sub his creati sunt Centuriones, ita
 dicti a militum numero, quibus præerant; singuli Bani, septem Cen-
 turionibus imperitabant, major natu ex Centurionibus, cum Banis
 Jus dicebant. Hujus Centurionis locum, ac dignitatem, modo Vi-
 ce-Banum tenere credo; Duces vero ad Jus populo dicendum cum
 quinque Consiliariis Prætoribus considebant. Insuper Magistratus,
 officia dividentes, qui Provinciam regerent, exigerentque vestigalia,
a Ducibus constituta, & quæque Regno plebique expedientia provi-
 derent. Ita Ludovicus Tubero, qui quamvis plures etiam de rebus
 Hungaricis scripsiterit libros, Francofurti postea post mortem ejus An-
 no millesimo, sexcentesimo tertio, teste Isthuanissio in annotationibus
 manu scriptis, editos, hunc timen de rebus his Illyricis, nulla ætas
 impressum vidit. Et sane, quamvis diligentissime plurima lustraver-
 rim, in paucorum tamen Banorum nomina incidere potui usque ad
 annum millesimum, ducentesimum, decimum secundum. Quia vero
 Banorum incidunt mentio, plura de iis adnotanda videntur, & impri-
 mis nulli mirum videri debet, olim plures fuisse constitutos Banos,
 nunc vero unum duntaxat poni, cum ex primævo eorum statuto qui-

Cur ali- libet Banorum non nisi septem Centuriis præcesset, & in tanta vero
quando populi plurium Regnorum multitudine plures numerarentur Centu-
plures, ali- riæ. Sed & posterioribus temporibus plures ejusdem Regni Banos si-
quando u- mul fuisse constat, aliquando vero unum duntaxat, prout nimirum
nus fueit rerum ac temporum status, personarum in officio constitutarum vir-
Banus. tus, & regionis cujusque exigere videbatur conditio, quod id ipsum
 ex litteris Ferdinandi Primi, ad Petrum Keglevicum Banum datis lu-
 culenter patet, quarum tenorem hic subnectimus, quasque in specie
 amici cuiusdam opera legimus.

„ FERDINANDUS divina favente Clementia Romanorum, Hungariæ,
 „ Bohemiæ, Dalmatiæ, Croatiæ & Sclavoniæ Rex. Magnifice fide-
 „ lis dilecte; præteriere jam multi dies, cum literas tuas, per pro-
 „ prium hominem ad nos missas accepimus, ad eas tamen responde-
 „ re noluimus, priusquam nos de omnibus rebus, pro conservatione
 „ tuitioneque Regnum istorum nostrorum ordinanda resolveremus,
 „ sicque & tibi magis conveniens & resolutum responsum dare pos-
 „ semus. Tibi itaque nunc gratiose significamus, Nos statuisse cogni-
 „ ta nimirum fidei tuæ perpetuæ constantia, animique in re militari
 „ fortitudine, & in administrandis rebus istis nostris prudentia &
 „ dex-

„ dexteritate, ut tu solus sine aliquo Collega Banatus officium pro
 „ nunc geras; non dubitantes quin unus rebus istis dirigendis & gu-
 „ bernandis, quemadmodum nunc earum est status, bene satisfacere
 „ possis, neque Collega opus habeas. Et quo ei muneri commodius
 „ præesse possis, decrevimus intertenere tibi trecentos Equites levis
 „ armaturæ, quorum opera pro rerum necessitate utaris; deque in-
 „ tertentione tibi quovis tempore suppetidanda, in proximo Conven-
 „ tu, quem in Sclavonia indiximus, una cum nonnullis aliis agi &
 „ tractari curabimus: confidentes utique, istius Regni Status nostræ
 „ in hoc petitioni obtemperaturos fore. Datum in Civitate nostra
 „ Vienna, die decima secunda mensis Jan. anno millesimo, quingen-
 „ tesimo, quadragesimo, Regnorum Nostrorum decimo, aliorum ve-
 „ ro decimo quarto. „ Hæc Cæsar Ferdinandus.

Quamvis & alia rei hujus ratio esse possit, nam cum Banus & ju-
 ri dicundo præesse, & militari exercitationi publicisque rebus provi-
 dendis incumbere debeat, quo commodius ac utilius in tanta plurium
 Regnorum amplitudine satisfiat, partitis inter se curarum ac negotio-
 rum oneribus, plures statui quandoque necesse fuit, præsertim cum
 unius tantum tanto muneri insufficiens satisfactio impendi videretur.
 At vero nostris hisce temporibus, cum fatali quorundam incuria, ac
 extrema prorsus negligentia, dulcissimæ fines patriæ nequaquam am-
 plientur, sed mutuis potius contentionum flammis jam fere in cine-
 res consumantur, haud pluribus opus esse satis liquido constat; imo
 ob plurima æque Procerum intestina, ac vatiniana odia, ne in im-
 mensum serpent, expedit prorsus unum solum præesse. Hoc porro
 officium omnibus posteris, Regum quoque Hungariae temporibus
 summæ dignitatis æstimatum fuit, maximoque in honore habitum;
 nam ut postea dicemus, saepè Banatus cum Vaivodatu Transylvani-
 co in unum conferebatur, semper vero ubi distinctæ gerebant perso-
 næ, Bani nominis prærogativa ampliori loco honestata est, ut vel hinc
 non mediocriter appareat, quantum quidam Hungarorum a majo-
 rum suorum recesserint humanitate, minori quam par esset, hanc di-
 gnitatem æstimatione prosequentes. Sed nunc, unde digressi sumus,
 ut revertamur; Cardinales, Episcopi, Cæsarisque Legati probe ac
 laudabiliter suo defuncti officio, magnisque a Rege Budimerio mune-
 ribus donati, reverenterque habiti; mox etiam multitudo omnium
 hominum, cum suis Banis, Centurionibusque dilapsa est in suas quis-
 que Sedes patrumque solum. Rex autem ipse Budimerius, anno a
 sua unctione quadragesimo, mensis Martii die tertio, cum populum a
 Deo sibi commissum opera sua Christo devotum vidisset, omniaque
 pii, pacifici, clementisque Regis officia explevisset, extremum sanctis-
 fine

Mors
Budimerii
Regis.

sime clausit diem, & cum ingenti funebralی pompae apparatu, in æde Divæ Virginis in urbe Dioclæ sic dicta, sepultus est. Luxit eum populus cum Proceribus dies plurimos, convenientibus universis ex omnibus Regni finibus, ut funus ejus debito cum obsequio & splendore non solum ut optimi Regis, sed etiam ut eximii in his Regnis Christianæ fidei propagatoris & Apostoli, tanto decentius majorique cum pietate honoraretur. Orbino placet, hunc a Sclavis populis, Suetopelek fuisse appellatum a sanctitate dictum; Budimir vero, eo quod Christianæ fidei dogmata amplexus quasi accepta jam vera fide ipsi ac Regno pax instituta fit. Non multo ante natus Budimerio filius fuerat, quem infantem licet, & in eunis adhuc jacentem, omnes uno animo Regem salutant, anno Christi sexcentesimo, octuagesimo primo, uncto deinde ab Episcopis, & coronato in eadem Divæ Virginis æde, urbe Dioclæ nomen inditum & Szueticus quod in latinum versum, sanctulum sonat, seu potius ultima syllaba dictionis primæ relicta, & secundæ prima detracta Sanctum Catholicum dicere potes, ea ratione, qua Carolus Rex Hungariæ, olim Carobertus, id est Carolus Robertus nominabatur, ubi & ultima primæ, & secundæ dictionis syllaba prima detrahitur. Ita igitur cognominatus est, ut ipso nomine Christianæ pietatis, ac optimi patris probitatis imitandæ admoneretur; qui cum adolevisset, Patris omnium, qui ante illum regnarunt, præstantissimi vestigia fecutus, sacris deditus, sacræque Religionis plurimum studiosus erat. Cumque in omnibus fese summa cum laude gessisset duobus supra viginti annis, mortemque obiisset, filius ejus Wladislaus anno æræ Christianæ septingentesimo tertio successit in Regno: hic quidem & corporis viribus & animi fortitudine præstabat, sed vita & moribus Patri Avoque non satis similis habebatur. Parum enim admodum religiose vixit, nec justitiae serviens, nec legibus parens, quin imo pravis animi cupiditatibus deditus, nihil si bi non licere existimabat, quod collibuisse; venationibus delectatus plurimum, cui cum intentus die quodam citato equo feram insequitur, in foveam non modicæ altitudinis corruit, unde eum totis artibus elisum, exanimemque extraxere, tam inopinam scilicet, juste numine vindicante adeo liberam vivendi legem, incurrendo poenam. Non abs re existimaverim hic adnotare, quod quemadmodum olim hæc nostratia Regna cum Hungaria sub unam coivere coronam, ita initia conversionis suæ ac piissimorum Regum primordia similia prorsus habuere. Ut enim primo Geyfa Christi fidem amplexus, nequam id efficere potuit, quod de omnium subditorum conversione animo conceperat, sed filio Stephano perficiendum relinquere debuit, qui deinde ab Alberto Pragensi Archiepiscopo fidei lavacro purificatus, &

Szueticus Rex.

Wladislaus Rex.

Collatio
Regum
Dalmatiae
Croatie &
Sclavonie
cum Regi-
bus primis
Hungarie.

in

in fide, ac dignis Christiano Rege moribus est imbutus, ipse quidem tum per se, tum per alios religiofæ vitæ deditos, omnes fere sibi subjectos ad veri Dei cultum, disciplinæ jugum & Evangelii legem eis persuadens, adduxit: Astricum Abbatem ad summum Christi Vicarium petiturum destinat, ut recens conversæ Pannoniæ largam benedictionem impertiretur, omniaque ab ipso constituta, sua firmaret auctoritate. Filium vero Emericum habuit Angelicis instructum moribus juvenem, at Regni successorem Petrum prorsus degenerem, & tantis priorum Regum ac Ducum pietatis exemplis, nec quicquam ad bene vivendum atque gubernandum motum. Ita pariter Satimerius primus in fide orthodoxa, suavi Christi sese submittens jugo, populum sibi a Deo concreditum, ad eandem Christianæ vitæ religionem reducere satagebat; sed mirabiliter altissimo Dei consilio hanc Apostolatus prærogativam Budimerio reservante, Satimerius neutiquam ad finem perduxit, sed Budimerius adhibita simul pia Constantii industria omnem sacræ fidei, Ecclesiasticorum dogmatum, Christianorum morum, Justitiæ legum, Regni finium ac limitum cæterorumque universorum gravissimorum negotiorum molem suis humeris sustinuit, sua virtute ac industria stabilivit, suis denique sanctissimæ vitæ meritis piissime terminavit. Cui tametsi deinde optimus fuerit filius Szueticus, post hunc tamen successor Wladislaus, omni humanitate orbus, cunctisque austerus, exitu divinæ vindictæ pleno, & longe miserabiliori Petri Regis, vitam cum Imperio exhalavit. Sed ad Reges redeamus.

Extincto Wladislao non minus infelici, quam inopino mortis genere, ut nec annorum numerus, quibus regnavit, nec initium filii ejus, quo regnum suscepit, Poliszai reperiatur; ita nimirum, uti proborum in benedictione memoria manet, sic apud Deum invisorum deperit, ut nec in annalibus prolixitas flagitiose traductæ vitæ posteritati tradatur. Et quamvis hunc Poliszlaum juvenem animo quidem præstantem, Ludovicus Tubero adversus Attilam strenuissime dimicasse, eumque in Pannoniam ignominiose regno suo pulsum recessisse referat: hic tamen author in hoc falli & sibi non constare vel ex eo convincitur, quod Patrem adhuc hujus Wladislaum, Regnum suum inchoasse anno Christi septingentesimo tertio, una cum aliis bene ponat ut supra diximus: Attilam vero omnino constat morte sublatum multis antequam vel in mundum editus Poliszlaus fuisset annis, nimirum quadringentis quinquaginta quatuor. Hic itaque Poliszlaus tametsi nullam post se masculam reliquerit prolem, filia tamen ejus nubilis viro tradita, duos genuit filios, & cum Poliszlaus anno regni sui decimo septimo vita dececessisset, alter ex nepotibus ejus natu major

Sebesz-
laus Rex.

nomine Sebeszlaus regnare coepit, cumque circa initia quasi Imperii sui Scodram oppidum Regni Albaniæ Gotthi obsedissent, ille coacta non parva manu, audacter impigreque castra eorum invasit, ut primo statim impetu eos oprimeret; hostium igitur, qui bello Regnum suum lacescissent, & aggredi non dubitaverint, statim pars alia cæsa, alia capta, alia in fugam conversa, nobilem illi victoriam reliquit; neque enim prospere pugnare semper possunt, qui plus audaciæ, quam virium præferunt. Et hunc quoque Sebeszlaum Tubero Attilam Regnum suum post Gothos fusos invadentem infecutum scribit, sed ut in priori erravit, ita in posteriori crassius adhuc hallucinatur. Absolutis itaque viginti quatuor regiminis annis, haud parva rerum bene gestarum fama post se relitta, ut qui pacis bellique artibus plurimum præstisset, duos de se liberos reliquit, Mibivorium natu majorem & Bladimerium minorenem, qui licet regno inter se partito, amicè invicem, ac cum aliis nationibus vixissent, Mibivorio tamen post annos duodecim absque posteritate decedente, in Bladimerium fraternalitatis jure residua regni pars devoluta est, qui cum ex filia Pannoniæ Regis liberos procreasset, anno vigesimo Imperii sui fatis concedens Canimerium primogenitum in regem substituit, qui quidem regnum inter Patruelles antea divisum solide conjunxerat, & præcedentium potentiam regum suis operibus æquavit: sed quoniam ob quandam animi duritiem invisus plurimis erat, Croatia præsertim ab eo deservit. Quamobrem rex in furorem actus, coacto repente exercitu Macedoniae, Epiri, Myssæque superioris, ad eos qui defecerant debellandos est profectus. Cæterum non minus illis ad repugnandum animus erat; armati itaque obviam processere, in Campo, qui Clunia nuncupatur (ubi Budimerium cum legatis Apostolicis ac Cæsareis primum habuisse conventum jam supra retulimus) acriterque inter se concurrunt: diu æquo marte pugnantibus, tandem interfecto Canimerio rege, victoria a Croatis stetit, belloque impositus finis. Post hunc intra quadraginta annorum decursum, quatuor consequenter

Canime-
rius Rex
a Croatis
bello in-
terficitur.

Turdis-
laus, Ostri-
vorius,
Tribislaus
& Zolime-
tus Reges.

regnavere, Turdislaus, Ostrivorus, Zolimerus & Tribislaus, quorum sub Imperio quia calamo digni occurrit nihil, eos compendii facio; otium & pax erat, & ab armis quies, præterquam quod horum potestatem nactus paternæ cædis authores poena affectos vita spoliavit.

Cepime-
rius Rex,
Germano-
nos præ-
fudit.

Eo regnante ambitiosa Germanorum gens a Septentrionis partibus prædæ alienique avida veniens, nulla data causa Istriam occupavit, cum-

cumque Dalmatiæ fines armis laceffere cœpisset, rex eis obviām procedens inito prælio eos facili negotio majori ex parte neci datos, pauciores fuga dilapsos vincit, ac e Regni finibus eliminat. Germanorum Princeps ut excitata jam odia in amicitiam verteret, metuens ne iidem, quos injuria affecisset, sibi suisque vices rependerent, regis natam filio suo matrimonio jungi postulat: quam tametsi difficulter, ut temerarius alieni regni invasor, postea maximis muneribus ad regem missis obtinuit tamen, & amice posthac alter altero est usus per annos vinginti quinque, menses septem, quibus Cepimerius imperavit.

Excepit Regnum Szuetoszlaus filius, qui Bulgariæ quoque impe- Szuetosz- ravit, ob insitam sibi animi mansuetudinem omnibus pariter charus: laus Rex. hic Radoszlaum filium adeo tenero complectebatur amore, ut vivens Radosz- adhuc illum pro se regnare juberet; Radoszlaus vero, ut tanto be- laus Rex. neficio se non indignum probaret, mortuo brevi Patre, non tantum Regni ejus, sed etiam virtutum sese præstítit ex asse hæredem, paternosque mores imitatus, laudabiliter prorsus in omnibus gessit, hoc uno infelix, quod prolem sibi suisque longe degenerem sortitus sit: filium enim Szeislaum habuit in tantum vitiis corruptum, ut ei Apo- statæ nomen palam ab omnibus exprobraretur; Ecclesiæ inobediens, vivente adhuc Patre regnum affectans, in omnes demum protervum ac injuriosum exhibuit sese, quibus tandem commotus Banus Croatiae Bilitus Ban- didus Bilitus, ejusque protervitate graviter offensus, cum iis, quibus nus Cro- a Rege defecit. Rex vero graviora ex hac scintilla veritus incendia grassatura, desertores suos persecutus, facile in potestatem redegit ultro sese dedentes, ne regi suo adversari viderentur, dum filii impotentem animum detestantur. Verum Banus ipse, cum non nullis pertinacius Regi quoque resistens, fuga solus elapsus est; eis qui sese regi submiserant, crimen remissum, veniaque data, quos autem Szeislaus ceperat, in servitutem redegit, Præfectis copiarum sua- rum oblatos, monitus tum a Patre filius, ut affabili comitate benigno- que in omnes animo esset imposterum, neve communem Reipublicæ pacem similibus perturbaret dissensionibus, cum ipsius, si quando rex esse vellet, incumberet curæ, excitatos ab aliis sedare potius, non novos excire motus. Sed indigne ferens paterna monita, jam diris destinatus filius, primum iratus patri, quod rebellantibus pepercisset, seditionibus deinde nefarii animum intendere coepit, plurimos militum centurionumque Croatarum terrore compulso, sub suis signis militare cogens, quorum deinde opera usus, Patrem e Regno expulit, & in Croatia sedem dominatus fixit. Radoszlaus regno exutus, Castrum cum paucis quos secum habebat confugit, quo cum filium sibi adhuc infensem adventare inaudivisset, vehementer angi coepit, comi-

tum magis quam suum dolens periculum, cum quibus inde raptim decedens, ad mare usque fese fuga proripuit: sed tunc etiam tergo instare hostem filium cernens, cum equis in mare simul irruit, & ad scopulum quendam continentis proximum, natando omnes pervenere; atque ita tandem infelix Pater, ne una cum illis, qui eum secuti fuerant, perditissimi filii manu trucidaretur, vix effugit: cumque ibi per dies aliquot mansisset, nec se satis in tuto putaret esse, fato quodam, Deique miseratione contigit, ut navis quædam de Apuliae finibus, Dalmatiæ versus, iter habens præternavigaret, quæ clamoribus evocata scopulo applicuit, deinde Regem cum toto comitatu excipiens conversa navigatione transvexit in Apuliam, ubi illi expositi, terrestri deinde itinere Romam contenderunt, scopulus vero ille, qui fugientes exceperat, Regis nomine Petra Radoslai est nuncupata. Interim impius ille filius fugato Patre Regna omnia possidet, donec Deo ulciscente, hostili manu interemptus poenas daret, scilicet ne quis diuturnam impunitatem sceleri suo speret. Etenim cum inter venandum feras cum Principe quodam inter Pannones potente, dicto Vido (fuit hic vir nobilis ejus familiæ, ex qua Vidus similiter dictus, apud Salomonem Regem summi habitus, tempore Divi Ladislai & Geysæ Ducum originem traxit) jam antea mutuis intricati odiis obviam facti fuissent, & novæ repente inter eos, incertum qua de causa, exorirentur rixæ, Szeislaus Vidum in fugam cum suis conjecit; ac inter persequendum jam hunc, jam illum irrequieta ensis rotatione cædens, ipsum consecutus Vidum, inficto primum vulnere, ex equo deturbat in terram, ruentique imminens caput abscindit. Inaudiens hæc Vidi uxor ingentis animi mulier, adit Pannona Regem auxilium petitura, quo cuncta concedente continuo vim magnam militum comparat, Szeislai Regnum occulte ingreditur, ac ipsum in agro forte venantem reperit, insperatoque milite undique cingit. Capitur igitur Szeislaus nihil tale veritus, & ad Vidi conjugem captivus ducitur. Jussit mulier exacerbata mariti cæde Szeislaum in vincula conjici naribusque atque auribus truncari, & omnibus ostentui esse, foedum sane spectaculum, sed tantis hominum flagitiis non indignum! vespere tandem in flumen Savum cum vinculis dejectus aquis præfocatur. Atque hunc demum habuit exitum illa in Patrem impietas, in Deumque contemptus. Audita filii nece Radoslaus Deo gratias egit, justa ejus judicia, qua poterat, laudatione extollens, qui & noxios punire, & innocentibus misereri consuevit: accepta tandem a Summo Pontifice benedictione, Roma discedens in Regnum suum est reversus (quamvis Orbinus Romæ mortuum, ac in Sancto Joanne Lateranensi sepultum scribat) mansitque inter Dalmatas maris accolas, Croatis inju-

Szeislaus
misera
perit
morte.

injuriam omnem remittens quod impium fecuti suissent filium, nec quicquam inique in se commissum exprobrans, ad Clementiam, quam ad vindictam, semper propensior. Atque ita inter prospera & adversa semper constanti in Deum pietate perseverans, fine beato anno Christi octingentesimo septuagesimo quinto conquievit.

Natus ei interea filius Colomannus fuerat, qui cum ob infantilem adhuc ætatem sceptra tenere nequiret, ne Proceribus inter se discordantibus Regnum ruinæ pateret, salubriter ad Branimirum eligendum consensere. Refert quidem Tubero, defuncto Radoslavo statim filium ejus Colomannum omnium consensu in Regnum suffectum, sed malim Baronio fidem adhibere, qui in Annum octingensimum septuagesimum scribens affirmat, a Joanne octavo Pontifice, Branimiro, Principi quandam scriptam esse Epistolam; hunc vero Branimirum Johannes Tomcus, ex aliis etiam scriptoribus Dalmatiæ Regem & Patrem Gostumili, Illyricanæ fecunditatis in vita beati Ivani describit. Electo igitur, ac de more uncto in Regem Branimiro, anno octingentesimo, septuagesimo sexto, qui defensor pacis interpretatur, omnium in eo animi defixi hærebant, tum quod in omnes & quo fuisset animo, tum quia summa iustitia, prudentia, ac felicitate Rempublicam gubernasset. Hujus Principis tanta in Deum pietas & observantia erga Petri Cathedram extitit, ut, quod aliquot antecessorum injuria fuerat variis casibus omissum, publica legatione se sancti Petri subditum sit professus. Extant hinc Apostolicæ literæ ad eundem a Joanne octavo Pontifice transmissæ, quarum paulo supra ex Baronio meminimus, quibus exaggerata singulari ejus pietate, benedictionem Apostolicam expeditam Regi Regnoque Romanus Pontifex impartitur. Hunc Branimirum Bonfinius nulla de causa Sueropilum appellat, constituitque ad annum octingentesimum octuagesimum, quo simul tempore Bulgari longe prius ad fidem Christi reducti, cum adhuc Schismatici forent, catholicæ fidei dogmata receperunt, quorum deinde Rex delegato filiis Regno ad monasticam Religionem confugit. Expletis demum Imperii sui annis quatuor supra vigesimum, & subrogato in Regnum filio Gostumilo nono Christiano seculo, Branimirus in coelum migravit; demortuo simul Colomanno Radoslai filio, Juvene Patarnarum virtutum ex asse hærede. Antonius Wramecz in suo Chronico scribit, hunc Gostumilum anno octingentesimo trigesimo secundo in Regiam evectum dignitatem, sed eruditissimus Baronius omnino contrarius est, qui antecessorem hujus Branimirum circa Annum octingentesimum septuagesimum octavum, ut supra dictum est, collocat, cuius semper authoritati libentius adhæremus. Itaque Gostumilus anno nongentesimo, ritu solenni in Regem unctus, omnia optimi

Branimirus Rex.

Gostumilus Rex.

Regis executus munia, quamvis filium progenuerit Ivanum, attamen absque Regiae dignitatis successione decessit e vivis; Ivanus enim ardentioribus cœlestium desideriorum flammis incensus, vivente adhuc Patre, Eremum elegit Bohemicam & magni præcursoris, cuius nomen gerebat, æmulando virtutes, salutatis Parentibus formidolosos sylvarum flexus Duce Angelo pererrabat: cuius vitam uberiorius explicatam apud Joannem Tomcum in Illyricana fecunditate est videre; Virum cæteroquin judicii approbati, nisi quod in Chronographia lapsus, hunc Ivanum ad annum Domini octingentesimum quinquagesimum septimum, ejus vero Patrem Gostumilum ad annum nonagesimum ponat, unde necesse est, eum in annis triginta tribus fuisse lapsum. Cæterum Gostumilus annis regnans duodecim vivere desiit.

Cheanus Rex Sclavoniae cum Divo Stephano pugnat. Advenerat jam annus reparatae salutis millesimus secundus, quo Chean Samuelis successor Bulgariae Regnum gubernabat, Rex potentia atque animi magnitudine clarissimus; hunc Sclavi suum quoque voluere. Inauguratus igitur Cheanus Rex Sclavorum, amplificata virium potentia, ulturus, ut putabat, superiorum temporum, quas Bulgari acceperant injurias, & si fata voluisserent, paraturus sibi in Hunnos Imperium, cum recens primo divi Stephani in Pannonia Regem anno millesimo primo, inauguratio præcessisset, Exercitum educit. Stephanus vix a Scythico bello, quod adversus Gyulam avunculum suum gessit, conqueverat, cum repente nuntiatur Cheanum Bulgarorum Sclavorumque Regem, qui Imperio Ducum paruissent in ordinem ab eis redacti, patefacto sibi per Mœrias itinere, eduxisse exercitum in inferiorem Pannoniam & passim oppida incendere, populari agros, prædas agere; tum vero adversus hunc hostem, ex priori victoria factus alacrior, nihil cunctatus obviam procedit Stephanus & referre pedem inter suos fines Cheanum cogit. Cheanus, cui nota erat Hunnorum multitudo, validis denuo comparatis Exercitibus angustias montium, qua Stephano iter erat, occupat, præsidia suis locis disponit, ipse vero ubi pro re sua visum est, idoneo loco castra facit; laboratum graviter est a Stephani militibus, dum juga montium occupata adverterunt, repulsi deinde non sine suorum gravi strage hostium præsidiis & per declive deductæ aliquot Cohortes, quæ hostium impetus sustinerent, dum Stephanus cum reliquo agmine subsecutus aciem institueret: non vires, non animus, non peritia militaris, Cheano defuit, sed fortuna; nam ut certaminis dedit signum suis, tanta vi atque impetu Stephani aciem adortus est, ut non Ducis tantum, sed & militis boni officio functus videretur. Sed post aciem cruentamque dimictionem, suorum multitudine adjutus Stephanus, cedere tandem Cheanum coegit; sed & captum vivere noluit, ne, si hominem

minem armorum peritissimum, proinde quietis impatientem, quod ex captivis cognoverat, suis restituisset, novi identidem belli illis author fieret, quantumvis aliis parcitum sit captivis. Et sane mirum videri potest, virum jam tum sanctitatis opinione celebrem adeo se severum erga potentissimum atque eximium Regem exhibuisse, ut omnibus vita condonata, in solum Regem & jam captum fævire sit visus. Præda ingens in castris capta, & in ipsis Bulgarorum oppidis & urbe, quæ Cheani fuerat sedes, quam Themonam sede Archiepiscopali Bulgariæ notam fuisse puto. Erat omnino, ut Caspar Pechius refert, auri atque argenti & margaritarum vis magna, quam Bulgaris tunc debellatis in Pannoniam transferebat, major longe, quam ante ipse Stephanus possederat. Memorabile hoc atque cruentum prælium inter potentissimos duos Reges commissum, succinete nimium, nec quicquam pro honore Cheani laudatissimi licet Regis, Petrus Ranzanus perstringit, Joannes vero Thuroczius in Chronica Hungariæ capite trigesimo, tametsi & ipse brevissime tangat, sat tamen virtuti Cheani tribuit, dum multis laboribus & bellicis sudoribus devictum scribit; sed optime Pechius, qui utrique Regum suam reddens laudem in neutrum est injurius. Antonius Wramecz anno millesimo, trecentesimo quinto hanc scribit contigisse pugnam, sed hic author frequenter in Chronographia labitur, ut proinde dignius sit tribus supra memoratis Historicis, qui anno millesimo secundo factam asserunt, fidem adhibere.

His iisdem temporibus naturæ debito concedente Gostumilo, Croatiae Regnum Regis titulo Szudomir, Dalmatiæ & Croatiae Banus, occupavit ac possedit, & duobus ferme imperavit annis, qui-
bus Chean in Sclavonia regnabat. Sublato deinde indigna cæde Ban Croa-
Cheano Sclavoniæ, ac demortuo absque hærede Zudomiro Croatiæ
Regibus, orbata regna Principe, mira premebantur sollicitudine, at-
que ut tanto validiora adversus hostes quoslibet in futurum effi-
cientur, pro more unanimi consensu indictis Comitiis, Terpimeri
Principis filium Generum Bani Zudomiri, Crescimerium appellatum, Crescime-
ri tunc Bosnæ & Dalmatiæ imperabat, aliis Crisimerium, aliis Cra-
simerium dictum, in Regem eligunt, unguisque anno millesimo ter-
tio. Hic Princeps in omnibus sane laudandus, naturæ fortunæque
bonis æque insignis, sed præcipue in Deum observantia atque cultu,
publicæque pacis amantissimus, cuius virtutum famam cum divus
Stephanus Pannionorum Rex inaudivisset, & ut præterea Bulgarorum
atque Sclavorum animos ob Cheanum interfectum, vastatamque Bul-
gariam concitatos sedaret, filiam Crescimeri in connubium Emerico
filio postulavit, unde postea divus Emericus Ducis Sclavoniæ titulo
decoratus fuit: meminit connubii hujus etiam Joannes Tomcus in

Illyricana fœcunditate, vitæ Emerici: vixit Crescimirus regnans annum unum supra trigesimum. Addit Orbinus, jure hujus matrimonii, inter Emericum & filiam Crescimeri initi, Hungaros Croatiam vendicare sibi voluisse, atque Banos ad administrandum Regnum quosdam destinasse: verum Croatæ repudiantes Hungarorum Administratores, ex suis sibi Regem elegerunt. Reperi fragmentum quoddam Constantini Porphyrogeniti, in quo filius Crescimeri Miroslaus in Patris locum suffectus, annis quatuor imperans, & a Bano Sclavoniæ Privvnius refertur vita privatus. Ludovicus vero Tuber, successorem Crescimerii filium Zuonimerum afferit, quod, nisi Crescimerium duos habuisse filios dicamus, unumque alteri in imperio successisse, stare non potest. Sed ut sit de Miroslao, Zuonimerum certo constat omnium Historicorum consensu, Dalmatiæ & Croatiæ fuisse Regem, quamvis nemo certos Imperii statuat annos, excepto Tuberone, qui eundem septem Olympiadibus imperasse narrat, nisi forte & sic dicamus, quod verosimilius arbitror, Miroslauum Sclavoniæ Regno præfuisse, Zuonimerum vero Dalmatiæ & Croatiæ, ut brevi clarius elucescat ex Baronio. Zuonimerus igitur, alii Zolimirum appellant, sed alter etiam fuit Zolimirus, qui post Ostrivorium ut supra retulimus, regnavit, Zuonimerus inquam, Patre licet Catholiclico genitus, ab avitæ tamen fidei sinceritate in initio deflexerat;

Zuonimerus Dalm. Croatiae & Sclavoniæ Rex. quo tempore gens Servorum, ut refert Europalates apud Baronium, quos etiam Croatas vocant, exiit ut Bulgaria redigeret in servitatem, quamvis irrito conatu, cuius belli causa Bulgarica Ecclesia gravibus affecta est molestiis tum ab hostibus, cuncta rapina, cæde, igneque miscentibus; tum a Magistratibus & Exactoribus, ipsos Episcopos crudeliter divexantibus; quæ mala ejus tunc Provinciæ Archiepiscopus Theophilactus eximius Ecclesiæ Doctor, suis deplorat ad diversos Epistolis. Sub idem tempus Paulus Croatiæ Banus, non solum opibus ac clientelis, verum prudentia atque animi magnitudine quoque insignis, præclaram nactus opportunitatem, utpote qui adversus Bulgaros universas Croatarum copias, summo cum Imperio

Paulus Croatiae Banusean democcat pat. ducebat, Zuonimero factus refræctarius, totam sibi subjecit Croatiam: nec hac contentus adscitis in societatem Rauseiis Comitatum Chelmi occupat, & ad Rasciæ Regnum subjugandum proficiscitur. Verum Stephanus Coëcus Rasciæ Rex, numero conflato exercitu occurrit Paulo Bano, eumque ab ingressu suorum finium arcet; Zuonimerus quoque interea comparatis e Dalmatia copiis eundem prælio fundit, ac in veterem restituit fidelitatem. Circa hæc ferme tempora, potentissimi etiam in Bosnæ Regno fuere Bani, qualis fuit Tuartcus a Samuele adhuc Bulgarorum Rege, Knez Veliki id est Comes Magnus

Bani Re-
gni Bosnæ.

cognominatus, postea vero etiam in Bosnæ Regem electus. Hunc secutus Barich, quo mortuo Culinus Banus sex supra triginta annis Bosnæ præfuit, cuius sub Imperio mirum quanta felicitas & rerum omnium affluentia per illas partes floruit, unde proverbium ad posteros manavit, quando felicia tempora memorabantur, Culini Banni ævum prædicari & in memoriam revocari solere. Vir sane non tantum militari virtute fortis, sed & religione pius, multumque Romano Pontifici, sæpius ad eundem missis muneribus, juxta vetustissimam Bosnensium Banorum consuetudinem, semper affectus extitit. Sed ad Zuonimerum regrediamur, qui & ipse deinde ab impia idotum superstitione resipiscens, & germanam Romanæ fidei amplexus veritatem, non solum ornamentis ac Religione superiorum regum nulli postponendus, sed legum præterea præcipuus observator & proinde pessimo cuique maxime invisus erat. Eo tum regnante prospere inoffenseque succedebant omnia, ut fama virtutum ejus Salomon, Geysa, & Ladislaus commoti, ei fororem matrimonio jungere non dubitaverint: bellum nullum gestum, nisi cum Carinthiis, qui aliquid Dalmatiæ vastaverant, & ejusdem Regni Marchiam occupaverant, pro qua recuperanda Zuonimerus Solomonem Pannoniæ regem affinem suum advocavit; hic cum Geysa Duce advolat, Marchiamque receptam Zuonimero restituit, acceptis ab eodem maximis & rege dignis muneribus. His absolutis quieverant bella, opes augebantur, nec pauperibus timori erat divitum avaritia, nec plebs potentiorum vim formidabat, omnes pariter tuente & protegente ipsa Regis iustitia, quæ neminem prorsus a nemine vexari patiebatur. Cumque omnium pro se par cura esset arva colere, pecudes alere, negotiacionibus exerceri; nunquam antea regna illa ulla rerum copia opulentiora esse memorabantur. Abunde in civitatibus erat vestis pretiosa, decoraque arma, & phalerati equi; exquisita supellex, aurique & argenti vis maxima, gemmæ, margaritæ & quæque alia, quæ mortalium animos vel aestimatione vel pulchritudine allucere solent. Memorat Tubero, Zuonimatum a Croatis interemptum, eo quod per literas summi Pontificis ad recuperationem terræ sanctæ invitatus, id se se facturum promtissime obtulerit. „Sed Croatarum Gens, inquit Tubero, protinus indignari coepit, ita ut vix perlegi patetur literas; non solum itaque non consenserunt literis, & hortationi Pontificis, verum etiam in Regem suum insurgentes, magno tumultu & vociferatione conquesti sunt, illum hujusce rei authorem esse, ut ipsi relictis conjugibus, liberis, patrioque solo, procurul per alienas domos errent, aliena sequantur Imperia; nec exceptare sibi loca illa sancta si liberentur. Atque ita infesta concio

„ pessimis usq; consiliis nequivit inhiberi, quin repente sanctissimum
 „ Regem Zuonimerum invadentes, multis conficerent vulneribus
 „ atque interimerent. „ Hæc Tubero.

Sed præterquam quod hæc Zuonimeri cædes a nullo Historico-
 rum alio, qui de illo tradidere, memoretur, Tomcone excepto, qui
 Tuberonem videtur fecutus; in hoc tamen Tubero sibi constare non
 videtur, quod cum & ipse Regem sanctissimum ac præcipuum divi-
 narum humanarumque legum observatorem asseruisset; cujusque sub
 imperio nulli divitum potentia formidini esset, & qui populum per
 tot annos in tanta continuisset disciplina: is idem deinde populus
 ipsi Regi in publico Comitiorum alterius etiam Dalmatiæ Regni con-
 fessu, violentas inferret manus, qui nec ruricolæ aut gregario cuiquam
 nocumento esse audebat. Accedit deinde, quod non Zuonimeri tem-
 pore Romanus Pontifex Christianos Principes ad terræ sanctæ recu-
 perationem sit hortatus, sed septem annis postea, eo scilicet tempore,
 quo Divus Ladislaus Hungariæ Regem agebat; nam constat ex Ran-
 zano, Bonfinio, & aliis, Divo Ladislao jam creato Regi summam bel-
 li hujus præfecturam a Romano Pontifice fuisse delatam, quo tempore
 Zuonimerus omnino ex hac deceperat vita. Demum suspectum se
 mihi Tubero reddit cum de Croatis scribit, cum semper fere, oblata
 occasione, sine causa hanc gentem inurbane perstringat. Et forte
 quod Sclavoniæ Regi Godescalco a suis accidit, ut mox dicemus, id
 Tubero de Zuonimo est suspicatus: mortuus itaque Zuonimerus
 absque liberis piissime, qui totum a conversione sua pie vitæ cursum
 traduxerat, anno millesimo, sexagesimo nono, conjugi interea suæ
 Lepæ Divi Ladislai Sorori, Regna legans testamento. Jam supra re-
 tulimus, Miroslauum Crescimerii filium annis quatuor Sclavoniæ præ-
 fuisse, cui Godescalcus in Regnum successit. Hic Princeps, Authore
 Baronio in annum millesimum sexagesimum quintum, christianæ reli-
 gionis studiosissimus extitit propugnator, qui cum per plures annos
 regnando magnam Sclavoniæ partem a paganismo ad fidem conver-
 tisset & in reliquis convertendis indefesse laboraret, ab iisdem conju-
 ratione facta comprehensus, ac fustibus cæsus, deinde per singulas
 Sclavorum civitates ductus ad ludibrium, cum a Christi nomine flecti
 non potuisset, truncatis manibus & pedibus in plateas corpus ejus
 projectum est, caput vero dissectum pagani conto præfigentes, in ti-
 tulum victoriæ Deo suo Radigozt, quod interpretari potest charus
 hospes, immolaverunt; ipsiusque uxor Regis Danorum filia nuda diu
 cæsa est, ac demum cunctis occisis, qui peristiterunt in fide, omnes Scla-
 vi ad paganisnum relapsi sunt, authore hujus cladis Plusso, qui soro-
 rem Godescalci habuerat, qui & ipse domum reversus obtruncatus
 est.

Godescal-
cus Sclavoniæ
Rex, &
Martyr.

est. Hactenus Baronius ex Adam. Cum vero Godescalcus martyrium subiisset, orbatum Sclavoniae Regnum Principe, post longas inter dissentientes Proceres agitatas controversias, tandem Zuinimero adhuc tum in vivis Dalmatiæ & Croatiae imperanti defertur; ut quæ fere semper Regna eodem gaudebant Principe, jam rursum ejusdem Regis imperio, ac societatis fœdere jungerentur. Cœperat Imperii Jura Coniux Zuonimeri eodem defuncto Ladislai Soror exercere, cum nonnulli Principum, qui viri sui hostes fuerant, arma parassent, quibus Reginæ regna illi relicta vellent adimere: illa in nomine JESU Ladislai fratris auxilium implorans obtinuit, ut & ipse suas cogeret Divus La-
copias, ferretque sorori opem, qua fugatis adversariis, quæ sua erant, dislaus So-
tranquille imposterum retineret. Interjecto dein tempore, septimo vat-
jam elapso Regiminis anno, moriens & illa eadem Regna Ladislao
fratri, quo nemo illi sanguine propinquior erat, reliquit: ipse vero
ea Regna Hungaricæ adjunxit Coronæ; atque ita demum horum
trium Regnorum ab anno quingentesimo, quadragesimo septimo,
usque ad Divum Ladislaum, & reliquos sibi succedentes Hungariæ
Reges, viginti quinque continuata serie, Regina excepta Conjuge Zuo-
nimeri, & Zudomiro Bano, fuere Reges. Sed gravissima hic oritur
difficultas, ob insignium Authorum dissensionem: etenim Cardinalis
Baronius in annum millesimum, septuagesimum sextum, vult Deme-
trium quendam dictum Zuinmur a Gregorio Septimo Pontifice Sum-
mo, in Dalmatiæ Croatiaeque Regem, suffragantibus Procerum votis,
creaturn; cum cæteri fere omnes, qui de Hungarorum Regibus accu-
ratius tradiderunt, Divo Ladislao, vel potius sorori ejus viduæ, in
eundem annum initia Regiminis eorundem Regnorum concedant. Et
quidem Baronius ita habet.,, Interim admiratione plane digna res
accidit, ut quo anno Henricus Rex se schismate ab Ecclesia separavit,
Rex barbarus eis se conjunxerit, subditumque constituerit. Siquidem
hoc eodem anno millesimo septuagesimo sexto, Mense Octobri, Deme-
trius idemque Zuinmur dictus, Croatiae Dalmatiæque Dux, in Syno-
do Salone in Dalmatia a Legatis Apostolicæ Sedis, Gebizone tunc
Monasterii sanctorum Bonifacii & Alexii Abbatे & Folcuino fori
Sempronii Episcopo, habita, nomine Gregorii Papæ, ab iisdem Lega-
tis, Regio nomine dignitateque investitus est, per vexillum, ensem,
sceptrum, & coronam. Ipseque de concordi totius Cleri, Populi-
que Croatarum Dalmatarumque consensu, pro eodem Regno fidem
Sedi Apostolicæ, ipsique Gregorio, ac ejus successoribus, in manus
Legatorum juravit; tributumque annum ducentorum Bizantiorum
in perpetuum constituit. Est enim de his nobile monimentum in
Vaticana Bibliotheca in codice, qui inscribitur Centius Camerarius,

de Censibus Apostolicæ Sedis, extatque insuper ejusdem Gregorii postea data Epistola ad Vecelinum Ducem erigentem se contra Demetrium, qua sub interminatione excommunicationis jubet eum arma deponere, & si quid contra eundem Regem haberet, judicium Sedis Apostolicæ, cuius fidelis esset, expetere.,, Atque hæc Baronius. Cæterum hic difficultas solum de anno, nam eundem fuisse Regem Zuonimerum, quem Baronius Zuinmur dicit, liquet vel ex eo, quod quem nostri proprio idiomate Zuonimir dictum voluerunt, eum Baronius appellatione latina Zuinmur nuncupavit; bene præterea consentiunt, quæ supra retulimus, quod a veræ fidei tramite a principio deflexisset, & quod Baronius affirmans Barbarum nominat Regem, postea se subditum Ecclesiæ Romanæ constituisse. Denique ubi Vezelinum Ducem arma sumere adversus Regem voluisse scribit, inde forte Tubero suspicatus peremptum omnino fuisse. Quantum porro ad annum attinet, existimarim ego Centium Camerarium, unde Baronius hæc depromxit, aliquot præteriisse annos, vel certe Zuonimerum non regnasse annis triginta quinque, ut Tubero voluit, quod ego quidem magis probaverim, cum alioquin Tuberonis lapsus sæpius animadverterimus. Hoc in universum observare licet, omnes propemodum vetustiorum horum Regum nominum desinentias vel a laudis, vel pacis significatione translatas atque usurpatas fuisse, ut singula consideranti nomina patebit, cuius nimirum rei quisque studio magis teneri videbatur.

Finis Libri secundi.



M E M O R I A E
R E G U M , E T B A N O R U M
D A L M A T I A E , C R O A T I A E , E T S C L A V O N I A E ,
G E O R G I I R A T T K A Y ,
L I B E R T E R T I U S .

Divus Ladislaus decadente Lepa Regina sorore, cum jam & horum gubernacula suscepisset Regnorum testamento sibi a sorore legatorum, ac insuper Apostolica authoritate, ad quam Jus Dalmatici Croaticique Regni pertinebat, ut superiore libro de Budimerio ex Tuberone, ac de Zuonimiro ex Baronio ostendimus; eorundem Regnum jure donatus est perpetuo. Quamobrem qua ratione hodie Hungaricæ Cancellarie stylus subjecta hæc sibi Regna vendicet, ac partes subjectas appetet, non video. Tametsi enim facta Sedis Apostolicæ donatione, Regulorum quidam subinde ab Hungaricorum Regum fide secesserint, Regnorum tamen vi atque armis subjectorum dominationem legere nusquam licet. Et vetus quoque Hungariæ Regis stylus in operis Tripartiti Part. I. Tit. 13. expressus habeatur his verbis: Quoniam omnes, inquit, Domini Prælati, Barones, Magnates, Nobilis & Proceres totius Regni Hungariæ, nec non Regnorum eidem incorporatorum ac partium sibi subjectarum. En, quam aperte per se Proceres totius Regni Hungariæ, nec non Regnorum eidem incorporatorum, per se partium subjectarum distinguit; ac Pronomen quoque *Sibi*, quam ad partes Regno Hungariæ tam ad regnum incorporatorum subjectas referri potest ac debet. Partes vero regnis subjectæ sunt, Hungariæ quidem Moldavia, Valachia Transalpina & Transylvania; Istria Dalmatiæ, Liburnia Croatiæ, & Marchia, quæ Ciliæ Comitatus olim fuit, Sclavoniae. Quod si quis voces illas, Regnorum incorporatorum ac partium sibi subjectarum, simul & eodem sensu accipienda contendat; Transylvaniam quoque distinctum ab Hungaria regnum fateatur necesse est, quandoquidem eodem modo stylus atque sensus partis tertiae Tit. primi & secundi & aliorum paßim accipiendus est simul, cum dicitur Regnum Dalmatiæ, Croa-

D. Ladislaus Dal.
 Croat. &
 Sclaven.
 Regnis a
 Sede A-
 postolica
 donatur.

tiæ & Sclavoniæ atque Transylvaniæ. At nullus hactenus aut stylus aut Historicus Transylvaniam regnum asseruit. Sed & Comes Themen-sensis veteri privilegio in Epilogis antiquorum articulorum, Genera-lis partium Regni Hungariæ fuisse scribitur. Aliæ proinde partes Hungariæ subjectæ fuere, quam Regna nostratia; quæ nec partes di-ci possunt, nec unquam Themen-sensis Comitis potestati subjacebant, nec ad instar prærecensitarum trium partium, partes appellari queunt. Et demum licet Coronæ Hungaricæ subjecta non diffiteamur, cum ab eadem suprema potestate pariter gubernentur, ut clarissime opere Trip. parte tertia Tit. primo habetur, inepte tamen prorsus Regno subjecta usurpantur.

Sed ut ad Divum Ladislauum sermo redeat; cum horum, inquam, Regnorum is gubernacula suscepisset, & Sclavoniæ præfertim popu-los majori ex parte iterato ad Paganismum relapsos cerneret; sum-mam in eo locavit operam, ut eosdem avitæ fidei restitueret. Quare cum Divum Quirinum amplissimæ quondam Siscianæ urbis præsulem atque una cum eo ejusdem Regni Pastorem extinctum (molari enim

D. Ladis-laus Epi-scopatum Zagrabiensem fundat

lapide, collo appenso Sisci in Colapim fluvium pro Christi fide ab impiis fuerat demersus) nec ullum ei in munere suo suffectum videret, quod præcipue necessarium videbatur Episcopatum amplissimum ad Vicum Italicum in ipsa fere Savi ripa, in limitibus Sclavoniæ Cro-a-tiæque Regnorum, cum Basilica vastæ amplitudinis ac sumptuosi ope-ris paucis æmula, adjuncto etiam Canonicorum Collegio, totius Hungariæ hisce temporibus celeberrimo, fundavit & extruxit, qui deinde semen Verbi Dei infidelium cordibus ad frugem reducendis fru-ctuose disseminarent. Cujus Ecclesiæ, ut quam plurima cætera missa faciam ornamenta, illud certe silentio præterire non licet, quod ut Joannes Tomcus loquitur: „ cum reliquæ omnes Hungarici Regni „ Ecclesiæ vel Turicum jugum subierint, vel hæretica labe defor-„ matæ fuerint, ex Cathedralibus, unica in toto Regno nostra san-„ ctissimo Apostolico Regi dicata, & a fœditate Turcica & a labe „ Hæretica prorsus immunis, Apostolico Throno pura adhæsit per-„ petuo; dumque Apostolicis Regibus Hungaricis reliquæ omnes di-„ versis Regni revolutionibus debitam subtrahunt reverentiam, hæc „ una Apostolico Rege, suis successoribus firmissimam arcem Ecclesiæ „ Zagrabiensis tuente, adulterinis nunquam adhæsit amplexibus. „ Hæc Tomcus. Ex quibus facile appareat ei, qui vel modicum parti-bus in iisdem versatus est, quam ignota sibi & nimium falsa Joannes Ludovicus Godofredus in Archontologia Cosmica referat, dum totam pene Ecclesiæ hujus Dicecesim Turcico subjacere jugo scribit; & quam-vis pars aliqua nunc Barbaris subjaceat, Jurisdictio tamen Antistitis

Zagrabiensis, fines etiam Sclavoniæ egressa, Szaladiensem quoque Hungariæ tractum sub potestate habet. Fatis concedente Divo Ladislao anno millesimo nonagesimo quinto, qui hæc Regna Pannonibus addixerat, Petrus deinde quidam, e Dalmatarum proceribus potentissimus, ejusque Regni Banus, adhærentibus sibi Regulorum quibusdam, Regnum, nomenque Regium usurparat circa annum millesimum centesimum decimum, Sclavonia interim & Croatia sub potestate Colomanni, qui Ladislao successerat, permanente. Colomanus, ut, quod ab Antecessore Regnum susceperebat, conservaret, deditis secum suis per Valeriam inter Savum & Dravum interiacentem, ac Croatiam, eorumque populis adversus Petrum concitatis, arma movet; collatis deinde cum Petro Bano signis in monte editissimo Petergazdia dicto atrocissime pugnat, & cæso Petro Dalmatarum Proceres rursum fidei suæ restituit, ac in Pannoniam regreditur. Interea a Venetis quædam in Maritimis Dalmatiæ, ex quibus Jadra præsertim ac Sibinicum fuerant occupata, quo nuncio accepto Colomannus in Dalmatiam propere reversus, universis a Venetis Oppidis recuperatis, eosdem memorabili exegit prælio, imperfecto & Reipublicæ, & exercitus Duce Ordephalo Phaledro. Hunc Colomanni de Venetis triumphum fusus apud Bonfinium, Decadis secundæ Libro quinto, explicatum petere licet, ubi sat multa pro more suo de Dalmatis interserit inurbane. Colomannus obtenta hac victoria diutius aliquantum Jadræ, quæ caput est provinciæ, immoratur; ubi Civium moribus offensus, quod parum dicto audientes judicaret, cumque memoria repetiisset, quantum illorum causa sanguinis sit effusum, demum id sibi consilii succurrit, fore quam optimum, si urbem tanti belli causam injecto incendio perderet, ut ita quam longissimis finem malis tandem imponeret.

His consiliis insistenti dormientique in Regia a se ædificata vi-
sum est per quietem, adesse, urbis Episcopum, vitæ genere & moribus laudatissimis clarum, fato jam pridem functum, dictum Nicolaum, habitu, & vultu horrifico, armatum virgis compactis e lauri caudicibus, dictum se ab illo corripi, tractumque capillis & barba eo usque cædi, donec se toto corpore saucium gemitum; ubi evigilavit, re ipsa se afflustum, ac miseris modis cæsum, & dolorum sensu, & virgarum vestigiis manifestis, quæ corpus universum fœdaverant, cognovit; quibus rebus se admoneri judicabat, ut Civibus ignosceret, detestandi facinoris consilio repudiato. Plura, quæ de Colomanno dici possent, ea persequi instituti nostri non est, uti & de reliquis Hungariæ Regibus, nisi quæ ad rem nostram pertinere videbuntur, cum alias copiose ea cæteri rerum Hungaricarum scriptores posteritati tradiderint: solum id nobis

Colomanus Rex.

Petrus Dalmat. Banus a Rege prælio cæsus.

Colomanus in somno virgis cædiatur.

nobis consilii est, ea de illis referre, quæ nostrorum illi Regnorum occasione gesserunt; cæterum ad Banos præsertim sermonem reducimus. Successit Colomanno Stephanus Secundus, de quo nihil ad rem nostram est invenire, nisi quod cum otii potius, quam belli studiis teneretur, Dalmatiamque a Venetis non modo clandestinis quotidie artibus, sed aperta sæpe vi, pyratica vexari cognosceret, ex paterno instituto defensandam esse decrevit. Quare nono Regni sui anno in Provinciam contendit, ubi vulgo honorificentissime receptus, Provincialium fidem redintegravit, nutantes plerorumque præ Venetorum largitionibus & promissis animos confirmavit, præsidia accepto vicinis e regnis supplemento oppidatim instauravit: mox curata provincia in Pannoniam se recepit. Tertius ab hoc Geyza secundus

Geyza se-
cundus.

Avunculum habuit quendam Banum, cuius quidem præclaram omnino mentionem plures faciunt Historici, prætermisso tamen penitus nomine & cognomine, aut saltem cuius fuisse Regni Banus. Sed quisquis is fuerit, virum fortissimum ac magnanimum fuisse necesse est, cum in ejus virtute cruentissimi prælii totius felicitatis successus, fortuna fuerit constituta. Etenim ubi Pisonium ab Alemannis ex in-
veterato in Hungaros odio, Conrado Imperatore, ac Henrico Austriae Principe imperantibus, opera Rapolthy ac Juliani Comitis, dolo & fraude occupatum fuisse, unde omnibus vicinis Hungariae finibus majori fierent terrori; Geysa quoque extemplo suas cogit non exiguae fortissimorum militum copias, paucisque post diebus in Austria castra movet; quod ut sensere Germani, copias atque auxilia undique contrahunt, ac se ad dimicandum comparant. Prælii committendi ubi tempus adfuit, & steterunt infestæ utrinque acies, convitiis primo certavere Germani copias ostentantes suas & suorum, quos in prima acie collocavissent, procera corpora; tum equitum aspedu ferocium frendentes turmas: unde Germanis summa vi impressionem facientibus, cum Bessi loco pulsi fuissent, sinistrum Hungarorum cornu non mediocriter terruere. At ecce Banus, Regis Avunculus, qui callebat mores hominum, & ut Bonfinius notat, in medio præsidebat agmine (quo loco animadvertere licet omnibus, cuius tunc Banatus dignitas fuerit prærogativæ) succurrere laborantibus & animare perterritos incipit, ferocem præ se ferre Germanos, inquiens, animum primo certaminis impetu, at si cum viris res sit illis, ponere animos, & paratos vinci: his dictis concitato Regio exercitu, sternere passim Germanos Banus, atque idem ut facerent, quibus opem tulisset, præcipere pergit. Bani impressionem præpetis ad instar fulminis advolantis, Germani sustinere non potentes, infami fuga terga vertunt. In fugam conversos noluit longius Geysa cum Bano persequi, quod

Banus A-
nonymus
Strenue
adversus
Germanos
pugnat.

se

se victoria contentum diceret, intra hostium præsertim fines parta. Cæsa Germanorum septem & amplius millia, capto Rapoltho fraudis capti Pisonii Authore, Hungarorum tria cecidere.

Intercessere aliquot post Geysam Reges, quorum res gestæ circa regna nostra nullæ traduntur a scriptoribus, præterquam quod Stephanus tertius variis artibus Dalmatarum animos, Venetorum largitionibus ferme corruptos, in officio & fide retinuerit; Banum quoque invenio neminem, usque ad Bancbanum sub Andrea secundo constitutum. Hic vir magnanimitate plenus de genere Bor oriundus fuerat, quem Pechius non Bancbanum, sed Benca Banum appellat; crediderim ego Sclavo idiomate Benko, id est Benedictum Banum, Latino vero sermone Banca a peregrinis hujus linguae scriptoribus vocatum: Sclavoniae Banum fuisse, vetera Capituli Zagrabiensis statuta testantur; ubi eidem Capitulo latifundium quoddam, ac possessiōnem sat amplam & opulentam ex Patrimonio suo donasse memoratur. Ejus in rebus gerendis tam eximia habita est apud Andream Regem prudentia ac militaris virtus, ut Andreas se absente, dum in Asiam supremus copiarum Christiani nominis Dux proficiscitur, eum summæ rerum præfecerit, ejusque fidei uxorem Reginam, liberos, atque Aulam totam concrediderit. Habebat in Matrimonio Benko Banus matronam nobilissimam, formaque liberali conspicuam, pudicitia tamen rara, & quæ ornaret formam simul atque genus, unde originem duceret. Hanc Reginæ Gertrudis frater, qui sororem absente Andrea salutatum venerat, conspicatus, amore ejus exarsit, captusque est illico. Cumque hic morbus in dies magis atque magis cresceret, nec jam sustinere vim mali posset adolescens, queri apud Reginam coepit, parum felibus avibus in Pannoniam descendisse, quod correptus ægritudine intolerabili vitam acerbam duceret, ad quæ soror opem pro viribus pollicetur. Denique amoris flammis patefactis, Regina blanditiis mulierem aggreditur, verbis alloquitur solito blandioribus ac mollioribus tentat promissis. Hæc cum nequicquam fierent, majus quiddam ausa est. Certa die, nec cuiquam præter fratrem cognita, omne illud meridianum tempus, quo solitudo soleret & quies esse in Aula, in ea cura posuit, ut Matronam vel invitam amatori traderet; cum falso sibi persuasisset, tametsi pudicitiae jacturam fecisset illa, taciturnam tamen vel coactam timore, vel certe captam amore adulteri. Introdūcta igitur in amantis cubiculum ignara scelerati consilii pudica mulier, cum jussa manere non obtemperaret; Regina cubiculo egreditur, relecta illa fratri inconcesso amore æstuanti: dimissa post contaminatam pudicitiam infelix Matrona ad Reginam revertitur, arte dissimulans se ab illa proditam. Hinc commune cum marito domicilium, certa pro-

Benco Ba-
nus Scl-
avoniae.

Aulæ Re-
giaæ præfi-
citur.

confuetudine hora repetit; quo post obita Aulæ munia reversus multa nocte maritus abditam illam in conjugali Thalamo, flentemque invenit. Causas quærenti rem omnem narrat; & te Benko Bane, inquit, indignum bonorum Virorum commercio, & me dignam minime, quæ deinceps luce hac fruar, spiritumque ducam, existimato, nisi utriusque nostrum calamitati consulis; ergo aut tu jugulum petes hodie, non jam tuæ conjugis, neque enim tuis jam amplexibus digna sum, sed infelicit, tametsi non sua culpa, adulteræ, ut tuam mea morte salutem redimas, fiatque hic thalamus tibi novo conjugio felicior, aut non impune feret sceleratus & idem violentus adulter immanem furoris sui audaciam, Regina foror impudens & inauditum lenocinium. Sed te mihi superstitem cupio, te meliore deinceps conjugio beatum vivere, nam si nostras injurias voles persequi, & reffere male meritis, quod debes, nimirum juste facti indignas poenas repetet regium genus, & in te tuorumque perniciem conspirabit: me igitur atque hanc cervicem feri Benko Bane, ut tam sœvam & acerbam fortunam, atque hac etiam forte crudeliorem, a tuis liberorumque communium, tum propinquorum ac necessariorum avertas cervicibus. Atrocitate rei & uxoris precibus exanimatus, attonito similis aliquamdiu stetit Benko Banus, tandem doloris atque justæ iræ vi paulum superata ad se redire, rogare miseram, finem lacrymis, finem precibus faceret, indignum dicere marito feriente cadere charam conjugem, quæ nihil peccaverit: æquius esse ducem execrandi facinoris pœnas dare dedecus atque injuriam passis, monere quiesceret, dum, quæ huc pertinerent, curaret ipse. His dictis egreditur, & per cubiculum, fidissimum quemque suorum in Coenaculum intempesta nocte convocat; hos convenire maximo numero intra ædium claustra ante lucem jubet, auxilio futuros, si illorum operam requirat, sequentis diei necessitatem adversus inimicos quacunque tandem sorte objectos id postulare, ipse clientum & famulatus catervam, qua in aula niteretur, se sequi prima luce jubet accurate armis occultatis. At qui consecutus est, die non se in Aulam contulit prius, tametsi vocatus, quam epulari Reginam cognovit, ratus adesse una etiam adulterum, in quem velut retenta diu claustris fera impetum facturus erat; ille cum non reversem eo die ad reginam a se oppressam mulierem intelligeret, seu pudore, seu mali alicujus omne, aberat a fororis mensa; quæ res cum institutum Benco Bani nonnihil remoraretur, vinci tamen non potuit moræ omnis impatiens indignatio. Itaque exprobrato prius detestabili scelere, reginæ vulnera infligere pergit, nec ante destitit, quam vidit exanimatam. Tumultus interea ortus in regia, & major jam paßim turba Benco Banum defendantium conspiciebatur, horum corona

rona cinctus, facti rationem reddidit iis, a quibus vim metuere poterat. Ita ad suos lares & Conjugem incolumis est reversus; mox re familiari amicis commendata, continuato diebus noctibusque itinere ad Regem contendit; ad quem in Asiam cum jam pervenisset, indicata adventus causa & reginæ morte, non defuisse sibi facultatem inquit, qua caveret saluti suæ cæsa Regina propter turpe lenocinium, & miserum uxoris casum, nisi tueri posse causam justissimam apud Regem justitiæ amantissimum firme sibi persuasisset. Nil enim actum unquam ab Andrea præter æquum & bonum, & exactam justitiæ normam ab eo observatam cum in aliis rebus omnibus, tum in perpetua vita consuetudine; petere, se in judiciis sacrosanctis inviolatisque examinatum cognosceret, ut, si convictus esset, ipse sceleris in dominum nefarii meritas legibus daret poenas; fin reginam non immerito a se imperfectam docuisse, Regis sententia absolveretur. Hæc cum dicarentur amicis Regis præsentibus, nemo omnium fuit, qui non exemplo mutata sententia in Pannonias Andream reversurum putaret, turbatum rei inopinatae atrocitate. Cæterum nec perturbatus plus nimio visus est, & se memoria tenere dixit, quam de se Romano Pontifici, reliquisque Europæ Regibus spem fecisset; atque hac de causa se admoneri, ut domesticis difficultatibus posthabitatis, tametsi gravibus illis, pergeret ducere exercitum quo constituisset. Redire igitur Benco Banus jussus, & expectare Andreæ redditum, quo tempore aut absolveretur, si justas facti sui rationes habuisset, aut condemnatus periret genere mortis digno tanto facinore. Missi etiam Legati in Pannonias, qui Principes, quorum fidei regni cura cum Benco Bano commissa fuerat, admonerent, quid esset Andreæ visum de Benco Bani postulatis, & ut se absente quieti publicæ darent operam, salvis etiam Benco Bani rebus.

Exacto in Judæa triennio, ac reportata insigni a Sultano Aegyptiorum victoria, ab Episcopis & proceribus Regni festivis excipitur exclamationibus; at inter triumphales bene rei gestæ plausus renovabat animi dolorem conjugis miserabile fatum, quod toto belli tempore magno animo tulerat. Ingresso igitur in regiam, communе cum regina cubiculum in memoriam revocavit, nec jam tanti causus atrocitatem latere voluit diutius. Benco jussus facti sui cognitionem regi, non aliis committere: orare vero ille, ne in summo rerum humanarum fastigio constitutis alia esset poena lenocinii, & violatæ innocentis matronæ pudicitiæ, quam quæ decreta legibus esset in reliquum genus mortalium; contendere id etiam, ita de se judicaret Andreas, ne quid dedisse affectibus credi posset, quod reginæ nondum convictæ legibus vim intulerit, ac etiam interficerit: atrocitatem

tem facinoris reginæ in causa fuisse, nec se aliud, quam hujus facti culpam deprecari; quam committi ideo oportuerit, quod tanto terrarum spatio Rex absuisset, quem animadvertere in scelus prope inauditum dignum fuerit. Negari erectam Benco Bani conjugi pudicitiam, atque ita regina duce & administra, non poterat: disceptatum

Regis sententia Ba-
nus absol-
vitur.

aliquandiu, jurene a Benco Bano jugulari illa potuerit, causa nondum examinata Judicum suffragiis. Res cum eo spectare videretur, ut ampliatus Benco Banus iterum causam diceret: mihi vero, inquit Andreas, nec morte multatam reginam displicet, quæ regiam ignoto ad hoc usque tempus Hungarum scelere contaminavit, & Benco Banum mea sententia absolvō, molesteque fero pollutas eorum sanguine Pannonias, qui ut perirent, non erat necessum legibus. Vivet Benco Banus me Judice, nec bonis fortunisque suis exutus extorris vagabitur, sed quæ aliis intra regni mei fines bene beateque vivendi facultas est concessa, ea fruetur ille. Ita voce Regis servatus Benco Banus, agros & bona, unde excidisset, recepit: uxorem & quos suorum amisisset, recipere non potuit. Regem enim secuto Benco Bano, jugulatæ reginæ liberi implorato Principum auxilio, quos Andreas in Pannonia manere jussisset, nec quicquam insecuri proficiscentem ad regem Benco Banum; verso in illius domum furore, non liberos ejus tantum & conjugem necavere, sed omnino, quicunque ex illius familia spiritum ducerent. Nec contenti hac cæde, vestigare propinquos & sanguine, aut privata aliqua necessitudine illi junctos. Jugulati & ii promiscue cum intimis & vernaculis ad unum omnes, præterquam qui fuga elapsi solum vertissent. Sed rediere & ii in suas sedes regis de Benco Bano sententia cognita.

Bela IV.
Rex.

Quum Andreas humanis excessisset anno salutis millesimo ducentesimo trigesimo quinto, Bela filius natu major Comitiis regalibus rite habitis Rex consulatur, quem tametsi Bonfinius in Principio paternam æquitatem ac justitiam retinere studuisse affirmet, Pechius tamen plus nimio severo erga suos & averso fuisse animo refert: patrios exosum mores, Cumanorum libidini atque licentiæ, quos in regnum datis eisdem ibi sedibus admiserat, indulgentem & addictum; ob quod non immerito infelix omnibus semper præliis fuisse memoratur. Vix quinquennium regnarat, cum Tartarorum adventus Hungarorum animos gravissime perculit, totque deinde Rex cum gente sua fævissimis Tartarorum bellorum fluctibus est jactatus, donec in Dalmatia velut e medio naufragio ad securitatis littus est delatus. Ibi a Regni proceribus liberalissime habitus, ubi etiam plurimis, iisque præclaris populos gentis nostræ diplomatis ac privilegiis donavit, ac urbem Zagrabensem in Monte Græco amplissimis dotatam gratiis fun-

Varia in
Croatia ex-
dificat.

fundavit atque extruxit, bonaque, quæ nunc arcis Medued censem-
tur, Philippo Quarto Episcopo Zagrabensi dedit, qui postea Eccle-
siæ pecuniis arcem elegantissimi fortissimique in edito monte operis,
ad conservandos tam regios, quam Ecclesiæ, turbatis illis temporibus
thesauros, a fundamentis ædificavit. Varasdinum quoque in Sclavo-
nia a Patre Andrea fundatum, libertatibus ipse auxit, Clissiam in
Dalmatia aliaque plura.

Elapo tandem triennio, auditio Rex Tartarorum ex Hungaria Familia
recessu, opera Cruciferorum Insulæ Rhodianæ, ac Comitum Frange-panorum,
quos opibus pollere ac bellicis delectari artibus intellexerat, reducitur.
Hi enim cum in Dalmatia & Croatia ad Savum usque late imperarent, excidium Pannoniæ miserati, cum auxiliaribus
copiis, ac validissimo equitatu Regem in Hungariam restituere circa
annum millesimum ducentesimum quadragesimum tertium; quare ob
rem bene gestam non solum amplissimis privilegiis, sed oppidis &
pagis, ut diplomata regia plane testantur, honorifice donati sunt.
A clarissimis profecto isti majoribus degenerare noluerunt, qui, ut Ro-
mani sane referunt Annales, in Senatorio Ordine præstantissimi sem-
per habiti, & ut D. Hieronymus ad Demetriadem scribens, ac Ani-
cii generis, ex quo originem trahunt ac cum Austriaca Domo san-
guinem jungunt, nobilitatem extollens affirmat, nullum aut rarum
in illo fuisse, qui non meruerit Consulatum. Urbanis tandem factio-
nibus popularium suorum in Dalmatiam secessere, ac in Croatiae par-
te, quam lapideam vocant, sedem sibi Segniæ aptarunt, & inter Il-
lyricos Proceres Principatum semper obtinuere. Ex hac omnino fa-
milia tot viri celebres, & illustres Bani, tot genuini Martis alumni,
velut e trojano equo prodiere, ut nulla alia, tametsi celeberrima,
eam æquare videatur. Nam & præter viros potentia, opibus, atque
arte militari insignes, Tiberio quoque sanctissimo Imperatore, Gre-
gorio Magno, ac Thoma Aquinate Angelico gloriatur. Hujus præ-
stantissimæ gentis splendorem mira Dei providentia ad hanc usque
diem non minus in urbe Roma, quam in Illyrico, digna talibus ata-
vis posteritas Frangepanorum Procerum virtus, semper eundem ex-
hibet. Sed de his & alibi data referendi copia, agemus pluribus.

Porro Emericum Bebeck sub Rege Bela Dalmatiæ & Croatiae Varii ho-
fuisse Banum, veteres testantur regni literæ; similiter extant in Ar-
chivio regni literæ, quibus memoratur ad annum millesimum ducen-
tesimum septuagesimum secundum, fuisse quidam Stephanus Sclavo-
niæ Banus, & Provinciæ simul Styriæ Capitaneus, cuius tamen co-
gnomen ignoratur: verum hunc etiam Bebekum fuisse suspicor, de
quo paulo infra. Joannem & Radoslaum Comites fratres habuit,

cum quibus super tricesimarum' quarundam perceptione & abolitione, nec non super divisione tributorum provenientium in Ztenisiak & Zamobor graves habuit controversias, quæ omnes Augustino Episcopo Zagrabiensi mediatore fuere consopitæ.

Circa hæc vero tempora usque ad nonagesimum nonum, supra duodecimum centenum Croatiæ Banus Nicolaus de Frangepanibus traditur, cui deinde successit Martinus, tribus supra decem diversis religiosarum familiarum viris, cœnobii extractis, ac inter reliqua Divæ Virginis in Tersath fama clarissimus. Jacet ibidem sepulturæ mandatus cum conjugé Ursula, ac Fratre Bartholomæo, nec dubium quin idem innata pietate amplissimam Beatæ Virginis Basilicam Ostariæ vocatam, e quadro seculo lapide extruxerit, quæ ut olim animarum asylum, ita postea Barbarorum vastationibus profanata fortunarum ac vitæ Croatico populo extitit; cumque annis centum undecim miri operis fornix absque ullo stetisset tegumento, anno millesimo, sexcentesimo, quadragesimo quinto, mense Decembri, plurimis pluviarum, nivium ventorumque impulsibus fatiscens collapsus est, ea tamen Dei benignitate, ut cum sexaginta in ipsa Basilica extracta fuerint militum inhabitantium mapalia, omnes tam homines, quam jumenta, sint conservata.

Croatia
Bani.

Anno vero nonagesimo nono supra duodecies centenum, sub Andrea tertio dicto Veneto, Croatia Bani fuere, Joannes & Henricus, ignoti tamen cognominis; factiosos Bonfinius refert, eo quod cum aliis quibusdam regni proceribus a Bonifacio Pontifice maximo, Carolum annorum undecim puerum, Caroli Siciliae Regis filium, per Legatos in Regem expetivissent, & licet Andreas humanis postea excesisset, longa tamen, eaque gravissima, inter Optimates funestissimarum cladi exorta est discordia; pars enim Carolum, pars Wenceslaum, Ottocari Bohemiæ Regis filium, pars denique Ottонem Bavaricæ Ducem, Regem clamitantes sequebatur. Cæterum hi duo Bani in Civitate Capronensi, monasterium nobile Fratribus Franciscanis extruxerant, ut ex vereri eorum Diplomate constat. Eodem anno Sclavoniæ Banus fuisse traditur Eustachius; annis vero insequentibus, id est millesimo trecentesimo & trecentesimo primo, quibus Veneti ob occupatam Ferrariam a Clemente Pontifice hostes Ecclesiæ pronunciati sunt, & severissimo interdicto affecti, ac Tepulana coniunctio adversus patricios Venetis intercessit, Jadrenses temporum novitati freti, ejusque Michaële Mauroceno Comite Sexto, Hungaris adhæserunt: Classis ad id continuo comparatur, præficitur ei Bellerus Justinianus, classemque cum equitibus mille, quibus Dalmatium Hispanum Veneti præfecerant, spectatae fortitudinis & experientiæ Virum, haud procul ab Jadra in continentem exponit. Ad mille passus pro

Ja-

Jadræ moenibus Præfectus Dalmatiæ Paulus Clisiæ Comes & Banus Paulus
Banus
Dalmatiæ
 cum validissimis copiis prope metatur, vallo & fossa utrinque Castra inuniuntur. Tota æstas sine præclaro facinore transacta, jam ingruerat autumnus, & nulla adhuc potiundæ urbis spes erat. Banus ad astum conversus, Dalmatiam a Venetorum fide subducit, duo aureorum millia cum perpetuo stipendio pollicetur, si ad præstitutum diem ad Jadrenses transfugerit, varia præterea adjicit emolumenta. Quibus adductus Dalmatius ex composito cum universo equitatu, sub prætextu oppugnandæ Civitatis, urbem ingreditur, & ex pacto promissa præstantur. Hic post menses aliquot, ad tegendam perfidiæ notam, inter Venetos & cives de pace agit; quare utrinque suspectus esse cæperat, desperata tandem pace naufragium passus, in Italiam trajecit. Civitas deinde a Joanne Superantio Duce mitis ingenii, Bano cum copiis redeunte, in fidem recepta, & cum remissæ conditionis mira indulgentia Jadrensum animos sibi promeretur. Sed nec illud omitendum, habuerat Rex Andreas Janinum quendam Venetiis cum duobus aliis fratribus accessitum, ejus Urbis Civem, sibi cum primis charum, quorum fratrum natu minimus Marcus appellatus, Zagra-Abaliena-
tio ab Ec-
clesia Za-
voluit; qui deinde & Regis favore & facultatum opulentia insolef-
cens, debitam Episcopo Ecclesiæque subtraxit obedientiam, nullam
iis, ut debebat, bonorum utilitatem, sed Regi duntaxat administrans.
Medued.
 Mortuo Janino Regis voluntate successit alter fratum, & illo extinto tertius Canonicus, qui Episcopi quoque Joannis nutu hoc muneris obtinuerat, ea Episcopum in id spe inducente, ejus videlicet ope, velut Ecclesiæ hujus beneficiarii, arcem ad ecclesiam vel postliminio redituram. Verum ille impia auri fame seductus, mortuo Andrea Rege Stephano Bebeco Sclavoniae Bano, grandi numerato ære, arcem cum bonis venditam sacrilege ab ecclesia abalienavit. Bebecis sine mascula descendantibus prole, arx cum bonis ad Ciliæ Comites, iisque deficientibus ad Corvinum Banum devenit; a quo Carloviciis fortè ubique pro patria operam navantibus, dono data fuit; quorum ultimo Joanne, una filia Zrinio Nicolai Sygethani Patri nupti tradita, cæterum liberis orbo, arcem cum filia genero relinquente, etiamnum Zrinianorum Comitum potestati paret.

Verum ut paulo supra meminimus, diu anceps stetit Hungaria, privatis procerum de eligendo Rege legitimo studiis discordantibus, donec tandem nono discordiarum anno Augustinus de familia Divi Dominici, natione Dalmata, ex urbe Traguriensi ortus, eo tunc temporis Zagrabiensis Ecclesiæ Antistes, gravissima peroratione in Pefano

stano campo sub generali Regni conventu procerum animos in partes Caroli non inflexisset. Etenim clausa jam decimi tertii Christiani seculi periodo, Clemens Papa V. Gentilem Cardinalem e familia Minorum lectum, virum sanctitatis ac prudentiae opinione eximium, ad Hungaros legatione fungi jussit: qui Spalatum in Dalmatiam veniens Regnicolarum animos Carolo reconciliare aggressus est. Postquam ibi res pro voto succedere cognovit, in Croatiam progreditur, ac mox Zagrabiam adeundo, Augustinum ut laborum Comitem & consiliorum directorem, & Hungarici negotii cooperatorem futurum, Budam Regni sedem abduxit secum; ubi anno integro sedandis Optimatum animis absunto, indicto denique Statuum omnium solemni conventu veteri gentis instituto, iussu legati facunda sua eloquentia, sic turbæ submovit turbas, procerum ac populi universi inflexit animos, ut omnium voces in Carolum fausta precantes coiverint anno christianæ salutis millesimo trecentesimo decimo. His absolutis Legatus cum Augustino Viennam urbem Gallicam ad generale Concilium a Clemente Quinto indictum proficisciuit, quo absoluto Augustinus ad Ecclesiam suam Zagrabensem sese recepit, & quoniam inter alia Viennensis Concilii Decreta cautum fuerat, ut bona secularium violentia Ecclesiis adempta, eisdem restituerentur; dum bonus Pastor circa sacrorum decretorum executionem fatagit, ut fert humanæ cupiditatis infatiabilis conditio, omnia sibi per fas & nefas vendicantis, præcipue nobilitatis & Dynastiarum, qui tempore longi interregni quæcunque liberent, licere sibi persuaserant, animos in se concitavit.

**Carolus
Rex.**

**Mladinus
Dalmatiæ
Croatiae &
Sclavon.
Banus &
Tyranus.**

Præcipius non solum Augustini, sed ipsius Dei apertus hostis extitit Mladinus Georgii Clissiæ Comitis, & Scardonæ Domini filius, Dalmatiæ, Croatiae Sclavoniaque Banus, is enim cum Paulo Bano Partrufo suo Dalmatiæ, Joanni & Hearico Croatiae, Eustachio vero Sclavoniæ Banis successisset, & ut majorum stemmatibus æque ad divitiis per ea tempora turgidus (non solum enim parens ipsius, sed & avus ac proavus ex Banis Bosnensibus descenderant) regia potius absoluta, quam Banali delegata autoritate, occasione turbarum Hungarici Regni, Dalmatiæ & Croatiae dominio abutens, præstantissimas quasque civitates, oppida & arces privato jure usurpans, & a majorum pietate longe abhorrens sacris & profanis rebus manus injiciens, Tyrannus intolerabilis evaserat, adeo ut Episcopos, Abbates, Abbatissas, aliasque Prælatos Ecclesiasticos simplici nutu deponeret institueretque, bonaque Ecclesiarum pro arbitrio occuparet, distraheret, alienaret; Pyratas magnis clasibus ex Adriatico mari Italicas littoribus deprædandis emitteret, & uno verbo per summum nefas Ecclesiæ puritatem contempnendo, ex aliqua tinctura sacrarum literarum, quam sibi prou-

summa scientia arrogabat, omnibus gravis & exosus habebatur; adeo periculo gressu incedunt ii Principes, qui cum Saule sacerdotale munus temerarie invadunt. Illum itaque Augustinus, cum tanquam sui gregis dissipatorem & Ecclesiæ turbatorem, saepius humanissimis alloquiis ad saniora consilia capessenda hortatus fuisset, adeo parum profecit, ut eundem in deteriora semper prolabentem infenissimum hostem experiretur, eoque res deduceretur, ut ne regia quidem authoritate potentissimi Tyranni petulantia posset cohiberi. Etenim anno ante obitum Augustini millesimo trecentesimo vigesimo secundo, cum Tragurienses & Sicenses cognoscerent se ab impio Mladino intolerabili tyrannide opprimi, excusso illius jugo, arma contra eum Venetorum protectione freti corripuerunt. Ille vero ingenti exercitu comparato, integro mense Sicenses incredibilibus affecit incommodeis, universo illorum agro devastato ac in solitudinem redacto, unde ipsi met cives nobile monasterium sancti Andreæ, manibus Seraphici Patris fundatum extra moenia civitatis, ne foret hosti munitio, solo æquare coacti sunt, sicuti aliud tale Deiparæ dicatum etiam ipsi Tragurienses affecere ruinis hucusque factum attestantibus.

Nec tot malis exsatiatus Tyrannus, evocatos ex urbe Sicensi sub fide publica Saracenum Michaelem & filios Eliæ Radonauerii, totius urbis primarii civis, crudeliter in eodem agro subjecit gladio, sicuti pri-
dem cum quarto eorum fratre captivo egerat. Inde ad campum Tragurii properans, consimilis feritatis effectus in eosdem patravit. Fuit attamen Augustino alicui solatio, quod eodem anno Proceres Dalmatiæ ac Croatiæ cum ipso Paulo fratre Mladini impatientes ejus immanitatis, armis mutuo sumptis, tyranni sævitiem ita depresso-
rint, ut captum deducerent ad Regem Carolum, qui tum temporis prope civitatem Tinniniensem cum exercitu acceperat, vindicaturus indi-
gnam necem perpetratam parricidio & sacrilegio nepotis ex fratre Paulo suscepit, ejusdem Mladini in caput Pauli Draskovich Scardonensis Episcopi; jam tum nimirum familia hæc alto in Ecclesiæ gra-
du, maximarum dignitatum futura hæres, jecerat fundamentum. Un-
de Magistratu spoliatus, captivitatem subire fuit coactus in ipsa Zagra-
biensi Civitate, in qua summa impietate sanctissimum vexaverat Epi-
scopum. Itaque Mladinus Tyrannus dignitate, fortunisque omnibus spoliatus, instar Japonis alterius Tyranni Machabæorum historia infa-
mis, postquam principatum non obtinuit, ut notat sacer historicus, fi-
nem insidiarum confusionem accepit: fugiens enim e captivitate, de
civitate in civitatem, ut refuga legum & execrabilis factus est: inter-
cedente tamen sanctissimo Præfule pro suis civibus, in Traguriensium tandem, hostium suorum manus incidit, quibus talem animorum man-

^{2. Ma-}
^{chab. 5.}

suetudinem sanctus Civis Augustinus post decimum quartum annum in Zagrabensi Prælatura exactum, & sextum in Lucerina jam vita functus impetravit e cœlo, ut hostem acerrimum Diis hominibusque invisum, ejusdem absque dubio sancti Præfulis intercessione resipiscentem & ad bonam frugem redeuntem, quamdiu supervixit, commodis & obsequiis coluerint, eidemque mortuo nobile sepulchrum pietatis Tragurinæ perenne monumentum, in sua Cathedrali cum sequenti posuerint inscriptione, ad hanc usque diem marmoreo tegumento, ante marmoream ibidem Cathedram, five Evangelici verbi ad cives habendi pretiosum suggestum exstante, stylo illorum temporum non ignobili:

<i>Heu gemma splendida jacet sub hac pet</i>	{	<i>ra</i>
<i>Cujus valor periit nunc in fossa tet</i>		
<i>Mladinus Magnificus, qui Clissia fu</i>	{	<i>it</i>
<i>Comes, suis sola spes, cur tam cito ru</i>		
<i>Georgii Comitis memorie bo</i>	{	<i>na</i>
<i>Natus, atque dominus Almisi Scardo</i>		
<i>Probitatis titulus, morum & hono</i>	{	<i>ris</i>
<i>Ut flos vernans, defluit Vir tanti valo</i>		
<i>Croatorum Clypeus fortis & ipse er</i>	{	<i>at</i>
<i>Inter omnes fortior volens sive que</i>		
<i>Ejus mortem impiam cerno pro peccat</i>	{	<i>is</i>
<i>Sclavonia gentium evenisse grat</i>		
<i>Flete Sclavi nobilem nepotem Bano</i>	{	<i>rum</i>
<i>Largam vestram copiam pacis & hono</i>		
<i>Sic preces altissimo date Creato</i>	{	<i>ri.</i>
<i>Quod ipse misericors parcat peccato</i>		

Hactenus Epitaphium Mladini pro barbarorum temporum Stilo quanta maxima diligentia fieri potuit, ex marmore jam transeuntium pedibus attrito, ex Joanne Tomco in vita Beati Augustini excerpsumus. Sane versus illi: ejus mortem impiam &c. monere videntur, Mladinum hanc barbaræ crudelitatis severitatem Sclavicæ gentis Procerum egisse impulsu, ut proinde pro eorum peccatis gratis impiam mortem, id est ingloriam ac sine pietate, officio utpote for-

tunisque privatus, ac captivitate multatus, subiisse dicatur, illique, quorum instinctu egerat, mortem ac facinora ejus deflere admoneantur. Mortuus traditur octavo die, sed incerti Mensis, Calendis vero Maji anno 1340 traditus sepulturæ. Post Mladinum Sigismundus Ferrarius, Demetrium Banum ex familia Chakiana, sancti Mauritii Ordinis Prædicatorum patrem, fuisse scribit, verum neque annum, neque sub quo Rege, aut cujus Regni Banus fuisset, quidpiam apponit; solum id se ex archivio Banfiano desumpsisse affirmat; quod proinde cujus sit fidei, liberam cuvis relinquo sententiam. Ego sane adduci ad fidem habendam haud possum, cum nunquam Chakiani, utpote Transylvani, hisce in regnis possederint bona, lege porro veteri cautum esset, neminem bonis ibidem carentem, hac officii dignitate perfungi posse, ob quam etiam causam Franciscum Balassam in Crisiensi conventu a simili dignitate repudiatum narrabimus.

Inaugurabatur in Regem anno millesimo trecentesimo quadragesimo secundo post obitum Caroli Ludovicus, iis favoribus, ac tam propitio populorum, ac ordinum omnium consensu, quo nemo aliis præcedentium regum; ex hujus enim generosa indole, ac studiosissima patris & avi educatione, faustissima quæque, ut eventus postea firmavit, vulgus ariolabatur; nihil siquidem antiquius a suscepso jam regimine habere, videbatur, quam comem & affabilem omnibus se se præbere, populum suum crebris concionibus ad bene sperandum animare, & militari exercitatione armorum bene peritum reddere. Hic sane Rex adeo regna hæc nostra curæ sibi suscepserat, ut nullus priorum Hungarorum, tam sollicitam ac vigilantem, & in coercendis factiosis ac rebellibus & in repellendis extraneis inimicis, industriam adhibuerit. Ubi enim primum elapso ab inauguratione biennio, id est anno millesimo trecentesimo quadragesimo quarto, in Croatia Dalmatiaque, a plerisque regulis cum ingenti nobilium manu, quorum Principes Venetorum factionibus sollicitatos rumor erat Gregorium Cyriaki & Joannem Nilipciū fuisse (eorundem Regnorum Banos Mladini motos exemplo facile suspicari possumus) novos exerciri motus intellexit: e vestigio Stephanum Bosnæ Regem, qui quidem ea tempestate in Illyricum & Macedoniam usque regnum propagarat & Stephanum ejusdem regni Banum sacerum suum, cuius filiam Elisabetham liberali forma foeminam connubio sibi junxerat, ad id bellum evocavit. Illi siquidem quum oppida multa & castella in Croatia, magnamque Sclavoniæ partem occupassent, quanto res cunctatius agebatur, tanto major periculorum fiebat accessio. Itaque adductis auxiliaribus Bosnensium copiis, numero & robore præstantibus, ad Savum amnem cum iisdem Ludovicus castra junxit.

Croatiam ingressi ad oppidum Bihicum pervenere, ubi cum aliquamdiu metatis castris stativa habuissent, ita rebellium animos igne & ferro consternarunt, ut omnes ad veniam implorandam venire cogerentur. Atque imprimis duo Reguli defectionis autores, quos haud paucus nobilium numerus sequebatur, impetrata venia & accepta pace omnes in Ludovici manus jurarunt, se legitima tributa quotannis pensuros, imperata facturos, & fidem suo Regi perpetuo servaturos. Hæc ubi gesta sunt, pacatis Regnis hi a Rege dimissi, & soluta castra. Non multo post Ludovico nunciatur, Gregorium in Croatia nova rursum moliri, defecisse a data fide, & præstitum contempssisse jusjurandum. Indoluit Reguli perfidiam Ludovicus, & quantum pro tempore fieri potuit, exercitum instauravit, & Andream Magistrum Equitum Tranfylvaniæ Waivodam cum duabus legionibus in Croatiam properare jussit. Quo ubi perventum, cruento utrinque commisso prælio, Gregorius tandem vietus, oppida, quæ defecerant, recepta & provincia pacata, Gregorioque obsequium perpetuum promittente, factionibus impositus finis. Consopitis intestinis hisce seditionibus, ad recuperandum a Venetis Dalmatiæ regnum, quod sat longo tempore occupatum tenebant, animum viresque omnes intendit Ludovicus. Jadrenses siquidem præcipue per feciales ad illum missos, ultiro polliciti essent, si in Dalmatiam cum exercitu veniret, se non modo antiquum obsequium præstituros, verum etiam urbem, portum & agrum, fortunas denique omnes ultiro dedituros. Studiosissimam Jadrensiū fidem Ludovicus haud quaquam aspernandam ratus, universas vires in eorum tutela statuit experiri; ingentem proinde comparat exercitum, quando cum validissimo sibi hoste rem fore intelligebat: sed nec Veneti minori apparatu terra marique instruci advenere, atque statim pro mœnibus Jadræ in continentí militari opera munitionem extruunt, pro qua sæpius acerrime a Ludovico, quamvis irrito conatu, dimicatum; unde tandem Ludovicus re infecta in Pannoniam, ad commodius rem tempus dilaturus est reversus.

Verum ne otii quidquam Ludovico a fortuna concessum videtur, in Apulia illi exortum fuerat bellum, quo demum feliciter confecto, ac Siciliæ regno in manus Pontificias resignato, compositisque Italiæ rebus, in ingratum redactus otium de occupatis Illyrii provinciis, & in primis de usurpata a Venetis ora maritima, sollicite cogitare coepit. Gravate ferebat in Italicæ gentis populos instaurare bellum, ne imperandi potius amore, quam recuperandi spe id indicere videretur: literas proinde primum, ac tum deinde feciales ex more gentium ad eosdem, qui Dalmatiæ urbium, quas illi dudum occupatas tenebant, repetundarum gratia proficiscerentur, expedit. Nec tolerare facile poterat, nobilissimum maris Adriatici tractum, tot puli

puli Romani Coloniis insignem, ab Attila primo in ditionem assertum, qui ante Venetorum urbem, latissime in orbe imperarat, ab illis esse occupatum, qui Hunnici belli fuere reliquiæ. Res diu literis & legatis agitata, sæpe per oratores repetita Dalmatia, literarum tandem & oratorum opera ludificata omnis. Nec minus quidem illud graviter patiebatur, quod primo verba sibi dari, deinde propria impudenter abnegari sentiebat, armis dirimendam litem esse ratus, ne quid inconsultis proceribus ageret, Senatum indixit. Ubi ad Patres de occupata Dalmatia, ac de Sociis in potestatem assertis retulit, haud pauca consecutus de suscipiendo in Venetos bello, magno omnium assensu fit Senatusconsultum, deinde delectus habetur longe quam antea major. Annales Veneti centum, Hungarici quadraginta hominum millia in castris Ludovici referunt numerata. Totus itaque Adriatici Maris tractus Regis inundavit milite, ac cum cæteris, qui officere potuissent, clam inita societate, uno tempore Jadram, Sibinicum, Spalatum, Traguriumque obsedit; descendens deinde in Tervisinum agrum, plerique Principes ac Nobiles Regi adhæserunt. Atque ita demum ob ingentem belli molem e Dalmatia copias revocare Veneti cogebantur, ne dum foris rem impensis curarent, domi gravissime laborarent: unde destituta Provincia, obsessæ a Ludovico urbes, ac aliæ certatim in ejusdem cessere potestatem. Hac adducti necessitate, denuo ad Ludovicum Legatos mittunt, ut quibuscumque tandem conditionibus & pactis, ab eodem pacem obtineant; atque hæc demum mutuo statuere consensu: ut Venetus Dalmatia tota excedat, neque Regni illius titulos usurpet imposterum; nullam præterea se in eos quæstionem habiturum animadversurumve promittat, qui in Tervisino bello favissent Regi, quin & perpetua immunitate perdontentur; et contrario Ludovicus quidquid in Istria, Tervisino, & Cenesi agro Venetis ademisset, his ultro restitueret. Polliceretur insuper Rex, se neminem Dalmatici nominis pyraticam exercere passurum, imo daturum operam, ut omnia in Dalmatia Venetis haud aliter tutæ forent, quam antea fuissent. Atque ita invitis licet Venetis foedus percussum ac Dalmatia recuperata.

Cæterum, cum Ludovicus quadraginta regnaverit annis, & mensibus fere duobus, plures durante ejus imperio fuere Bani; & Thuroczius quidem cum Bonfinio meminerunt Petri cujusdam, Viri impigri atque strenui, quem primo ad gubernandum atque a Lithuanis protegendum Rasciæ Regnum, cum Emerico Bebeck, cuius etiam supra meminimus, emerito jam prorsus ac omnino veterano milite Bano transmiserat. Hic idem Petrus, summa nominis sui, ac militaris virtutis commendatione, Civitatem Bonnonensem adversus Mediolanen-

Dalmatia
a Ludovi-
co recu-
perata.

Petrus in-
signis Ba-
nus Dalm-
& Croatiae-

ses Optimates, Barnabonem, & Galeacium precibus Pontificis Urbani Quinti a Ludovico expeditus defendit, ac in manus Ægidii Cardinalis Legati Apostolici resignavit; demum moto Venetorum institutionibus inter Carolum Imperatorem & Regem Ludovicum bello, Ladislaus Apuliæ Dux & Petrus Banus, cum expeditissimo equitatu, in Moraviam mittuntur, qui provinciam ingressi vicos & castella quædam improbe munita populantur & incendunt, pecora abigunt, multosque abducunt captivos, onusti denique præda, ac laudis præmio meritissimi domum revertuntur. Cujusnam vero Regni Petrus fuerit

*Matthæus
Marotta
Sclavo-
næ Banus.*

Banus, reperire certo non licuit, quod idem de Matthæo Marotta, qui ad annum millesimum trecentesimum quinquagesimum in literis vetustioribus fuisse legitur, dicendum. Hunc tamen Sclavoniæ præfuisse, suspicari possumus ex eo, quod cum Nicolao Zagrabiensi Antistite & Ludovici Vice-Cancellario illi interfuerit prælio, quo Stratimirum Bulgariæ Principem, Imperatorem fese ejusdem Regni nominantem, captivum in Episcopi Castellum Gomnek dictum, situm ad tertium a Chasma lapidem, ducendum ac custodiendum eisdem Ludovicus commiserit; qui tamen cum fidem te perpetuam ac obsequium Ludovico præstitorum pollicitus fuisset, magnifice donatus, reddito Regno dimissus est. Similiter Petrum Croatiæ & Dalmatiæ Banum dixerim, cui deinde Dominicus de Machovu, ad annum millesimum trecentesimum quinquagesimum primum, illi demum Joannes Horvaty, omnium infaustissimus Banorum successerit. Anno insequentि millesimo, trecentesimo, quinquagesimo primo, in Valachia Oppidum Severinum, a Severo olim Imperatore ædificatum, ac vetustate collapsum, instauravit Ludovicus, totique Oppido adjacenti tractui, Nicolaum Banum dictum Severensem, summa cum potestate præfecit, quemadmodum & in Regno Rasciæ Dominicum Ostffy Banum Machoviensem, cum Zemere Vice-Bano, qui partes eas in Jura Hungarici Regni concedere juberent. Unde in his Transalpinis partibus Tractum quendam Machoviensem appellatum reperiri putem, cum sæpius tam in Privilialibus literarum Instrumentis, quam in aliis Historicis hujus nominis Banus fuisse legatur, ut jam de Dominico diximus, & in hunc annum millesimum trecentesimum quinquagesimum primum Stephanus de Macho in quodam Privelegio reperitur, post hunc vero Nicolaus de Gara, ejus, quam Sclavoniam dicimus, partis indigena (Possegam enim versus, Arx & mons Garavicia dictus habetur) & quoniam dubium quibusdam videtur, Illyricæ an Hungaricæ Garay sit nationis, brevi Istvanffy testimonio hunc evellimus scrupulum, qui folio 144. hæc habet. Adhæserant ei Joannes Banffius, Petrus Marcius Possegæ Comes, natione quidem Hungarus, sed qui ducta Laurentii

Ga-

Garay filia, sedem & domicilium in Illyrico haberet, &c. Hæc Istuanffy. Vir miræ virtutis, ac singularis in arte militari disciplinæ, apud Bonfinium & Thurocium invenitur, qui non solum hoc Bantus honoré, sed postea quoque meritis id suis exposcentibus Palatina-^{Nicolaus de Gar}
tus dignitate a Ludovico honorifice donatus fuerat. Porro alii etiam Banus &
inde oriundi, tametsi alterius fuissent Regni Bani, inde tamen cognomina usurpavere, unde originem ducerent; etenim in annum millesimum trecentesimum octogesimum primum legitur totius Sclavoniæ Ba-<sup>Sclavo-
nus postea, ex</sup>
nus Joannes de Macho, & Stephanus de Lindua dictus Banffy, quo-
rum posterior, ut & hoc breviter attingam, Haholt cognominabatur,
qui Patrem Jacobum Sclavoniæ similiter Banum habuit, totum enim
Veruciæ Comitatum in Sclavonia possidebat; unde Stephanus filius Primæ-
Hungarica Appellatione Banffy, quasi Bani filius dictus fuerat, quam vum Banffy
quidem nominis originem ex vetustissimæ hujus Familiae privilegio, Il-
lustrissimi atque integerrimi Patroni Palatini Drascovicii opera, anno-
tavimus. Sed anno sexagesimo nono supra tredecies Centum mori-
tur Vrossius Nemania Rasciæ sive Serviæ Rex, cuius filiam in uxorem
duxerat Tuartcus, id est, Valerius Jablanovich Regni Bosnæ Banus,
qui hujusc Conjugii titulo, post Wkassinni fatum, Regium nomen
ad septem alios reges succedentes sibi progressu temporis transmisit.
Atque hi quidem in arduis quibusve bellorum negotiorumque diffi-
cultatibus fidelem semper Ludovico navavere operam, horum labo-
re, industria, ac dexteritate sibi suisque laudis ac gloriæ famam inter
christianos Principes summam comparaverat: & quod ad rem no-
stram pertinet, his egregie ubique depugnantibus, Dalmatiæ suæ
fecit esse potestatis, Bosnæ, Rasciæ, Bulgariæ regna; Valachiæ Li-
thuaniæque Provincias, horum gubernio ac fidelitate, in suo obsequio
ac fide retinuit. Denique cum has omnes superasset, Venetorum
præcipue fastum, recuperata Dalmatia, attenuatum fuisse Ludovici ar-
te, & in hoc regnum affectu nemo dubitat, qui, ut occupatam e Ve-
netorum faucibus Dalmatiæ assereret, & suas & sociorum vires ex-
periri voluit, ne a magnis cœptis magnanimus Princeps, cui parem
olim nunquam fortitum est Illyrium, turpiter definere videretur. Nec
immerito hæc egit Ludovicus; horum enim Regnorum pernicie ac san-
guine contempto, facile se vincendum sentiebat, neque dubitabat, fe-
lici eorum progressu victori sibi Europam patere, & quia terminos Regis.
gloriæ suæ, non locorum spatiis aut Imperii dilatatione, quam ade-
ptus fuerat, sed nominis sui immortalitate quam affectabat, metieba-
tur, in animarum quoque lucrum, ut Christianum decebat Regem, cu-
ram ac cogitationem sollicitam impendit: ut proinde in Bosna, Pere-
grini Episcopi Bosnensis viri sanctissimi opera usus, Patarinos perni-
cio.

ciosissimis implicitos erroribus ad fidem adduxerit. In Sclavonia quoque nostra, cum multos depravatis opinionibus imbutos intellectus esset, quibus Sacerdotes ex Divi quondam Hieronymi institutione Sacra ministrabant, ad veram sapientiam reduxerit. His igitur absolutis Nicolao, de Gara in apicem honoris Palatinatus sublimato, Joanni de Horvath Banatus Dalmatiæ, Croatiæ, & Sclavoniæ dignitate mat. Croatæ & Sclavoniæ Ba- insignito, Stephano de Laczk Transylvaniæ Vaivodatu collato, Paulo demum Italo prælatura Zagrabiensi remunerato, aliisque Regni officiis infelix ciis eo temporis vacantibus distributis, annos sex supra quinquaginta explens, anno salutis 1382. matura quidem ætate, sed multis magis exantlatis laboribus, magnificisque cumulatis triumphis, in cœlos perpetuum triumphaturus abiit.

Sublato ad superos Ludovico, proponitur in scenam, Carolus cognomento Parvus, alias Secundus: mundi fabula, fortunæ ludus ac ludibrium, ambitionis pila, clarissimumque humanæ inconstantiæ speculum; cui quantum antea instabilis Dea se benignam atque placidam in adipiscendis honoribus ac regnis exhibuerat, tantum in crudelissima ac funesta ipsius nece rebellem ac severam præstítit; pulcherri-
Carolus &
Maria Re-
ges.
mo nobis scilicet documento, ut cum ad summa quæque magno omnium hominum applausu extollimur, magis nobis verendum esse, quam gratulandum advertamus. A morte Ludovici, quem omnis fexus, ordinesque omnes, indicto triennali in universo Regno luctu deplorabant, filia ipsius Maria, ob insignia Patris merita, omnium consensu atque suffragio Regnicolarum Rex designatur, & facro dia-
demate coronata, Regimen suscipit; verum cito plerosque Optima-
tum tedium & satietas foeminei coepit imperii, ac præfertim Paulum Episcopum Zagrabensem, Joannem Banum, Stephanum Tranfylva-
niæ Vaivodam, & Andream fratrem ejus, ac Stephanum Simontorniam, unde haud sane felicibus auspiciis Neapoli Carolum Parvum accersendum, Zagrabensemque Præfulem ad eum ablegandum decer-
nunt; quam ille quidem legationem sub specie singularis devotionis, votique exsolvendi causa Romam se proficiendi simulando, prompte suscepit simul & ex arbitrio Procerum peregit. Carolus enim domi-
nandi libidine succensus, nec contentus sui regni quiete & tranquilli-
tate, oblatum regimen civilibus laborans dissidiis, amplexus est. Con-
scensis igitur cum Paulo Antistite Oratore navibus, moesta licet Con-
juge adversa ominante fata, velis inflatis aquis se concredidit, & op-
tatis ventis spirantibus, ubique fortuna obsecundante, alta maria ful-
cat, donec ad Segniente applicuit Littus. Huic Segnia urbs mariti-
ma, Arx rupe celsa prominet, Dalmatiæ quibusdam, aliis vero Croa-
tiæ Metropolis. Qui vero in Dalmatia statuunt, Croatiæ Metropo-
lim

lim Bihicum esse volunt. Inde asperitate montium minime tardatus, ad Zagrabensem Civitatem Sclavoniæ primariam venit, ubi eum ejusdem urbis Episcopus ac Orator in multarum affluentia rerum grata hospitalitate fovit, donec novi Regis adventus fama latius divulgaretur; tandem egressus inde, comitantibus & applaudentibus Regni Proceribus, foemineumque Sceptrum detestantibus Budam pervenit, ibideinque coronatur. Sed penes Carolum diuturna non stetit potestas, quod nimirum ambitu, prava calliditate, & simulatione potius, quam vero patrocinio eandem adversus Mariam affectarat. Etenim Palatini Garæ astu, manu vero Blasii Forgach, cui Arx Ghymes, ob patrandum facinus promissa, dataque postea fuerat, consentientibus in scelus Reginis, infelix Carolus capite faucius, vitam, famam, regnumque reliquit Hungaris. Palatinus rei successu admodum confirmatus, cum militibus ad id præparatis Regiam occupat, Arci, foribusque præsidium imponit: tum vero illucescente die altero, permixta mili extera pagana multitudo, ad rapinas conversa, nec ætati, nec sexui pareit: ex amicis Caroli quicunque occurrunt, passim obtruncantur, cædibus per vicos & compita grassatur; & multo crudelius omnino sœviisset, nisi Joannes Banus, unus ex omnibus Caroli partibus adhærentibus, in tanto furore intercessisset; hic enim cum valida manu Portam, quam vocant Sabbathi, non sine crudelissimo certamine occupavit tumultumque consopivit.

Quænam vero post Caroli cædem, quam anno salutis 1285. fas etiam ferunt, acciderint, quam gravia, quam magnorum virorum necesse, & suppliciis funesta, disertis Bonfinii verbis potius, quam propriis proponere libet. „ Post Caroli cædem, inquit, Regina cum Nicolao „ Palatino, Blasioque parricida sine prætoriana cohorte Sirmium, Sa- „ vi accolas Mysiosque lustrant, nihil interfecto Carolo ultra verentes, „ omnia sibi tuta putant, nulliusque insidias suspicantur. Cum Divi „ Jacobi festo Diacum versus iter facerent, ecce in medio campo „ Joannes Croatiae Præfctus, qui Caroli Regis partes potissimum „ olim se etabatur, auditio Reginarum & Parricidarum adventu, coacta „ tumultuaria multitudine, cum multis Equitibus eas adoritur, ut ini- „ quam Caroli mortem, veluti fas esse putabat, data occasione ulci- „ sceretur. Cum Aulici Palatinique homines se hostibus impares „ esse noscerent, in primo congressu dedere terga, ne vano conatu „ omnes juxta caderent. Blasius Forgach ingenita fretus audacia, „ primosque impetus excipiens equo deturbatur, captus in Regina- „ rum conspectu, quæ curru vehebantur, confessim obtruncatur. Pa- „ latinus desperata salute forti animo mori statuit. Quare telis un- „ dique petitus tot adverso corpore sagittas ferebat, ut sine earum

, fragore brachia circummoveare non posset: subiere tandem plerique currum, subreptumque pedibus Palatinum humi subvertunt, & ante Reginarum conspectum obtruncant. , Pergit deinde Bonfinius preces & lamenta Reginarum ad Joannem facta, Elisabethæ Matris occlusis faucibus in proximum flumen Bosslutam seu Bacuntium dictum submersionem, Mariæ vero in Croatiam abductionem, ac in arcem Crupam sub custodia inclusionem enarrare; quam tamen auditio Sigismundi e Bohemia in Hungariam adventu, supplicante sibi prius Maria, & ad sacrosancta Divorum Lypsana juramento fide sancta, se universarum injuriarum oblituram, patrisque loco semper Joannem habituram; tandem restitutis universis rebus ejus, insigni apparatu comitatique Budam remittit. Coronato in Regem Sigismundo, & in Budensem reverso Regiam, per multos dies de pacando Regno & componendis Optimatum litibus agitatum est. Maria vero, cui nihil materna vindicta videbatur antiquus, dies ac noctes ad id Sigismundum irritat, inauditas injurias, & illata probra oculis objicit, mortemque Joannis, in se ac matrem Tyranni, instantissime postulat. Vincitur tandem Reginæ precibus Sigismundus, ac Legiones duas cum equitibus expeditissimis comparat, in Bulgariam adversus Turcam se bellum moturum simulans. Interea Amicorum litteris admonetur, Joannem Croatæ Præfectum Posegam, quod regale foret oppidum, clam tutandi sui gratia occupasse, loco quidem & arte munitissimum. Ibi igitur admotis machinis die noctuque acerime oppugnatus, ne ad extrema redigeretur, clam Arci se subtrahit, ac ea parte, ubi Amicos forte suos se præstolari tenserat, cœca nocte sese subripit. Mox trajecto Savo, Dobor Regni Bosnæ Oppidum, ubi Zagrabensem Antistitem cum plerisque aliis esse noverat, subivit. Horum arte plerique Dalmatarum, Bosnensium, Sclavorum & Croatarum, a Sigismundi fide defecerant. Quo intellecto Sigismundus Savum trajicere ac Dobor Oppidum circumvenire est coactus. Celerem & audacem Regis obsidionem hi admodum formidarunt, imo usque adeo sunt absterriti, ut Joannes ne in angustiis iterum se occluderet, ante acerrimam se cum nonnullis obsidionem inde proriperet, ratus eadem se fugæ fortuna potitum; verum multo aliter, atque speraverat, res accidit. In Regis siquidem insidias concidit, captivusque in Sigismundi conspectum adducitur, quem diligenti custodia is asservari jubet. Interim Dobor expugnat, & Episcopum capit, Bosnam post hæc, Croatiam deinde, Dalmatiamque omnem in ditionem suam recipit. Pacatis regionibus in quinque Ecclesiarum urbem Rex cum universo exercitu se recipit, captivosque omnes adduxit. Ibi pro dira Mariæ libidine de Joanne supplicium sumptum est; revinctis enim ad palum manibus

Sigismundus Rex.

Mors
Joannis
Bani.

per

per Urbes, Vicos, & Compita curru circumvectus, carentibusque fru-
stillatim forcipibus passim disceptus, postremo ad genitorios usque
gradus tractus quadripartitoque dissectus est, cuius frusta corporis
singulis portis, ad deterrendam aliorum audaciam, imposita. Cæteri
capite multati. Zagrabiensis Episcopus hujusce novitatis auctor ad
sacrosanctam dignitatem cum Capitalis esse non posset, Episcopatu
publicatis bonis abdicatus est. Atque hic fuit tragicus ille infaustissi-
mi Bænorum omnium Horvati vitæ terminus: cuius immanes poenas, ac
crudele supplicium unius foeminae, vindictæ avidæ, voto patratum, ac
instar alterius Herodiadis Joannis caput persequentis, violato insuper,
quod ad sacrosancta Divorum Lypsana præstiterat juramento; illud
inquam, summæ impietatis vindictæ genus dum attentius considero,
non nisi in indignationem surgit animus. Quid enim unquam Joannes
commisit, quo se vir tantus, tam barbaræ crudelitatis reum con-
stituisset? novitatis, inquit, Auctor cum Episcopo & Regiæ Primipil-
lus factionis fuit: sed nunquid Palatinus Gara impiæ factionis au-
ctor non extitit, dum per summum scelus perfida fidei simulatione
Caroli Regis vitæ, ac dignitati Regiæ struxit insidias? an non paulo
supra Cyriachium & Niliptium iteratis vicibus in Croatia, Stratimi-
rum Principem in Bulgaria, Ludovico perduellionis fuisse reos retuli-
mus? quod si Joannes Mariam Reginam captivitate dehonestavit, at
quæ non infamia, dum hic ipse Sigismundus Mariæ Dominus Garen-
sium Palatini filiorum infames subire est coactus carceres? an non ex-
oculatos Hungariæ Reges legimus? Sed quid plura, plena Hunga-
rorum Historia est rebellibus, ut ausim dicere, nullum fere fuisse Re-
gem, qui in se refragatores non habuisset, quando vero de his omni-
bus tam immane sumptum est supplicium? quid quod isti nulla obla-
ta causa justa, sola aut levitate animi, aut libidine dominandi stimu-
lante privata studia sint consecrati, ac talia patrare ausi: quam vero
æquissimas Joannes noster, alium quærendi Regem, foemineumque de-
testandi sceptrum rationes habuerit, in comperto est. Nam cum vi-
derent plerique Optimatum, Elisabetham Matrem Palatinum potissi-
mum in consilium admittere, nimium ei credere, ex ejus sententia
cuncta gerere, nihil denique inconsulto illo conari; quis hæc vir pro-
bus ac fidei constans, æquo animo pateretur? cum Palatinum auto-
ritatis multum apud Reginam adeptum intelligerent, unde consulere
deinde cœpit, ne suos Proceres nimis extollat, nimiumve donet, quan-
doquidem jam potentes effecti, imperata non facerent, detrectarent
fidem ac obsequia; præpotentibus quibusdam attenuandas esse vires,
auferendos quoque Magistratus quicunque formidolosi essent: unde
multos sibi e proceribus Regina habere suspectos occœpit, in pleros-

Defensio
Joannis
Bani.

que immerentes odium & suspicionem concipit, quemvis denique e gratia sua Garæ nutu promoveri, aut submoveri patiebatur: cum hæc, inquam aliaque plurima quæcunque cuperet, pro libidine sua fieri inteligerent, nullus sane probus tam tranquillæ mentis, ac constantis sibi animi esse poterat, ut ad molienda nova non moveretur. Sed regio, inquit rursum alias, sacrilegas temeravit manus sanguine. Ita quidem, sed ubi interfactus ab Ungaris Rex Petrus? ubi Palatini Garæ perfidia Carolus interemptus? hoc nimirum factò præclare famosum illud suum stabilivit dictum: Coronatum sacro Diademate Regem, vel si bellua foret, nunquam sine magno lædi posse scelere. Ubi Gertrudis Regina Andreæ conjux, a Benko Bano neci data? quis horum unquam non capitali dico plexus sententia, aut suppicio, sed vel publicatis bonis condemnatus? neque sane Gara nefandi sceleris debitas exsolvisset poenas, nisi ulciscente Joanne vitam jure posuisset. Et sane nec Maria diu iniquam tulit in Joannem vindictam, paucis enim elapsis annis, repentina sublata fato, infausto simul omne foris Sigismundo depugnante, e vivis decepsit; & ipse postea Sigismundus, tam ignominiosæ consentiens neci, infami captivitatis sub custodia, lugubres traduxit dies, pallidasque amarissimis lacrymis inundans maxillas, poenas dedit. Quamquam nec Joannes adeo in Reginam ac Palatinum offendisset animum, nisi Tuartcus Bosnæ Rex eum sua fraudasset tutela, cui in Uszore tractu aliquot assignatis Dominiis, majora adhuc spoponderat, si tumultuantibus ita rebus Ungaricis, ejus ope Ungaria potireretur, ut Orbinus refert. Neque tamen hæc eo dicta velim, ut violentas Joannis in Regium sanguinem manus innocentes asseram; id solum dixisse animus fuit, eum, nullo Juris ordine indicto ac servato, imo contra fidem sacramento ad sacra Divorum Lypsana præstito sanctitam, tam acerbas subire debuisse poenas, quas nemo aliorum æque reorum subiit, in viro generis ac dignitatis splendore conspicuo, plus crudelitatis quam justitiæ speciem præbuisse. Atque hæc pro Joanne dicta sunt.

Sigismundus, ne, ut quondam Xerxes Persarum Rex, post infelicem belli in Græcia gesti finem suæ improvisionis poenas daret, sic ille ad Nicopolim anno millesimo trecentesimo nonagesimo sexto infeliciter pugnans, fugitivo similis altas Danubii ac Maris aquas navigans Constantinopolim, inde Rhodum, ad Regnorum denique Dalmatiæ, ac Croatiæ oras appulit. Duo de viginti mensibus partibus in istis commoratus, tandem Joannis Archiepiscopi Strigoniensis, ac Stephani fratris de Kanyfa, tum vero præcipue Joannis de Marotta Sclavoniæ, Croatiæ, ac Dalmatiæ Bani postea etiam Machoviensis, Joannis Horvathy successoris anno millesimo trecentesimo nonagesimo,

Joannes
de Marot.
ta Dalm.
Croat. &
Sclavon.
Banus an-
no 1390.

mo, quo suppicio affectus est. Sed rursum novercante fortuna, anno quarto post reductum Regem, jam gens fere universa, ex omni ordine, a Regia defecerat fide, & limis eum oculis omnes intuebantur: duorum & triginta equitum cædes, Nicopolitana clades in invidiam, Mariæ vero obitus, & inita post illius mortem intemperantia fœminarum præcipue, quibus præ licentia cœlibatus se fecerat obnoxium, in contemptum adeo gravem hunc adduxerat, ut mox facto impietu, in ipsa Budensi Regia die sancto Vitali sacro, Regi manus injicerent, hostili more frementes caperent, distraherentque. Fatum fortasse Julii Cæsaris subivisset, nisi Marotta Banus cum paucis amicis intercessisset. In vincula demum, ac squallidum conjectus carcerem adhibitaque Procerum custodiæ cohors, filiisque Palatini Garæ custodiendus est assignatus tam diu, donec captivi Regis gemitus affiduos Gararum Fratrum Mater, Nicolai Palatini conjunx, diu tolerare non potuit, sed tandem filiis efficacissimis persuadet rationibus, quo, si saluti suæ imposterum quoque consultum velint, Regem e custodia missum faciant. In seriam hæc filii sumserant considerationem, ac variis deinde moti causis, accepta demum per matrem jure jurando a Sigismundo immunitate, de omni bonorum, fortunarum, honoris ac vitæ securitate, in Moraviam, inde in Bohemiam, Sigismundum e custodia dimittunt. Audita Regis eliberatione, Marotta Banus præcipiuss e Regis amicis ulciscendi avidus, eam Ungariæ intulit vastitatem, ut Turocius afferat, suæ ætatis senectutem, ejus minime oblitam fuisse. Sigismundus ex Bohemia in Ungariam ope Hermanni Ciliæ Comitis ac totius Sclavoniæ Bani Soceri sui reversus, in omnes olim conjuratos simulatione usus, tandem consulto in Sclavonia, ubi amicos se habere sentiebat, minusque quosvis sibi resistentes formidare videbatur, universalem indicit Diætam. Comparuere quidem frequenti numero Stephanus Laczk Vaivoda, cum reliquis factionis sectatoribus: at ecce in mediis negotiorum consultationibus, signo dato, Stephani edicitur causa, ac e vestigio tum ob crimina Majestatis læsæ, tum quod primus Bajazethem Turcarum Imperatorem in Sclavoniam induxisset, gravesque ibidem, ac universum Sirmium per eundem depopulationes edidisset; a Nobilitate captus, a lictore vero est capite plexus. Cæterorum, alii gravi ære, exilio alii mulctati. Conquieverat Sigismundus ab his intestinis rebellantium motibus annos plures, donec & Imperiali Diademate, & Bohemico ornaretur sceptro: at ecce cum annus salutis 15. supra 1400. ageretur, in Regno Bosnæ Hernoia Spaletii Dux, multis Turcarum centuriis in societatem assertis, vana corruptus temeritate, a fide Sigismundi deficit; solum enim a Paulo Chupor Bosnæ Bano in præsentia Sigismundi mugitu semel per jo-

cum salutatus, eo quod aspectu & moribus bovem referret, adeo
hac irritatus est injuria, ut gravissima Bosnensibus intulerit detrimen-
ta. Proceres, quibus Regnum cura auctoritate Regia credita fue-
rat, Bosnensium novitate commoti Reipublicæ socrorumque saluti
consulere coguntur.

Marotta
Banus in
Bosnam
mittitur.

Itaque contractis celerrime copiis, turmis Equitum Joannem
Marottam Banum, Joannem Garam, & Paulum Chupor Regni Bos-
næ Banum rite præficiunt, cohortium præfecturis Nobilibus assigna-
tis. In Bosnensium Provinciam exercitum sat amplum deducunt,
manusque cum hoste conserunt, & licet forti animo, utriusque suis
freti viribus, diu ancipi dimicassent marte, tandem tamen a rebel-
libus stetit victoria. Multi Ungariæ proceres in hoc occubuerent præ-
lio, plerique etiam capti, Joannes Gara, & Joannes Marotta in
captivitatem incidere; quippe qui dum turpiter cedere nolunt, non
nullis ex hoste cæsis, demum circumventi se se tandem dedidere.
Gara post multos dies voto ad sacrofanciam Eucharistiam nuncupa-
to, disruptis pedicis, e duro se se vindicavit carcere: Marottus, ab-
negata fugæ copia, multa se ab hoste pecunia redemit. Paulus vero
Chupor, qui pari fortuna captus fuerat, immaniorem nactus hostem,
bovino tergo infusus in profuentem ab Hernoia, cum his verbis de-
mersus est: qui sub humana specie bovina quondam voce utebaris,
bovinam quoque nunc cum voce formam indue. Amissa a nostris
hac victoria majorem sane Bosnæ partem, Bajazetes deinceps in po-
testate retinuit. Nova hic oritur difficultas, cum ad annum 1384.
sub Maria Stephanus de Lindua totius Sclavoniæ, Stephanus vero
Philpes de Machov, Themplinus de sancto Georgio, Dalmatiæ, &
Croatiae Bani in generali Hungarorum concilio inveniantur, quam-
vis Joannem Horvatthy a Ludovico constitutum fuisse, & tragicum
ejus exitum ad annum 1390. accidisse certo constet. Similiter ad
annum 1405. Sigismundi Imperatoris Decreto 3. Machoviensis dun-
taxat Banus Joannes Marotta, Dalmatiæ, Croatiae & Sclavoniæ Ba-
nis, Paulo Bisseno, & Paulo de Peth existentibus ponatur; ab histo-
ricis vero idem Joannes Marotta ante & post annotatum annum hi-
scæ tribus Regnis præfuisse constituatur, quæ qua ratione stare pos-
sint, aliud occurrit nihil, quam vel historicos in annorum supputatio-
ne lapsos, vel hos duos medio tempore præfuisse, ac Marottam de-
nuo eisdem successisse, quod alias etiam factum fuisse, posterioribus
temporibus advertere licebit, vel eodem plures simul fuisse tempore.
Sane crebrius hæ nobis, & pañim occurrit difficultates, quarum
aliam non reperio causam, quam historicorum negligentem annorum
animadversionem; quod alias etiam observabimus. Quanquam Histo-

ricorum etiam consuetudinis sit, eorum præterire nomina, quorum tempore memorabile accidit nihil; quemadmodum ad annum 1435. Sigismundi Imperatoris Decreto sexto, invenire est Hermannum Ciliæ & Zagoriæ Comitem, Socerum Sigismundi totius Regni Sclavoniae, de quo paulo supra, Joannem præterea & Stephanum Frangepanos Dalmatiæ & Croatiæ Banos, quorum tamen posteriorum mentio apud Historicos nulla extat. Ad annum pari ratione supra citatum 1405. in Decreto Sigismundi tertio, memorantur filii duo Comites Frank, & Simon filii Konya Bani, quorum ille Curiæ Regiæ Judex, hic porro Janitorum Magister fuerat, cujus sane denominationis originem, nisi agnomen alicujus Bani fuisse credamus, non satis assequor, quamquam & hujus Konya Bani origo, nomen, annusque incerta atque ignota nobis veniunt. At Joannes Marotta vivis tandem excedens, in Ecclesia Nitriensi sepultus requiescit.

Hisce eisdem temporibus, Stephanus Losoncius Banus, ad componendas in Transalpinis partibus Walachorum Principum discordias, a Sigismundo missus legitur; verum cujus fuerit Regni Banus, non constat, cum Marottam vivum adhuc gravi ære redemptum a Bosnensibus retulerimus, ejus vero successorem ad annum 1418. Davidem Laczk de Zanto, ex vetustioribus privilegiis fuisse legamus. Qui, cum duos in Regimine annos non excessisset, ejus gestorum nullam Scriptores fecere memoriam. Porro hic Losoncius, cruento in Walachia commisso bello, dum hosti impar esset, post multam partis utriusque stragem, capitis sui damno, vitæ pariter, & bello ibidem finem dedit. Mortuo Sigismundo, Dalmatiæ pars magna, Venetorum largitionibus corrupta, ad eosdem deficit.

Successit Davidi Bano in Præfecturam anno salutis 1420 Matth-ko, id est Matthias de Thalocz, Ragusinis ex Patriciis oriundus, quem Matthko Bonfinius Dalmatiæ solum, Thurocius vero Croatiæ simul ac Sclavoniæ toti præfuisse narrat, potentem in Regno Virum, famaque clari-
stimum, uterque consentit. Hic Banus defuncto Alberto Sigismundi successore pro Wladislao Lithuaniae Duce, ut Ungaris imperet, Matthko de Thalocz Dalmat. Croatiæ & Sclavoniæ. anno 1420.
cum Episcopo Croatiæ Tininiensi, vel ut Callimachus vult Segnieni, in Poloniam unanimi Procerum consensu anno 1440. decernitur, qui e sententia confecto negotio, cum Episcopus apud Dūcem velocio-rem urgens profecionem, cum Ladislao Pallochio remansisset, ipse vero Banus cum Joanne Pereni, ac Emerico Marchalli Waivodæ fi-lio, legationis Collegis Reginæ ac Optimatibus felix nuncium adferre maturasset; Regina interea seu qui desperasset Marem parere, cum tantarum rerum in spem natum intueretur, crudele nimium & imma-ne videbatur, si veluti propter novi conjugis charitatem, sacratissimo-rum

rum affectuum oblita, mater a debita Regni successione filium exclusisset; seu adducta persuasionibus quorundam, qui rei Polonæ male affecti erant, præsertimque Ulrici Comitis Ciliæ, qui tutorem se posthumi fore, ac summam rerum obtenturum credebat, sententiam mutaverat. Atque ideo Legatos qui redire jussi pertinaciter mandata pergerant, in cæterorum Optimatum odium adducit, ac redeentes ad se in vincula conjicit, moxque voluntatem suam immutatam divulavit.

Eodem tempore fuere Bani, Nicolaus de Wylak & Ladislauus de Gara Machovienses, quorum posterior Præfectura quoque Vissegradensi ac Coronæ custodia fungebatur. Verum cum studiosius Reginæ partes sectaretur, ac simulato tantum ad umbratilem inaugurationem Uladislai obsequio comparuisset, ibidem detentus Vissegradum Polono Regi tradere cogit, ac tandem ab officio asservandæ coronæ amovetur. Nicolaum Wylak hujus temporis Croatiæ Banum Bonifacius ponit, sed Librariorum vitio, illo in loco hunc irrepisse credo errorem, cum ipse postea una cum Thurocio Machoviensem fuisse constanter affirment, quibus & Callimachus suffragatur, qui Mathiam e custodia Elisabethæ, Tonsoris sui ope, eliberatum narrat, ac denuo regnorum suorum nomine, perpetuam se fidem Uladislao servaturum spopondisse; sed & Franco Thalocz frater Matthconis Wylakum antecessit, de quo brevi. Venit & a Rege Bosnæ ad Uladislauum Legatio apparatu Virisque insignis; quæ repetito gentis suæ primordio, eundem cum Polonis auctorem generis ac communem linguam Bosnenses habere cum dixisset, & ob eam linguæ, ac originum veluti cognitionem Regem suum magnopere gaudere, quod cœptis Uladislai felicitatem adesse vulgaretur: foedus deinde & amicitiam sanctissime cultam servatamque inter Bosnæ & Ungariae ad id temporum Reges, vel iniri vel renovari postulavit. Gratissimo ab Uladislao legatio accepta animo, auxiliaque adversus Turcam, ac societas oblata, pari referuntur affectu. Fuerat hic Rex Bosnæ Stephanus Dabissa, frater Stephani Dabissæ Bosnæ Bani, de quo supra; vir religione fidei, ac animi magnitudine insignis, qui cum Regni sui partes saepius a Turca vellicari sensisset, neque ab ejus temporis Romano Pontifice, ac Venetis præfertim expetitas obtinuisse suppetias, dicere solitus fertur: adventurum adhuc tempus, quo Christiani Principes summo dolore torquerentur, quod suis olim constricti angustiis, Bosnensis laborantibus, debitissimis auxiliis opportuno non adfuerint tempore, id quod sane præsentia nostra tempora, heu nimium quantum! sed cum Phrygibus fero deplorant.

Uladislauus
Rex.

Stephani
Regis Bos-
næ vatici-
num.

Moritur interea circa hæc tempora Mathias Banus, hac officii dignitate tribus aut quatuor supra viginti functus annis, cui nec juxta votum suum licuit Uladislai partibus in prælio favere, quod contra Elizabetham committere fuerat coactus. Res prorsus mira, duo Machovienses Bani in diversas distracti factiones Nicolaus de Wylach, & Ladislaus de Gara uno simul concurrere prælio: Nicolaus cum Hunniade Joanne viro æterna memoria, sed nullis condignis laudibus celebrando, Demetrii olim Episcopi Zagrabiensis ad duodecim equos stipendiario, Uladislai partes, Gara Reginæ tuebatur. At stetit ab Uladislao victoria præclaris illis Ducibus præeuntibus. Duos reliquit Matthæo Banus fratres Zovvanum & Franconem, quem Thurocius quodam loco Perconem appellat: id est, Joannem & Franciscum. Hanc spectatæ virtutis, magnanimitatisque familiam, Sigismundus Imperator ob rem ubique bene gestam nimis extulit, omnibusque honoribus excoluit, unde cum Mathia trium contulisset Regnorum Præfecturam, Joannem Auranæ Prioris officio & Capitaneatus Nandor Albensis, quam a Georgio Despoto dono acceperat, decoravit. Franco deinde, fatis concedente Mathia fratre, in Banatus Dalmatiæ, Croatiæ & Sclavoniæ dignitatem sub Uladislao subrogatur. Sed de Joannis virtute hic aliquid dignum referre puto.

Eodem fere anno, quo Albertus e vivis decessit, Amurates æstuante mutuis dissidiis Pannonia Rasciam occupavit, ac Georgio Despoto Principe ejecto, Hungariam solicitare cœpit. Aggressus igitur Belgradum, Thaurunum olim dictum, quod Savus ac Danubius utrinque allabitur, arctissima cinxit obsidione. Præfuit Arci sat valido cum Præsidio Joannes sive Zovanus Talocz Ragusanus, quem Callimachus Florentinum existimat, ea ingenii calliditate, ea animi invictique roboris magnitudine, qua se universæ antiquitati in generositate parrem, nobis qui ab hac illius virtute longe absimus, superiorum, posterris etiam admirabilem reddidit. Amurates siquidem in severissima oppugnatione spatio septem mensium exacto, neque apertis irruptionibus, neque mœniorum conquassatione, neque amplissimorum munierum pollicitatione, neque demum clam adactis cuniculis, aut Urbem, aut Joannis virtutem expugnare potuit. Unde cum dedecore summo, nec minori suorum detimento (cum Callimachus septendecim millia, Bonfinius vero viginti quinque ibidem diversa fortuna interiisse ferat) pedem inde referre sit coactus. Joannes vero ob Albam strenue defensam perpetuam sibi, domuique suæ laudem comparavit. Successit in officium Joanni, qui illud ob confessam annis ac laboribus ætatem in manus Regias resignaverat; successit, inquam, Joanni Joannes alter Corvinus dictus Huniad; decebat nimirum viro

Corvinus
Joannes
Huniadi
Banus

Szeverien
sis & Vai-
voda
Transyl-
vaniae.

Franco de Thalocz
Dalmatiae
Croatiae &
Sclavon.
Banus an.
1442.

tam eximio, virum quoque paris virtutis, felicitatis majoris sufficere; qui non tantum arcis hujus Præfectura, verum & Banatu Szeveriensi sub idem tempus, ac Transylvaniæ simul Vaivodatu est honestatus. Fratri vero Mathiæ, qui duobus & viginti annis Banatus officium administraverat, Franco de Thalocz, ut paulo ante retulimus, in trium Præfeturam Regnorum anno 1442. suffectus est. Hujus sub regimine Uladislao Regi cæterum fidelissimi, utpote cuius opera præcipuis in præliis usum fuisse postea constabit, cum prædicta extiterint Regna, ne scio quomodo Callimachus referat, instigante Ladislao Gara Bano Machoviensi, universam Dalmatiam, ac Croatiam ab Uladislai defecisse fide, adeo, ut paucis diebus summo populorum consensu prope justum exercitum in armis habuerit Ladislaus: adversus quos deinde misisset Corvinum, ut si forte intra ferri discrimen cum suis Ladislaus ab instituto se retrahi pateretur, aut si parum persuadendo proficeret, vires adhiberet. „ Quum vero spreta pacis oblatione Ladislaus armis, non linguis, decertandum respondisset, infelici omni congrefsus, suis plerisque autoritate ac opibus præclaris in captivitatem redactis, saluti suæ fuga consuluit. Corvinus vero a re bene gesta retro qua venerat, ad Uladislauum cum captivis ac præda rediit. Ille captivos haud sane duriter increpitatos, fideique ac jurisjurandi admonitos, præterea cognationis, quæ propter communia vetustæ originis primordia inter Polonos, Croatæque, ac Dalmatiæ cultores esset, quasi contra sanguinem suum arma sumpsissent, in custodiā tradī iuslīt. Sed post paucos dies captivi omnes liberaliter dimissi, plerique etiam viatico, aliisque rebus necessariis adjuti, qui grato animo fidèlem subinde operam Regi, multis gerendis rebus præstitere. „ Atque hæc Callimachus. Sed mirum sane, quod nec Thurocius, nec Bonfinius, nec Orbinus, ullam defectionis hujus attingant mentionem, cum præcipuas cæterum Corvini victorias haud quaquam prætermiserint, Bonfiniusque admodum Callimachum de rebus ab Uladislao gestis, paucis exceptis, secutus fuerit; unde labe quadam suspicionis Callimachus carere non videtur, aut reliqui incurrii prorsus, rem tam memoria dignam negligentes fuere scriptores.

Cæterum tametsi Uladislao tribus imperii sui annis feliciter omnia prospereque, ductu Corvini, adversus Turcam successerint, ultimus tamen, quo ruptis cum Amurate induciis ad Varnam Bulgariæ Oppidum infelicissime pugnavit, funestissimus prorsus ac fatalis sibi, totiusque Nobilitatis Ungaricæ flori accidit. Icto enim ad decennium induciarum foedere insciis, cum quibus mutua auxilia pactus fuerat, Principibus Christianis, instigantibusque Juliano Cardinale, ac Georgio Despoto, quod promissis hostis non stetisset, ad inferendum Turcis belum

lum, tandem Uladislaus, tam frequentibus ac sollicitis acquievit postulationibus. Motis igitur Szegedino copiis ad Varnam ventum est, ibi prima luce diei sequentis Corvinus, accitis ad se Juliano, Despoto ac Francone, Regem de futuro belli certamine consulturi accedunt: cumque Juliano ac Franconi muniri Castra intra currus, dispositis circum machinis, ne hostis insultandi opportunitatem haberet, placuisse; id vero Corvinus cum Despoto minime probaret, quod obsidioni ibi, quam tolerare diu nequaquam possent, periculum videretur; tandem agglomerante hoste passum sine mora Corvino acies instruendi potestas facta: Franco dextrō Præfectus cornu cum Agriensi Episcopo Simone fuerat, Despotum cum Juliano sub se habens. Præmiserat Amurates expeditissimorum Equitum millia circiter sex qui vires magis hostium inspicerent, quam tentarent. Ostendere itaque se illi primum ad dextram in collibus, unde totum exercitum ordinemque facile æstimare possent. Cæterum seu pugnæ avidi, seu Christianorum paucitate contempta ex intervallo sagittis hostem irritabant. Sed cum Franco Agriensisque suos continerent, ne fracto per acclivum primo impetu languidi ad hostem in collem pervenirent: Turci timorem id rati paulatim descendere in æqua, inque ipsos ordines impressionem facere cœperunt. Tum Franco id vero minime ferendum præfatus hostes scilicet, qui paucis ante diebus suppliciter pacem petendo ad decertandum ferro nullum esse in se momentum confessi forent, quique superiori anno toties ex acie fugissent, & scopulorum inviis latebris, veluti precariam vitam deberent ultro victoribus insultare: signum dedit suis identidem jactans, ut virtutis felicitatisque suæ memores in aciem prodirent. Non sustinuit irruentes Turcus, retroque per acclivum collem versus celeritate equorum se vulneribus eripiebat. Supervenit interim reliqua Equitatus multitudo, cuius pars in desinentem jam vallem se recepit, pars in vecta in regios subeuntes clivum deturbat eos agitque in præceps. Illi rursus in plano congregati aciem restituunt, pugnandoque acriter quantum hostium ex collibus in æqua descenderat per vallem ipsam in fugam revertunt atque insequuntur. Despotus cum Franco superabundante hostium multitudine a collibus, ultra quam ferri posset cum suis retrahendis munitiones cesserant. Ibi diu ancipi Marte pugnatum, sed Lesko Bobritius, qui audendo hortandoque certamen extraratur, multis vulneribus confossus, moribundus ex equo cecidit, haec dubieres Turcorum superior habebatur, nec jam milites tantum sed currus etiam oppugnabantur. Quorum nonnullos impetu prius eversos ut diripi Rex vidit, cum Corvino propere illuc contendit, ne, quod adversæ pugnæ unicum Præsidium suis futurum erat, ab hoste præripetatur.

 Franci
Banyán
V.rose
signat.

retur. Ejus adventu fortuna subito mutata est; versi enim in fugam Turci, ultra duo millia passuum cæsi fugatique sunt; tantus erat ardor insequentis a tergo Regis: qui revocante impensis Corvino, tandem omissis fugientibus, rursus Despoto & Franconi laborantibus auxilio accurrit; redintegraverant siquidem Turci prælium ex tota illuc valle conversi. Cumque acrius multo restauratum fuisset certamen, invictus Rex in hostes, equo vulnerato ac in præceps labente, per dextrum effusus armum telis Janicharorum obruitur. Amisso Rege, ac dilapsis exercitus ordinibus, e Ducibus non nisi Corvinus, Despotus, ac Franco cum aliqua exercitus parte rediere. Atque hic infastus Regiæ vitæ Uladislai terminus, anno Regni ejus quarto, salutis vero nostræ quadraginta quatuor, supra 1000 & 400 accidit; quo in prælio Regis potissimum, Corvini, ac Franconis enituit virtus.

Vix cum Banus longi itineris ac certaminis fessus laboribus domum revertisset, pacataque suæ quondam credita regna curæ se repertrum gaudebat, nunciatur Ulricum Comitem, qui Szagoriam, Varadinum, Camproniumque Oppidum, præter alia multa tenebat, audita Regis morte, ac infausto Corvini successu, nova moliri, & quadragesimæ resipiscentiæ tempore, universam Croatiam Sclavoniamque infestis armis perturbare; multa in utraque provincia oppida occupasse, & ni in tempore provideatur, perbrevi totam Dalmatiam in Tyrannidem redacturum. Admonitus de his a Francone Corvinus, ac ut in Ulricum secum arma deflectat, solicite instat. Haud mora, Corvinus præter Dravum subiens, ut in hostis conspectu fuit, proxima nocte tumescensem fluvium, cum quatuor millibus equitum ductante Francone natando trajecit: mox infestam Ciliæ Regionem incursat, vastat agros, vicos incendit, incauta nonnulla Castra capit: tanta Regionem trepidatione complevit, ut de publica deditione cogaret. Ulricus sævo repentinaque bello in suæ temeritatis pœnitentiam adductus, a Corvino & Francone pacem supplex postulavit, qua data, se Coronæ Ungaricæ perpetuo paritum esse pollicetur. Supplicem Duces Comitem ad Regni Patrumque obsequium redactum benigne tractaverunt. Cum regalia ad campum Racos Comitia propediem ^{1a}arent, pacata Provincia relictaque ibi magna parte copiarum, ad ^{indum} Conventum uterque Ducum proficiscitur. Comitorum tempore, cum per ætatem Alberti posthumo Ladislao, qui tum Rex declaratus fuerat, sceptræ tenere non liceret, de Gubernatore Hungariae actum, cumque Georgius Despotus, Nicolaus Wylak jam tum Corvini in Valodatu Collega, ac noster quoque Franco Banus, quisque pro meritis suis amicorum obtinuissent suffragia, Corvini tamen prudentia, æquitas, comitas, invicta belli virtus, præ omnibus pal-

Corvinus
Guberna-
tor consti-
tuitur.

mam

mam tulit, ac Gubernatoris munere fungi a patribus jussus est. Stimulabat interim Corvini animum Varnensis clades, ac nominis ibidem perpesta jactura. Sed nec barbara insolentia, obtenta victoria, Turcam quiescere patiebatur: unde Corvino nova dignitate, & autoritate vires suppeditante, collectis ac motis rursum copiis, ad Merulæ campum Regni Rasciæ deuentum est, quo cum Amurathes a tergo eum fuisse infecutus, nec Scanderbegi, seu Castriotæ, Albaniæ Epirotarumque Principis auxilia præstolari permisisset, ad immaturam pugnæ festinationem continuo solicitat: at cum Corvinus nullam sibi ab hoste quietem dari sensit, triduo acerrima dimicatione certatum est, adeo, ut ex Corvinianis octo, Turcarum vero triginta quatuor millia cecidisse memorentur. Hoc in prælio, uti & in Varnensi eximia Franconis virtus & animus generosus vehementer ab Orbino commendatur, qui tertio jam die fortissime pugnans, tandem obruente barbara multitudine superatus, & velut gloria fidei victima immolatus occubuit anno salutis 1448. Banatus vero sui anno sexto.

Franco in
campo
Merula a
Turcis in-
terficitur.

Gloriosa e vivis morte sublato Franco Bano, quis ei substitueretur, longis agitatum est disceptationibus; cum enim Optimates intelligerent, officium hoc magnæ id temporis existimari dignitatis, plurium autem potentissimorum Procerum animos ob æmulationem gubernationis Regni Hungariæ graviter irritatos fuisse; ac inter cæteros Nicolaum Wylachum magnopere offensum scirent, ut vel hac oblata occasione ejus sedaretur animi motus, cuius potentia civilis seditionis formidini esse poterat, ad Machoviensis Banatus ac Transylvaniæ Vævodatus honores, hunc ei quoque Banatus trium Regnum gradum addidere, anno quadragesimo nono super 1400. Et sane vel ex hoc prærogativa dignitatis hujus haberi potest, quod Transylvana ac Machoviensis administratio, utpote tam distans, ac remota a Sclavoniæ Regno, ei quasi impedimento potius futura videbatur; posthabita nihilominus non solum hac tam gravi distantium locorum incommoditate, verum hac honoris adjectione, & ille suam frænari ad tempus passus fit ambitionem & Optimates plurium simul dignitatum in unam personam amplitudinem dissimulare sint coacti, quamvis postea ad annum 1464. collegam Præfecturæ Banalis Emericum de Zapolya Regni Bosnæ eo temporis Gubernatorem habuisse comperiatur. Wylachus præclaris ortus natalibus, ex Wylachio Oppido, cui in præcelsa rupe, arte & natura arx præsidet munitissima, ac pro totius Syrmii capite habetur, originem traxit, quid prioribus gesserit temporibus, jam supra insinuatum est: sed cum ea se gessisse recognosceret, nobilitate insuper generis, animi magnitudine, opibus, authoritate, ac non parva gestorum gloria intumescens; nec

Nicolaus
Wyl-
k
Sclavo-
niæBanus

his, quas adeptus fuerat dignitates, dira dominandi libido contenta, Regno se dignum arbitrabatur. Unde cum Palatino Ladislao Gara, qui secum Machoviensis præfuerat Banus, ac Paulo Banffy ubique Michaëlis Szilagii pro Mathia Corvino laborantis, conatibus sese opposuit; nec in electionem unquam Mathiæ assensum præbuisset, nisi vi ac metu adversæ partis armorum adactus: ea tamen conditione ab eo id factum, ne illi unquam Ladislai Corvini cædes, cuius non postremus extiterat auctor, objiceretur, & veterum injuriarum ac ultionis oblivio in perpetuum aboleretur, quod & factum; sperabat nihilominus inconsultæ adolescentiæ gratia præceps in Rege consilium, quotidianos errores, crebras in regendo injurias, quibus non mediocris deinde poenitentia Hungarorum animos incesseret, & magna rerum mutatio sequeretur; verum spectato Regis ingenio, quum præter ætatem circumspicuum esse cerneret, angebatur nimis, ac e spe futuræ dignitatis Regiæ omnino dejectus, omnia simulato fictoque faciebat obsequio; unde cum Mathias ad recuperandam coronam animum advertisset, & ad Fridericum Oratores expedivisset, Nicolaus clandestinis Imperatorem quotidie Internunciis de non restituenda corona, solicitabat: quin potius erumpenti jam apertis armis Friderico, ipse quoque cum tribus millibus fortissimorum equitum, ac cohortibus peditum quatuor e Sclavonia ac Syrmio educitis, Imperatorio sese ad Kermendinum junxit exercitui: peritissimum rei bellicæ fortissimumque virum maxima pugnandi incesserat libido, quare nec abstinuere a certamine manus cum Mathiæ Duce Simone Magno, qui hostibus obviam properare jussus fuerat; cumque Corviniani numero ac viribus inferiores essent Cæsarianis, fremente Wylacho terga dare coacti sunt: ea tamen moderatione Nicolaum usum dicunt, ut fusis hostibus a cæde gentilis sanguinis omnino jussérit abstinentem.

Itaque cum Mathias aperto marte nil se proficere intelligit, auxilium ab arte quærerit; conspirationemque hanc dissolvi oportere judicat: Ad potiores igitur conspirationis authores, ac in primis Nicolaum Oratores mittit, qui eundem ab inceptis avocent, suadeantque Rempublicam intestina dissensione diu labefactatam, non ultra vexandam, e superioribus malis futura conjiciat, honestius congenitili ac legitimo Regi, quam peregrino factiosoque parendum. Item domi amplissima quæque munera, latiores dominatus, & commune cum Mathia Imperium polliceantur: se Regalem præter titulum a Republica traditum nihil sibi reservaturum. Demum admoneant, ut imposterum perfidiæ parricidiique notam & universæ Ungariæ invidiam evitet. Assiduis hujuscemodi legationibus solicitatus, tandem vincitur,

tur, ad Regiamque fidem redit. Et vero cum Nicolaum ad seditio-
nem sectandam ambitio impulerit, ei Bosnensis Regni Corona a Ma-
thia promittitur, qua facta promissione ejus avidum regnandi peni-
tus explevit animum; adjecit ad hæc Mathias, ut cum denuo ad Cæ-
farem Coronæ repetundæ gratia Legatos mississet, id muneris cum Nicolaus
Varadiensi Antistite Stephano Pallochio, Benedicto Thurocio, Wylachio quoque singulariter commendatum voluerit. Denique quo sena-
torem Patriæ gravissimum sibi magis devinctum redderet, eo omni-
bus benevolentiae significationibus ardentius prosequebatur. Cum in
Moldavos ac Transylvanos civilibus dissidiis tumultuantes compescen-
dos descendisset, Michaeli Szilagio Avunculo suo, Regni Gubernatori,
Nicolaum Collegam esse voluit; Pannoniam superiorem illius univer-
sam, hujus inferiorem cum tribus Illyrici Regnis Imperio subjectam.
Cum singularem Mahometes Oratorum suorum pompam ad Regem
destinarat, Wylachus admittendi, introducendique copiam habuit:
cum Mathias Bosnæ Rex, Corvini olim paronymphus, fatis conces-
sisset, secundum veterem sponsonem Regni Bosnæ Corona Nicolaum
donavit. Atque in cunctis quoad Wylachus vixit, consiliorum suo-
rum non solum participem, sed moderatorem etiam adhibebat. Nullum
porro solidius amoris intimi erga Nicolaum argumentum fingi
potest, quam quod, ut Bonfinius refert, gloriabundus sæpe retulerit,
se Nicolao Bosnæ Regi, cum eundem per officium visitasset, ægrotan-
ti pedum digitos interfricuisse. Fuerat ei filius Laurentius, Du-
catus titulo in Bosna & Syrmio honoratus, Juvenis paternæ virtutis
ex aße hæres a Mathia filii loco semper habitus. In vetusto Ca-
pituli Zagrabiensis Privilegio a Mathia dato, Emericus de Zapolia
cum Nicolao Sclavoniæ præfuisse legitur. Ubi Coronam Regni Bos-
næ Wylachus fuerat consecutus, quindecim circiter annis Sclavoniæ
Regnum laudabiliter moderatus, Transylvaniæ Waivodatum Joa-
nes Pancratius & Nicolaus Chupor fortiti sunt; Banus vero Sclavo-
niæ Comes Jan seu Joannes Wittowecz de Greben, ac totius Zagoriæ
Comes constituitur, quo triennium duntaxat vivente eidem successit
Joannes Thuz de Lak, Osvaldi Zagrabiensis Episcopi frater, vir po-
tens ac militia clarus, anno millesimo, quadragesimo, sexagesimo
quinto, Dalmatiæ, & Croatiæ Tribunatu annis uno & viginti incerta
tamen de causa vacante. Nam imprimis nullum omnino in Historicis a
morte Franconis reperire potui, & quamvis in quibusdam annotamen-
tis ad an. 1464 Emericum Zapolya Dalmatiæ & Croatiæ præfuisse obser-
vaverim, iis tamen, uti nec derogare fidem, ita nec præstare omnino
ausim, præcipue cum in Diplomatis cujusdam Regis Mathiæ epilogo,
ad annum 1469. ubi regiorum officialium, ac dignitatum nomina ap-
poni

Nicolaus
diversa o-
bit munia

Joannes
Thuz Sclau-
niæ Ba-
nus 1465.

poni solent, ita clausum reperiam: datum per manus Reverendissimi in Christo Patris, Domini Stephani Cardinalis, Cologensis & Bachiensis Ecclesiarum Archiepiscopi, aulæ nostræ Cancellarii, anno 1469. Kalendis Martii &c. ac post recensita Episcoporum nomina subdit: Item Magnificis Michaele Orszagh Regni nostri Hungariæ Palatino, Comite Ladislao de Palocz Judice Curiæ nostræ, Joanne Thuz de Lak Regni nostri Sclavoniæ Bano, honoribus Banatum Dalmatiæ & Croatiæ Regnorum nostrorum, nec non Severiensis vacante. Nec sane suspicari satis licet, quid subesse causæ possit, hæc duo Regna integris uno & viginti annis, tot enim a morte Franconis interveniunt, sine Capite Justitiæ & armorum fuisse derelicta; unde nec mirum, quod Bonfinius alicubi intimet Mathiam in Dalmatiæ & Croatiæ expeditionem suscepisse, forte ob Comitum Frangepanorum fratrum mutuas inter se discordias, quorum quisque cæteros Provinciarum Regulos pro sua allicere parte satagebat, sed Transylvana, ac Latronum quorundam ex Bohemia in Ungaria grassantium seditione revocatum rediisse, hinc & celeberrimus Corbaviæ Comitatus antiquissimæ Romanæ Torquatorum, seu ut nostri appellavere, Carloviciorum familiæ, qui septuaginta duas in se continuifse arces fertur 1467. in cineres quasi redactus, ingentique hominum multitudine abacta depopulatus est. Sed ad Banum Thuz redeamus, qui omnibus cæterum decoratus talentis, multis etiam exercitus præliis, charum se cunctis præbuisset, nisi ingens animi ferocia & subiti intemperantesque motus exosum reddidissent: unde multi e nobilitate, de injuriis, de violentiis, de peculatu quæri occœpere: non æquitate Christiana, non Principum benignitate, non denique Regni legibus, sed avaritia, vi, atque armis, ab eo universa administrari. Dolendum omnino, e viro alioquin præclarissimo hæc nunquam extirpari potuisse vitia, ob quæ eum tandem accipere finem est adactus, ut resignato Tribunatu solum vertere cum suis debuerit. Etenim, cum Zagrabiam e Bosna se Mathias recepisset, quo Turcas triginta millia hominum in diram abducentes servitutem insecutus, ac cum victoria recuperatæ prædæ reversus fuerat, Proceres Sclavoniæ Regale Judicium postulavere. Id propterea factum, quia ex Optimatibus & nobilitate multi homicidii, latrocinii, & rapinarum plerique, nonnulli peculatus, repetundarum alii postulati. Joanni Tuz quoque dicta dies, quod ubi Regi dictum est, mox illum in Judicium non venturum esse prædictix. Hic enim genere, opibusque præstans inter potentissimos diu Proceres est habitus, multumque apud Regem consilio, authoritate, prudentia valuit: annos aliquot quæsturam, item varia munera cum laude gessit. Incidit autem in suspicionem

Dalmatiæ
& Croatiæ
Banatus
diu vacat.

Joannes
Thuz Ba-
natu pri-
vatur &
Venetias
fugit.

in-

invidiamve Principis causa nemini satis explorata. Multa huic oppida castellaque in Sclavonia Pannoniaque fuere. Detracto judicio, ad declinandam inimicorum invidiam cum liberis & fortunis Venetias secessit, sexaginta aureorum millia secum adportasse fertur; ibi, cognita viri dignitate, in Patritiorum ordinem a Venetis admissus est, vitaque tranquilla annis pluribus fruitus.

Verum tametsi hoc octuagesimo supra 1400 anno Joannes Venetias transmigraverit, anno tamen adhuc septuagesimo Banatu se se Regis jussu abdicaverat, quo non nisi quinque functus fuerat annis; post quem deinde anno eodem septuagesimo Blasius Magyar, vir impiger ac strenuus, multisque probatus occasionibus, quatuor Regnum Banatus honoribus, Dalmatiæ scilicet, Croatiae, Sclavoniæ & Bosnæ decoratur. Et sane, cum jam ab initio primi libri ex literis Ferdinandi primi, ad Petrum Keglevicum Banum datis, recitaverimus, unius subinde dexteritate ac militari fortitudine regna integra gubernata fuisse: cuius Blasius virtutis, prudentiæ, militaris disciplinæ, autoritatis denique apud universos fuerit, facile ex Regnum quatuor delegata administrandi potestate conjici potest. Ungaricæ eum fuisse originis, cognomen ipsum contestatur, at cum Dominia ac opulentiora in Regnis hisce Latifundia militari manu fuisse consecutus, Banali quoque fungi dignitate permittebatur. Exorsus sub Mathia publica gerere munia, primo Svehlae, cæterorumque Bohemorum Latronum Ungariam deprædantium supplicio afficiendorum præficitur, ut & captos debita plectat poena & pertinaces in quodam castello se se tuentes, arte qua posset, Ungaria propulsaret. Is in sequenti die, ubi Svehlam captum accepisset, pro castelli porta cruces longo ordine disponit, super has eminentiores quasdam, ubi Latronum Princeps præpenderet, instituit: mox ad supplicium educiti omnes, suspensique, quorum in medio Svehla, a lateribus vero hinc & hinc intimus secretorum collega Sacerdotis nomine abutens, cum armigero, stipantibus utrinque laqueo suffocatis 350. Tam tetro sociorum spectaculo cæteri, qui in præsidio remanserant, absterriti, ad hostis arbitrium se se dedidere, ac ita demum Hungaria infestantium prædonum latrociniis opera Blasii eliberatur. Mathia deinde Rege adversus Georgium Podiebradium infesta castra ad Brunam metante, abeunteque Georgio, Blasium Rex cum Paulo Kinisio in Blasii olim palestra educato, cui postea, ob ingentes corporis vires, ac spectatam animi fidem, filiam quoque connubio Blasius junxerat, in arctiore Brunensis arcis obsidione perseverare jussit, ipse Olomucium versus castra transtulit. Paucis elapsis mensibus Blasius cum Paulo rem fortiter gerentes, arce potiuntur; Blasius Ulyssis ob bellicarum rerum

Blasius
Magyar
Dalmatiæ,
Croatiae
Sclavon.
& Bosnæ
Banus
1470.

astum, Paulus Ajacis ob inauditam corporis animique fortitudinem inde nomina referentes. Atque hæc Blasius, nondum Banali insignitus honore, gessisse memoratur. Nactus porro dignitatem ei quoque interfuit prælio, quo in Bosna desperatam Hungarorum cum Turcis pugnam, ac in immaturam fugam prolapsam, trecenti Croatarum mira animorum fortitudine, adeo feliciter restaurarunt, ut non solum Hungaros ab internecione liberaverint, sed & præda ingenti onusti, repressis hostibus, in Regia castra, tum demum cum Rege Zagrabiam ovantes sint regressi. Hic Rex cum Proceribus de iterata Friderici Imperatoris fœderis ac induciarum interruptione consilium agit: affertur interea rumor, Comitem Joannem e nobilissima Frangepanorum familia adversus Veglenses Insulanos ditioni suæ subjectos, gravibus obortis dissensionibus, arma moliri. Insulani Venetorum, Joannes Mathiæ implorat opem: expeditur in succursum jussu Regis Blasius Banus, cum quinque cohortibus, tribusque equitum turmis: hic in insulam trajicit, Musellum Oppidum vi capit, urbemque Vegliam obfidence cingit. Veneti ab Insulanis postulati sufficienti auxilio admaturarunt, Joannem Comitem periculo Insulanæ seditionis terrent, precibus ac pollicitationibus plurimis onerant, ac denique constantiam fidemque Regi debitam expugnant. Persuasus siquidem Joannes jus, quod in Insula retinebat, Veneto remisit, Arcis ditionem fecit, cessit Insula, Venetasque cum uxore ac prolibus navigavit. Blasius Banus cum Triremes quatuor supervenisse advertisset, veritus, ut cum redire vellet, sibi non foret integrum, accepta publica fide in continentem se recepit, domumque reversus abiit. Dum hæc in Dalmatia geruntur, in Apulia Turcus Hydruntum occupat; quo casu ad generi sui opem Rex Ferdinandus configit, validissimus duorum millium equitatus a Mathia missus, cui Blasius Banus & Nagy Janos præerant. Ii cum in Apuliam trajecissent, & mari & terra Hydruntum obfessam esse accepissent, ut Illyricas Italique vires ostentarent, ea, qua Itala castra ingressi sunt hora, cum Turcis congregandi voluere. Turrim magno præsidio munitam expugnarunt, quam pro porta ad fontem proximum Turci constituerant, potentique præsidio & munitione obfirmarant: multi utrinque cæsi, nostri tandem ea potiti, sic hostium audaciam sane represserant, ut amplius egredi non auderent. Demum Blasius compulsis ad ditionem Barbaris viator, & magnis a Ferdinando Aragonio Siciliæ Neapolisque Rege, Mathiæ socero exultus muneribus, cum triumpho redierat.

Defuncto Mathia Rege, cum in varias Proceres de eligendo Rege partes distracti fuissent, jam electum quidem, declarare tamen Proceres nolebant, ut Sambucus refert, donec Croatiæ Banus declaratio-

ni non interesset, quin postea Blasius ab Alberto Wladislai Ungarorum declarati Regis fratre, eodemque Regni competitore ac æmulo in partes traductus, ejus inaugurationis pompæ interesse recusavit: imo ut fidem suam Alberto probaret firmius, cum Beatrix Regina quadringentes expeditos equites sua pecunia conductos, ut Wladislao, cuius connubium vehementer ambiebat, gratificaretur, eidem auxilio mississet; ii ab Blasio Bano cum veteranorum valida manu in itinere deprehensi non multo negotio fusi, equis, armis, impedimentisque omnibus exuti dilapsi sunt. Verum Blasio hæc victoria ultimum operum fuit, eodem enim itinere gravi morbo correptus, quod Alberto ejusque partibus plurimum attulit incommodi, e vita excessit, hærede omnium bonorum unica filia nomine Benigna, testamento relictæ: quam eventu sterilem Paulo Kinisio, ut supra retulimus, nuptui trididerat. Hic ille est Blasius Præfectorum Mathiæ Regis pugnacissimus, consilioque & manu promptissimus, quem Mathias ex gregario milite, sola virtutis commendatione, ad summos militiæ honores & divitias alienæ virtutis incitamento promoverat. Tenuit Tribunatum Blasius annis quatuordecim minimum, magna ubique rerum bene gestarum laude.

Invenio quidem in vetustioribus Regni Sclavoniæ literalibus instrumentis, ad annum millesimum quadringentesimum septuagesimum quintum Joannem Ernust, Comitem Zoliensem, Sclavoniæ Banum fuisse, ac Ladislaum Hermannum de Gereben habuisse Vice-Banum, simul etiam Provinciæ Crisiensis fuisse Comitem; ad annum vero millesimum quadringentesimum septuagesimum sextum Sclavoniæ Banum fuisse Petrum Bochkay de Raszinia; similiter ad annum millesimum quadringentesimum nonagesimum primum post Mathiæ fata Ladislaum de Eghervara Antonius Vramecz notat Croatiæ præfuisse, Turcasque magna sui laude fudisse; ac mirum prorsus, quod nec annalium scriptores, nec Bonfinius ipse, ullam Bochkay, aut Ernust faciant mentionem, Blasius præterea anno 91. fatis concessisse ab Istvanffio refertur, nec Præfecturam unquam resignasse legitur: nisi forte si dicamus, quod fidem omnino habere videtur, Petrum hoc muneric obtinuisse, dum Blasius extra Regna Regis jussu, variisque longioribus, quas non paucas curæ suæ commissas habuerat, distineretur expeditionibus. Extat in Archivio Capituli Zagrabiensis expeditoria Blasii, qua testatur, se aliquot millium summam ab eodem Capitulo ad Apulianam expeditionem profecturum, obligatis bonis mutuasse. Quantum ad Ladislaum Eghervara, Chronographia Vramecz confirmatur Ladislaus a Bonfinio, qui de eodem hæc paucis tradit: „, eodem, inquit, anno, id „ est 1494, Ladislaus Eghervary, vir probitatis & prudentiæ singularis, „ non sine magno Reipub. detimento mortuus est. Hic Mathiæ Sclavon. Banus.

„ Regi bello Austriaco egregie operam fidei suam probarat, cum
 „ exercitum ejus semper duxisset, & Silesiæ ac Lusatiae Præfecturam
 „ magna cum laude gessisset, Dalmatiæ quoque, Illyrico & Croatiæ
 „ ea virtute præfuisisset, ut Turcarum copias memorabili clade quin-
 „ que eorum millibus occisione deletis afficeret; & Germanis ex Il-
 „ lirico pulsis provinciam ad fidei pristinæ officium redegisset. Demum
 „ præfectura deposita Magister Tavernicorum creatus, quietioris ut-
 „ pote ac tranquillioris officii munere delectatus, in eo usque ad mor-
 „ tem perseveravit., Hæc Bonfinius, ubi tamen initæ Præfecturæ,
 nec depositæ annum notat.

Mathias
Gerebus
Banus.

Graviorem adhuc auget difficultatem Mathiæ Gereby, Corvini
 Regis consobrini, Banatus, de cuius trium Illyrici Regnorum Præfe-
 ctura, nec antiqua Regni monumenta, nec Historicorum celeberrimæ
 commemorationes dubitare sinunt; verum in quæ is tempora consti-
 tuendus sit, res plena laboris non exigui est. Blasius Magyar Joanni
 Thuz successit, resignasse Tribunatum, multo minus eo privatus us-
 quam invenitur; anno 91. supra millesimum & quadringentesimum
 eum e vivis excessisse jam retulimus, ac eidem Ladislauum Eghervara
 subrogatum docuimus. Itaque quo Gerebum fuisse tempore dicamus,
 aliud superest nihil, quam quod Bonfinius insinuat, Blasium quendam,
 nullo apposito cognomento, Budensi Urbi & Arci Uladislai Bohemi
 tempore præpositum fuisse, in cuius potestate præter Urbem & Arcem
 corona quoque Regia deposita fuisset: an tamen noster hic Blasius ex
 officio translatus, an alias quispiam fuerit, pro certo non constat,
 quamvis Gerebi certissima Banalis dignitas ad annum 1484. divinare
 translatum cogat; aut certe, quod verosimilius dixerim, eodem simul
 cum Eghervara tempore Præfecturam egisse. Ut ut sit, quocunque tan-
 dem fuerit tempore, certum tamen est, eum hac functum sub Mathia
 annis circiter septem dignitate, neque aliunde hæc certi temporis du-
 bitatio difficultatem habet, quam a scriptorum negligenti annotatio-
 ne, quo eorum quisque coeperit aut desierit anno, quod nos, quan-
 tum fieri potuit, studiose emendare conati sumus. Hic igitur Ma-
 thias Gerebus, Petri Gerebi Palatini deinde frater, Mathiæ Corvini
 Consobrinus, Vir domi militiæque clarissimus, sub ipso Mathia Rege
 prima militiæ jecit rudimenta. Ac imprimis dum Jaicia Bosnensis Re-
 gni Urbs, atque Arx firmissima ac princeps a Rege obsideretur, ac
 demum Christi Dei natali die ditione caperetur, Mustapham Tribu-
 num Turcarum, qui scriptis ad Regem literis fortissimum quemque ad
 singularem pugnam sibi offerri elato animo postulabat, iamque Rex
 indignabundus, quod nemo ex veteranis citatus, ad nomen responde-
 ret, Duces, Præfectosque copiarum severa voce segnitiei increparet,

re-

repente prodiit, & cum hooste fortiter & intrepide congressus est, opinionaque longius extracto certamine, quamquam vulneratus, vicit tamen evasit, hostemque equo deturbatum interfecit, & caput ejus a cervice dissectum ad Regis pedes projecit: a quo cum ob admirandam juvenis virtutem, tum mutuam propinquitatem, effuse laeto, insignem equum cum aureis calcaribus, ornamenta nempe equestris dignitatis de manu tradita, spectante exercitu, & collaudantibus omnibus, dono accepit. Hoc jacto fortitudinis ac militaris virtutis fundamento, frequentibus deinde exercitatus praeliis, usque ad Banatus dignitatem ei gradus patuere. Potitus itaque Illyrici Regnorum Praefectura, cum Mathias Austriæ occupandæ festinatione teneretur, Turcæ optimam sibi oblatam rati Illyricum vastandi occasionem, eorum septem equitum millia per Corvatiam in Carinthiam & Carniolam ad diripienda quædam Emporia eruperunt, in reditu ad Hunnam amnem Croatiae, qui Savum sub arce Dubicia influit, abduxit decem millibus captivorum & ingenti præda, licentius per Croatiam divagantur: quo intellecto Mathias Banus, adscito in auxilium Comite Bernardino. Petro Garay, cæterisque Provinciæ Regulis, eos insperato adortus ad internacionem cecidit, omni prædæ ac captivorum copia recuperata: quo in praetorio Bernardini Frangepani virtus nimium enituisse perhibetur. Adfuit Gerebus Coronationis quoque tempore Wladislai, quam inaugurationis pompam miro equorum, armorum, famulorumque apparatu exornavit. Demum circa annum millesimum quadragesimum nonagesimum tertium e vivis excessit, magno sui apud omnes relichto desiderio.

Mors Ge-
reboi Banii.

Relato inter Divos Mathia Rege, de Regni successore a priori non degenerè, diu multumque inter Optimates agitatum est; cumque frequens Oratorum ordo e diversis Regnis, pro suo quisque laborans Principe, quo in Regnum succederet, advenisset; nec Joannes Corvinus Mathiæ filius, & paternis meritis, & propriæ naturæ qualitatibus, & plurimum amicorum fretus auxilio, ultimum inter corriva-les locum obtineret: ad eas tandem cum illo Uladislaus Bohemiæ, & in praesenti Hungariæ delectus Rex (quod illegitima ei genitura, quo minus Regni gubernacula teneret, obstare videretur) devenit conditio-nes pacis necessarias potius, quam honestas, ut concessam nimirum ei, & de manu traditam, omnem ultra Dravum flumen Illyrici ditionem, usque ad Bosnæ, ac Dalmatiæ limites & oram Adriatici Maris, absolu-ta prorsus ac Regia teneret potestate: ita tamen, ut si absque liberi-s, sicuti summo cum nostro infortunio evenit, decederet, omnia ad Regnum Hungariæ revolverentur. Demortuo deinde Mathia Gerebo, ipsemet Banatus munere perfunctus est. Is igitur uti erat

Uladislaus
Rex Hun-gariæ.

Joannes
Corvinus
Dalmatiæ
Croatia&
Sclavon.
Banus.
1494.

miti liberalique ingenio, obliterate offensarum memoria, instructissimo equitatu, validisque peditum descriptorum cohortibus pompam omnem inaugurationis Uladislai studio animo condecoravit, ipseque ante alios omnes gestandæ Coronæ munus delatum fuit, ac deinceps Corvinus sincera & inconcussa fide Uladislai partes fecutus est. Defecerat quidem in partes Cæsaris Christophorus Frangepanus annuente Patre Bernardino, Jacobus Zekell, & Civitas Zagrabiensis, quæ a sexcentis Germanis militibus custodiebatur: quo intellecto, repente Corvinus Urbem obsidione cingit, ne illinc a Cæsareanis assidue rapinæ fierent, ac frumentariæ convectiones interciperentur. Cum autem Jacobus Zekell, qui ad Cæsarem redditæ ei Petovia & Rachispurgo transiverat, obfessis auxilio venisset, ab eodem Corvino fusus fugatusque est, & Zagrabienses spe dejecti omissaque pertinacia ditionem fecerunt, Germanis incolubus in patriam ire permisssis.

Maluisset equidem Corvinus paternæ virtutis æmulator cupidissimus, cum Christianæ fidei jurato hoste bella gerere, ditionisque fines propagare, quam intestinis procerum dissidiis sedandis incumbere, in quibus & Christianæ charitatis vinculum & humanæ societatis jura quandoque lædi necessum est. Sed ut quondam non minus nervosæ, quam vere Divus Chrysostomus: meum ac tuum, inquit, frigidum illud verbum, &, quidquid est malorum, in vitam nostram invehens, innumeraque gignens bella, eo interdum insectationum ac perturbationum animos hominum inducit, ut nec sacra, nec profana præcepta coercere possint: hoc sane Corvinum adegit, ut abdicata Illyrici Præfectura, privata contentus vita, Regnis hisce, quæ sibi gubernanda obtigerant, fructuosam navare operam non potuerit. Verum quia Istuanffius has in Regno dissensiones ac alios Corvino in officium succedentes, eorumque gesta, continuata narrat serie, ejus hæc omnia verbis expedire lubet.

Privilegi-
um Fran-
gepano-
rum.

Erant in eo Illyrici tractu complures Italici atque Romani sanguinis Proceres, Frangepani, Ursini, Torquati, quos vulgo Slunios, Blagaios, ac Carlovicios olim vocabant, sed qui jam majori ex parte stirpitus interciderunt, ac alii majorum gentium Comites, quibus Bela Rex patria extorris, & in eas Adriatici littoris insulas a Tartaris pulsus, ante quadringentos annos, quod eorum opibus, armisque sublevatus Regnum repetiverat, amplissimas opes, latifundia, Arceseque & Civitates, ac Insulas beneficiorum memor liberaliter dederat, lata lege perpetuæ immunitatis, ne ii, eorumque posteri ad Tribunalia quorumcunque Magistratum ad dicendam causam cogerentur, sed privato solius Regis judicio & cognitioni reservati censerentur. Ortis igitur inter Frangepanos Comites Bernardum Joannemque, privata-

rum

rum simultatum causa, controversiis, quum saepe inter eos crudelissime armis certatum fuisset, idque Corvinus deinceps præcavendum judicaret, eis ut positis armis lites & disceptationes suas Patriis legibus decidendas permetterent, saepissime ac summa cum severitate injunxit. At illi veteri Belæ Regis indulto subnixi, neminem se præter Regem, qui ipsorum lites dirimat, ne sibi ipsis præjudicent, recognituros respondebant: quem gravissimis curis & bellorum tumultibus occupatum, privatis litibus decidendis vacare non posse satis intelligebant. Et Corvino, ut remissius ageret, occasionem obtulerat contrahendæ cum Bernardo affinitatis cogitatio, ut qui non multo post filiam ejus Beaticem ex Veneta matre elegantis & decoræ formæ Virginem, sibi in Conjugem ducturus erat. Interea Jaiciæ præsidio, quæ Corvini ditioni erat attributa, Turcæ dies & noctes tam aperta vi, quam occultis insidiis, adeo imminebant, ut, nisi Joannis Giulani Præfecti labore, vigiliis, & industria eis occursum fuisset, qui militibus stipendiï & cibariorum inopia laborantibus, quod omnis circa Regio diffugientibus agricolis vastata desertaque esset, de suo providebat, Civitas & Arx incomparabilis structuræ ac munitionis, una cum aliis propinquioribus locis, quæ eodem in discrimine versabantur, fame & rerum necessiarum penuria compulsa hostibus facile cessisset. Quibus rerum difficultatibus adactus Corvinus, omni Illyrici Imperio ac Magistratui cessit, illudque Uladislao reddidit, contentum se fore affirmans oppidis clientelisque suis, & ditione, quam privato jure usque ad eum diem tenuisset.

Mittitur itaque in Dalmatiam, eique conjunctas Croatiam & Sclavoniam, Emericus Derencenius, qui cum Collega Joanne Botho eas regiones administret, jurique dicundo simul & tuendis finibus præsit. Quod genus Præfecti Banum proprie Illyrii olim vocabant, sicuti thus Hispani Almirantem, vocabulo tamen postea ad alias etiam Præfecturas, quæ in mediterraneis habentur, pedetentim derivato. Hi igitur Bani, infelibus auspiciis in partes Illyrici cum copiis delati, quanquam Turcas ad Hunnam fluvium excurrentes, aliquot secundis præliis submovissent, primisque initii fortunam coeptis arridentem experti fuissent; ea tamen, ut semper est varia mutabilisque, in deteriorem versa, infelices eventus fortiti, ambo brevi interjecto tempore hostium armis perire. Ut autem a felicioribus ordiamur, illud repetendum est, quod cum Taurunum in Syrmio & Temesvarum superioris Hungariae præsidium nocturna expeditione urendo agros, & populando excurrissent, ac Stephani Bathori villas rapinis, incendiisque deformassent, abductisque multis incolarum milibus, non longe a Varadino actis prædis essent reversi: illud incommodeum Emericus Derencenius Illyrici Præ-

fectus, cum Bernardo Frangepano, Caroloque Corbaviæ Comitibus, aliisque Croatiæ Regulis, majori hostibus illato detimento rependerunt. Cum enim Turca ad Hunnam fluvium, qui e Dalmatarum montibus ortus, sinuoso cursu per intima Croatiæ defluens, modo lenis & placidus, modo citatis aquis celerior, sub Arce Dubicia Savo miscetur, magno numero populabundi vagarentur; a nostris, quos modo nominavimus, occidione deleti sunt, captis hostium mille quingen-tis, totidemque cæsis, reliqnis in profluente Hunna submersis.

Hoc feliciter confecto prælio, & ad majora animum præparando, intestinis impeditus tumultibus, a propagatione Regni finium ad componendas privatorum controversias, vires & ingenium intendere debuit Emericus. Adegerant ad hæc eum Frangepanorum armis mixtæ discordiæ, ut paulo supra meminimus: rejecta tamen in præsens importuna fori & tribunalium perplexitate, Bernardum Frangepanum indomito animo hominem, Segniæ maritimæ Urbis obfitioni incum-bentem, armis illatis ad officium reducendum ambo censuere. Quibus rebus ille intellectis, Segnia relicta, ad sua defendenda redire, ac ad Briniæ Arcem sese recipere fuit compulsus: ea est non procul a Mari cum subjecto oppido vetusti operis; quam cum Derencenius cum Botho collega perlustraret, qua parte foret commodior oppugnatio, & Bothus prope mœnia versaretur, plumbea glande ex arce emissâ iactus in vestigio concidit. Ejus morte Derencenius Collega, ac cæteri ordinum Ductores exacerbati, multo majorem oppugnationem instituendam decrevere, admotisque tormentis Frangepanum ad accipiendas deditio[n]is conditiones compulere, eo quidem properantius, quod Jacuppem ulterioris Bosnæ Præfectum exactæ virilitatis Spadonem magno exercitu ad vastandas, depopulandasque Illyrici Carnorumque regiones, quæ erant in propinquo, irrupisse audivissent. Confluxerant ad Jacuppem evocati ab eo e Thracia & Macedonia equites, qui a Turcis Acangii vocantur, ita ut decem millium equitum numerum copiæ ejus excederent; cum quibus tanta adhibita celeritate ver-sus Carnos Urbemque Labacum irrupit, ut prius ingentem misero-rum populorum numerum abduxerint, quam quisque hostes adventare, aut adesse audivisset. Erat in partibus Maximiliani Cæsaris Jacobus Siculus, qui contracta celeriter quingentorum equitum ala, ac non aspernendis Germanorum peditum auxiliis, hosti occurrendum statuerat. Sed ille incredibili usus celeritate, abductis captivis, eodem quo venerat itinere redeundum, vitandamque si qua fieri posset pugnam omnem sibi proposuerat. Jam hostes in Modrusensem agrum rever-tendo pervenerant, valles potius dixeris præaltis montibus in oblongæ coronæ speciem circumdatas, cum se a Derencenio cum omnibus

Joannes
Bothus
sub Briniæ
interfici-
tur.

copiis tam suis, quam auxiliariis, parato ad dimicandum animo expectari didicit. Aderat cum Derencenio Bernardus Comes Frangepanus, ac Nicolaus & Joannes ejus Fratres, cum suis Dalmatici & Illyrici nominis militibus. Carolus quoque Corbaviae Comes, e Torquatorum illustri familia, ac Petrus itidem Comes de Zrinio, cum multa Nobilitatis earum regionum parte; nec tamen, supra agrestium manum, octo millium numerum excedere dicebantur. Ferunt Jacuppem, quod multo maiores hostium copias esse existimaret, non parvo metu perculsum, a Derencenio per nuncios e captivorum grege delectos, tutum sibi ac exercitui iter postulasse: quod eam irruptionem non in partes Praefecturæ ejus subjectas, sed in Carnos fecisset: illum vero non nisi dimissis captivis concessurum respondisse, cumque convenire nequaquam possent, tum vero ad arma deuentum. Porro Derencenius, quum se & copiarum numero inferiorem, nec equitatus robore parem hostibus animadverteret; vitandum omne prælia discri-
men testabatur: ac pedem referre, & castra ad Modrusiæ mænia reducenda, donec id ab ipsis integris, ac sylvarum & montium commoditate adjutis fieri posset, prudenter consulebat; nec verendum esse, ut in eo receptu a Turcis impedirentur, qui nequaquam pugnæ avidi, satis se lucri reportatuos arbitrarentur, si cum captivis ac præda domum redire permitterentur.

Hæc a Derencenio singulari prudentia rectissimoque judicio prævisa erant, nisi fortuna sanis consiliis successum eripuissest. Namque Bernardus Frangepanus pugnandum omnino & in perfidos hostes audacter irruendum, captivosque & prædam omnem ab eis extorquendam, idque ad officium ejus pertinere differebat, utpote qui omnibus copiis præcesset. Quod si ipse inani metu consternatus pugnam detretet, se suis saltem cum copiis hostem examinatum pavore, onustumque præda, & precario iter petentem, invasurum: eum omnis accepti detrimenti culpam subiturum, seque ejus apud Regem & Principes, si fata e prælio salvum reduxerint, reum peracturum. Nonnulli etiam Praefecti & Centuriones Illyrici eum petebant, ne militum virtuti difidere vellet, qui superiori anno, ipso Duce, ad Hunnam flumen eosdem hostes fere ad internectionem delevissent, & non exiguum rei militaris usum habere viderentur. Quibus verbis irritatus Derencenius, se ea, quæ de vitando prælia periculo differuerisset, non suæ, sed exercitus saluti consulendi studio in medium attulisse. Quando tamen omnibus tam fixum & certum ineundæ pugnæ ardorem esse videat, ne insolitæ formidinis, aut ignaviæ nota perstringatur, se quoque necessitati, & infausto, ut quidem animus præ sagire videretur, certaminis manus dare: precarie Deum Optimum Maximum, ut, qui modo in

castris tantopere feroceſ & præſervidi fuerint, eundem in acie animum, eandem in dimicando constantiam retineant.

Dum hæc a Ducibus disputantur, Turcæ quadam veluti rabie efferati, e densioribus sylvis, per quas iter fecerant, egressi, acie instruta explicatisque signis, nostros provocare ad prælium cœpere; quod metuerent, ne Jacobus Siculus, sed is jam redierat, cum Germanicis copiis adventaret, ipsique a fronte & a tergo circumventi, & veluti indagine clausi manus conserere cogerentur. Itaque Derencenius tribus agminibus, quæ in quadrata latera densarentur, factis, attolli signa & explicari, tubas canere, & primum agmen in hostes irrumperre jubet. Pugnatur diu & magna contentione; & Jacuppes suis laborantibus jamque inclinatis, recenti equitum subsidio, sine mora suppetias ferens, adcurrit. Contra Derencenius magna voce Bernardum Comitem compellans, nunc, inquit, fortissime vir nutantem hostium aciem ardenti animo invade, & qui pugnæ auctor fuisti, victoriam etiam invicta virtute nobis præsta. Nec mora, Bernardo in hostes se acriter inferente atrox & cruentum certamen instauratur; quo diutius protracto, dum utraque pars ardentissime præliaretur, ac Derencenius, ubi plurimum periculi imminere videbatur, adcurrendo & suos cohortando aciem restitueret, ad extreum Joannes Frangepanus ab hastatis Turcis trajicitur. Ejus cadaver, dum nostri, ac imprimis Georgius Blatovicus Narissi in Dalmatia Regulus, eripere conarentur, Turcis contra auferre illud conantibus, cadente Georgio, pugna magis ac magis recrudescit. Postremo nostri viribus impares, cum ipso Bernardo terga vertunt, & foede profugiunt. Quæ res totam aciem ordinęsque, qui adhuc Turcarum impetum vimque fortiter sustinebant, mirum in modum perterrefecit secumque in præcipitem fugam traxit. Derencenius cum tertio agmine, quod in subsidiis collocaverat adhuc viribus integer adcurrere, vociferari, fugam retentare conatus, dum frustra omnia esse, seque nihil proficere videt, in confertissimos hostes irruit, eique cum fortissimis familiarium acerrime pugnanti equus lanza confoditur, quo cadente, pedibus non minus acriter dimicando se tuetur, donec gladio, quo peritissime utebatur, capulo tenus perfracto ab hostibus circumventus, non sine vulnere capitur. Cui cum laboranti filius, quem unicum egregiæ indolis habebat, ac frater opem ferre vellet, cum paucis familiarium qui supererant equitum adcurrere. Sed neque illi jam ab hostibus capto quidquam opis attulere; & ipsi ambo circumventi atque crudelissime interfici sunt.

Cecidere ex nostris, præter Joannem Frangepanum & Georgium Blatovicum, nonnullosque clarioris nominis Tribunos, quinque millia hominum & septuaginta septem, omnia signa amissa, ex hostibus mille aut

Noſtri
ſumma
clade
cædu-
tur.

aut eo amplius desiderati: plurimi etiam vulneribus acceptis debilitati; domi vitam finivere. Derencenius ipse Banus, & Nicolaus Comes Frangepanus, cum multis nobilioribus equitibus Ungarici atque Illyrici nominis, inter captivos fuere; hic demum multo auro se redemit, illum autem Jacuppes Bizancium ad Bajazetem Principem, cum aliis captivis quam plurimis, ac signis omnibus dono misit; ubi in carcerem septem turrium conjectus, tribus post mensibus, mœrore animi ob amissum exercitum, ac filium fratremque trucidatos contabuit, vitamque cum morte commutavit anno salutis 1496.

Ejus cladis temeritate Frangepani acceptæ fama cum Budam alata esset, Uladislauum incredibili dolore affecit; neque enim ignorabat, plerosque omnia adversæ fortunæ incommoda ejus negligentia atque socordia tribuere, omniaque ejus dicta & facta in diversum interpretari. Quod unum in præfens auxilium perditis rebus poterat, ne Provincia capite careret, Ladislauum Canisianum, aliis Georgium diætum, in Illyricum misit, qui illis Regnis & oræ maritimæ cum potestate præcesset, simul & Jaiciæ, ac Segniæ tuendæ curam gereret, eique haud contemnendum equitum & peditum numerum in supplementum eorum, qui clade Derenceniana perierant, attribuit, &, ut primo quoque tempore illuc contendere maturaret, in mandatis dedit.

Porro, tametsi Corvinus abdicata præfectura in solitariam se redigerat vitam, nec sic tamen ab aliorum infestationibus quietus permettebatur; Stephanus siquidem Scepusiensis Comes Palatinus, Arcem Joannis Corvini in Illyrico absentis Szamobor dictam edito in monte sitam, nequaquam præmonito Rege obsedit; cui quanquam Uladislauus severissime interdixisset, ne arcem occuparet, quæ nullo æquitatis jure ad eum spectaret, ille tamen spreto Regis imperio, eam ditione Praefidii in suam potestatem rededit. Sed & Osvaldus Zagrabiensis Episcopus, qui soluto Budæ conventu post Regis discessum in Illyricum se receperat, castella Episcopatus a Corvino Duce occupata, quippe quod a Germanis paulo ante receperat, bello recuperare contendit; nimirum opportuna Corvini, qui apud Kinisium erat, absentia invitatus. Quare Rochonico, seu ut vulgo nostrates lingua sua vocant, Rakovacz obsezzo & capto, arma inde ad alia oppida militibus, quos e Germania evocarat, crudelissime se gerentibus transtulit. Corvinus tantæ rei nuncio consternatus, nulla interposta mora, omnes fere inferioris Ungariæ copias, permittente Kinisio, cogit, & Laurentio Duce Nicolai Bosnae Regis filio, ac aliis nonnullis ad se cum equitatu suo traductis in Zagrabensem agrum, omnia quæcumque adempta fuerant, interpositis conditionibus recipit. Et Osvaldi exercitu, qui trium millium numerum explebat, profligato, omnes

Deren-
ceni-
us
mors.
1496.

Ladislaus
Canisia-
nus Dalm.
Croat. &
Sclavo-
nia Banus.
1494.

Disturbia
intesta-
in Sela-
vonia.

Episcopatus villas incendit: neque agris, neque Incolis ullis, quamquam innocentibus parcit. Ladislaus autem Kanisay, qui Provinciæ cum imperio præerat, ut tanti belli incendium extingueret, quo multas Regiones facile conflagraturas non inani ductus conjectura propriebat, Corvino Castellum ab Osvaldo receptum ipso non repugnante Osvaldo, restituit: & iis inter se reconciliatis, qui prior a pactis & foedere recessisset, is ut Majestatis reus esset, edito sanxit. Hac præclara Ladislaus, inter viros maximos summa cum sui laude facta compositione, gravi postmodum, eoque diuturno correptus morbo, sex Præfectura functus annis, vitam adhuc rerum bene gerendarum laude finire cupiens, abrumpere coactus fuit anno quingentesimo supra millesimum.

Rex conventum celebrat Veruciæ in Sclavonia, & Corvinus iterum Banus constituitur.

Kanisiano vita functo, Corvinus cupiens se Regi gratum exhibere, curam tuendarum Illyrici Provinciarum denuo suscepit, anno quingentesimo supra millesimum in Conventu Veruciæ celebrato, cui Rex ipse interfuit, adjunctis ei duobus millibus equitum, sancita insuper lege, ut quot annis quadraginta millia nummum aureum, decem millibus equitum Provincialium ad inhibendos Turcarum incursus sustinendis penderentur: qua simul occasione Osvaldus Zagrabiensis, cum ducentis adveniens equitibus facile decimas a negantibus eas extorxit. His absolutis, percussum est cum Venetis foedus, cui feriendo auctoritate potissimum Alexandri Pontificis adductus fuerat Uladislaus præsertim cum in triennium quadraginta millia aureum nummum, Veneti vero centum polliciti sint; quo viribus simul conjunctis adversus Turcam progrederentur: accepta igitur pecunia cum reliquis Hungariæ præsidiorum Præfectis, tum etiam Joanni Corvino Illyrici Proregi, in stipendum ad conducendos milites datur, &, ut Turcis ubique quam maxime noceat, edicitur. Ac Præfecti Turcæ, qui Varbosanii in Bosna & Samandriæ in Syrmio in omnes occasiones excubabant, cognitis per exploratores suos Pannoniorum apparatus, cum exortum haud dubie bellum arbitrarentur, priores & pacatores arma parant, ac quanquam major eorum pars ad Bajazetis classem & castra in Græciam discesserat; tamen tumultuariam militum manum cogunt, Morolachios & Martalashios peditum genus rapto vivere adsuetum, ac agrestes undique ad certum diem adesse & arma sumere; equitum turmas, quæ domi ad tutandos fines relictae erant, in castra convenire jubent: ac Jaiciam Bosnensis Regni caput adoriuntur, rati locum commeatu omni rebusque ad defensionem idoneis imparatum, priusquam succurri a nostris posset, facile capi posse. Sita est Arx Jaicia in edito monte, faxeoque; & fama est, ab Italo Architecto ad similitudinem Neapolitanæ Arcis, quæ ab ovo nomen habet, olim ædificatam, ab ea nomen suimpississe, quandoquidem Jaiciam apud Illy-

ricos ovum significare certum est. Despectat Urbem ad radices montis egregie munitam, sub quibus duo amnes navigabiles Verbanus & Pliva in unum concurrunt: cum non longo super arcem intervallo tertius in Verbanum amnis influat, Bossuta nunc dictus, quem veteribus Bacuntium vocatum quidam putant, demersæ in eum Elisabethæ Reginæ Hungariæ infelici casu celebratum, qui postea omnes uno Verbani nomine accepto, late patenti in planicie decurrentes, ad Gradiscam Savo commiscentur.

Sed Corvinus veloci hostilium copiarum concursu, earumque consiliis intellectis, Uladislao celeriter significat, auxiliaque submitti postulat; qui nobilitate omni arma capere jussa, obfessæ Arci sine mora opem ferendam mandavit. Quæ cum segniter pro periculi magnitudine, ac tardius quam id exigeretur, convenienter, Uladislaus missfo Emerico Czobor, qui recusantes vi adhibita compelleret, brevi ad Corvini castra haud contemnendum militum numerum coegit. Petrus etiam Gerebus Regni Palatinus ducentos equites & duas cohortes peditum expeditorum misit; ipse quoque Corvinus tam e suis, quam Frangepanorum, Carloviciorum, Zrinianorum Comitum, ac cæterorum Procerum clientelis & militibus haud mediocres copias summa celeritate comparavit: ita, ut justum fere exercitum contra hostes educere posse censeretur. Itaque cum has copias in conspectum Urbis adduxisset, & hostes adventum suum minime expectatores existimaret; illos magno & alaci animo obviam progredi, & prælia fortunam experiri velle animadvertisit; quod omnes castris egredios, structis ordinibus in acie stare videret. Ipse quoque & cæteri copiarum Duces, aut vincere, aut mori parati, sine mora quadras agminibus occurrunt, ac sublato utrinque clamore congreguntur, diuque fortiter pugnant. Sed cum Turcæ nostrorum impetum nequaquam sustinere possent, ac plurimi ex eis gladiis telisque nostrorum occumberent, tandem funduntur, tergaque dare, & quaquisque potuit, in proximos montes & sylvas ac convallies diffundantur. Nostris insecuri, magnam eorum stragem edunt, partim cæsis & captis quam plurimis, partim in proximum flumen insilire coactis; ubi cum impeditas utrinque ripas, & nostros insequentes cernerent, aut absunti flumine periere, aut cunctabundi, qua alveum amnis tentarent, a nostris capti, aut interfecti fuere. Perire ex Turcis ad quatuor millia sed neque nostris incruenta stetit victoria, quandoquidem ex Corvini copiis amplius mille milites in prima acie desiderati sunt, nec multo pauciores sauciati.

Liberata per hunc modum Jaicia, Corvinus magnam ab omnibus laudem consecutus, Arcem, qua iætibus tormentorum hostilium

quassata erat, refici, & commeatu aliisque rebus muniri jussit: eamque Joanni Giulano Viro militari & industrio, sibique imprimis fido, qui etiam antea eam defenderat, tuendam attribuit. Uladislao autem equos & captivos insignes & militaria signa dono misit. Nec contenti hac clade Turcæ in Posegam ac Valconem Sclavoniæ, ut nunc vocant, Comitatus iterum populabundi excurrere: verum occurrentibus iis Joanne Bano, Josepho Somio, ac Petro Comite sancti Georgii, qui soluta Jaiciæ obsidione in Hungariam profecti fuerant, cumulatas temeritatis suæ poenas rependere. Tot igitur præclaris celebratum victoriis Corvinum, intemperies ejus autumni, malignæque febres in ipso ætatis flore rebus humanis exemere, cum triginta quinque ætatis annos nondum explevisset. Reliquerat quidem liberos, ex Beatrice Frangepana Christophorum & Elisabetham, sed qui in tenera ætate fato functi, nomen & familiam ejus propagare non potuerunt. Viduam ejus integra ætate, forma præcellenti, opibusque & fortunæ bonis affluentem, postquam demortui jam viri funera eluxisset, Uladislaus Georgio Marchioni Brandenburgensi, sororis suæ filio, connubio junxit: accedit mors ejus anno 504. supra 1000. administrato binis vicibus annos septem tribunatu. Sepultus est Corvinus pompa celeberrima in Sclavonia in æde Divæ Virginis Lupoglavae, cui Patres ex instituto S. Pauli primi Eremitæ viventes, cum adjuncto nobili & diviti Claustro præsunt, quod una cum templo Hermannus Ciliæ Comes ac Sclavoniæ Banus singulari pietate extruxerat, multis a Joanne deinde ac Beatrice conjuge donatum prædiis, ac villis, variis etiam Regiis ditatum muneribus, ac inter cætera patris sui Divi Mathiæ paludamento Regio pervetusti operis, ex materia rubea confecto, ac Phrygiæ opere auro intertexto. Alia quoque ejus Ordinis Monasteria, inter quæ Remetense, similiter in Sclavonia, liberalissima munificentia annuis attributis redditibus auxit & ditavit. Et quamvis Regnorum cura & potestas, juxta veterem cum Uladislao passionem, in eundem caderet, Arces tamen plerasque & Dominia, quæ amplissima quæque in Sclavonia Jure privato possidebat, cum sine liberis deceſſisset, amicis suis, ac præcipue qui bellica sub ipso claruere virtute, una cum cætera ditissima suppellectile testamento legavit: ac paulo ante mortem Benedicto Rattcajo fortissimo viro, ac omnium suarum copiarum, vel, ut Privilium ejus loquitur, Gentium Armigerarum generali Capitaneo ob egregiam ubique navatam operam, Castrum Urbocz vulgo Nagy Thabor appellatum, una cum Castello Jurkethinio amoena planities fito, & urbi Varasdieni propinquuo, æterno nomine possidenda dono dedit, cui Rattcajus & post mortem gratus esse cupiens in eadem

Mors Jo-
annis Cor-
vini Bani.

Divæ

Divæ Virginis æde Lupoglaviensi ad pedes Corvini sepultus jacere voluit. Hi deinde memoriæ Corvini vetere charactere inscripti versus leguntur:

*Anno Domini millesimo quingentesimo quarto,
Octobris duodecima die, hora undecima nocturnali,
Heros ultimos dies Joannes Corvinus clausit extremos;
Sub Eremo Corpus ad Claustrum Lupoglava tumulare jussit.
Aspice rem charam, bini hinc inde cingunt gloriæ Virginis
Aram,
Dux Joannes & Filius ejus Christophorus, quibus adsint gaudiæ trina.
Et sequitur dum licuit, tua dum viguit, o Joannes, potestas,
Fraus latuit, pax in Regno isto, tui tempore firma fuit,
Regum atque honestas.*

Porro in Dalmatia, & Illyrici Præfectura, quam Corvinus singulari cum sui nominis laude gesserat, & egregia virtute domi forisque conservaverat, Uladislaus succedere jussit Andream Bothum, & Franciscum Balassium, cognomento Giarmathium. Qui cum Crisium venissent, quo in loco jus dici & consilia Provinciæ agitari consueverant, Andream Bothum Nobilitas æquo animo admisit, de Balassio, quod vir crudelitate infamis, & factiones alere diceretur, nec in Provincia Arcem aut ditionem possideret ullam, tumultuose reclamatum est, & Uladislae sine mora indicatum, ut alium ejus loco mittere vellet; quod cautum legibus esset, ne, qui bonis carerent, eum magistratum gerere possent. Quod ille re comperta haud gravatim concessit, revocatoque Balassio Marcum Missenovicum, e Camisatio Croatiae nobili loco ortum, qui Arcis Budensis Præfecturam obtinebat, Botho collegam futurum eo ablegavit, sique animos Provincialium facilis negotio pacavit. An memorabile quidpiam hi gesserint, nihil est in Historiis legere, solum ad annum 1512 obitus utriusque invenitur; cum enim Andreas, inquit Istvanffius, & Marcus Missenovicius, qui præfecturam Illyrici gerebant, Andreas quidem in Arce sua Ztenisnacia morbo diuturno oppressus, Marcus vero, dum equum currentem circumageret, ejus lapsu luxata cervice repente exanimatus, e vivis excessisset; Uladislae curam reliquere alios ei Magistratui præficiendi. Hæc Istvanffius.

Andreas
Bothus &
Marcus
Misseno-
viciusBani

Petrus Berislaus Episcopus Vesprimiensis.
Berislaus
Banus
1512.

Turca
cæsi a Be-
riszlaus Ba-
no.

Petrus Berislaus Episcopus Vesprimiensis, quod ex iis partibus originem duceret, & ditione, ac clientelis polleret, tradita jussu Regis Joanni Bornemiszæ, qua antea fungebatur, ærarii Præfectura, delectus est, qui unus utrisque sufficeretur. Et cum in Provinciam venisset, brevi occasionem virtutis fortitudinisque suæ declarandæ fortuna ei obtulit. Nam cum Turcæ magno numero Savum trajecissent, & Regionem inter Savum & Hunnam fluvios adjacentem passim popularentur, ac fero & igne vastarent, collectis quantis in re subitanea & tumultuaria potuit copiis, eos non procul ab arce & oppido Dubicensi, ubi Hunna in Savum influit, adortus est; insignique edita pugna hostes fudit atque fugavit, & fugientes longe lateque persecutus, amplius duo millia eorum interfecit, captis quam plurimis, & multo maxima parte in Savum demersa, paucis natando evadentibus, ita ut hostes audaciæ perfidiæque suæ & violatarum induciarum cumulatas poenas dedisse viderentur. Atque hac strage perculsi, simul etiam qualicunque induciarum vi coerciti, excursionibus & prædis agendis aliquandiu abstinuerunt. Quid cæterum officii sui tempore gesserit, haud licuit invenire, præterquam quod, cum anno vigesimo supra millesimum quingentesimum varias Turcarum injurias ulcisci, ac capti præfertim Tininii succensus ira, ulterioribus hostium conatibus resistere & amissa recuperare contenderet, contracto sat valido militum numero in itinere apud amnem Corannam in insidias præcipitatus, nec Petro Crucio, æmulo virtutis ipsius invidia stimulante, suppetias ferre volente, ibidem interfactus fuit; annis octo, quibus Magistratum sibi demandatum, summa cum omnium satisfactione, ac solerti vigilantia administraverat, expletis. Et tamesi Berislaus utrius priorum anno 1612 in Illyrici Præfectura subrogatus fuerit, anno tamen insequenti, tertio scilicet decimo supra 1500 in Authentica Capituli Zagrabiensis littera relatoria reperitur Emericus Perenius, vir gravis & severus, qui in locum Petri Gerebi in Palatinatus quoque dignitatem subiectus erat. Ejus Stephani Perenii filius, quem Mathias Rex ob conjurationem Casimirianam adversus se initam, in ordinem redactum, bonis omnibus spoliaverat, ita tamen ut postea huic Emerico veluti insonti illa restitueret, qui etiam non multo post viduam ipsius Gerebi Dorothream Canisianam connubio sibi junxit, atque sic Arce Valpone in Sclavonia potitus est. Quare adeptis in Illyrico bonis uno simul tempore & Palatinum Pannoniæ & Præfectum totius Illyrici & Segniæ Vrbis maritimæ Capitaneum eadem Capituli Zagrabiensis littera suis fe testatur. Quod peculiari plane ratione pro posterorum memoria observandum occurrit. Collegam sane Beriszlai fuisse necessum est, quantumvis nec annos, quibus hunc Illyrici Magistratum administravit,

nec.

nec quæ ejus tempore gessit, invenire liceat, imo an Banalem an Palatinalem prius adeptus sit authoritatem, quove dignitatis aut ætatis anno vivere desierit, æque obscurum majores nobis reliquere. Quæ vero Palatinus egerit, ea fuse Istvanffius variis in locis est prosecutus. Ambitionem hominis dominationis cupidissimi, hisce præfecturis exempli debuisse reor, qui cæterum pleraque fastu tumens perperam egisse legitur. Fatalis prorsus magnorum Virorum morte hic accidit annus, nam præter Berislai cædem Georgius de Frangepanibus Colocensis, Vir gravis ac Reipublicæ amans, Divi Francisci familie olim Alumnus; Thomas quoque Cardinalis Bacocius Strigonensis, Vir extremæ prudentiæ, ac duobus Hungariae Regibus moderatoris quasi loco semper adhibitus, summo quidem communis boni detimento, sed imminentibus turbulentissimorum temporum procellis in tranquillioris portum vitæ sese subduxere.

Verum enimvero dum Ludovicus Uladislai successor, anno vigesimo primo, supra millesimum quinquagesimum, Mariæ Conjugis coronationi, ac Bohemicis incumbit negotiis componendis, per aliquod tempus Illyricum Provinciarum Præfecto post cædem Berislai,

Ludovicus Rex.

magno suo incommodo, carere cogebatur; dumque de eo substituendo lentius quam temporis urgebat ratio, deliberat; Turca Ostervitiam arcem cum oppido in subjectis Licæ & Corbavæ campis sitam, quam olim Bela Rex, dum a Tartaris in Dalmatiæ pulsus per ea loca exularet, opportuno loco condiderat, improvisa eaque nocturna irruptione cepit; tum quod a paucis defendetur, tum vero quod milites quidam corrupti, ad quos vigilie ejus noctis pertinebant, locum hostibus introeundi summa cum perfidia dedissent. Tentaverunt eodem tempore per similem fraudem Scradinum & Crupam nec opinato occupare; sed virtute Præfidiariorum magna cum cæde rejecti fuere.

Itaque Joanni Carlovitio e Romano Torquatorum genere orto, Cyriaci illius magni, qui Andreæ secundi Regis tempore claruit, Pronepotii, ac Francifco Battianio in Uladislai patris aula, ac deinde cum ipso simul a teneris educato, viris domi militiæque claris, provinciam administrandam tuendamque demandavit anno 1522. Quamvis Ste-

phanus Brodericus solum Battianum præfuisse scribat. Joannes Carlovitius & Franciscus Battianus Ba.

dericus, ut de eo pauca dicamus, ejus Illyrici partis Alumnus, quam hodie Sclavoniam appellamus, utrisque apprime literis eruditus, ac proinde Ludovico Regi cumprimis charus; quare Cancellarii munere fungi jussus est, ad quem Magistratum, ex legatione Romana, quam tunc obibat, paucis ante mensibus accessitus fuerat; scriptorum quoque gestorum Ludovici postea memoria clarus. Vix Carlovitius cum Battiano Præfeturæ curam suscepere, cum virtuti eorum probandæ,

vel jam antea probatæ exercendæ felix sese ac faustum obtulit principium. Etenim Usrephus Verbosaniæ, seu ut vulgo dicitur Herczegovinæ Bosnæ Provinciæ Præfectus, in locum Ferrhati nuper prælio deleti suffectus, cum aliis Samandriæ Præfectis, collatis in unum sententiis ac viribus, coactoque ad viginti amplius millium Turcarum exercitu ad obsidem Jajicam contenderunt. Majora etiam tormenta currulia octo, præter minores colubinas, ac instrumentorum oppugnandis urbibus idoneorum haud parvam copiam in castris habebant. Nondum se Jajicæ Præfectura abdicaverat Petrus Keglevitius, vir fortis, & qui in omnes hostium conatus intentissima cura vigilaret, habebatque Legatum Blasium Cherium pari fortitudine virum insignem. Hi Regem de consiliis hostium tempestive certiorem reddidere, ac ut auxilia in tempore mitteret, multis postulaverent. Interea Petrus de frumento, farina, & commeatu, pecorisque certo numero ex remotioribus locis, atque ex suis fundis, in arcem convehendis prospicere, quæve necessaria tolerandæ obsidioni erant, summa industria diligentiaque curare. Jam Turcæ ab aliquot diebus muros urbis, atque Arcis, ab ea parte, qua Coryni tempore oppugnatos eminerant, continua tormentorum iictibus diruere cœperant: cum Ludovicus haud ignarus, quantum momenti in eo loco conservando possum esset, quanquam Proreges Illyrici summa potestate, ut diximus, Joannes Carlovitius, & Franciscus Battianus designati essent, nec quicquam de eorum fide, ac militari virtute dubitaret: munus tamen ferendorum obsecsis auxiliorum Christophoro Comiti Frangepano, ante alios committendum duxit; ad quem Ludovicus literas ac nuncios miserat, preces & promissa amplissima quæque spoponderat; quod is disciplinæ militaris Magister ac ductandi exercitus magnum usum & peritiam habere diceretur, ut Jajczianis laborantibus opem ferat. Fecit hæc Christophorus magis charitate patriæ ductus quam Ludovici obsequiorum; evocavitque in fortunæ consortium veteres Duces & Præfectos, Petrum Crustium a Clissia, Gregorium Orlovitum Segnia, Frangepanos gentiles suos cum amplis clientelis, nec non Georgium Blagaium, Joannemque Zrinium Comites, ita, ut paucis diebus satis amplam manum militum, adjuncta nobilitate, in speciem justi exercitus cœgisse videretur. Atque his demum copiis, tam fausto ac felici obsidionem urbis ac arcis fine solvit, bellumque adeo prospere terminavit, ut postea Ludovicus de insigni victoria incredibili affectus lætitia, Deo optimo Maximo actis publice gratiis eum pro fortiter nata opera, partoque de hostibus insigni triumpho collaudatum, stipendiisque & muneribus liberaliter excultum, novo titulo honestarit: ut nimirum Regnorum Dalmatiæ, Croatiae, & Sclavoniae defensor appellata.

pellaretur. Carlovitium quoque & Battianum Banos partim bonis & latifundiis, partim Præfecturis & stipendiis, pecuniaque donavit. Hujus tam præclaræ victoriæ ac desideratæ Patriæ eliberationis seriem fusiū enarratam apud Istvanfium petere licet.

Croat. &
Sclavo-
niæ defen-
for.
Bani mu-
neribus
donati.

Porro tanti semper hi duo Proceres Bani, ut ad eos oratio re-deat, a Ludovico æstimati fuere, ut hunc ipsum Frangepanum Christophorum Budæ postea per triduum detentum ob verberatum Ambrosium Salcanum Strigonensem Archiepiscopum ad eorundem interpositionem dimiserit. Sed nec parum Ludovicus ea Christophori detinione sibi nocuisse visus est; in maximo siquidem totius Reipublicæ periculo, dum Solimannus ad Mohachium copias cogit, eum ut exercitui præcesset suo, nimis onerabat precibus. Quod ille quidem nondum illatæ oblitus injuriæ, ut ipse rebatur, haud prorsus præstisset, nisi Battianus cum Carlovitio operam suam in eodem Ludovico reconciliando impendissent, ut qui Regem ei prius benignum fecerant, eundem postea Regi obsequentem redderent. Et quidem Franciscus de more nostræ gentis Comitia ad Oppidum Racciam, non procul Posega distans, indixit; in quibus cum Christophoro Comite Frangepano, ipsius potissimum & Carlovicii Collegæ opera & studio transactum est, ut copias, quæ ex Dalmatia & Illyrico cogerentur, ad Regem in castra perduceret, & isthic Imperatorio munere fungetur. Fuere autem ex Crisiensi tractu, qui eo tempore longe late-que patebat, delecti, Joannes Ernestus cognomine Hampo, Sigismundus Paganus, Stephanus Praschocius & Balthasar Hobetitius: ex Varaždinensi Ladislaus Rattcarius, ex Zagrabiensi vero Nicolaus Voycovichius, Adami Protonotarii filius. Jussus est præterea, ad eum diem cum suis & ejus Tractus copiis, Joannes Banffius e Verucia adesse. Itaque relicto in præsidium ac tutamen Patriæ, adversus quemlibet hostium incursum, Carlovitio proficisciatur Battianus, affuitque Dominico die ante pugnam cum elegantissimis copiis; fuere ad tria millia equitum, at non ita multi pedites. Venerant cum eo ex Proceribus, Joannes Tahy, Joannes Banffy, Ladislaus & Casparus Rattcarius fratre, quorum posteriori tutela Regii corporis cum Joanne Calayo, ac Valentino Turco, viris pugnacissimis commissa fuerat. Et quamvis librariorum mendo apud Istvanfium Caspar Raicarius, apud Brodericum Caspar Rascay legatur: Rattcium tamen, tam ex vetustioribus familiæ hujus literarum monumentis, quam conjectura ipsa unius immutatione duntaxat literæ, fuisse facile assequaris; præcipue cum uterque Scriptorum in eadem non conveniat litera: quanquam omissis conjecturis, sola literarum authoritas Regiarum, in brevi quidem charta, pro more veterum scriptorum, quibus Ludovicus Ladislao & Caspa-

Battianus
profici-
tur ad
bellum
Moha-
chianum.

ri fratribus, peculiariter ratione apparatum ad hocce bellum indicit, sufficere queat. Nec tamen inferior, Casparem Raskay alium quempiam subinde ab Istvanffio recitari. Venit quoque postridie ejus diei mane Simon Erdeödi Episcopus Zagrabiensis, cum fratre suo Petro, cum septingentis amplius equitibus, viris, equis, armis decenter instructis, ut refert Brodericus. Comparato undique in hunc modum exercitu, qui viginti sex millium numerum excessisse non traditur, is aciei instructus est ordo, ut Banus cum suis de veteri consuetudine dexterum teneret cornu, primumque congressus exciperet ac sustineret impetum; quem quidem adeo prospere nostri sustinuere, ut nisi quidam alii neglecta lege militari, relictis stationibus ne primo pugnæ fervori defuisse dicerentur, confuse rem egissent, pro parvo nostrorum numero, plena fortasse potiti fuissent victoria. Ea tamen divinæ bonitatis erga Banum, ac cæteros ejus, benignitas apparuit, ut cum ibidem flos ceciderit Hungariæ, ipse cum suis saltem posterioribus incolumes evaserint.

Tametsi vero quidam Scriptorum, ut Brodericus refert, quem tamen utpote modestior non nominat, nostros sibi fuga consuluisse, ac desertores Regis appellare petulanti lingua non fuerit veritus; eum tamen Brodericus, præsens ejus prælii spectator, ac postea scriptor hisce refutat verbis: „ Nam quod ad tres illos attinet, ad custodiam „ Regii corporis deputatos, constat eos ab hoste, ad quem reprimen- „ dum missi fuerant, non prius redire potuisse, quam fuerit tota acies „ nostra in fugam conversa, capto etiam uno ex eis Calaio, & eodem „ in loco a duobus sociis liberato. Quo molestiori animo ferendum „ censeo, quod ausus fit quidam Oratione de hoc publicata, si Oratio „ illa vocari debet, nostros sui Regis desertores falso vocare. An de- „ seruisse Regem sint censendi, qui omnia illi officia bonorum ac fi- „ delissimorum subditorum præbuerunt, qui omnes fere in eodem, in „ quo Rex jacuit, campo jacuerunt, testati morte etiam, quam fidi „ suo Regi, quam amantes Patriæ fuerint. Sed idem ille egregius Hi- „ storianum scriptor, qui hæc scribit, & qui tot convitia in gentem „ nostram ingerit, hujus etiam cladis Historiam scripsit, ut me pudeat „ eum ita impudenter, rem sibi ignotam in vulgus prodere fuisse au- „ sum. „ Hæc Brodericus.

Inciderat fortuito Battianius in Palatinum, æqua sorte cum ipso fuga e prælio elabente, tum deinde Nemettyvarum digressus, quod a Ludovico olim post mortem Laurentii Syrmii Ducis dono acceperat, miserabilem ac deformem prorsus Patriæ statum secum contemplans, quam fastuoso ausu hostem nimium potentem aggredi, quam temera- riæ fortunæ aleæ innocentis vitam Regis, ac universæ Reipublicæ pri-

Illyrici
egregie
prælian-
tur.

pristinum decus committere sint ausi, quam demum inique nullam im-
posterum, aut e servitute barbara, aut exterarum nationum Imperio
respirandi facultatem sint nauci: cumque videret partem Ferdinandum
Austriæ Principem poscere, partem Regnum ad aliquem ex Pro-
cerum ordine, tacitis votis translatum velle; Franciscus interea cum
Collega, donec res in quacunque partem expediretur, Clementis
Summi Pontificis auxilia, ad tuendos Præfecturæ suæ fines, & potissi-
mum Jaiciam & Clissiam, ob Turcarum viciniam in periculo constitu-
tas, imploranda censuere; missò ad eum Thoma Caminiano, Viro im-
pigro nobilique in ea Illyrici parte, quæ nunc Sclavonia vocatur, ge-
nere orto. Qui cum Romam venisset, ac Regis interitum, quem jam
Clemens non ignorabat, multis verbis deplorasset, ac itineris sui cau-
sis explicatis, post non longam aut diuturnam moram, Mense Janua-
rio, die decima, 1527 a Jacobo Sadoleto Cardinale, Pontificis respon-
sum literis comprehensum, intellexit; se auxilia, quæ expectat, cupe-
re ex animo posse ad eum primo quoque tempore mittere, sed se suas-
que res, sanctamque Sedem Apostolicam in eo statu esse, eisque per-
turbationibus & angustiis undique premi, ut multo magis aliena egeat
ope, quam suam cuique ferre valeat. Si quando Deo adjuvante, in-
commodis illis liberaretur, viresque adeo debilitatas aliqua ex parte re-
cuperet, atque etiam res Hungaricas in certo ac concordi aliquo statu
esse intelligat, quantum in se esset, eis non defuturum. Battianius
repulsa intellecta, quanquam fœse ab omnibus, ipsoque Summo Ponti-
fice, communi omnium patre, derelictum doleret; vigilando tamen
& agendo, eas arces proviso commeatu, ac aliis necessariis, non sine
difficultate impræsens conservavit.

Verum ubi diversi Procerum in diversas, de substituendo Rege, Ferdinandus & Joannes Scepensi & Reges.
distracti fuissent partes, Battianius cum Carlovicio deserto Joanne
Scepensi Waivoda, qui jam Albæ a plerisque Magnatum Rex sa-
lutatus, atque coronatus fuerat, partibus Ferdinandi Austriaci, cum
nonnullis Sclavoniae Optimatibus adhaesit, constanterque perseveravit;
aliis universis in partes Joannis deficientibus. Comes enim Cristophorus
Frangepanus relictis Ferdinandi partibus, quas ob simultates non
solutorum stipendiorum, aliasque graviores causas deseruisse videri
volet, a Joanne Partium Illyrici Pro-Rex & Banus, ut appellant,
declaratus fuerat, summa omnium rerum potestate ei permissa, & Ar-
cibus ac agris quibusdam Palatini una assignatis. Isque navandæ
rei avidus Francicum Battianum, quem a Ludovico Rege eodem
Præfecturæ & Magistratus titulo cohonestatum Ferdinandus quoque
confirmaverat, ac alios Ferdinandum secutos, armis & bello perse-
qui decreverat. Adhaerent ei Joannes Banfius, Simon Episcopus

Zagrabia, Joannes Tahius Ordinis Equitum Rhodiorum Aurane Prior, Petrus Marcius Posegæ Comes natione quidem Ungarus, sed qui ducta Laurentii Garay filia, sedem, & domicilium in Illyrico haberet, clientelisque & equitum alis eo tempore pollens potensque esset, ac Joannes Ernestus, cognomine Hampo, qui amplissimas in Mutuæ factiones in Illyrico. vi ac Muræ peninsula arces & Oppida obtinebat; atque e nobilitate alii complures: ut tria millia equitum, & decies mille pedites in castris haberet, pecunia quoque, a Joanne in Stipendum missa, alias equitum, & certum peditum numerum conduxerat, ex quibus justo contracto exercitu, tormentisque comparatis Pectrium ante omnes alios, vi & armis exagitandum luscepit: ejusque arces Rosiniam, Custerocium, Pecrecium, ac Petrovinam expugnavit, ac incensas & concrematas singulari crudelitate solo æquavit, quod se ab illo inique lacessitum, & insidiis petitum conquereretur: quum enim Frangepanus e castris ad Velicam Regiam, quæ est Arx non procul a Savo amne, cum valida equitum ala, speculatum hostes profectus esset; Pecrius e sylla, in quam locatis insidiis se se abdiderat, subito provolans, tanto impetu pugnam iniverat, ut Frangepanus periculo proximus vix hostium manus evasurus crederetur, nisi promptissimi militum Equestris Ordinis e castris in auxilium tempestive adcurrissent. Vitato periculo exinde digressus, primo ad Crisum celebre Oppidum castra posuit; nec ibi diutius moratus, omnia fere loca, quæ ad Dravi decursum sita erant, expugnatis præsidiis aut sponte se dedentibus occupavit; postremoque adversus Battianum, quem cum exercitu, ac Germanorum auxiliis e Styria ac Carinthia & Carnis accitis ad ripam Dravi prope Varasdinum castra habere intellexerat, iter intendit.

Erant in Battianii castris, præter Joannem Carlovicium Collegam, & Joannem ac Nicolaum Comites Zrinianos, Lucas Siculus Jacobi filius, Georgius Szlunius e Familia Frangepana adversarum partium Ducis propinquus, Franciscus Blagajus, e Romana clarissima Ursinorum gente originem ducens, Petrus Keglevitius Jaiciæ Præfatus, omnes viri clarissimi, belloque & armis celeberrimi, & navandæ operæ cupidissimi; accedebant etiam Germani auxiliares Duce Nicolao Comite Turriano, adeo, ut Battianus & socii tam numero copiarum, quam robore militum, hostibus non impares esse censerentur; sed illi incertum quibus de causis (quanquam si totius belli eventus respiciatur, utili admodum sive casu, sive consilio factum esse constat) Frangepani adventantis fama perculsi Dravum facto ponte transfiere, & ad Ormosdum in Styria ad ulteriorem fluminis ripam oppidum se se recepere. Quorum discessu cognito, Frangepanus quanquam pugnæ avidus, quod tamen flumen hoste utramque ripam ob-

obtinente, absque manifesto exercitus detimento periculoque transire non posset, eos insequi destitit & ad Zamiaciam, quod erat peculiare ditionis Batthyanianni hospitium Ducis Oppidum, castra reduxit; ibique Ducibus & Proceribus, Praefectisque in Consilium adhibitis, an hostis persequendus aut in Regiones Hungaricas trans Dravum ducentus exercitus esset, quod per occultos nuncios a studiosis partium ad transeundum sollicitarent, iique se ad defectionem paratos esse significarent, ad deliberandum proposuit. Omnibus & sibi imprimis consultius visum est, Varasdinum obsidendum esse, ne quid a tergo hostile relinquatur, & interea iis, a quibus vocaretur, rescribendum, ne quid in officio propensioris voluntatis & studii remitterent, & ejus adventum, qui expugnata Urbe brevi futurus esset, tacitis votis paratisque animis opperire vellent.

Itaque edito profectionis signo tormenta promoveri, & eorum magistros cum peditatu progredi jubet, ipse cum equitatu subsequitur, & in agro suburbano haud procul castra locat. Sed trahente fato dum operi extruendo, cui tormenta ad expugnandam arcem, accepta in potestatem per ditionem urbe, imponenda erant, invigilat, ac circa idem incautius obambulat; ab arcensibus Palatini militibus serena luce conspectus, tria minora in eum iidem direxere tormenta, e quorum uno ictus globo, lethale inter femur & umbilicum vulnus accepit. Sed dissimulato casu compressoque plagae dolore, equum adduci jussit, & eo consenso rejectis, qui officii causa ferre opem volebant, in castra reversus est. Ad quæ quidem ejus fauciati fama celeriter perlata omnium animos vehementer contristaverat. Eum enim cum specie proceri corporis, tum virtutis & fortitudinis laudibus insignem, ac veluti communem disciplinæ militaris Magistrum omnes valde amabant. Itaque cum ad prætorianum tentorium equo descenderet, & eum Joannes Banffius sublevare vellet, ab eo prohibitus est; cumque tam medicis, quam sibi ipsi insanabile vulnus videretur, relicta in præsens rerum privatarum cura, Duces & militum Praefectos ad se vocavit, ac cum moesti tristesque convenissent, gravi sermone differuit, sibi quidem non adeo grave ac molestum accidisse, quod fortuna plerumque insolens & infesta bonis consiliis, ultimum sibi vitæ finem attulerit, quum nec timere mortem sciat, nec tales exitus plerisque militaribus viris, & Ducum ac Imperatorum quam plurimis usu venisse ignoret, & omnibus semel uno, aut altero genere mortis vita excedere necesse sit, sed animo præcipue angi & confici, quod Joanni Regi operam, quam cœperat, morte præventus præstare nequivisset, eos proinde omnes orare & obtestari, ne illum deserere velint, sed oppido in potestatem redacto, conti-

nuata obsidione, Arcem quoque captam adjiciant, se fato cedentem relinquere illis Joannem Tahium, virum militæ rerumque usū peritum, quem sui loco exercitui præfuturum sequi possint. Ante omnia benevolentissimi Regis, sed iniquissime Regno exacti, causam spectandam esse; enitendumque omnibus corporis & animi viribus, ut retenta ei Illyrici possessione, & Ungaris sponte operam promittentibus in belli societatem adscitis, illum ab exilio superis bene juvantibus rediviva virtute & felicioribus armis in solium reponant, ut ab ejus rebus integris ac liberalitate singulari, tam publicis omnium, quam privatis singulorum meritis persolvendis certa præmia expectare possent. Postremo unum hoc extremi muneric officium ab ipsis universis etiam atque etiam vehementer petere, ut offensarum, si quas animo conceperent, & injuriarum omnium, si quibus se affectos putarent, haud gravatim oblivisci, sibique jam jam ad Superos in cælum migraturo Christiana pietate ignoscere velint. Hæc quum dixisset, intuentibusque, qui aderant, omnibus rerum humanarum recordatione lachrymæ obortæ essent, ipse se in lectum composuit, ac non muto post deficiente voce, oculisque & sensibus hebetatis, aliquandiu similis exanimato jacuit, deinde eadem nocte a familiaribus effuso illatus, quum ad Martinachium pagum perventum esset, vir nobilissimus & fortissimus extinctus est, magno suorum omnium dolore, incredibile partium Joannis detimento, quæ post ejus interitum in dies in pejus ruere coepere, ac postremo ivere præcipites. Ejus cadaver, magna clientum veteranorumque militum frequentia, ac multis cum lachrymis, quod nullam prolem reliquisset ditione ejus omni, ac præamplis opibus Ferdinando fratri relictis, Modrusiæ tumulatum est.

Christo-
phorus
Frangepa-
nus mori-
tur.

Postero die Battianius intellecto Frangepani interitu Dravum iterum remensus, quod illius morte copias omnes in vestigio dilapsas, obsidionem solutam, pacata præter spem omnia reperisset; prospero rerum successu latus Crisium Oppidum antiquitus ad conventus celebrandos designatum, Comitia indixit. Atque eo frequentes proceres cum convenissent, ab eo partim spe præmiorum & pollicitationibus persuasi, partim minis, & extremorum quorumcunque denunciatione territi, annidente etiam omnibus viribus Pecrio, suffragiis omnium concurrentibus in partes Ferdinandi concessere, Joanne Banffio, & Simone Episcopo Zagrabiensi exceptis, qui singulari constantia, omnibus contemptis periculis ab Joanne, quanquam exule & inope, avelli nullo modo potuere. Et sane feliciorem ac laude multo digniorem posuissent Bani operam, si maximis Bosnæ, ac Croatiæ, quæ fecuta sunt malis succurrissent: quam quod intestinis factionibus intempesti-

ye nimium aliæ nationis imperium ambire cœperint: sedulam enim nimis in tuendis Ferdinandi partibus navavere operam. At dum Turcæ in omnem nocendi occasionem intenti Jaiciam ac duodecim finitimas Bosnæ Arces, Joannis quoque Carlovicii Bani dominia in Croatia Lycam, Uduinam, Corbavam sedem Episcopalem occupant, ii officio suo minime prorsus satisfecisse judicandi sunt, quamvis Carlovicum in Arce sua Medued gravi detentum ægritudine, nec suis laborantibus opem ferre valentem, excusatum facile quisque dixerit. Cujus etiam morbi atrocitate anno in sequenti 1531 Vir nobilissimus nullis reliquis liberis extinctus est. In eo progenies antiqua ac illustris Cyriacorum, seu Carloviorum, e Torquata veteri Romanorum familia originem ducens, prorsus defecit, hæreditate ejus omni, quæ supere-
MorsCar-
lovitiiBa-
ni.

rat, Joanni & Nicolao Comitibus Zrinianis, e sorore illius progenitis obveniente, idque Ferdinando Rege liberaliter approbante. Familia hæc ad Manlium Romanum equitem, Torquatum postea dictum, genus suum refert, qui cum Gallum juvenem armorum peritia ferocientem atque jactabundum, superbis indutum vestibus aureoque torque ornatum, duello consecisset, torque ipsi detracto atque collo suo veluti victoriæ superatique hostis signo imposito, Torquati deinceps nomen obtinuit. Ejus deinde posteri urbanis factionibus impulsi, mutatis Romanis sedibus in Croatæ oram deveneræ & nobili occupata arce in Croatæ Dalmatiæque finibus sita Carlobagh nuncupata, Carloviorum perpetuo cognomentum usurparunt. Quid vero Battianus his in periculis egerit, aut ubinam commoratus fuerit, nihil de eo annales prodiderent. Carlovicius celebri funere in æde Divæ Virginis Remetensi Sclavoniæ, apud Patres Eremitanos, cuius Benefactor insignis olim fuerat, tumulatus requiescit.

Durantibus his factionum tumultibus, Joannes Christophorum Frangepanum suarum partium Banum in Illyrico constituerat, Ferdinandus vero Battianum a Ludovico jam olim Præfectum rursum confirmaverat, ut jam supra diximus; verum ubi Joannem Banfi, ac Simonem Zagrabensem Episcopum singulari constantia Joanni Regi Battianus favere advertisset, multis tandem inter eosdem antea, qua Diætalibus publicis, qua privatis interlocutoriis habitis altercationibus, Battianus tot vicissitudinum pertæsus, sublato insuper e vivis Collega, Præfecturam supremi Magistratus renunciat; qui quidem annis aliquot summo cum infortunio Illyrici, ob multorum discordiam subsequentem æmolorum, vacabat. Eodem tempore Clissia Arx cæterum inexpugnabilis, ac in edito montis cacumine sita, quæ multis annis a nostris magno labore, egregiaque virtute defensa fuerat, interempto ejus fortissime pugnante Præfecto Petro Crusitio, in potestatem

hostium devenit: simul etiam clarissimi Heroës, tam Illyrii, quam Alemani duatore Cociano, ac Ludovico Pecrio, quoru[m] posterior interea Banali munere in ductando exercitu fungi jussus fuerat, in expeditione arcis Essek interiere; nam militibus fame prope enectis, ac turpissima fuga eisdem desertis, Duces rediere, milites vero hinc inde plantes, aut hostium, aut mortis præda fuere. Ob quam ignominiosissimam deserti, ac perditæ exercitus famam Pecrius ad Ferdinandum accersitus, in Custodiam Græcii conjicitur, septemque ibi detentus annis, ægre postmodum amicorum opera eliberatus, luminibus jam quasi orbatus, rediisse domum fertur. Cocianus vero in custodiam Vienæ similiter conjectus ac ope mulieris cujusdam primariæ eliberatus, in Costaniciam Zriniorum Comitum arcem profugiens, ibidem interceptus & jussu Ferdinandi a Nicolai Comitis familiaribus interficitur. Eum Jovius lib. 36. genere Croatam, & arcem Costaniciam ejus fuisse ditionis scribit, sed malim hac in parte Istvanffio contrarium sentienti, velut magis rerum nostrarum perito fidem adhibere. Atque hæc duo immensi ponderis Croatiæ & Sclavoniæ illata detimenta, accidere ad annum, quo Battianius Magistratum resignaverat, millesimum quingentesimum trigesimum septimum, quo octo prope Olympiadibus, magnifice perfundus dici posset, nisi principia egregie gesta, vescordi fine terminasset: quippe cum nequaquam aut prudentis, aut communem amantis salutem Naucleri munus esse dignoscatur, summis classem jactatam fluctibus, naufragioque vicinam, clavum desere-re; atque privatis spectatis commodis, extremis eam involvendam periculis, se in tutum subtracto, dere-linquere.

Finis Libri tertii.



M E M O R I A E
R E G U M , E T B A N O R U M
D A L M A T I A E , C R O A T I A E , E T S C L A V O N I A E ,
G E O R G I I R A T T K A Y ,
L I B E R Q U A R T U S .

Quartus memorie nostrae sequitur Liber, quorum primum ac secundum ita institueramus, ut eos comprehendenderet Reges & Banos, quos Illyricum e suis habuisse constat; tertius vero eos referebat Banos, qui regnis hisce jam nostris Coronæ Hungaricæ annexis & conjunctis, ac ejusdem Regibus parentibus, Illyricum gubernavere. Quartus hic demum eos ob oculos statuet, quos invictissima Austria-Domus suscepit horum Regnorum Imperio, Proregis munere fungi, ac vices suas obire jussit. Substituitur itaque Batthianio jussu Ferdinandi, in cuius partes jam Illyrici omnes concederant, anno millesimo quingentesimo trigesimo octavo in Banalem dignitatem Petrus Keglevicius, ac Thomas Nadasdius, Viri & nobilitate generis, & meritorum claritudine, & opum abundantia celebres. Verum dum ii pro dignitate officii ac personarum inaugurationi suæ incumbunt, Amurates Clissiæ Præfectus cum vicinis præsidiis Dubiciam Arcem Zrinianorum Comitum, ad Savi ac Hunnæ confluenta sitam, quod per paucos in ea esse defensores, & exiguam commeatus copiam habere intellexissent, parvo labore obsident, invadunt, capiunt. Cujus captæ fama perterriti milites, qui in præsidio Jeszenovacz positi erant, quod multam pulveris sulphurei copiam haberent, illa vacua relicta atque succensa dilapsi fuere. Quibus rebus permoti Keglevicius & Nadasdius, ut Siscia, Hraztovicia, cæteræque, quæ adhuc supererant Arces, ipsaque Zagrabia imminentि periculo eximerentur, copias cogere, & Turcarum injuriis propulsandis obviam ire constituerunt. Sed illo ob valetudinem, qua nimis incommoda utebatur, domi subsistente, Nadasdius Jeszenovacz ditionis Procerum Sempciorum nec opinantibus Turcis aggressus, milites, ut scalas apponere, & muros ascensu superare contenderent, jussit. Quorum & præcipue Marchi

Petrus
Keglevi-
cius, &
Thomas
Nadasdius
Dalmat.
Croat. &
Sclavon.
Bani 1538.

Thomassovicii Præfecti tantus ardor scandendi muros, ac in Arcem evadendi celeritas fuit, ut repulsis & diffugientibus, qui resistebant, Turcis puncto temporis potirentur. Sed Nadastius præda quæ reperita erat militibus divisa, arcem solo æquavit. Et sane nostri resumptis animis ulterius progressuri erant, comparataque classicula earum navium, quas Saicas, seu Nazadas vocamus, tam e flumine, quam continenti instituta oppugnatione, Dubiciam recuperaturi videbantur, cum per exploratores, qui Belgrado haud procul illinc distante convenerant, constanti fama adfertur, Solimannum ingentibus iterum copiis & viribus in Pannoniam venire, jamque haud procul Samandria, prima antecedentium agmina castris locum occupasse. Cæterum is terror nostros juxta ac hostes in diversum affecit, & nostris quidem audaciam omnem infregit, illos vero, ut ad castra Principis sui tot partis victoriis læti proficiserentur, incitavit.

Verum de his Banis, quid in Officio gessissent, nihil ultra memoriæ proditum est, quanquam antea bello clarissimi, prudentia, usu rerum, & apud omnes authoritate plurimum valuissent: & Kegleviti quidem laus tam Præfecturæ Jaicensis tempore, quam antea ab Istvanfio celeberrima commemoratur, ipsius insuper Ferdinandi literis ad eum datis initio a nobis recitatis, virtutem ac fortitudinem ejus commendantibus. Verum Nadastio brevi Præfecturam resignante, Keglevitus aliquandiu præfuit solus, ut clarissime ex literis Ferdinandi supra memoratis 1540. datis liquet; unde non recte Istuanfius iisdem Posoniensibus Comitiis anno millesimo quingentesimo quadragesimo secundo celebratis, & Nadastium resignasse & Keglevitum dignitate motum scribit. Et sane, si finis principio respondisset, merito Keglevitus inter clarissimos Heroes censi debet: at aviditate bonorum & avaritia corruptus, reus Majestatis læsæ, ac legum, refuga factus, meditato etiam ad Turcas refugio, totam laudabiliter transactam vitam, & canam jam ætatem, cum septuagesimum excessisset annum, ultimo dedecore turpissime maculavit; ob quæ etiam facinora jussu Ferdinandi dignitate motus, quam annis quatuor administraverat, domi deinde inglorius humanis excessit. Amoto e Magistratu Keglevitio, publicis in Comitiis jussu Ferdinandi & approbatione omnium, trium Illyrici Regnum Banus constituitur Nicolaus Comes a Zrinio 1543., cuius jam tum eximiam fortissimi Adolescentis virtutem perspectam habebant, cum Pesthana obsidione Vitellius & Perennius cum Turcis præliaentes, adeo viriliter cum quadringentis Illyrici nominis equitibus adjuvisset, ut is potissimum celeberrimam omnibus victoriam peperisse sit judicatus.

Nadastius
Banatum
resignat.

Keglevi-
cius eo
privatur.

Nicolaus
Comes a
Zrinio Ba-
nus 1543.

Celeberrima quoque semper familia ista Zriniorum habita fuit, & ab aliquot jam sæculis vel ipso Comitum titulo gloriatur; nec facile discernas, an virtute militari quoadmodum innata potius, an favore Virorum Principum ac popularium, quamvis neutrum illi unquam defuerit, opulentissima semper dominia & honores amplissimos obtinuerit. Ejus familiæ Viri Subych olim cognominati de Ostervicza, postea vero ubi Comitis titulo decorati fuerant, ab arce Zryn in Croatia sita appellationem usurparunt. Sed Nicolaus primam Banatus sui arridentem exceptit fortunam; etenim cum Solimannus anno 43. supra 1500. exiguo labore quinque Ecclesiæ, Strigonium, Albamque occupasset, ipseque jam fesso exercitui quietem concessurus, domum reverteretur; Tartarorum aliquot millia ad vastandum Jauriensem agrum excurrere jussérat. Erant nihilominus in castris circa Jaurinum copiæ quædam, quæ tuendæ Regioni excubabant, inter eas Nicolaus Comes de Zrinio Illyrici Præfctus, Andreas Bathorius, duo Bartholomæi Croatæ, ac cæteri quamplures Duces, Præfecti. Ii cum Tartaros ex castris hostium exurrisse, & obvia populari cognovissent, cohortante Comite Zriniano in eos coercendos majori quo potuerant numero, castris exire, ac foedam moribus cultuque corporis gentem armis aggredi constituerunt. Itaque Zrinius in itinere Paulum Rattcajum oppidi Papensis Præfctum, virum manu, consilio promptum, sibi adjunxit, & cognito ab exploratoribus Tartaros ad Zomlionis agrum prædabundis agminibus discurrere, eo cum universo exercitu mature progressus est. Nec Tartari viis nostris eorum congressum vitandum duxere, sed sine mora arcubus & sagittis acceptis, quibus in prælio potissimum valerent, nostris obviam prodire non dubitarunt. Rattcaius præcedebat cum duobus Bartholomæis, Zrinius Comes cum cæteris haud procul vestigiis eorum insistebat. Nec mora: nostri inclinati hastis in eos irruerunt, multosque equis deturbatos ceciderunt. Nostri, qui sequebantur, suis nihilominus laborantibus maturam ferunt operam, magnum hastarum numerum in hostium pectoribus ac lateribus acri illato impetu perfringunt, plurimosque ex eis equis dejectos occidunt; vim eorum Tartari nequaquam sustinentes, in effusam fugam conversi, terga dant relictis omnibus captivis, quos populando & vastando ceperant. Nostri eos in palustre quoddam coenosumque nemus cœco procursu delatos (metu enim & pavore exanimes, quorū fugerent, non animadvertebant) insecuri, magnam eorum partem, relictis equis, cœno & paludibus implicitam, partim ceperunt, partim trucidarunt; pars post longam colluctationem ibidem interiit, plerique a muscis culicibusque male habiti, etiam in castris perierunt, plures etiam, qui summo labore

bore forte eniti potuerunt, ab agricolis, quorum familiam exustis dominibus affixerant, sine misericordia passim cæsi fuere: adeo ut ex Tataris amplius tria millia, tam prælio quam in fuga, cecidisse certo constiterit.

Porro ut humanarum rerum fert vicissitudo, nec in eodem unquam æqualitatis gradu fortuna consistit, feliciora Nicolai principia adversa fors excipiens, secuto infortunio, ejus gloriam nonnihil obumbrasse visa est. Nam ubi Ulamanes Bosnæ, & Malchus Hercegovinæ Præfecti in Illyricum excurrentes, Velicam arcem ab agrestibus proditam, ac montem Claudium nullo valido Præsidio firmatum occupassent, fortunam ulterius tentandam arbitrati, itinere inter Crisium & Ivanicam facto, eam Regionem Provinciæ Varasdinensis, quæ inter montes sita, ac usque ad Somfeduaram exorrecta, Sagoria appellatur, crudeliter populari, ferroque & igne vastare constituerunt. Quod cum Nicolaus Comes Zrinus Illyrici Prorex ac Georgius Bildensteinius Germanus, qui Styriæ & Carinthiæ copiis præerat, ab idoneis exploratoribus didicissent, contracta & ipsi valida equitum manu firmissime peditum cohortibus obviam hostibus eundum, collatisque signis defendendam proviciam suscepserunt. Cum autem antecedentium Turcarum agmina Crisium prætergressa, e sylvis continuis, ad Conschinæ seu Zelniciæ arcis planitem, quanquam non latam ac spatiosam, pervenissent, Zrinianæ & Bildensteinianæ copiæ eis apparere cœperunt; quas cum hostes vidissent, vociferari ac proclamare, petereque, ut, indictis momentaneis induciis, ex utraque acie conspicui & promptissimi militum infestis hastis sub publica fide concurserent. Erat e Ducibus Paulus Rattcagus, qui tale consilium damnaret, &, sicut erat, fraudem dolumque subesse prædiceret, id enim a Turcis non aliam ob causam peti videbatur, quam ut copiæ universæ, quæ in densioribus vastisque sylvis lento gradu adventabant, ad præcedentes suorum turmas pervenirent, ac in nostros toto virium robore signaverint.

Dum in hunc modum concurrentibus nostris & Turcis, hastæ ad ducentarum numerum adversis pectoribus franguntur, ac nonnullis fauciatis, cæteri incuriosius quam res posceret, agitant, Ulamanes primo e sylva cum suis prodit, ac inducias effluxisse fidemque publicam desisse proclamat, & in nostros solutis ordinibus dispersos omnibus copiis irrumpit. Nostri singulari animorum præsentia cum eis pugnam incunt, pedites e nemore sclopetis rem gerere jubent. Sed Malchi superventu, quum metu perculsi pedites terga vertissent, equitibus quoque repente animus concidit. Zrinus & Rattcatus eos retentare conati frustra operam perdunt. Bildensteinius quoque aliquamdiu Ger-

manos pugnam sustentantes animare contendens, postremo a Turcis acriter instantibus funditur; & pedites quidem nostri saltibus & montibus protecti hostium insequentium impetum vitavere, equites cum fuga haud quicquam proficerent, equis defilientes exemplo cohortium in proximas sylvas sese pedibus proripuere. Zrinus præstantissimo vectus equo, quem Marcassum vocabat, cum diu restitisset, & suorum figam sistere vellet, equo vulnerato ad Conschinam vicinam profugere coactus est, & quum equus ejus a Turcis insequentibus alterum vulnus profundum circa ilia hastæ cuspide illatum suscepisset, eoque magis debilitatus, supra arcis pontem concidisset, pedibus evadens, in arcem receptus est. Bildensteinius jamjam ab hostibus capiendus, relieto equo, in fossam arcis præaltam insiluit, parumque aberat, quin miserabili casu aquis immersus interiisset, nisi Stephanus Balevitius, qui nandi peritus una insiluerat, non ferens virum insignem ducemque suum, tam foeda & indigna morte extingui, opem opportune attulisset, cumque comas ejus quod detonsæ essent, manu capere non posset, barbam quam prolixam gerebat, profundo aquarum gurgite exemit, attonitumque & aquas evomentem in arcem perduxit. Paulus Rattcajus, Stephanus Dersffius, Franciscus Tahius, ac major pars nostrorum in tutum evasere. In ea pugna a nostris male pugnata, pauci milites desiderati sunt, quod peditatus sylvarum, & montium beneficio protectus integer effugerit, equites vero, partim ad sylvas, partim ad vallum & aggeres propinquæ arcis dilapsi, tormentis ex arce emissis defenderentur. Sed equorum, quos nostri metu perterriti deseruerant, magnus numerus in hostium potestatem devenit.

Turcae hac parta victoria a diripiendis incolis, vastandaque provincia abstinuere: ac paucis suorum amissis, inter quos Demirhamus cognomento Spanacovicius insignis alæ Camengradianæ Præfctus fuit: qui in primo hastarum concursu cum Stephano Segovitio, Zrinii Comitis equitum Præfecto, congressus, ad salutandum, & cum summo honore amplexandum Zrinium procurrerat, ac postremo in acie fuerat imperfectus, inde Banialucam rediere. Verum quia hic Paulus Rattcajus celeberrimus semper est habitus vir, de eo quædam adhuc absque jaætantia nominis, breviter inferenda videntur. Ob eximia igitur militaris virtutis merita Ferdinandi Cubicularius & Papæ Præfctus anno 1551, Emericus vero Telequessius Vesprimio fuerat, viri Istvanfi testimonio excellenti virtute ac militari scientia præstantissimi, eo tum tempore Veliganes Persa Albæ Præfctus, ex omnibus Præficiis magna Turcarum manu collecta, omnem inter Jaurinum & Pam regionem late populari & vastare coepit, in ea excursione quatuor Turcarum millia fuisse dicebantur. Atque Rattcajus, ac Telequessius

cum

cum cognito hostium itinere processissent, ac e Tata Gregorius Petrinianus advenisset, ad initia sylvæ Bacaniae haud procul Vesprimio ob viam hostibus procedendum decrevere, eisque a populando revertentibus, ad locum, cui ponti Tabulato nomen est, occurrere; Veligianes, visis nostris statim substitit, signa ac frontem in eos obvertit, neque certamen detrectavit. Cum contrariæ acies promoverentur, jamjam que manus essent conserendæ, Rattcajus & Telequessius, quod inter Paxium & Petrinianum magnas hostilesque similitates intercedere sciebant, alta voce ambobus compellatis, Christiani nominis milites mutuis odiis carere, eorumque inimicitias mortales esse debere præfati, postremo dixere, eligerent utrum vellent, aut ab exercitu recedent, aut in mutuam gratiam redirent. Nec ii reluctandum salutaria monentibus arbitrati, spectante exercitu dextras junxere, ac deinde cum hostibus una omnes congressi eos in effusam fugam vertere: captivi extemplo liberantur, ex Turcis plurimi cadunt, Veligianes saucius elabitur, major pars hostium relictis equis per montium & sylvarum latebras, notosque colles ægre diffugit. Capti hostium ad DC., sed equi multo plures, signa militaria XIII. ad Ferdinandum misfa. Cumque & hic Rattcajus præclaram patriæ ac fidei navasset operam, cunctem sibi postea Erasmus Thaifelius, velut veteranum copiarum Ductorem, in expeditionem arcis Dregel associavit, ac tormentis advehendis, omniq[ue] bellico apparatu cum Georgio Keglevitio Petri filio præfecit, eo tamen inexpectato Thaifelius cum Sinan infeliciter congressus, fuso fugatoque exercitu capitur, ac Bizantium cum quadraginta signis Solimanno mittitur. Adeo propria sequi judicia, quam temerarium, tam damnosum esse solet. Sed præclara viri hujus facinora, fortuna plerumque insolens ac infesta interrumpens, cum summo Patriæ dolore, ac commiseratione omnium e vivis sustulit: „In „, prima siquidem Sigenana sub Marco Stanscio Croata obsidione, cum „, ad Perlacum Oppidum perventum fuisset, Paulus Rattcajus vir præstan- „, tissimus, verba sunt Istvanffii, cum ob vile scortum, rixa inter Germa- „, nos oborta esset, & ipse forte ex Hospitio prodiiisset, glande in incertum „, emissâ interfectus est. „ Hæc Istvanffii; nec dubium, quin in maximam adhuc, si meliora fata servatum voluissent, dignitatem evectus fuisset.

Sed ad Zrinium Banum redeamus, qui in præcipuis quibusque expeditionibus hunc Rattcajum Collegam suum esse voluit, ut sæpius Istuanffius memorat. Ulananes a Georgio Monacho e Lipa ante dimissus, qui Bosnensem Provinciam administrabat, acerbissimo odio in nos concitatus, Murate Cliffiano, Malcocio Herchegoviano, ac aliis limitum Præfectis sibi adscitis, bellum in Illyrico renovavit, atque in agrum Varasdino subjectum, patentemque inter Dra-

vum & Alpes planiciem excurrendo, magnas passim cædes rapinasque exercuit, incensis ubique pagis, ac multis hominum millibus in servitutem abductis. Sed non omnino inulta fuit ejus populationis immanitas: nam quum ille ductis penes Crisium copiis, Camniciam arcem prætervectus via Topliciana, ubi Thermæ Constantinianæ habentur, in Campos descendisset, Nicolaus Comes Zrinianus Illyrici Prorex, ac Lucas Siculus, copiis Styriæ præpositus, ex insidiis, Zrinus
Turcas
profugat. quas hic in Varasdini suburbanis, ille vero in Mariana Valle Vincensi locaverant, opportune egressi, eum & Turcas passim igne & ferro in omnia obvia grassantes, duobus exercitibus interclusos, relicts captivis, & multis suorum amissis, singulari tam publice quam privatim accepto detrimento, pedem referre coegerunt. Nam præter aliquot clarioris nominis ordinum Ductores filium Gaifferem, quem ex tribus majorem habebat, cum Joanne Margititio insigni equitum Præfecto congressum, mucronato ense, quem equites in priori ephippii parte appensum gestare solent, per ilia adactum amisit, & cum incredibili moerore luctuque, eo, unde venerat, profugit, nemine e nostris desiderato. Nec tamen ejus irriti conatus, neque privato amissi filii dolore retardatus, copias iterum collegit, & Chasmam Arcem ad ejusdem nominis flumen sitam obsidione cinxit, quam Lupi Glulanii Episcopi Zagrabiensis milites, numero non plures virginati, negligenter custodiebant: qui repentino metu territi, extemplo ei portas aperuerunt. Qua capta ad Veruciam oppugnandam copias duxit, haud procul Dravo sitam, cui Georgius Brodianinus cum quinquaginta plus minus peditum cohorte præerat: is cum per exploratores adventum hostium didicisset, a Luca Siculo commeatum & res necessarias, maximeque pulverem sulphureum, cuius inopia laborabat, per litteras & nuncios petere non cessabat. Sed cum is ea curare negligit, aut cunctando moratur, hostes superveniunt, ac factis in Monasterio Monachorum, quod prope Arcem erat, aggeribus tormenta promovent, moeniaque Arcis, quod vetusta neque valida essent, vim atque icts tormentorum diu perferre non potuerunt, ita, ut Brodianinus, priusquam Ratkomalius & Petrus Reszedich Ductores ordinum cum peditum Centuria, a Siculo in subsidium missi advenirent, pacisci cum Ulamane & ditionem facere cogeretur. Dombronem quoque ejusdem Zagrabiensis Episcopi Oppidum Turcæ non multo post directum & succensum concremavere. Nec his contenti malis Turcæ: Malcus, qui nuper Ulmani vita functo successerat, occupandæ Crupæ & Costaniciæ imminebat, nisi Nicolaus Zrinianus eas novis præsidiis rebusque necessariis munivisset. Nihilo tamen minus duas arces defertas Bunich & Perussich dictas, e regione Corbaviæ sitas, quæ ab

Turcæ
Chasmam
& Veru-
eiam oc-
cupant.

obitu Carlovici vacuæ relictæ erant, restauravit, additis tecto & portarum valvis, ut in iis tutus excurrentibus suis foret receptus. Hæc, habita aliquanta a tumultibus requie, a Zrinio domi acta.

Verum brevi certus affertur rumor, Aly Eunuchum, unum e quatuor purpuratis, jussu Solimanni ad obsidendum Sygethum cum ingentibus copiis adventare, cumque oppugnatio jam aliquot continuata fuisset diebus, nostris interim sese fortissime tuentibus, Nadasdius Palatinus olim Illyrici Banus, cum Hungarici & Illyrici nominis copiis, quo Aly Sigetho averteretur, Babociam expugnandam statuit. Itaque dum hostis Sigethana obsidione occupatur, Babociæ muri nostrorum ictibus verberati magnum patefaciunt hiatum, adeo ut Palatinus irrumpi posse arbitraretur: sed animadverso amittendæ Arcis periculo Acomates, qui tuendæ Arci præfектus fuerat, majorem Turcarum partem clam ex Arce dimittit, nunciatque Eunicho, ni quantocuyus auxilio adsit, de Arce ac reliquis in ea relictis desperatum iri. His intellectis Eunuchus, intermissa obsidione Sigethana, cum toto exercitu Babociam eo fine divertit, ut manus cum nostris conserat. Zrinus cum Illyrici Prorex esset, vetere belli consuetudine primi ductandi agminis munus a Palatino suscipit: præit igitur cum mille suis, quos secum adduxerat, & adjuncto sibi Joanne Lencovicio cum Styriacis, ac Sclavoniæ Stipendiariis, ternis fortissime congressus vicibus, triplicem reportavit palmam, aliquot Turcarum millibus desideratis. Denique a fortitudine animique robore ita rem geslit, ut hostibus quoque miraculo fuerit, parva manu tantam aggredi multitudinem. Confecto feliciter hoc prælio rursum Zrinus cum suis, & Lencovitus cum Sclavonicō peditatu, cum Ferdinando Principe juventa fervido Corothnam arcem adeo feliciter occupavere, ut milites, nec expectato Ducum Imperio, muros scandere, portas securibus divellere, hostes trucidare, summa Principis admiratione, nostris triginta tantum occubentibus, conspicerentur. His absolutis Princeps Ferdinandus Viennam, Zrinus domum suam, Lencovicus in Sclavoniam, cæteri quoque ad suas quisque stationes concessere, instantemque hyemem in hibernis ovantes ac plaudentes quievere.

Zrinus
Banatum
resignat
1557.

Volvebatur annus quinquagesimus septimus supra millesimum quingentesimum, quo Nicolaus Zrinus post duodecimum annum gestæ Illyrici Præfecturæ Magistratu sese abdicaverat, nec adhuc quisquam in ejus locum fuerat suffectus; nihilominus tamen resignata etiam dignitate, verum se semper amantissimumque Patriæ Civem, multis postea clarus facinoribus declaravit: & quidem vel maxime in illa vulgi etiam cantilenis celebrata Sigethi obsidione, cum locum illum tolerata priori obsidione celebrem, præclara postea ibi morte obi-

ta,

ta, longe celeberrimum reddidit; cum per octo & triginta dies acer-
rimum infensissimarum gentium impetum constantissime perferendo,
desperatis postremo auxiliis haud inultus cecidisset, nec incruentam
hostibus victoriam reliquisset, cum viginti amplius millia hostium ibi-
dem periisse certo constet. Sed cum alias a plerisque Scriptorum me-
moriæ sit traditus posterorum obsidionis hujus exitus, ne lectori one-
ri videamur superfluitate, ad illos eum remittendum judicavimus.

At dum Zrinus Banatum in Regias reponit manus, nec ullus ad-
huc ejus loco substituitur, Turcae fraude & proditione Simonis Lost-
hohar e Carnis oriundi Arcem Costaniciam duobus millibus aureo-
rum venundantis, noctis unius labore, clandestina facta irruptione,
paucorumque suorum cæde, in potestatem redigunt. Unde non
multo post Croatia pene tota, omnisque inter Hunnam & Colapim
regio in extremum rerum omnium discrimen delapsa, & in eam, quæ
nunc apparet, vastitatem & solitudinem redacta est. Ut jam de Croa-
tia vere dici possit:

Impressit altis Mænibus

Hostile Mars aratrum;

Ubi steterunt Pergama, jam

Nec fluctuant Aristæ.

Quod ubi Ferdinando nunciatum est, mœstitiam simul curamque
ei injecit, ac ne major calamitas ingrueret, neve hostes magis insul-
tarent, Petro Erdödio, virtute ac fortitudine ejus fretus, Illyrici Prä-
feturam dedit, ea qua Zrinus habuerat potestate; hunc autem Magi-
strum Tavernicorum fecit. Et quidem jam antea virtutem supra 1557.
probaverat Erdödius, cum occupata ab Ulamane Chasina ac Verucia,
ejus populationibus ac incendiis irritatus, comparataque ex clientibus
subditisque suis haud contemnenda militum manu, ac consilio cum
Sacerdotibus Collegii Zagrabiensis, qui Sisciæ Præsidium militare ha-
bebant, Georgio item Comite Zlunio, aliisque quorum virtuti ac viri-
bus confidebat, communicato, classem ex iis navigiis, quas Saycas seu
Nasadas vocamus, sine mora comparavit; secundoque Savo delatus,
fortem operam ante alios omnes navante, ducemque itineris se præ-
bente, Marco Thomassovico, incomparabilis virtutis viro, Gradiscam
& Velicam arcem cum suburbanis late patentibus, improvisa facta irru-
ptione diripuit, magnaque cæde Turcarum edita, & rerum omnis ge-
neris, hominumque & pecorum, militarium etiam equorum præda
abacta, succedit & concremavit, victorque classem & navales socios,
ac incolumem reduxit exercitum. Fuerat hic Petrus Erdödius tertius
hujus nominis, ejus Petri filius, qui ducta in matrimonium Puchamia

LostoharCostaniciam
Turcis vendit.

incertis tamen de causis una cum Conjuge postea, ablato secum amplissimo thesauro, solis bonis filio relictis Venetias migraverat. Quanquam nos saepius inter privatæ Cognatorum hujus familiæ colloquia differentes, eam fuisse causam intelleximus; nimiam videlicet erga Patrem inobedientiam ac proterviam; atque cum tumidis fervidæ adolescentiæ spiritibus agitaretur, eo irreverentiæ ac contumeliæ progressum, ut contempto Dei naturæque præcepto Patris faciem palma contundere, ac barbam sputis & salivis contaminare non fuerit veritus.

Insigne Miraculum.

Qua demum gravissima exacerbatus Pater contumelia, diris devoto filio impiissimo solum mutavit. Nec inultus maledictionem Patris impius sensit filius. Duorum siquidem annorum spatio rubicundam semper ac cruentam Sacri Corporis Christi hostiam, dum in sacrificio Missæ elevata populo adoranda monstraretur, conspiciebat. Tandem a sacrato quodam viro rei tam stupendæ ac diuturnæ causam percunctans grave se quoddam scelus committere debuisse viro sacrato docente intellexit: at ecce subita synderesis malisque vermis patrati criminis momordit conscientiam, eoque tam diu stimulatus fauciabatur, donec ad Divam Virginem Lauretanam profectus, animum sacra Exomologesi non expiarat. Reconciliatus Deo in reditu Venetias divertit, a Patre quoque veniam commissorum delictorum suppplex postulaturus; quam quidem pius Pater, Christiana motus benignitate, clementer indulxit, sed de thesauris, quod jam in Archivum Senatus Veneti translati fuissent, elargiri nihil dabatur. Ea nihilominus deinceps vitæ morumque integritate vixit, quæ Christianum militem addeceret. Et licet ablatis a Patre thesauris maximum sustinuisse detimentum, quia tamen complures arces amplaque ditionem a Cardinale adhuc Thoma comparatam relictam habuerat, virtute quoque sua arcem Czesar vocatam in limitibus Styriæ & Sclavoniæ sitam fuerat adeptus, eo brevi evasit, ut & ipse inter suos pace belloque clarissimus fuerit, & reliquos ejus familiæ inter Pannoniæ Illyricique proceres etiamnum ab annis jam 120. amplius opibus & dignitate conspicuos florere videamus. Sed infelici prorsus accidit infortunio in dignitate jam constituto, ut, dum Joannes Lencovitus excurrentes ac populantes Turcas Divæ Helenæ vicum, æquali distantia inter Zagrabiam & Ivanichiam situm, summa hostium clade, ingentique parta præda reprimit, ejus victoriæ particeps, gravissimis podagræ doloribus detentus, esse non potuerit. Acerbiori vero multo torquebatur dolore, quod simili impeditus ægritudine nostris Crupæ laborantibus a Mustapha Bosnæ Praefecto obsecisis auxilio esse nequiverit: & quamvis Auspergerus, qui Croatiæ finibus Illyrica Germanicaque stipendia merentibus prærerat, ad septem millia selectissorum virorum in castris,

quos,

quos, præter eorum confiniorum Præsidiarios, Erdödius Banus & Zrinius miserat, Zluniusque Franciscus ipse præsens secum adduxerat, habuisset; non sempiterno tamen dedecore ac infamia ut Istvanissius carpit, Slunium cum Petro Farcassilio in pugnam jam ruentem interdixit, sed cum prudenti judicio numerum suorum militum longe inferiorem hostili metiretur, quo fortuna forte, ut semper instabilis est, adversante prostrato, captaque arce, nec in exercitu deinde novo congregando fiducia ulla collocata, spem resurgendi obviandique hosti quampiam haberet; satius arbitratus est, amissa Crupa integras Patriæ vires conservare, ne utroque deperdito universas demum res Illyrici præcipites ire necessum foret; quemadmodum sane & postea ipso Auspergero acie sublato, multa Croatiae Dominia amissa documento fuere.

Occupata Crupa, ac statim postea Novia, Mustapha prospero lætatus successu, singulari Auspergi contemptu, majora arroganti animo volvere coepit, & ad eam Illyrici partem, quæ inter Crisium & Capronciam sita est, igne ferroque vastandam & depopulandam animum adjecit. Itaque coacto ex Bosnensibus justo exercitu, qui ad septendecim millia hominum efficere dicebatur, trajecto Savo lentis itineribus ad Obrescum pervenit, haud procul Crisio dissitum. Nihil famæ de ejus adventu habebat Petrus Erdödius, qui eodem animo, ut Turcicam ditionem inter Soproniam atque Velicam & Monossonem (hunc montem Claudium veteribus fuisse appellatum quidam putant) infestis armis populararetur, Savum cum mille quingentis equitibus, ac tribus peditum millibus trajecerat. Erat cum eo præter suas peculiares copias, Joannes Giulanus ex Vinicia, Matthæus & Simon Kegleviti, Joannes Alapianus Sacer ejus, Joannes Gestinus, multique alii ex nobilitate egregii ac fortis viri; neque tamen Mustapha de ejus conatibus quicquam cognoverat, quum forte non procul Obresco nostri quoque castra posuere, castris Turcicis tam prope, ut ex eodem amne, qui ibi decurrebat, uterque exercitus aquaretur. Animadverterant Turcarum præcursorum nostrorum antecedentium vestigia. Sed ea Erdödius tanta industria celaverat, ut prius equitatum longo ordine protensem & exorrectum præire: deinde peditatum confertim succedere, & antegressorum vestigia proculcare juberet, ne hostes, quanquam diligenter scrutantes, equitum præsentiam animadvertebant. Itaque regressi Mustapham edocent, præivisse satis magnum peditum numerum, ut impressa telluri pedum vestigia indicare videbantur; sed tamen illos, ut nullo equitatu subnixos & aliorum tendentes non admodum formidandos existimare; quamobrem ibidem exercitum subitaria castra locare, militesque corpora curare, & equis ex amne potatis pabulum dari jubet. Idem etiam Erdödius, & reliqui

Defensio
Ausper-
geri.

Defensio
Ausper-
geri.

Duces, quod meridiei tempus esset, ut copiæ lassitudine itineris fatigatae, nonnulla quiete, & cibo, quem secum attulerant, reficerentur, facere: seque curare, & equos ac jumenta ad aquandum ducere incooperunt. Quum pabulatores ad amnem progressi, complures hostes conspexissent, ad eum, quo nostri confederant, locum summa celeritate, & cursu provolarunt, primique ad arma conclamarunt. Contra Turcæ quoque, qui nostros ad eundem amnem viderant, hostes adesse eodem fere temporis momento suis significarunt. Sed nostri priores equos descendere, ac peditatus omnis cohortante Erdödio, ac Legato ejus Marco Thomassovicio, cæterisque Ducibus, sclopetis acceptis, in Turcas imparatos, & inopinato casu trepidos, tuncque primo equos frenantes acrem impetum facere. Et fuga potius quam pugna Turcarum fuit. Multi in vestigio cæsi, multi capti; sed multo maxima eorum pars in proximas sylvas relictis equis, & rebus omnibus attoniti profugere. Mustaphas & pauci alii, qui ei obsonanti aderant, nulla facta mora aut pugna, arreptis subito & consensis equis sylvarum & montium beneficio protecti in tutum evasere. Cum paucis iis, qui obitis excubiis parati, & equis insidentes vigilabant, ac ad sclopetorum fragorem, & dissonas fugientium voces adcurrerant, leve & minutum prælium fuit; in quo cadentibus paucis cæteri per varia, quæ cuique notiora erant, compendia palantes & discincti auferunt. Capti ex hostibus 128, sed multo plures cæsi, equorum vero tam militarium, quam sarciniorum ingens numerus fuit, inter quos Burdones duodecim ipsius Mustaphæ cum impedimentis, & rebus haud contemnendis, quas vehebant, intercepti cum plurima & varia scutorum, hastarum, lodicum & ejusmodi castrorum suppelleantium copia. Contusa per hunc modum tumultuario prælii genere Mustaphæ & hostium ferocia, rarius deinde & cautius excursiones factæ, diuque earum partium incolæ ab illorum insolentiis quietiores fuere: & victoria majori Erdödii & nostrorum gloria, quam hostium cæde, aut detimento parta.

His nostris feliciter succendentibus levioribus præliis Solimannus ob denegatum jam biennio, ac non persolutum Induciarum a Cæsare vectigal, ira excandescens, ingentes Asiam, Europæque cogit copias, Cæsarique Maximiliano Ferdinandi successori indicit bellum: atque cum pro comperto haberet, a Sigethanis, quibus Comes Zrinus præerat, suos frequenter impeti, Mehemetem quoque Bosnæ Præfectum ab eodem interfectum, Sigethum expugnandum suscepit. Maximilianus quoque auditio Solimanni adventu, justum Jaurinum versus exercitum, qui opponi possit, adducit. Sed Petrum Erdödium Illyrici Proregem, ac Franciscum Slunium Comitem e Frangepana Roma-

næ stirpis Familia oriundum, ad tutandos Regni limites, cum Nobilitate earum partium in Peninsula, quam Dravus & Mura fluvii efficiunt, ne quid detrimenti eæ partes accipiant, jussit excubare. Amisso demum Sigheto interfectoque Zrinio, cum castra tam Cæsarisi, quam Illyrici dilapsa fuissent, Erdödius, quum filiam Stephano Dersfio elocare vellet, brevi nuptiarum solemnitatem celebraturus in Hungariam proficiscitur; qua absoluta, eoque inde in Illyricum revertente, viro cum primis domi forisque claro, tata finem vitæ anno sexagesimo sexto, supra millesimum quingentesimum, cum novem annis egisset Magistratum, imposuere. Sépultus est Jazkæ Oppido ditionis suæ funere honorifico, in Æde Divi Nicolai alto elegantique laboriosi operis lapide tectus.

Mors Pe-
tri Erdö-
di Bani.

Suscepit Magistratus Præfecturam anno eodem Franciscus Slunius Francis-
clarissimum militiæ martisque lumen, qui sane Illyrici reliquiarum En-
sis & Clypeus merito dici poterat. Illud memoria dignum: cum in Croat.
Arce sua Gore vocata, uno a Hraſtoviczia lapide distante, cum Aulica & Sla-
manu familiarius hilariusque pranderet, repente advolat nuncius, Tur-
cas adesse, vicinos populari agros, miseram sub jugum mittere ple-
bem; is subito relictis mensæ symposiis, equisque celerrime conscen-
sis, adeo fortiter in populantem irruit hostem, ut terno congressus Et Epis-
prælio, semper viator, maxima hostium strage facta, evaserit, salvus-
que ac incolmis, nemine ex suis amisso, in Arcem redierit; quod copus Za-
nibus 1566.
nobile facinus ipsi postea hostes, heroicis militaribus versibus, posteri-
tati virtutem ejus commendaturi, celebrarunt. Quocirca cum Georgius
gium Thurium in Pannonia, Slunium vero in Illyrico, geminos martis
Alumnos, sæpius experti fuissent hostes, eorumque mentes atque ani-
mi suopte instinctu, in hos duos viros admirabili virtute præditos ad-
eo intenti essent, ut nihil nisi de eorum nece, aut captivitate cogita-
rent, quod nulli, qui cum ipsis arma contulissent, cum his aut proimti-
tudine, aut irrequieti animi robore, comparandi viderentur; tum ve-
ro etiam a Selimo admonebantur, omnem moverent lapidem, ut sive
dolo & fraude, usitatis Turcarum genti artibus, sive vera vi capti in
potestatem inciderent, aut si id minus fieri posset, e medio tolleren-
tur; nec diu post Slunium quidem fata destinato ab hostibus exitio
ita exemere, ut cum ex Illyrico Nicolspurgum in Moraviam festinaret
ad nuptias cum Kerechini filia Juditha, ex Cæsarisi consensu contra-
hendas, ac Varasdini substitisset, furunculi circa aures forte enati do-
lore, repentina casu exanimaretur. Nam cum imperitus ac circumfo-
raneus Medicus affectum locum scalpello incidisset, ac vulneri oleum Franciscus
scorpionum instillasset, tumefacto toto capite, oculisque & fauci-
bus turgentibus, interclusa respirandi facultate, Vir in aliis, præter-
quam 1572.

quam in tuenda valetudine, cautus & sagax, immatura morte extintus est, cum Banatum annis sex felicissime atque supra ætatem prudentissime tenuisset: tanto acerbiori militum luctu doloreque, quod moriens nullos liberos reliquisset; & ea Frangepanorum Familia, quæ a Slunio Oppido denominabatur, vetusta & clara in eo prorsus defecisset, Varasdino solemni pompa ac comitiva, quam nuptiis co-honestandis adduxerat, Zagrabiam devectus in Cathedrali Divi Stephani Regis Basilica, rubro tectus elaborato marmore cum hac inscriptione tumulatur:

M E M O R I A E
SPECTABILIS, AC MAGNIFICI DOMINI.
FANCISCI SLUNII DE FRANG.

Segniæ, Vegliæ, Modruſſiæque Comitis, Dalm. Croat. & Sclavon. Bani fidelissimi & fortissimi, Anna Soror, relicta Magnifici Nicolai Olah Cazar &c. Fratri charissimo posuit.

Vixit Annos XXXVI. Mortuus II. Decembris MDLXXII. Varasdini.

E I D E M.

Slunia Stirps cecidit Franciscus Martis Alumnus

Infestus rasis, terror eratque Gethis.

*Est proavis clarus, sed dextra promptior usque
Consilioque, infert damna cruenta Scythis.*

Banus erat Dalmat, Sclavorum tumque Croatæ,

Prælia commisit, fausta Trophæa tulit.

Sed quia Pannoniæ vix spes est ulla salutis,

Ni Deus accurrat, quid superesse velit?

Ergo Diis mixtus potiori parte triumphat,

Offa tegit marmor, mens pia novit iter.

Hi marmori sepulchrali incisi versus, pedibus transeuntium attrito, quamvis inclegantes ac minus venusti, illis tamen temporibus usitati leguntur.

Habuerat quidem Slunius supremi Magistratus Collegam Georgium Drascovicium Episcopum Zagrabensem, Virum omnino scientiarum genere, & amicitia Principis, & legatione Tridentinæ Synodi celebrem, Slunio tamen omni disciplinæ militaris mole incumbente; proinde cum Slunius e vivis excessisset, rusticorum & agricolarum plebs,

plebs, militiae peritiam cum eodem concidisse rata, quodque intolerandis servilium operum ac pecuniariis exactionibus opprimenti se a Dominis quereretur, temeraria in nobilitatem usurpavit arma; eoque res periculi processerat, ut, nisi mature Drascovitus habito Provincialium concilio, Casparem Alapi, & Matthæum Keglevitum cum nobilitate, & Colapianis Praesidiariis a Regno interteneri solitis, ad sedandam nefariæ colluvionis seditionem delegissent, & adversus eos quantocytus properare mandasent; intestino tumultu deformata Patria penitus evertenda videbatur. Verum profligatis rebellibus, ac Matthæo Gubecio, ferrea Corona Zagrabiae redimoto, horrendoque supplicii genere, usurpati Regii nominis temeritatisque præsumptæ poenas luente, ea omnis seditio, domita agricolarum insolentia, finem accepit. Post hæc ubi Drascovitus in locum demortui Comitis Sluny alium sibi consortem Magistratus postulasset, neque quispiam aliis præter Casparem Alapium, Drascovi- cius Coll- legam ac- cipit Ca- sparem Al- lapy. virum alioquin militarem, nisi quod nuper direptæ a Turcis per cordiam Canisæ reus diceretur, occurreret; eum Collegam indulgente Cæsare accepit; & is tradita jussu Cæsaris Georgio Comiti Zriniano Canisa in Illyricum reversus est. Felicem hujus Alapiani a Turcis eliberationem majores referunt; etenim cum Sygethanæ obsidionis tempore fortiter pugnans in hostium manus captivus incidisset; quod homo statura pusillus, deformati vultu, corporeque vitiato esset, pro gregario quopiam ac simplici habitus quingentorum duntaxat floriferorum pretium paciscitur, & quamvis ab alio Turca suo olim captivo fuisset agnitus, quia tamen comed ac benignum herum fuerat expertus, clementiam taciturnitate resarcit, monetque ut quantocytus de litro deponendo curam suscipiat, ne protracto longius tempore, ab aliis stemma ejus, opulentiaque Turcis innotescat. Atque ita usus Alapi beneficio silentii Turcici, constitutis de more profectis vadibus obligatum redemptionis pretium per alios remissurus a Turcis abit. Eo discedente, Turca, cui Alapius fuerat cognitus, ex sociis consulto sciscitatur, ubinam deformis ille ac contemptui habitus captivus foret? Pro litro, inquit, reportando dimissus abiit; at quodnam, inquit iste, eliberationis ejus pretium? 500. ajunt socii floriferorum. Tum admirabundo attonitoque similis exclamat Turca:

„ Eheu, inquit, Casparem Alapy virum militia insignem, stemmate clarum, opibus redundantem pro 500. dimittitis florenis? ubi nunc Turcica in investiganda viri dignitate latuit curiositas? adeone vos sagaces cæterum ac cautos, vultus ejus corporisque deformitas fecellit, quasi vero nobili viro minus venustum esse haud licet, & non pretiosum etiam sub terræ ramentis, scabritieque latenter aurum. „

His aliquis verbis exaggerata sociorum incuria, exacerbati omnes, subito consensis equis abeuntem insequuntur Alapium, si in itinere forsan ignarus viarum recipi posset errabundus. Verum ille Deo propitio, fortunaque comite, adeo feliter compendiosos graditur tramites, ut spe citius in Arcem suam Camniciam pervenerit, indeque redemptionis pretium per captivum alium cum hoc responso transmiserit: „ gratulari se plurimum, quod, cum pinguem manibus „ tenuissent caponem, eum tamen non eos deplumare scivisse; 500. „ hos florenos pensuros adhuc favente numine Turcas. „ Ita clementia ac bonitas etiam ab hoste culta beneficio cessit. Dum Alapius Regni Magistratum suscipit, Maximilianus interea Posonium indicit Comitia, ad quæ, cum nemo ex Magnatibus venire videtur, quod Dobonem & Balassam, publica oblata fide, custodiæ nihilominus mancipasset, eundemque sibi casum cæteri evenire posse dicerent; Georgium Drascovitum Banum, qui eo, reliquo tamen domi Alapiano, profectus fuerat, & Paulum Bornemissam Episcopum Nitriensem, quæ esset tantæ alienationis animorum causa, & an ipse ullam causam præbuisset, sub fide ac juramento privatim percontatur. Illi vero quoniam se ad fidem adstringi ajunt dictures se, quod sentirent. Nam nihil eorum, quæ in libertatibus suis essent observavisset, & ideo causam esse a se illis præbitam. Ad hæc Maximilianus more suo, cur se ante non admonuissent; illi vero inquiunt, quantum sibi licuisset, in comitiis publicis, & consiliis satis dixisse. Ergo, inquit, se fateri culpam: deinceps tamen visuros, ne juste de se quisquam conqueri possit. Et ut ad alios Regni Proceres publico nomine dent literas, promittantque nullum sibi esse periculum metuendum, jubet, veniant tantum publicorum negotiorum tractandorum causa; ita literæ publicæ fide interveniente ad eos mittuntur.

Absoluto in hunc modum Regali conventu singulisque Optimatum ad sua remeantibus, brevi interje~~c~~to tempore de Joannis Corvini elargitis super bona diplomatibus deinde orta disputatio; ac præcipue arcibus Sumsedia atque Ztubica, quæ privilegiorum infirmitate, uti prætendebatur, tametsi extra juris cursum ab familia Heningh occupatæ fuerant; quæ neque precibus deinde universorum Regnicolarum in publicis conventibus, neque lege adduci potuit, ut Jure tantum causam cognoscendam permitteret; cogitabat enim facta tanquam una Provincia aliquod uni liberorum parare matrimonium. Tum ad possessores bonorum, atque arcium singulos mandata mittuntur, uti Privilegia quætoribus præsententur, ii de eorum firmitate cognoscerent, atque statuerent. Nam cum ea bona & pleraque alia Joannes Dux Corvinus, filius Mathiæ Regis, cum orbus

Maximi-
lianu^s vi
bona in
Sclavon.
occupat.

li-

liberis esset, benemeritis suis ac Parentis distribuisset, intendebat privilegia omnium ac singulorum invalidare, ac possessionem omnium quocunque tandem modo usurpare; quod scilicet nemini præter Regem, aut cui Rex concessisset, lege Regni hæreditates donare licet. Sed Mathias Principatum Sclavoniae amplis Privilegiis filio donaverat, quem etiam in Regno succedere voluit, si præmatura morte præventus non fuisset: cum vero paulo ante mortem Proceres petisset, ut filium in Regem assumerent, maluerunt præsentia commoda ut ipsis tum videbatur spectare, quam diuturnam ac perpetuam securitatem. Nam in amplissimo & opulentissimo Regno ipsis florentes, dum quisque augere potentiam studet, debile ac languescens Regnum posteris transmittentes, brevi suos atque Patriam inimicorum protervitati tradidere: adeo in longum differre, quod mature æque bene præstari potest, periculose est. Mathias enim Joannem filium si mature, uti facere poterat, sibi sublegisset, omnibus malis, quæcunque hactenus perpessi sumus, aut deinceps patiemur, nos liberare potuisset. Attamen ipse reprehensione caret, quod quæ ipse ad perpetuitatem Regni perficere non potuit, monuit tamen, suasit, petivit, & si contra facerent, prædixit omnia quæ eventur mala.

At cum Sclavoniae Nobiles ac pauci ex Proceribus, quibus vetera Regni libertas magis cordi fuerat, semel atque iterum Cæsari supplicassent, ne eos in suis bonis turbaret, neque Jura atque Privilegia sine debito judicio producere cogeret, hominibus præsertim privatis & extraneis legum ignaris, neve inter tot mala amissis patrimonii Regnoque, novam atque indignam calamitatem ipsis adeo acerbe accumularet; neque tamen ad hæc desisteret postulata, nulla commiseratione, nedum Juris Regni habita ratione; tandem exacerbati responderunt, majores suos armis acquisivisse, & commeruisse bona; & fere omnia propter fidem inconcusse servatam amisisse, nulla autem ab illo virtuti respondentia sensisse beneficia: jam ex reliquiis non splendorem familiarum, sed vix vitam ipsam sustentare; se non nisi cum vita atque anima bona sua amittere. Tum demum hanc rem per silentium transmisit. Quas ob res tanta erat animorum consternatio, ut pene ab ipso Joanne secundo Patrocinium sese dedituri quæsivissent. Et sane nisi bellum Venetum res Hungaricas præoccupasset, omnium simul tunc reliquiarum Ungariæ & Illyrici perdendarum, summum periculum adiisset. Atque utinam etiamnum is nobis inesset animus, ut dum pudenda Alemannorum permissione ac indulgentia proprii quæstus causa, a fordidissima Thracum natione dominia nostra, ac eorum limites vellicantur, atque per vim & omne nefas occupantur; eodem

Cordatum
Sclavon.
responsum

consilio, animo, constantiaque virium, majorum nostrorum insistentes vestigiis uteremur. Interea temporis Ferrhates Bosnensis, cum Auspergum Croatiae limitum Præfectum acie sustulisset, & partes illæ Duce orbatæ moererent, nullam moram aut otium dandum ratus Businum, Klegevitii natale solum, ac Czasinium, quod ad Jus ditionemque Episcopi Tininiensis pertinebat, admoto tormentorum terrore, ac Præsidariis diffugientibus obtinuit: emissis etiam, qui Colapianos urendo populandoque vastarent, Castellum Zrachicza, quod speculæ instar ad Colapis ripam e materia ac roboribus contextis erat extructum, igne coniecto concremavit. Deinde cum nemo adhuc in locum Auspergi suffectus esset, & improspero ejus casu omnes veluti attoniti confusique animis nutare viderentur, modica suis quiete data, Zriniam Arcem, Comitum Zrinianorum domicilium, a qua veluti natali solo ipsi cognomen ducunt, admotis tormentis expugnavit. Erat illa duplex, & muro dupli ciincta, ita ut, si propugnatores idoneos & fortis naœta esset, facile servari potuisset. Verum Petrus Camenianus imbellis penditum qui locum custodibant Præfectus, vix expectatis aliquot ferrearum pilarum iictibus, subito pavore perculsus, accepta a Ferrhate fide Arcem dedidit. Quæ ei more Turcico ita servata est, ut captivus in Bosnam abduceretur, ibique diurno tempore servatus, tandem incertum, an non ex composito dimissus libertati restitueretur. His profecto tantisque ciadibus tanta vastitas stragesque edita est, ut ab eo tempore in Illyrico, neendum spe aut resurgendi facultate oblata, plurimi incolarum qui superfuere in varias Austricæ Pannoniæque partes, præsentium aut futurorum metu, desertis sedibus migrasse conspiciantur.

Rudolph.
Rex.

Maximilianus urgente magis Patre Ferdinando, quam Provincia-
lium votis acceptatus, multis invisus, injuriis plurimis, humanis exce-
dens Rudolphum successorem reliquit, atque habenas Imperii assecu-
tus, anno septuagesimo octavo supra millesimum quingentesimum pri-
ma auspiciis suis Comitia ad Kalendas Februarias Posonii indixit, in
quibus post decreta nummorum & pecuniæ subsidia, Magistratus
quosdam distribuit; & in locum Joannis Listii Episcopi Jauriensis &
Cancellarii nuper Pragæ extinti, Georgium Drascovicium ab Episco-
patu Zagrabensi, in Hungariam transtulit, ac ei in Præfectura Illyri-
ci, duodecim ab illo annis laudabiliter gesta, Christophorum Ungna-
dium Agriæ Præfectum succedere jussit. Alapianus quia postulante
Drascovicio in Banatum Collega adscitus fuerat, idem quoque Un-
gnadio Præfectura cessit. Et sexto post resignationem dignitatis an-
no e vivis excessit, quarto Kalendas Aprilis anno salutis octogesimo
quarto supra millesimum quingentesimum. In Æde deinde Divæ

Christo-
phorus Un-
gnadius
Banus
578.

Vir-

Virginis Remetenſi Patrum Eremitarum rubeo Banali vexillo tumulo superappenſo, ſepultus requieſcit.

Eo qui ſecutus eſt anno Carolus Princeps, qui Cæſaris voluntate Regia dignitate Illyricum regebat, coacto ad Pruccum Oppidum, in Muræ amnis ripa ſitum ſuorum concilio, communicatis cum Cæſare confiliis, Copias e Styria, Carinthiisque, & Carnis, cæterisque ſuis Provinciis coēgit; eisque Georgium Kevenhillerum cum ſummo Imperio præſeſſe juiſſit. Joannem vero Ferenbergum, qui Croatiae, & Vitum Hallecum, qui Sclavoniae militibus præerant, ei adjunxit. Christopherus etiam Ugnadiuſ, qui Ordinibus & Statibus eorum Regnorum Bani nomine non ita pridem præſeſſe juiſſus erat, nobilitatem ſumptis armis haud contemnendo numero in caſtra adduxit; ita ut confluentibus etiam Labacensibus, & Goricianis, Iſtrisque, justi exercitus ſpeciem habere videretur. Ejus autem animi propositique erat Carolus, ut ea loca, quæ anno ſuperiori a Ferrhate & Bosnensibus Turcis contra paecta induciarum, singulari illorum perfidia, noſtrorumque ignavia in potestatem redacta erant, primo quoque tempore recuperarentur: ne occupatis ab hoſte ſemel atque iterum opportunis Arcibus & munitionibus, in Carnos & Iſtros & Japides, & intima ſuæ ditionis expeditum diris hoſtibus iter pandererur. Erat exercitui per deserta, & confragofa loca progrediendum, densique saltus, & saxofi montes ſuperandi, per quæ tormenta currulia, & commeatus innumeris carriſ impositi, magno tam hominum quam jumentorum labore, magnaue difficultate vehebantur: Ducum tamen industria, ingens operarum numerus, qui enatas in via arbores, dolabris & ſecuribus exſcinderet & deturbatis grandioribus faxis iter complanaret, erat comparatus. Itaque primo Businium peruentum eſt, idque diffugientibus pedestris Ordinis militibus, quorum exigua manu custodiebatur, quot Arces recu- facili negotio receptum eſt. Eadem celeritate Czasinium, Zrinium, perant & atque aliæ cis Hunnam flumen Arces, dilabentibus Turcis, in noſtro-iterum perdunt. Ferrhates vero & Turcae, non niſi ſemel in conſpectum noſtrorum venire auſi, leve certamen cum noſtris contraxerunt; in quo perpauci utrinque ceciderunt, plures ta- men ex hoſtibus deſiderati ſunt: in partibus autem noſtrorum Nicolaus Bradacius, nobili genere ortus adoleſcens, dum interfecti Turcae cadaver armis, & pelle tigridis ſpoliaturus, abſque galea equo de- ſcendiffet, caput prægrandi acinace iictus eodem in veſtigio occubuit. Ejus autem Expeditionis magna cura & labore fuſceptæ is exitus fuit, ut noſtris per ea loca, quæ recuperaverant, idoneis diſtributis præſidiis, mature celeriterque redeuntibus, Turcae ea illico repeterent; & noſtris militibus nimio pavore conſternatis, ac diffugientibus iisdem, locis omni-

Ungnadius Zamoborinum vi occupat. bus parvo labore potirentur. Ungnadius reversus, jam antea inchoatum cum Crubariana Vidua de restituendo Zamoborino tractatum prosequitur, quod conjugii titulo sibi deberi affirmabat. Itaque cum longis disreceptionibus temporisque prorogatione nihil proficeretur, vi tandem admota foemina domandam constituit Banus; & tradutis in primis in partes suas multis promissis ac largitionibus oppidanis, quo securior ei oppugnandæ Arcis aditus pateret; tormenta deinde ad vicinum collem a dextra parte Arci obversum, in quo alba veluti via conspicitur (cum alioquin Arx in edito monte sita, vix ab aliqua sui parte verberari possit) attrahi jubet, & ferreis pilis in fenestras Arcis fulminare pergit. Foemina advertens nequaquam se in ulla domo tutam consistere posse, ad concameratos primum quosdam fornices, portasque testudineas fese recepit, sed nec ibi secura, crebrioribus petita machinis, tandem Arcis claves ea conditione Ungnadio mittit, ut salvis rebus suis ei liber tutusque concedatur abitus; atque ita illa abeunte Arx Ungnadii cessit potestati. Atque hæc de Ungnadio.

Thomas Erdödius Banus 1584. Turcas profligat. Verum an ille morte, ac resignatione genero suo Thomæ Erdödio Bantum concluserit, certo nihil constat, solum sex eum præfuisse annis, ac tum demum anno millesimo quingentesimo octogesimo quarto Thomam ei successisse tradit Istvanffius; cum interim Scanderbegi Posegæ Præfecti infelicem referat casum, quo præter proprium 249 capita ac signa militaria 20 a Comite Georgio a Zrinio Capronciām Turcæ relata doluerunt.

Quocirca memorati supra anni autumno, cum Ferrhatis Bosnæ Præfecti jussu Turcarum Duces haud contemnendas copias collegissent, in quibus ipsorum confessione ad octo armatorum millia censebantur, in Carnos gravem acerbamque incursionem usque ad Lublanos fecere, concrematis pagis, ac multis captivis in servitutem abductis. Non tulere perfidorum hominum contumelias, Josephus Comes Turrianus, qui nuper Joanni Ferenbergo in Croatiae finium præfectura successerat, ac Thomas Erdödius Banus, collectisque summa adhibita celeritate suorum copiis, hostes jam se cum præda & captivis dum recipientes, quanquam numero & viribus superiores, forti animo aggredi nequaquam dubitarunt: eisque primo congressu apud Slunium in effusam fugam conjectis, captivos omnes, qui supra sexingeniti erant, liberarunt, ex hostibus quadraginta vivos cœperunt; sed interfectorum magnus fuit numerus, quum ex suis nonnisi duos aut tres glandibus ictos amissent. Signa militaria decem illis adempta, ac Carolo Cæsarī Fratri Græcum Styriæ Urbem missa sunt. Celebris fane victoria, si hostium numerum ac nostros tres tantum amissos ad invicem conferas.

Castigata hunc in modum hostium insolentia, annis quasi septem nostri ab infestationibus, induciarum maxime tempore, quievere: donec Sinanes purpuratorum quartus pacis pertensus, uti erat ingenio turbido, crudeli & furioso, ac Illyrici belli cupidine, quod præ aliis administrandum decreverat, æstuanti, adeo in rabiem quandam verso, per literas Hasanem Bosnæ Præfectum secreto admonuit, ut ea in parte bello Cæsareanis illato, causas novarum rerum querere non intermitteret: sic ut postea se ab iis contra inducias armis petitum, scriptis Byzantium literis, astuta dissimulationis ostentatione conquereretur. Itaque Hasanem per se belli avidum ac temerarium, facile ad irritandos armis & cruentis incursionibus Cæsareanos impulit: pri-
 mumque omnium collectis tota Provincia copiis, cum quinque armatorum millibus, ac totidem tormentibus currulibus minoris formæ, quæ binis equorum jugis trahebantur, acerrimam in eam regionem, quæ inter Crisium & Ivanicum est, irruptionem fecit, ac circumlato passim terrore Custarocium pagum succendit, castello, quod illinc eminus peteretur, intacto relicto. Bosiacum autem Tahy castellum, in quo haberi quidem tormenta, sed pulveris sulphurei ne pugillum quidem a transfuga quodam edoctus erat, acri peditatus impetu ce-
 pit ac diripuit, & capto ibidem Laurentio Radivano conjugequo & liberis ejus in servitutem abductis, injecto igne concremavit. Postre-
 mo capto satis magno circuitu ex Roconoco Verbocio & sanctæ He-
 lenæ vico, pagisque cis Zagrabiæ sitis, ingentem prædam egit; ma-
 jorem acturus, nisi ingentes pluviae autumnales itinera cœno & cre-
 bris lacunis impedivissent, inflatiue & exundantes amnes Clogoutius & Lonijs ulterioribus ejus conatibus restitissent. His difficultatibus circumventum, & cum captivis ac præda redire conantem, Stephanus Grasbanius e Caproncia, Gregorius Laboharius e Crisio, ac cæteri Arcium finitimarum Præfecti, cum Germanis ac Illyricis militibus in-
 sequi decreverunt, ac contento gradu vestigiis abeuntium institerunt. Hasanis cum nostros adventare intellexisset, relictis tormentis, quæ profundo in cœno pertrahi nequaquam poterant, pluviis nihil inter-
 mittentibus coepit iter ita prosecutus est, ut valido a tergo equitum & peditum præsidio relicto, ipse cum cætero exercitu præcederet, Nostri Turcarum agmen novissimum, acerrimo illato impetu aggressi sunt, cum illud ad Gradacium Episcopi Zagrabiensis Castellum lenti-
 passibus progressum attigissent. Nec Turcis defuit animus resistendi, qui obversa in adversos nostros fronte acre certamen incœperunt, cohorte eos Alibego & Osmane, qui tuendis postremis agminibus in-
 vigilare jussi erant. Tum pugnatur, Osmanes expeditissimos equites ad Hasanem qui præcedebat mittit, nunciatque hostes adesse, certa-
 mēt

men acre contractum, & nisi suppetias mittat, Martem ancipitem esse. Sed ille cum cogitabundus paululum substitisset, remissis equitibus respondit, se assiduis imbribus impediri, ut recurrendo laborantibus succurrat; at si imparem se hosti viribus videat, ad exercitum se recipiat. In hunc modum cum nostri diutius atque acrius certamen protraxissent, nec Hasanes auxilio supervenisset, Turcæ multis ex suorum numero amissis terga dedere. Cecidit eo prælio Osmanes, & complures Turcarum capti sunt: signa militaria viginti duo capta, quæ majori ex parte pedestria erant, cum septuaginta duobus Turcis, interque eos Mustapha equestris Turmæ Verucianæ Ductor, ac equis & cæsorum centum viginti capitibus. Sed gratum militibus nostris spectaculum ante alia attulere captivi Christiani ad 400 promiscui sexus hominum numerum vinculis eorum opera soluti, & in libertatem vindicati, cum hostes visis nostris sese ad pugnam parantes, illos statim dimisissent. Compertum est a captivis, tormenta non procul a loco pugnæ relicta esse, quod fatigatis & procumbentibus jumentis ulterius protrahi nequivissent, itaque ea etiam in nostrorum potestatem deveneré. Ex nostris nemo præter Franciscum Jaicianum veteranum equitem desideratus est, qui sine galea pugnans discissa immanni vulnere fronte occubuit, & post hostium fugam in loco pugnæ tumulatus est. Sauciati in partibus nostrorum pauci, atque ii brevi post omnes convaluerunt. Hasanes hoc accepto detimento, nihil permotus, cum domum pervenisset, duos e captivis Græcum ad Ferdinandi Principis impuberis, qui Patri Carolo successerat, Curatores cum literis misit, quibus tormenta currulia, quæ avehere ob viæ incommoditatem non potuisset, sibi reddi postulabat; a quibus tamen responsum frustra expectavit.

Ardentibus hunc in modum undique bellis, ac Marte longe ingentem armorum apparatum terribili classico ciente, ita ut brevi totius Illyrii atque Bosnæ vires ancipiti victoriæ eventu infestis armis animisque concursuræ viderentur, sævissimus annis aliquot Mars grassabatur; singula minutatim persecui, otiosum credo, cum ea omnia stylo eleganti copiosoque Istuanus sit prosecutus; summatim perstricta hæc fuere. Hassanes repetitis vicibus, Sisciam collegii Zagrabiensis Canonicorum Præsidium firmum ac validum, Romanorum olim Coloniam, ubi adhuc amplissima veteris urbis mapalia, aut verius squallida murorum rudera visuntur, quamvis irrito conatu propugnatoribus spartana sese patientia tuentibus oppugnat. Bihicum urbem opportuno & amoeno loco sitam, Tempis, Cœnobis veterorumque militum ac Ducum sepulchris claram, summa Christophori Lambergi socordia expugnat. Castrum ubi Petrinus amnis Col-

Turca-
rum ca-
des.

A Hassan
Basla da-
nna no-
stris illa-
ta.

pi miscetur, inter Hraztoviciam & Goram erigit, regioni omni inter Colapim & Savum interiacenti populosissimæ ac fœcundissimæ extremum futurum excidium. Erdodium Banum summa Stephani Grasbanii Caproncensis Præfecti negligentia ac pigritia adventum tardantis, iisque qui aderant Germanis meridiano tempore, cibo vinoque sopitis atque aleis intentis, nec in ordinem ocyus sese restituere valentibus (quamvis Illyricis hastas perfringentibus) in fugam conjicit. Omnem eam late patentem ac amoenissimam planiciem Kerecztincium ac Oki-chium usque barbara crudelitate vastat, diripit, populatur: eoque jam securitatis, ac simul temeritatis processerat, ut ad Lomniciam amnem aucupio, ac venatu sese oblectaret, ac barbaro fastu tumidus, in Ara Basilicæ Divi Stephani Zagrabiensis equos se suos pabulatum palam jactitaret. Verum eo eventu hæc omnia foedifragus egit Barbarus, ut anno insequenti millesimo quingentesimo nonagesimo tertio, Siscianam repetens obsidionem, quam solam sibi negari diis imprecabatur, memorandum prorsus ac funestum de se suisque, omnibus futuris sæculis documento futurus, spectaculum exhibuerit. Collectis enim sex amplius, ut quidam autumant, Bosnenium ac vicinarum Regionum Legionibus, eam omnem Segesticæ Insulæ ditacionem, quæ olim Appiano belli ac Pannoniæ horreum dicta suit, devastandam; ac ipsam arcem latericio ac triangulari opere fabricatam, ultimum reliquiarum Sclavoniæ refugium, aut in potestatem æternum redigendam, aut penitus convellendam, soloque æquandam suscepit: at ecce singulari Dei providentia, virtuteque sua Erdodiæ Prorex, coadunatis in unum nobilitatis ac finium, tam Illyrici, quam Alemanni nominis, tam equitum, quam peditum copiis, quæ octo millium numerum complebant, hanc paucitatem leoninæ illi ferocique multitudini, ac præterita elatæ clade eo opposuit proventu, ut omnis propemodum vicinus Colapi campus Turcico duodecim millium sanguine maduerit, amnisque ipse cadaveribus refertus, ac permeabile transire volentibus iter ministrans, foedifragi Ingens Turcarum cædes a Bano fa-ceta.

Parta hac celebri victoria mirum quantum lætitiae Cæsari Rudolpho, Clementi Pontifici summo, cæterisque Christianis Principibus accesserit: quam ut Clemens Orbi palam testaretur, datis ad Erdodium literis ejus in tuenda Republica Christiana studium & operam gratam sibi accidisse affirmavit. Sed & milites sacri Ordinis Redemptoris, ob navatam sæpius fortiter operam, sui eum Ordinis esse voluerunt missio eidem insigni, quod solido constabat auro monili sapphiricis egregiæ quantitatis distincto gemmis, ac inter easdem hac variante Epigraphe: *Domine probasti me*, appenso circa pectus symbolo

bolo Eucharistico, illudque semper symboli nomine usurpans: *In Deo vici.* Allatum hoc virtutis ejus insigne Zagrabiam fuerat a duobus Ordinis ejus Primoribus; quo cum Thomas cum gentilibus familiae suæ, cæteraque Procerum comitiva adventaret, ab Antitiste Zagrabiensi, Petro Domitrovicio, fœcunda ingenii humanitatisque ubertate viro salutatus, eidem gratiis redditis, Urbem ea nocte quieturus concessit. Sequenti solis die cum insigni rerum omnium apparatu in Basilicam Divi Stephani Regis descendit, ibidem solemní pompa a Præfule sacra celebrata: quibus absolutis sacrosancta miles Christi reficitur Eucharistia, ac monili in humeros imposito, *Sacri Redemptoris Ordinis Athleta* certa verborum forma ea lege constituitur, ut quotidie sacerdotum instar divini Officii, quod Breviarii nomine vocant, recitatione sit obstrictus. Instituit hunc Ordinem Vincentius Gonzaga quartus Dux Mantuæ, & secundus Montis Ferrati, anno MDCVIII. in nuptiis filii sui Francisci cum Margaretha Sabauda, pro defensione & propagatione Religionis Christianæ, adlectis in hunc Ordinem viginti equitibus; qui Ordo fuit postea confirmatus a Papa Paulo quinto. Quoniam vero Ecclesiastici Templi S. Andreæ, quod est Mantuæ, credunt se habere partem spongiæ Domini nostri, & tres sanguinis ipsius guttas, a sancto Longino Centurione & Martyre collectas, Dux Ordinis sui titulum inde sumpsit, dictumque ordinem equitum sacri sanguinis Domini nostri JESU Christi, seu equitum Redemptoris esse voluit cum hac Epigraphe: *Nibil isto triste recepto.* Torquem deinde confici curavit, ex virgulis aureis colligatis, supra quas est ignis intermixtis gemmis ac aliis particulis, quibus haec verba inscripta sunt: *Domine probasti me:* hoc symbolo indicare volunt, eos, qui in hunc Ordinem adscripti essent, in summis adversitatibus sibi mutuo fidem præstare, & in perpetua amicitia atque concordia vivere debere: ut Ludovicus Godefredus in Archontologia Cosmica de Origine ordinum militarium interpretatur. Quibus peractis, ingenti gratulantium clamore, tormentorum boatu, buccinarum clangore, Tympanorum strepitu, omniumque fausta precantium vocibus æra personabant, ac tum demum splendidi convivii hilaritate ac lætitia transacta dies. Hæc non quidem temporis ratio, sed nectendæ historiæ cœcasio nunc referenda suadebat.

Pulchrum
Ducis
exemplum.

Animatus Banus & præsenti divini numinis ope, & respondentibus virtuti successibus, Petrinii obsidionem jussu Cæsaris repetit, quam anno præcedenti intempestiva Equenbergi cessatione interrupperat; propriisque manibus terram aggeribus parandis egerit, gregariis ad maturandum opus exemplo futurus. Aderat in castris Georgius Comes Zrinianus Canisæ Præfetus, scientia militari clarus,

Fran-

Franciscus Adolescens Battianius prima militiae rudimenta positurus, & Gottfridus Praynerius Germanicarum cohortium Duxor, quorum sententia evicit, ut solutis castris, quæ jam octo duraverat diebus, ob-sidio remittatur; ne paucitas nostrorum temere irritatae Turcarum multitudini, quæ suis laborantibus subsidio advenerat, objiciatur, quorum consilium erat, eo fine cum nostris manus conserere, ut aut præteriorum dierum acceptam cladem nostris ad internacionem de-letis ulciscantur, aut & ipsi sociis prælio nupero occisis gloria morte parentent. Atque ita secundo relicta Petrinia, in stationes quisque suas, eo rerum nostrarum incommodo rediere; ut viso no-strorum discessu, quamprimum hostis Sisciam auxilio destitutam, ac Turri rotunda, ad Colapim obversa, tormentorum ictibus collapsa, in-terfecto etiam Caspare Grangia, captoque Fabricio, (qui postea Con-stantinopolim abductus, ac in lineum conjectus saccum mari mersus interiit) loci Præfectis ad conditiones dedendæ arcis nostros compulerit. Occupata Siscia, Hrafovicia, Gora, ac Petrinia retenta, nullum hostis finem flamma ferroque populandi, ac in nostros barbara ferita-te debachandi fecit; donec Maximilianus precibus populorum Styriæ, & Carnorum, ac Illyricorum præsertim permotus, Erdödio Prore-gi, Lencovitio Croatæ limitum Præfecto, aliisque in castra (quibus & ipse præfuit) convenire jussis, tandem Petriniam, cæterasque arces, sat diffici labore expugnavit, & castrum quod cervicibus vicinorum accoliarum impositum fuerat, funditus est demolitus, quorum periculo Sisciani Turcæ percussi, & ipsi incensa arce tumultuaria fuga, qua Petrinia a quisque potuit, nasadis consensis profugerunt: Arce Collegio Sa-
cerdotum Zagrabiensium a Maximiliano restituta.

Verum dum Cæsar bellum in Pannonia longius trahit, Strigo-nium Mansfeldi virtute recuperat, ac cum Sigismundo Battorio Tran-sylvaniæ Vaivoda fœdus sancit, in eoque Thomas Prorex cum cæ-teris arbitris componendo laborat, Turcæ quietis impatientes Bani-que absentia illeæti Petriniam demolitam rursum restaurant, vallo ac Præsidio firmant, Rustanem loci custodiae præficiunt, vicinasque arces, Goram & Hrafoviam, denuo expugnant. At ne gravissima iterum vastatam toties Patriam detimenta subire contingat, Thomas Pro-rex communicato cum Georgio Lencovitio, ac Sigismundo Herberstei-nio, limitum Præfectis consilio eam denuo expugnandam decernunt. Quare postposita cunctatione omni ad arcem novam Erdödianæ ditio-nis castra locant, tum impedimenta omnia Sisciam versus expedient, ipsi leviori apparatu Petriniam contendunt. Rustanes advenientes nostros conspicatus contineri non potuit, quin in pugnam profiliens de summa rerum cum nostris ferro decernere statueret: verum contra-

et certamine plumbea glande a Caspare Kurtitio per ilia trajectus, animadverso vulnere se cum suis in arcem recipit, brevique temeritatem vita persolvit, quo extincto Turcæ agminatim patefactis arcis valvis profugiunt, salutemque vicinarum sylvarum latebris protecti conservant. Nostri a captivis quibusdam re intellecta pars arcem festini, paucis iisque metu attonitis repertis hostibus, occupant; pars fugientes persecuti, captivos plures cum opima præda retractos reduxere. Ac tandem fatali nostros, destinatoque jam dudum ab hoste servitutis periculo, quod inde semper imminebat, eximunt. Accepta in potestatem arce valla restaurant, ac Præsidio imposito curæ fideique Danielis Francoli equestris turmæ Carlostadianæ Duci committitur. Fama fuit, eaque tam apud hostes quam nostros constans, insigne a Ducibus operæ pretium fieri potuisse, si armis ulterius prolatis, Jaiciæ & Bania-lucæ terrorem admovissent: neque in iis recuperandis irritos futuros fuisse eorum conatus, nisi in medio rerum gerendarum cursu importunis consiliis cessatum fuisset.

Nostri de-nuo Petri-niam ex-pugnant.

Thomas Erdödius Banatum re-signat.

Confectis feliciter hisce præliis, pacataque Provincia Thomas Erdödius in omnibus pacis bellique artibus Princeps clarus, cum muneri suo egregie a se satisfactum per annos duodecim, quibus Provinciam administraverat, videret; quietis ac privatæ vitæ amore illectus eam sollicite apud Cæsarem procurabat. Itaque Cæsar assiduis ejus precibus permotus, eum sese officio abdicare volentem dimisit, ac in ejus locum Casparem Ztankovaccium Episcopum Zagrabensem, ac Joannem Drascovicium Crisii equitum Præfectum, præcedentibus hisce bellis egregie exercitatum constituit: sic tamen ut Episcopo paucos post dies gravi morbo e vivis sublato, solus Drascovicius absque Collega Magistratu potiretur anno 96 supra millesimum quingentesimum. Et quamvis elapsis annis aliquot resignante Drascovicio iterato Erdödius in officium successisset, quia tamen quieta omnia sibi relieta fuerant, ac opima pace florebant, nullum eo tempore gestum est bellum, uno excepto dissidio, quod publicis in Comitiis Polonii inter Hæreticos & Catholicos intervenerat. Fatalis enim illa Hæresum lues, suis non contenta angustiis, quo latius ac virulentius serperet, omni contentione Sclavoniæ ac Croatiae pacem perturbare, puritatem Romanæ fidei inficere, sibique domicilium figere introducendis damnatorum dogmatum seminatoribus fatagebat: ad quam Reipublicæ labem a finibus Illyrii repellendam, præter Regnorum Legatos, Erdödius Banus omni restitit conatu, ac ne multitudini inconditis clamoribus vociferanti superandum se præberet, sempiterna memoria in fastos referendo exemplo, publice evaginans gladium: „ hoc, inquit „ ferro, si aliter fieri non poterit, pestem istam a nobis eliminabimus, tref-

, tresque nobis adsunt fluvii Dravus, Savus, & Colapis, e quibus
 „ unum novis hospitibus forbendum dabimus. „ Attoniti ad ista
 Hæretici submissius missitare, tum demum conticescere coeperunt. Insignis
 Cæterum in omni vita sua amantissimum se semper Patriæ Senatorem
 ostendit, in consiliis maturus, in actionibus gravis, in hilaritate festi-
 vus, in colloquio comis & affabilis, in disciplina temperate severus, in
 præliis fortunatus, in omnibus probatus. Unde resignante eo & se-
 cundo Magistratum, quod ob libertatis publicæ defensionem nulla
 per octennium Banali dignitati stipendia destinata a Cæsare obtinere
 posset, imo quinquaginta equitum stipendum sublatum sibi vidisset;
 Tavernicorum tamen suscepto officio, & ad mortem usque retento, in
 omnibus publicis tractatibus, Bockaiano præsertim, componendis a
 Cæsare evocatus, præclararam ubique impedit operam. Tandem an- Mors
 no vigesimo quarto supra sexcentesimum Mense Januario annis, la- Thomæ
 boribus, morbisque gravatus sexagesimo sexto ætatis anno in arce Bani
 Crapina, summo omnium dolore, suique relicto desiderio, omnibus
 Christiano ritu munitus sacramentis, humanis excedit. 1624.

Inter cætera memoratu digna tria a Georgio Spisichio, qui com-
 pluribus annis ejus fuit a cubiculis, saepius referente accepimus, eum
 nimium Eutrapoliæ lusum exercuisse, pecuniam manibus tractasse, nec
 in convivio hilariori potu excessisse visum unquam; res sane quam
 communis tam difficilis, eoque mirabilior. Nec illud mirandum mi-
 nus; prole quam fœcundus fuit, tam beatus: nam præter filios natas
 habuit quatuor, non solum maximis junctas connubiis, sed speciali
 prudentiæ, gravitatis, liberalitatis, ac pietatis in Deum laude insignes;
 ut vel nunc in Elisabetha ævi nostri heroina videre licet. Una ex Insigne
 eis Juliana nomine decennis adhuc demortua in æde Divi Nicolai op- Miracu-
 pidi Jazkenfis apud Avum Petrum jacet, compage membrorum atque lum.
 cute, vestimentisque integris, conservatæ innocentiae testimonio mani-
 festo, instar pueri innocentis in Basilica Divi Stephani Regis Zagra-
 biæ, aut sancti Joannis Eleemosynarii Posonii asservati. Hoc incor-
 ruptum Virginis corpus nos ipsi manibus nostris contrectavimus,
 quamvis reprehensione non careat, quod tam nobile integritatis pig-
 gnus, minus decenti loco honoreve conservetur. Post semestre spa-
 tium præparatis omnibus ad funebralem pompam necessariis, Crapina
 educitur Zamoborinum devehendus; præcedebant multo auro pha-
 lerati equi insignes, ac trecenti hastati equites, pullum omnes induiti
 amictum; pone sequebantur Filii, ac præsertim Sigismundus, qui præ
 cæteris specialius diligebatur, cum cæteris nepotibus, magna procerum Sepulta-
 Nobiliumque manu itipante. Zamoborino Corpus Zagrabiam dedu- ra Thomæ
 citur, ac ea nocte in Urbis Parochiali Ecclesia Divo Marco sacra affer- Erdödii.

vandum collocatur. Die sequenti funus celebratur hora matutina octava: antelata vexilla insigniaque stemmatis bina vastæ magnitudinis sculptorio opere pictorioque affabre elaborata, ac monile illud sacri Ordinis Redemptoris purpuræ impositum, equi atrati complures, caput, oculos, calcem usque nigra purpura, ac ex lateribus pictis majorum imaginibus tecti; anteibat Nepotum numerus pulcher cætera multitudine præmissa, quos sequebatur Pontificum ordo, dein fereum Principis, postremo Sigismundus cum fratribus, cumque primoribus, atque legatis. Ea fuit comitantium hominum copia, ut binis & binis incidentibus, dum primi Basilicam Divi Stephani ingredenterentur, postremi nondum urbe egressi fuerint, quod sat notabilem distantiam efficit. Feretrum illatum lecto in æde Divi Stephani præparato, quod doloris castrum appellant, tum inferiæ per Antistitem celebratæ. Laudatus est inter solemnia pro suggestu a Petro Domitrovitio loci ejus Episcopo, ea eloquentiæ facundia virique laude, quam & Suada ei instillaverat melleam, & quam merita tanti Principis exposcebant; omnium enim majorum suorum Thomam Cardinalem sequentium, hic Thomas major fuit. Inter alia maxime spectandum erat lectus fastigiatus in altitudinem prope concamerationis Templi, luminibus vi treis miro modo colorumque varietatibus distinctis. Sed miseracionem & ploratus omnibus eliciebat, silentium vastum, conluentes facies, populus, templum paulo ante igne absumptum, & quoquo versum aspiceres atrata, parietes funebralibus emblematis singulare artificio tecti; sed quæ cuncta superabat popularitas illa, & clementia boni Principis, tacitis animis desiderata. Subiere post feretrum Viri illustres, delatumque in sepulchrum clangentibus mortuali lesso tubis; tum trecenti illi, quos diximus, hastati, quisque suam, quam gerebat hastam, in murum perfringentes, fragilem humanæ vitæ pompam declarantes, funeris celebritatem omnem conclusere.

Annus, qui fuit a partu Virginis 1595, universam imprimis Sclavoniam, cæterasque Provincias, quas proxime bello exposuerat, quietissimas habuit, nulla tamen spe futuræ pacis: quandoquidem diuturnitate bellorum fessi Principes, quum haud dubie attritæ omnium vires facile reparari non possent, veluti consensu quodam arma posuerant, quæ mox infensoribus animis resumerent; adeo acerba inter se odia victi victoresque exercebant, ut veteres controversias, quibus novas etiam belli causas in tanta varietate casuum addiderant, finituri minime viderentur, nisi alterutris nihil reliquum fortuna faceret, vel utrique per mutuas clades, ad internacionem bellando conciderent. Itaque anno insequenti, quo Joannem Drascovitium Erdödio in officium successisse diximus, non parvi in Croatia motus sub Georgio

Lencovitio earum partium Præfecto, exciri cœpere. Nutu siquidem ac voluntate ejus 50 Dalmatæ, cum 500 Segniensibus nocturna usi fraude, altas Clissiæ montis crepidines, cui arx imposta fuerat, scandunt, in arcem per occultum muri hiatum, qua purgamenta arcis egerebantur, penetrant, obvios trucidant, captamque arcem ingenti lætitia perfusi, tormentorum fragore & boatu significant. Lencovitus tricenariam cohortem administrato sufficienti commeatu eo subito mittit, arci præsidio futuram. Nec Segnienses potitæ arcis gloria contenti, sed fugientes Oppidanos Turcas insecuri, captivorum cum opima victoria trecentorum numero Segniam deductorum prædam sub hasta vendunt.

Ibraimus loci antea Præfetus, qui Clissiæ amissæ solus culpam sustinebat, ob direptam ditissimam suppellectilem ira frendens, vitæque perdendæ metu, Apardem Bosnæ Præfectum ingentibus onerat precibus ac promissis, ne saluti suæ in extremum deductæ discrimen auxilio defit. Sed Turcæ gravissimorum potius incommodorum perpetuis futuris temporibus, terra marique inferendorum periculo moti, quam precibus ejus, justum cogunt exercitum, Clissiamque obsidione repetunt; sed & Lencovitus cum quatuor lectissimorum millibus suis, præsto adest. Ubi in mutuum venere conspectum, suos quisque cohortatus in certamen rait; configitur strenue, pugnatur acerrime & alternante fortuna melioribus invida successibus Lencovitus vincit, vinciturque. Tum saluti suæ consulens, arcem cum suis petit, ubi biduo moratus, suos in fide & constantia firmans, illa excedit, ne absumptis eduliis obfessi inedia laborent; numerus eorum, qui cum Lencovitio exiere, ad DC milites constituit, cumque haud procul ab arce silenti agmine irent, Turcæ in utrumque latus progradientum ingenti sublato clamore irruerunt, pugnaque magnis utrinque viribus inita est. Verum nostris numero longe inferioribus prævaluere hostes, ac geminata parta victoria nostros in effusam fugam vertere: ita ut carentibus multis & Joanne Dominnio Episcopo Segniensi cum aliquot Sacrificulis, quos Glagolias vocant, item Andrea & Joanne Bassaniis fratribus una interfectis, plures tamen vivi caperentur: inter quos Georgius Paradisius, Præfetus Segniæ Weichardus Auspergus Andreæ ex fratre nepos, Joannes Mardax, Gabriel Crisanitius, ac aliquot Centuriones Segniani. Lencovitus accepto vulnere, cum tribus fugæ sociis ab Michaële Radecio viarum perito, e mediis hostibus elapsus, post varios ac multiplices errores Segniam pervenit. Clecovitio ætate ac laboribus confecto equus suffoditur, ac ipse, cum fugere non posset, sub rupe quadam cava velut antro eam noctem se occultavit, ac haud procul castris Turcicis itinere facto altera nocte Suturiam,

ciam, ac deinde Segniam veniens, Lencovitio se conjunxit. Magna etiam nostrorum pars trepidi, & consilii inopes, in arcem unde exiverant, refugere. Ferunt Episcopum Domnionem, cum nostros in fugam versos animadvertisset, precata peccatorum venia benedictionem pro Christi fide pugnantibus elargitum, cui cum attentius insisteret, ab hostibus deprehensus interficitur.

In hunc modum variis casibus alternante fortuna, sub Clissiæ mœnibus satis improspero eventu, pugnatum est, ita ut utroque in certamine, tam in diripendis castris, quam in reditu nocturno, viri fortes ex nostris supra trecentos desiderati sint. Cæteri incolumes, sed variis erroribus acti ad suas stationes redierunt. Nec Turcis incruenta cessit victoria; quandoquidem mille circiter eorum occubuisse feruntur; & Ibrahimus sclopeto trajectus, ex vulnere mortem obiit, plurimique ex præcipuis partim in acie cæsi, partim domi vitam finivernunt. Lencovitus Segnia per idoneos nuntios confestim Christianos bono animo esse jussit, neve desperati arcem hosti traderent, admonuit, seque intra octiduum redintegratis viribus, adducto secum commeatu, & recentiori milite reversurum pollicitus est, daturumque operam, ut vel invitatis hostibus arci supprias ferat, & frumentariis etiam angustiis quam celerrime occurrat: jamque convenisse circiter mille milites ex Dalmatis voluntarios, qui iterum Clissiam repetere, & secum una prælia fortunam cum hostibus experiri velint. Mauritius & obseSSI, se octiduum expectaturos responderunt, sic tamen, ut Lencovitium magnopere petitum vellent, ut promissi memor, maturam intra hoc tempus opem ferre non differret; cæterum se veniam postulare, si ipsi duræ necessitatis telo adacti spe celerius sibi consulere cogerentur. Verum Turcæ missa in arcem Paradiso nocturna in pugna capto, omnibus qui in arce erant, liberum abitum cum armis, & sarcinis, si arcem reddant, ultro offerebant: tum vero etiam omnes illos, qui utroque in certamine capti erant, sese sine pretio dimissuros jurejurando pollicebantur. Paradisius multis verbis socios, qui in arce erant, cohortari, ut suæ & sociorum saluti quam optime consultum vellent, ac conditiones a Turcis propositas haud cunctanter admitterent; satius & præstabilius esse, cedendo adversæ fortunæ, sese ad meliora reservare, quam neglecta propria salute, arcem pertinacius tueri, quam mox inedia & siti rerumque necessiarum inopia coactis, ad arbitrium crudelissimi hostis, nec postea cuiquam parsuri dedere oporteat. Quibus & aliis talibus verbis Paradisius ultro citroque commeando perfecit, ut utrinque de conditionibus subscribendis transfigeretur ac literæ mutuo conficerentur, quibus confectis, captivi a Turcis dimittuntur; ipse Paradisius, Auspergus, Crisanitius, & alii com-

complures. Sed Jacominius, Peczius, ac Mardax, quod essent deco-
ra forma adolescentes, contra pacta occultati retentique fuerunt: ju-
rantibus quamquam falso Turcis, illos nocturna in acie cæsos occu-
buisse. Obsessis etiam militibus fere quingentis fides ab hostibus ser-
vata est, & cum rebus omnibus dimissi domum redierunt. Atque hic
fuit infastæ hujus Clissianæ expeditionis exitus, in qua profecto for-
tunæ potius inconstantiam, quæ & dolis & virtuti nostrorum ma-
ligne defuisse visa est, incusare licet; quam Dalmatarum, qui facinus
incoptaverant, fidem ac industriam desiderare.

frande
Turcis
deditur.

Paucos demum post dies Sigismundus Herbersteinus, qui crite-
riores Illyrici partes & limites tuebatur, exercitu coacto ignominiam
clademque Clissiæ acceptam rependere hostibus conatus, ad recupe-
randam Costaniciam vires animumque adjecit. Venere ad eum mille
e Styria equites, quos Fridericus Schaffenbergius ductabat, ex Carin-
thia ac Garnis equestres pedestresque copiæ, quas Deselanas vocant,
& Joannes Drascovitus, cui nobilitas earum regionum jussu Cæfaris,
tanquam Bano, & veteri vocabulo nostrate utamur, parere jussa erat,
eis sese cum tribus circiter millibus, utriusque ordinis militibus, con-
junxit. Itum est primo Petriniam, ibique Lencovitus Carlostdianos
suos, qui Clissiano bello superuerant, in castra misit, Duce Christo-
phoro Obruciano equitum Præfecto. Adfuere etiam nuncii Thra-
cum cum literis a Radostano Archipresbytero, ac Rajaco Vaivoda,
Voino, & Sincone Cnesis, Emanuele Jusbasa, Bogdano Harambassa,
Novakaga, Dracula, Odabassa, aliisque omnibus, qui a Colapi ad
Adriaticum litus usque sedes habent, communi nomine scriptis (eas
autem ut quam secretissimæ haberentur, petebant) quibus si ipsis
vacuæ arces cum agris & fundis desertis, quæ inter Colapim & Val-
danum (sic antiquitus flumini Hunnæ nomen fuisse ferunt,) circiter
LXX habitandæ concederentur, se arma adversus Turcas
sumptuos pollicebantur. Sive tamen hostium metu, & quod rebus
infectis redditum fuerit, sive insita ejus generis hominibus inconstantia,
sive ob alias causas promissis minime stetere, tametsi Duces nunciis pe-
cunia donatis, vota eorum rata fore respondissent.

Primis castris e Petrinia promotis, ad Vallem Vinodoliam, qua
Mosenicius rivus præterfluit, ventum est, secundis ad eam planitem,
quæ planitia nominatur, amniculo Velesnove irriguam; indeque len-
tis agminibus diem octavum Iduum Julii, cum impedimentis, & carris,
ac tormentis in Costanicæ conspectum ductus exercitus. Turcae pe-
dites Thracibus permixti viis nostris, priusquam Tabernacula exten-
derentur, ac tormentis collocandis idoneus locus quæreretur, cymbis
& naviculis transjecerunt flumen, ac ad Dedum montem, qui Arci
Iuper-

Costan-
cia a no-
stris ob-
detur.

supereminet, delati eos, qui primi e nostris procurrerant, sclopetorum glandibus petere cœperunt; sed mox aliis atque aliis auxilio supervenientibus, uno aut altero ex illis trucidato, cymbarum beneficio, superato flumine in Arcem redierunt. Paulo post meridiem tormenta promota, & duobus in locis collocata sunt, tria quidem in edito De- di montis supercilio, unde arx commode peti poterat, duo autem in ejus radicibus circa Hunnam fluvium, qui Arcem in Insula sitam circumfluit: quibus arx bipartito verberari copta est. Apardis Bosnæ Præfectus, qui Banialucæ fragorem tormentorum facile exaudire poterat, missis equitibus obcessos, ut Arcem fortiter servarent, admonuit, seque die sequenti subsidio venturum promisit. Nec dictis fides defuit; eodem enim tempore, quo venturus expectabatur, ipse equo insiliens, cum ducentis peditibus sclopetariis, per ultcriorem fluminis ripam, versus arcem per notos tramites perrexit, nostris qui editioribus locis per montes passim tentoria sua tetenderant, eum eminus conspicientibus, ita ut eorum numerus facile iniri possit. Sed tamen quum aliquot Turcæ nostris aquationi intentis insidiantes, ad flumen capti essent, impudenti ore illum octingentos secum Janiceros adduxisse falso referebant: adeo illi suorum numerum pejerando, atque mentiendo supra veri fidem augere consueverunt, quoniam neque plures eo tempore auxiliares mitti poterant; eo quod ex Bosnæ præsidii magnæ militum manus in Pannoniam, defendendæ Budæ causa, translatæ esse dicerentur.

Cum in hunc modum bidui spatio arx tormentis petita verberaretur, sed quia, interfluente Hunna, irritus omnis esset labor, Herbersteinus habitu cum suis consilio, navibus quas in hunc usum secum plaustris attulerat, & tabulatis, flumen ponte insternere constituit. Sed indigenis viarumque peritis, posse vado trajici referentibus paruit, moxque tubis & tympanis exercitui signum trajiciendi dedit: primique Joannes Voycovicus & Christophorus Mernavicius equitum Præfetti, cum suis turmis in ulteriorem ripam evaserunt. Eorum exemplo cæteri equites eodem vado certatim transire cœperunt, & qui robustiores habebant equos, singulos pedites sclopetarios eorum clini- bus impositos transvexere, ita ut totus fere exercitus summa celeritate, diversis qua quisque potuit repertis vadis, fluvium superaret, & peditatus major pars, sclopetos & sulphurei pulveris lagenulas, ne madefactæ nulli usui essent, supra capita tolleret, nec extantibus e flumine pectoribus pone sequeretur. Apardis conspecto nostrorum transitu, haud dubio perculsus metu, relieto in arce ordinario præsidio, cum iis, quos pridie adduxerat peditibus, ac Thracum manu, quæ e Dubicia tumultuarie confluxerat, obviam nostris venit, ita ut equites haud

haud plures ducentis præcederent, & iis quatuor vexilla equestria præferrentur, peditesque rari & sparsim, laxiori spatio in ordinem redacti, quo major eorum numerus appareret, sequerentur. Sed vix primum nostrorum impetum sustinuere, quin statim terga verterent, & equites ab actis signis in præruptos montes & præcipitia rupium, vix feris aut capris pervia, fugam darent: pedites vero urgentibus terga nostris, ignari quam capessent viam, pari terrore, sed dupli viarum divisorio fœde profugerent. Pars enim eo arduo & difficiili ascensu, qua equites iverant, vitato, in proximas sylvas multa silice proceraque & fruticibus densissimas sese proripuit; pars notis tramitibus, versus arcem, ac quo cuique licuit palantes & dispersi saluti consuluere, sicque facile evenit, ut etiam nostri in tot agmina divisi fugientibus insisterent. In eo fugæ tumultu multi ex hostium numero, sed etiam aliquot ex nostris equites cecidere, ab hostium peditibus subter frontes & proceriores stirpes latentibus circumventi, inter quos Joannes Cloubucius, & Ladislaus Bucovackius junior fuere, Caspar etiam Crisanicus Gabrielis nuper Cliffiæ capti, & mox ex pacto dimissi frater, egregiæ virtutis peditum Centurio. Reditum deinde sub noctem ad ulteriore fluminis ripam, ubi Oppidum situm est, quod sine mora direptum, sed pauca speque minor præda reperta fuit, quod hostes rebus suis tempestive asportandis prospexit, moxque igne subiecto concrematum. Diluculo facta nostri pontem extruere cœperunt, eodemque die maturato labore ad ulteriore ripam perduxerunt; eo animo, ut arx tormentis transvectis ac propius admotis expugnaretur. Nec coeptis optatus exitus defuisset, si Duces stabili proposito constantiæ decus retinendum duxissent, verum cum incertis & dubiæ fidei auctoribus Achomatem Eunuchum cognomento Aphisem cum ingentibus copiis Costanicæ opem laturum adventare, jamque ad Suiarium Savi fluminis transitum pervenisse didicissent (quamquam is needum Belgradum attigerat) reductis copiis & rescisso plaustrisque imposito ponte, infectis rebus, eodem quo venerant itinere, reversi sunt.

Sed ubi nostri in Turcas detonare cessant, tum eorum adversus nostros validissima turbulentissimaque glomeratur tempestas. Nubes enim illa, quæ in jugis montium Bosnæ a longo tempore consedisse circumferebatur, ubi maturuit, in fines nostros omnem effudit bellum procellam, quæ sane vel eo majori terrore, ac veluti infausto quodam prodigio nobis fuit, quia plus minus centum milibus armatorum, Duce Achomate Viserio, ac ejusdem Eunicho Szerdar Bassa, instar alicujus turgidæ tempestatis agitabatur. Et vero Hassan Bassam, qui superioribus annis Sisciam olim Romano-

Ab obſi-
dione Co-
ſtaniciæ
ceſſatur,

rum Coloniam, nunc vero ubi Colapis fluvius Savum influit, Capituli Zagrabiensis singulare propugnaculum, sua quam accepit memorabili clade & interitu, clariorem reddiderat, redditum sibi veteres Bosnæ milites credidere, ubi Szerdary ingenii vigorem, vultus truculentiam, oculorum vim intuebantur. Nam homo statura pusillus, corpore vitiatus, natura signatus, fronte rugis perarata ac annis ob-sitæ anui perquam simillimus fuit: plurimum illi audaciæ ad pericula capessenda, plurimum consilii inter ipsa pericula erat; inhumana præterea in omnes & maxime in Christiana mancipia crudelitas; perfidia plusquam Turcica, nihil veri, nihil sancti, nullius Dei metus, nullum jus jurandum, nulla religio. Cum hac vitiorum indele in Cæsaris Turcarum Gynæceo teneris ab annis enutritus, in militiæ palestra eruditus, belli artibus instructus, Persicis tandem armis exercitus Provinciam hanc est sortitus. Cæterum ex quo fines nostros fulmen illud attigit, nihil prolatandum ratus, ne se cunctantem aliquis casus opprimeret, mox armatam præmittit cohortem, quæ Petriniam olim Bosniensium latronum domicilium, & prædonum tutissimum asylum, nunc vero (superis ita volentibus) unicum reliquarum afficti hujus Regni propugnaculum, primum verbis speciosis, postea diris etiam repeteret minis.

Erat adhuc in ipsa Petrinia Daniel Francol, cuius supra meminimus; artium belli haud ignarus, loci illius summus Capitaneus, cum Georgio Prestocio, quem paulo ante cum centuria una peditem Illyricorum Drascovicius submiserat: hi cum quadringentis circiter partim Germanis, partim nostræ gentis, præsidio sane per exiguo, omnem illius belli ac obsidionis molem strepue animoque forti sustinendam in se assumpserant; quos ubi hostis nec precibus flectere, nec pollicitis corrumpere, nec etiam minis potuisset in suam pertrahere sententiam, acriter viris & armis oppugnandum statuit, jurans per impia Mahometis numina, se illinc nisi victorem abscessurum. Imprimis autem execranda tempestas illa, validissima Janicerorum grandine, in quibus omnem expugnationis spem, haud secus ac in triariis olim, positam habebat, miseram ac infelicem cingit Petriniam, ac ne a nostris lædi posset, profundis transversum fuos qua potest circumfodit vallis, sicque locum plurimis tutum parat sclopetariis, qui mœnia defendantes continuo infestarent; pontem quoque navalem, qui in Colapi ibidem erat, extemplo rescindi jubet, post haec castra locat, custodias, vigiliasque in vadis suspectis, aliisque locis opportunis instruit, militum catervas disponit, acies ordinat, & quacunque nostros obseffis opem laturos rebatur, cautus præcludit; insuper, quod virium, quod roboris habebat,

bebat, summo studio opponit. Omnibus sic ex ordine dispositis, & castris bene communis, aggeres excitat, pluteos & scalas parat, bellica denique firmitat tormenta, cæteraque omnia, quæ non minus ad obsidionem, quam ad expugnationem necessaria fore censemebat, incredibili celeritate præparat. Sublato tandem undique ingenti clamore, ac plusquam barbaro ulutatu classicum canit, tympana pulsat, inflat tubas, arma capeſſere, & dicto celerius effrænata militum examina cæca subire mœnia jubet; atque uno tempore obsidione & oppugnationibus nostros premere cœpit, propugnacula deinde bellicis acriter concutit machinis, mœnia denudat, propugnacula sclopetis, sagittis, & densissimo telorum imbre obruit; quin etiam ignem qua potest adjicit, qui ubi lignea comprehendebat opera, mox a nostris partim extinguitur, partim rescinditur, ac quod jam hosti patebat, terra velociter obstruitur; ille nihi lominus furiis agitatus certatim nostros oppugnare non desistit; instat pertinaciter, & nunc receptui, ut reintegratis ac resumptis viribus validiores faciat impressiones, nunc classicum canit in omnem occasionem intentus; fessis recentes, fauciis integros submittit; ignavos ac desidiosos acrius increpat ac urget, cæteris ut pertinacius oppugnant, animum simul & calcar addit; his amplissima si vicerint, pollicetur præmia, illis e contra atrocissima ferox minatur suppicia, ignaviæ & pusillanimitatis condigna stipendia.

Nostri, ubi vident se jam a circumfusa multitudine, dura non solum obsidione, sed etiam oppugnatione premi, divinis freti præfidiis, hostium conatibus resistunt graviter, artes artibus elidunt prudenter, subeuntes repellunt, ascendere enitentes deturbant, telorum grandine hostium agmina prosternunt, stragem, cædemque maximam faciunt. Non paucos etiam hastis præpilatis, sudibusque præustis, saxis ac densatis missilibus incessunt; præterea ut crebras & vix jam tolerandas impressiones impedirent, cupas quam plurimas pulvere tormentario, sevo, pice, scandalisque compleant, ac ardentes in confertissimos hostes subinde provolvunt. Pugnatur uno tempore omnibus in locis, atque omnia etiam extrema tentantur; quæ minima visa pars est firma, huc concurritur, & quamvis nostri tantæ molis defensione distinerentur, nec facile pluribus pauci ubique occurrerent: omnia tamen fortissimo sustinentes animo, ita pertinaciter resistebant, ut non prius, quo quisque constitisset, discederet loco, quam aut graviter vulneraretur, aut occideretur. Omnia siquidem, & præcipue qui capita eorum erant, una & constans vox hæc erat: „Eja boni socii! masculo pectore nunc est „opus, quando extremam fati nostri videmus imminentem horam, &

Nostro-
rum ad in-
vicem ex-
hortatio.

ideo antequam aut turpiter occumbamus, aut certe in immanissi-
mam abducatur servitutem, pugnemus fortiter imprimis pro fi-
de Christiana, pro Religione Catholica, pro aris, pro focis, pro
conjugibus, liberis, charissimisque pignoribus, pro salute deni-
que, atque conservatione Patriæ dulcissimæ; nam nulla jam su-
perest nobis futura via, præter dextras & virtutem; vici nullam
speremus salutem. „ His dictis adeo omnium animi sunt accensi
ac præsertim Francoli, qui frænatis antea equis, de fuga ac de-
ditione cogitaverat, nisi a Prestocio acrioribus castigatus verbis re-
tentus fuisset) & ad subeunda quæque pericula confirmati, vt qui
non prius honeste mortem oppeteret, quam vel fese dedere, aut
Patriam prodere mallet, fuerit nemo.

Vix jam tunc sensit hostis, Germanorum constantiam in hoc
uno exigui roboris præsidio, ac Croatarum fidelitatem. Interea
vero dum hæc circa Petriniam geruntur, Joannes Drascovicius
Regni hujus Banus, coactis suis copiis, & excitis Regni, ac con-
finiorum gentibus eorumque Magnatibus, apud Sisciam castra me-
tabatur. Postquam autem Georgius Lencovitus Croatiae, & Si-
gismundus Herbersteinus Sclavoniæ limitum Præfecti, in castra ad
Banum confluxissent, mox excubias in locis opportunis, ubique
summa cum diligentia disponunt, & pontem in Odra fluvio celerri-
me parari jubent.

**Draſco-
vitus Ba-
nus Petri-
niæ subfi-
dio venit.**

Quinquaginta etiam equites Petriniam versus, ut quid ibi rerum ageretur, fideliter explorarent, statim ablegant; qui cum paululum a Drencina fortalito memorati Capituli Zagra-
biensis, progressi fuissent, illico incauti in latentes hostium insidias

incident, uno duntaxat socio illuc amissi, cæteri hinc inde disper-
si, palantes vix fuga in tutum ad suos rediere. Ille miser ubi apud
Achomatem captivus fistitur, tormentis excruciatu, capite tandem
plectitur: parcebatur enim impius ille carnifex nemini, sed quoscun-
que captivos habere poterat, statim crudelissime enecabat, afferens
Mahometanæ Religionis, ac pervetustæ consuetudinis Turcarum
esse, ut dum eorum Cæsar foris bellum ageret, nemini parcí, ne-
que etiam fidem servari debere. Cumque jam diem dies truderet,
frustraque obfessi nostra se expectare auxilia cernerent, de exitu sua-
rum fortunarum consultare sunt coacti. Nam præterquam quod
ab hoste premerentur vehementer, ob penuriam aquæ, siti etiam
intolerabili conficiebantur, quamvis aqua pluviae beneficio aliquan-
tulum fuerint alleviati. Variis vltro citroque dictis sententiis, placuit
omnibus, ut duos e medio sui ad nostros submitterent; quibus
dant in mandatis, ut si salvi Deo duce ad nostros pervenerint, ad-
amassim illos, cum de eorum & Petriñæ, tum etiam de hostium statu,

ac conatibus edoceant ; simulque ni amissam velint Petriniam , & socios perditos , cita implorent auxilia ; horum alter ab hostibus fatto suo est interceptus , ac gravi suppicio interfactus , alter autem comite fortuna , incolumis nostra evasit in castra . Hic data sibi facultate & copia loquendi , quos in ipsa obsidione reliquerat socios , non solum vehementissime oppugnari , & maxima vi premi , verum etiam extrema siti perimi ; rem summo esse in periculo , nec jam vires sufficere , nec ferre defensionis laborem ulterius posse , nisi illis tempestive succurratur ; & alia multa multis verbis ac rationibus lachrymabundus edisserit .

Divulgato passim per castra tanto Petrinæ & obfessorum pericolo , post quorundam cunctationem magnum imprimis apud illos , Segnities quibus salus Patriæ cordi erat , suboritur murmur & indignatio , nostro- quod neque sociis arctissima obsidione cinctis , & tam ab hostibus , rum . quam ab intensissima siti extreme jam pereuntibus , ulla submittentur subsidia ; & quod neque Petrinæ , quæ unicum esset non solum Regni hujus , sed etiam vicinarum Provinciarum propugnaculum , imo quasi clypeus & antemurale , succurreretur ; qua amissa , iri etiam cæteras Regni reliquias , adeoque omnem viciniam , nullis unquam recuperandam viribus . Succurrebat præterea memorie quorundam , quam ex parva , dum Petrinia ab hostibus ædificaretur , contempta scintilla , ingens exarserit Patriæ conflagratio : quam perniciosa ex minimo neglecto morbo enata sit pestis : quam ingens ex parva nubecula inundaverit per omhem regionem tempestas , cunctas Regni reliquias devastans . Recenti exemplo esse Sisciam , toties belli machinis fulminatam , concussam , ac propemodum solo adæquatam ; Drencinam dirutam , Bosiaco in cinerem & favillam redactam , Hrastovicam , & Bihitium cæteraque antiquissima Croatiae propugnacula expugnata . Brezth , Hergovichi , Letovanich , Bercussa , Zredichco , & universa Colapis confinia exusta , ac desolata ; Turopoliam portum Savi , & omnem segesticam Insulam , non minus populosissimam quam fertilissimam , Regni horreum penitus vastatam ; superesse jam Zagrabiam Regni caput ; quod insuper prædas animalium pariter & hominum in gravissimam morte du riorem servitutem abegerint , variisque affecerint suppliciis ; Templam profanaverint , Sacraria expoliaverint , Christi & Ecclesiæ ejus sponsæ sacramenta conculcaverint , DEI , sanctorum omnium simulacra comminuerint , toti denique Christianitati sumnum incusserint terrorem . Certo certius præsentissimum , ni illa tempestas procul a finibus , imo a cervicibus nostris pellatur , imminere & Patriæ , & cæteris vicinis provinciis periculum , ac extremum excidium . Ad hæc milites etiam mur-

murmurare, quod more foeminarum in castris otiosi delitescerent, ac viribus indies mollescerent, quod commeatum frustra consumarent, quod sua cunctatione hosti animum adderent, quod socios denique ac Patriam proderent; ducerent, qui essent belli Duces, aut sequerentur, quo & fortuna & rei necessitas apprime postularet, ipsos pro suis labores & pericula, mortem denique ipsam non detrectaturos.

Pudore tandem potius, quam rationibus, vici consilium ineunt, dictisque suffragiis mox ad Brezt sua illinc transferenda statuunt castra: eo nimirum animo, ut obsecsis expetitam in tempore ferant opem, & hostes illinc propulsent; quæ adeo audacter prope ipsam Petriniam in ipso nempe hostium conspectu ponunt, ut nonnisi Colapis amnis eos dirimeret. Nostris tunc quidem animus erat, suo adventu vi etiam adhibita recentem militem in Petriniam imponere, partim etiam hostem, quo mitius obsecros vexaret, pro virili distrahere ac impedire, sed hoc opus, hic labor erat. Turcæ enim adeo omnes vias armatis obsepiverant catervis, ut jam neque nostris aditus, neque etiam exitus pateret. Contempta etiam paucitate nostrorum (vix enim erant armatorum millia sex) tanto liberius ac pertinacius oppugnationi instabant, quanto minus sibi a nostris timendum existimabant; ideoque illis nunc ignaviam, quia tardi tanquam gravis armaturæ milites, plumbeis pedibus, gradu testudineo incedentes, in militiæ campum venirent; nunc temeritatem, quod pauci multis resistere præsumerent, exprobrant: præteritam quoque cladem Brezensem, illis in memoriam refricabant, ac dira quæque non minus superbe quam imperiose, ni Euro velocius, si salvi esse velint, illinc abscederent, minabantur. Verba quidem hostes nostris dare videbantur, interea tamen ab oppugnatione non cessabant; sed quo citius voti compotes evaderent, dies noctesque stupendos ad evertendam Petriniam agebant cuniculos. Extremum jam hoc oppugnationis erat refugium, ut quod propriis viribus, quantumvis maximis, se expugnare posse diffidebant, id pulveris tormentarii vehementia tentarent. Res profecto jam plena periculi erat, adeoque in extremis, ut nisi DEUS optimus maximus, cuius nutu reguntur omnia, occulta & immensa sua benignitate, suis fidelibus opportune succurrisset, eo ipso, quo cladem hostis accepit, die non tam de Petrinia, quam de nostris etiam castris, ac de omnibus aliis afflitti Regni hujus reliquiis actum fuisset. De Petrinia quidem, quia jam hostis omnes propemodum confecerat cuniculos, de castris vero, quia illa ea ipsa nocte (sicuti postea ex captivis est cognitum) invadenda proposuerat, de Regni autem reliquiis, quia expugnata

Petrinia, & deletis nostris copiis Regni munitis, nonnisi ultimum sequebatur excidii periculum.

At ex tantis periculorum fluctibus, multum adjuvante Colapi, plurimum DEI immortalis super suos fideles vigilantis, & pro illis pugnantis benignitate, qui cum omnibus belli casibus intersit, tum præcipue eis, quibus nihil ratione potuit administrari, erepti sumus; nam dum nostri obsidionem illam ociosi ac oscitantes inspectarent, & neque quicquam obsessis auxili, præter verba speciosa, quæ etiam mox hostes excitato in castris fremitu, ita ut neque audiri, nedum intelligi possent, intercipiebant, dare possent: divino plane sunt moniti oraculo, ut illinc quam primum recederent, ac hostium castra a tergo circumvenirent. Fuit autem in eam rem a Præfecto Scientiæ pons ex mandato Bani, ex ratibus in Colapi sub ipsa arcis moenia, opere quidem tumultuario, attamen assabre pro trajiciendo exercitu factus, hostibus ut puto vix bene cognitus. Antequam tamen eo concederent, in tantis rerum angustiis, quomodo de suis conatibus inclusos certiores reddere possent, ne eos in desperationis baratum suo secessu conjicerent, haud modice discrucibantur. Capto demum ex tempore consilio, dolis & stratagemate hunc in modum hostes circumveniendos statuunt: Martino Segniano peditum Centurioni persuadentes, & hanc obeundam injungunt Provinciam, ut quibuscunque posset artibus, hostes falleret, & studia eorum aperiret; dolus enim an virtus quis in hoste requirat? Hic itaque more Turcarum abrasus, habitu quoque & lingua, quam probe callebat, Turcam se esse simulans, noctu clam in hostium castra commigrat, ex manipulis Janicherorum se unum esse mentitur, cum quibus ut incognitus familiariter conversatur, singula quæque accurate observat, aditus omnes explorat, si qua in arcem ingredi posset omnem tentat viam. Nactus itaque occasionem, nocte intempesta moenia subit, & vigili quis sit, quid fieri velit, quasi per tenuis auræ sibilum insusurrat: quem nostri fune demissò attollunt, ac e densissima hostilium telorum pluvia fraudem advertentium, vix salvum eripiunt. Ex quo cum illi nostrorum studia, ac salutares conatus intellexissent, paululum refocillati, prosperos quosvis fortunæ successus, & felicia quæque læti precabantur.

Confirmatis sic obsessorum animis, actutum nostri solutis castris & præmissis impedimentis aperta luce propositum arripiunt iter, Turcae vero eos aut desperatione fractos abire, aut saltē metu perculfos fugere rati, propere habito tam peditum quam equitum delectu sine mora insequuntur, turpem illis objiciunt fugam, vituperiis afficiunt, minis territant, terga prementes ad pugnam lacessunt. Tandem nostri ubi iam moram in periculo esse cernerent, mox gressum

Nostri Si-
sciām ca-
stra trans-
ferunt.

Insignis
Turca-
rum cæ-
des.

convertunt, invocatoque numine divino, magna vi, majorique impetu in hostes aperto Marte irruunt, terga dare cogunt, fundunt fugantque, ac in Colapim vastis gurgitibus absorbendos impellunt; multi Turcarum ibidem cæsi, pauci ex condicto vivi capti, pars magna flumine absumpta, universim ex hostium numero haud pauciores 3000 interiisse feruntur. Szerdar ubi tam inopinatam ac funestam suorum cladem anxius prospiceret, timore non minimo & ipse correptus, ne similem aut certe majorem cum his, qui adhuc supererant, acciperet stragem; nihil moratus, non solum solvendæ obsidionis, verum etiam turpis fugæ cogiturn inire rationem. Quamobrem inclinata jam die castra solvit, sarcinas colligit, impedimenta Costaniciam versus præmittit, postridie & ipse ea subsecuturus. Verum ne nostri eum fugam adornare animadverterent, cum selectissimis, quas secum detinuerat, tam equitum quam peditum copiis, solito diutius emanet, ac in certas se abdit latebras eo animo, ut si nostri eum insequerentur, manus cum eis conserere posset. Nostri autem parta Deo propitio celebri victoria, & reportato de tam potenti ac superbo hoste haud obscuro triumpho, fugæ ac secessus Szerdarii ignari, ovantes institutum prosequuntur iter. Atque ubi Sisciam, quo fortuna eos evocabat, pervenere, curatis corporibus Colapim trajiciunt, acies quasi cum hoste pugnaturi instituunt: pedites lœvum, equites dextrum cornu tenere jubent, alacresque milites alius alium, ut adderent gradum, memor ad defendendam & conservandam ire patriam, ad ulciscendas tot illatas injurias, ad reportanda denique ampla & opima spolia hortabantur. In procinctu jam tunc erat Szerdar, cum nostri pedites paucis cum equitibus, qui exercitum præire jussi erant, casu primi in eum incidunt, invocatoque divini numinis præsidio pixides explodunt, arma expediunt; stetit ille ad nostrorum clamorem, & tot pixidum tonitrua paulisper attonitus; & undenam illa aut quæ esset improvisa tempestas? quid turbarum? quis armorum strepitus? quæ belli procella? quis furor? aut quæ insania? quæsivit. Et cum omne nostrorum castrorum robur adesse cognovisset, territus, ac quasi divino fulmine cœlitus ictus fugit impius turpiter. Ejus exemplo Odaverdis cum Bosnenibus, postremo omnes fugam capessunt; ita ut nostri perterritis & fugientibus insistentes, plurimos ex eis obtruncarent, ac aliquot vexillis, ac duobus inusitatib[us] pondereis tormentis, quæ fatiscentibus jumentis ea quæ præcesserant sequi nequivissent, potirentur, q[ui]ibus Ferhati purpurati nomen Arabicis literis insculptum erat, & axibus solidi e ferro compactis vehabantur. Magna etiam pabuli & farinæ salitæque carnis copia haud procul e loco, ubi tentoria Eunuchi fuerant, sepimento inclusa re-

Iterata
Turca-
rum cæ-
des.

perta est; ac aliquot Christianorum capita contis ac perticis infixa; inter quæ etiam infelicis cuiusdam foeminæ, inusitata crudelitate cæsæ, caput passis crinibus spectaculo fuit, quam non nisi propterea obtruncatam illius jussu ferebant, quod interrogata copias nostrorum, uti verum erat, vix octo aut novem millium summam militum constitueret dixerat, evasuramque fuisse cædem, si earum numerum tripli ampliorem vel falso affirmasset; sed ea nostri sublata spectantium oculis confestim humanda curaverunt, geminataque Victoria læti, relictis Petriniæ quæ ab hoste ceperant tormentis, copias incolumes reduxerunt.

Anno insequenti id est 97 supra 1500 Drascovicius Prorex Petriniam opera agricolarum Regni restaurari, ac citra flumen munitio-nem erigi curavit, in qua equitibus idoneæ forent stationes; ac re-peracta simul cum Herbersteinio Sclavonicorum limitum Præfecto, ad oppugnandam Veruciam profectus est. Sed ea oppugnatio adeo lente negligenterque processit, eumque habuit exitum, ut quanquam tribus tormentis mediocris ponderis mœnia quaterentur, arcem ta-men vel pauci qui intus erant Turcæ, iique gregarii ita defenderent, ut nostros deditio[n]em flagitantes, nihil prorsus respondendo con-temmne viderentur. Et Herbersteinius relicta parte exercitus, quæ obsidionem continuaret, ipse Slatinam oppidum ad secundum inde lapidem dissitum depopulatus, igne injecto concremavit, cæsis Turcici nominis incolis omnibus, multisque qui in turrim templi satis altam sese receperant, ibidem fumo, & flamma exanimatis, aut sese inde periculo saltu præcipitantibus. Inde postmodum ad proximas villas, pagos & mapalia ducto exercitu, Thraces, qui magno numero sedes illinc habebant, Turcicum jugum excutere cervicibus cupidos, cum familia & pecoribus ac facultatibus ad propinquos agros Turcarum armis & continuis excursionibus desolatos transtulit, omissaque irritæ obsidionis Verucianæ cura incolumem reduxit exercitum. In hac Slatinæ depopulatione eximia prorsus Joannis Rattcay enituit in pugnando virtus, in parcendo clementia; quam enim acriter obstinatos præalta turri receptos, ad deditio[n]em ferro flammisque urgebat, tam pie humanæ conditionis memor sese sub-
jacentes, ac opem ejus implorantes vitæ servabat.

Anno saeculari sexcentesimo a partu Virginis supra millesimum, dum ab Ibraimo Canisa ob sideretur, ac Mercurianus Cæsaris Archistrategus Georgium Comitem Zrinium, Nadasdium, Herbersteinium cum Sclavonicis, Banum cum Nobilitate ac Carlostadianos in castra recepisset; dupli declarata Prorex Drascovitus virtute clarus eva-sit. Nam cum Tartari in eam castrorum partem, quam ille cum

suis tutandam suscepserat, acerrimo impetu irruerunt, adeo praesenti animo eorum repressit audaciam, ut quam plurimis suis desideratis a simili postea abstinuerint conatu. Tum demum ubi commeatus penuria exercitus laborare coepit, ob eamque causam Duces regredierentur, ac tormenta cæteraque castrensis suppellestilis impedimenta, super cœnosa palustriaque loca, summo labore deveherentur; mirificum Sultii Comitis Banique Drascovicii studium ac diligentia in transvehendis oneribus, viarum ac pontium reparazione, incitandisque ad opus militibus enituit.

Tartarorum de
populatio Circumagente se anno tertio supra sæcularem sævissima denuo Tartarorum tempestas rapidissimum populationis effudit imbre; ascitis enim in societatem Turcis, ita ut sedecim millium numerum universim constituerent, in Illyricum progressi, quod Jacobum Grasbanium inter Veruciam & Bresoviciam cum quadringentis militibus Capronciæ præsidiariis forte obviam habuissent, qui adventus eorum ignari, excurrere in hosticum volebant, fusis & fugatis nostris, captoque Grasbanio, omnem eum tractum, qui secundum Dravi dextram seu citeriorem ripam, a Caproncia usque ad Varasdinum & Viniciam lata & plana protenditur, hinc inde discurrendo & carptim urendo crudeliter depopulati sunt, tanta celeritate, ut a Comarnicia amne, ubi pernoctarunt, ad usque Vinicenses campos, quod iter expedito equiti vix uno die superabile est, trium horarum spatio longe lateque percurrenterent. Aberat Herbersteinus limitis illius Præfectus, sed Joannis Drascovicii Provinciae Præfeti, quem Banum vocant, studio atque vigilantia, qui se cum copiis Varasdinum receperat, effectum est, ut & suburbia ejus loci ab eorum immanitate salva retenta sint, nec multum captivorum aut pecoris abductum. Illicoque qui ex hostibus Crisium versus populatum præcurrerant, a subjectis Herbersteinio Præsidiariis ac Nobilitate, quæ in suam defensionem arma sumpserat, aliquot locis non sine clade cohibiti fuere. Georgium Keglevitium cum Balthasare Wragovicio fusum, in Castellum Custarcium sese a fuga recipere coegerant, illudque aggressi diu oppugnaron; verum quod latiore fossa aquarum plena munitum esset, & inclusi se sclopetis crassioribus tuerentur, incepto destitere. Demum altero die Ludbregum redeuntes, ubi socios & Turcas in castris reliquerant, & expugnata ex itinere Rasinia, onusti spoliis 1500 circiter captivis abductis, paucis suorum amissis, eo quo venerant itinere, Sieghetum & quinque Ecclesias reversi sunt.

Hac tempestate adeo afflictus Sclavonicarum rerum status erat, ut bene opulentum paulo ante ex frequentioribus ab hoste relatis victoriis Regnum, comutata fortuna, jam incendiis populationibusque ea

ea Regni Provincia deformata, miseram præberet faciem. Respiravit tamen aliquantum repensa Turcis vice, dum Sigismundus Trautmansdorffius, Herbersteinii successor, ditionem Posegam Turcis parentem vastavit; & passim ubique circumlato tetrore in oppida & pagos ac arces hostiles igne ferroque sœviit, frumentumque hostium in horrea & acervos congestum concremavit, pecoraque magno numero abacta, militibus divisit; præterea Castella duo ad Dravum flumen infra Babociam ad Tamassium pagum sita, quæ ponte ibi constructo, ac comitantibus ex Illyrico in Pannoniam Turcis præsidio ad transitum erant, cum Nicolao Zrinio Georgii nuper fato functi filio (is adolescentis tunc primum arma adversus hostes induit, equumque consendit, ut Tyrocinium militiæ faceret) per vim capta evertit & succedit, incolumemque reduxit exercitum.

Quiescente paululum aperto Marte in Illyrico, civilia suscitavit Bochcajus bella in Pannonia, quæ adeo quidem lento ac occulto procedere principio videbantur, ut nunquam ex tam exigua scintilla, tam ingens ac formidabile conflagrandæ Patriæ incendium metuere Bochcaja. quisquam potuisset; donec in apertum discriben re deducta, universis Haidonibus, Nobilitate ac præcipuis sensim Proceribus ei adhærentibus, omnem prope Hungariam ejus se potestati subjecisse, finesque Imperii Ormosdino incenso Dravum jam sibi statuisse non fuit animadversum. Nemethius Bochcaji legatus, Ormosdinorum subjugatorum incendio, veluti qui vicini essent exemplo, ad Joannem Drascovicium Illyrici Præfectum, quem Banum vocant, ac alios Proceres, missis ad eorum nonnullos ipsius Bochcaji literis ejusdem sententiæ, multis verbis & sermone hortari coepit, ne resurgentem ipsorum studio & opera Hungariæ gentis libertatem negligenterent, sed omni, qua possent, ope juarent, conjunctisque viribus & animis Germanorum jugum excutiendum susciperent; se brevi propius venturum, imperata facientibus amicum, detredantibus vero acerrimum hostem futurum. Ad ea nihil responsum est, sed convocato concilio Drascovicius, quidnam faciendum salva Cæsaris gratia foret, decernendum proposuit. Variabant Procerum suffragia, partim magna summa pecuniæ tribuenda avertendum Nemethium existimantium; partim Illieshasium, qui magna jam apud Bochcajum gratia pollebat, petendum, ut author esse vellet revocandi a proposito invadendæ Sclavoniae Nemethii. Sed cum potiori parti neutrum placuisset, ne ille accepta pecunia nequam tamen delinitus instructior ad nocendum redderetur; ab hoc vero homine suspicaci & versatili susque deque haberentur, & utraque re Cæsar offendri posset: postremo concordibus animis decretum, ut citerior Dravi ripa, qui eo tempore ob diuturnos æstatis fervores,

Nostri
Possegam
depopu-
lantur.

Fidelitas
Illyrico-
rum erga
Cæsarem.

Draſcovius
Sclauoniam
conſervat

vado plerisque in locis transſiri poterat, a Vinicensi agro usque ad Ludbregum sex plus minus leucis longitudine custodiretur; & caſtra per pagos & villas haud procul inter ſe diſſita eo ordine collocarentur, ut, ſi neceſſitas poſtularet, in muſuum auxilium celeriter concurrere poſſent; atque in hunc modum Draſcovicio präſente & annitente, ab æſtate usque ad Kalendas Decembris ac ingruentem hyemem, viſi-lando & hostium adventum expeſtando in caſtris permanſere, qui ta-men nequaquam ausi venire, alio vires converterant.

Interea ne hostibus ubi vellent, & quicquid cuique liberet, etiam licere poſſet, Sigismundus Trautmansdorffius ſtipendiariiſ militibus in Illyrico präfectus, communicato cum Draſcovitio conſilio eos aggredi ſtatuit. Itaque ad 23 diem Julii Draſcovitus equitatu & dimidia peditum parte ſecum ducta, alteram enim voluit ad Vada cuſtodien-dia relinquere, trajecit, ac quintis caſtris ad ſanctum Gothardum in caſtra Trautmansdorffii pervenit, eodemque die mille quoque pedites a Principe Ferdinandō mercede conduci, eodem appulere. Itum eſt ſequenti die ad Chakaniam Bathianii villam ad Arabonem flumen, non niſi uno miiliari a Keörmendio ſitum, ubi Nemethius cum Tarta-ris & Turcis caſtra habere & noſtrorum adventum ad patrandæ nobiliſ alicujus pugnæ occaſionem expeſtare dicebatur. Eo in loco Bathianus & Zrinus Juvenis cum fuis equitum & peditum copiis exer-citui ſeſe conjunxere, jamque Cæſareani ad decem millia bellatorum numerum excreviſſe ceneſabantur. Postero die inſtruclis ordinibus in agrum Keörmendianum proceſſum eſt, & Mathias Belavicius, qui nu-per ad hostes tranſfugiens arci erat präpoſitus, noſtrorum adventum ſtrepiu tormentorum eis ſignificavit. Erat animus Trautmansdorfio & Draſcovicio nihil prorsus cunctari, ſed protinus hostes, qui in-ter Holloſium & Keörmendium caſtra habebant, ſumma vi adoriri, quod & milites pugnæ deſiderio teneri haud ambigue cernerent, & iſpi eum in finem, ut hoſtem diuturna impunitate inſolentem retude-rent, & ad ſpem universæ victoriæ occaſionem quaererent, domo ve-niſſe meminiſſent. Sed ardenter & obnixe interceſſit Bathianus, ſequ-cum iis, qui paulo ante ex vicinia ad perduelles tranſiſſent, occulta communicaſſe conſilia aſſeruit, qui ſpem ſibi certam dediſſent fore, ut æquis conditionibus pacem faciant, atque ab armis diſcedant: aut ſi id minus velle viſerentur, ſe eodem tempore, quo Cæſareani impe-tum in eos facturi eſſent, acerrimam & pugnacifſimam Turcarum & Tartarorum gentem, conveſis armis invaſurum: conſultius fore bel-lum hunc in modum finire, quam Christianos in muſuum perni ciem pertinacius decertare, cautoque & prudenti Duci quam maxime con-venire, ut citra fuorum ſanguinem & cædem incriuēta victoria po-

tiatur. Differente Bathianio, duo ad eum ab hostibus internunciis venere, Ludovicus Polanius & Alexander Hollosius, qui nomine Thomae Nadasdii referebant, Nemethium & Turcas ac Tartaros postulare obsides, ut securius de induciis faciendis disceptari queat. Itaque datus fuit, contendente Bathyanio, Stephanus Comornicus, isque cum nuntiis ad hostem profectus est. Sed ii metu nostrorum perculsi nec manus conferere audebant, & dolose nuncios missitando, colloquiumque expetendo tempus extrahebant, ut decepto Bathyanio, impedimenta & currus, praedamque trans Arabonem in tutiora loca præmitterent, eaque deinde ipsi, vitata pugnæ alea, uti evenit, fugiendo sequerentur. Quod cum a Ducibus nostris quamquam serius animadversum esset, progredi statim justis passibus exercitum, ac postremo laxis habenis, & subditis calcaribus, equitatum procurrere julerunt: atque adeo extento per patentes campos cursu, cum ad Hiduegum Castellum, quod Podonianum vocatur, pontemque ibidem Araboniæ impositum, perventum esset, jam hostes abducto a Tartaris obside Comornico, effusa fuga in diversas partes dilapsos esse cognovere. Nadasdius, qui cum globo Tartarorum specie tractandæ pacis postremo loco erat relictus, postquam insequentis summa celeritate equitatus pulverem instar fumi crassioris in aera sublatum conspexisset, præcipiti fugæ se commisit, & nec quæsito ponte ab eminentis & præaltae ripæ margine in Arabonem insiliit, & ægre in tutum evasit. Nemethius, cum Simega intercepta non haberet quo confugeret, cum Turcis Sigethum se proripuit, Nadasdius Egerviam, Hagmasius Szentgrotum, Tartari Coppanium repetivere; multi ex Ungaris ad Hungariam con-Camengiam edito in monte sitam arcem profugerunt. Fugatis ultra Arabonem dissipatisque hostibus Keörmendia, Sabaria, Cusegum, & cajum defundunt. quæcunque loca a perduellibus capta erant, in Cæsaris potestatem facili negotio redierunt, Simega quoque arx munita, a Milosso Thraece Centurione Papensi, qui nuper Vasoniam receperat, sub id commitendi prælia tempus istic forte cum suis militibus oberrante, quod cæsos ad internectionem hostes, Nemethium & Turcas Tartarosque fusos & fugatos, ac debellatum esse, multo asseverantius affirmasset iis, qui intus erant, extremo perfusis metu, ac non obscura perfidia agitatis, recuperata & postmodum Bathyanio tradita fuit. His rebus peractis Drascovitus, ne quid detrimenti ab hoste inferri posset, reliquo in castris inter Keörmendiam & Hiduegum Trautmansdorffio, pridie nonas sextiles, cum suis copiis reversus est, ac custodiendis Dravi ripis vadisque, ut coepérat, incumbendum existimavit.

Atque hæc gesta sunt 1606, quo demum post crueltas præliorum congressiones, ac diuturnam in utramque partem disceptionem,

pri-

primum cum Bochcajo, ac deinde Turcis certis interpositis conditio-
nibus fœdus iustum, & pax subsecuta: cuius mentione veterani milites
ducesque adeo offendebantur, quibus in armis & bello jucundum fuit
exerceri, ut audientibus etiam legatis, eos qui pacificationi studi-
sent, diris omnibus devoverent. Quo loco luculentum capere licet do-
cumentum, quam inani nimirum metu tanquam inertes, & congeren-
darum duntaxat opum avidi ii teneantur, qui honestissimum ac salu-
tare belli genus, pro fide, pro patria, rebusque domesticis ampliandis
perhorrescant; unum illud victorum hominum, non vincere assueto-
rum, meticulosum ac inglorium dictum usurpantes: „nulla salus bel-
„lo, pacem te poscimus omnes. „ An non enim hisce disturbiorum
temporibus, quibus per septendecim prope annos continua Martis to-
nabant fulmina, clarissimos triumphos, opima spolia, innumeratasque
hostium mortes, ac captivorum numerum recensere licuit? In solo Il-
lyrico sexaginta amplius millia hostium, nullo notabili facta hostis
comparatione accepto detimento, orco transmissa aussim affirmare.
Quod si fortasse Costanicam, Bihicum, Cliffiam, Canisamque amissa
gravissima patriæ jactura opponas, & nos tibi intra hos eosdem an-
nos Albam, Strigonium, Babociam, Sisciam, Petriniam, Hraszto-
viciam, Goram, recuperata numerabimus; sed & illa eadem Patriæ
propugnacula, non tam vera vi hostium aut armis, quam Germano-
rum Præfectorum, Laboharii, Lambergerii, Paradisiisque non solum
belli, sed etiam pacis tempore, quemadmodum de Costanicia con-
stat, perfidia amissa novimus, quorum alii longis compedium vincu-
lis, ac carcerum maceratione, demum vita ipsa, digno persidiæ sti-
pendio persolvere, alii honore mulctati, infames permandere. Et sa-
ne si vetera quoque memoria repetamus, Joannes Hunniades, Mathias-
que Rex rei militaris peritia, magnitudine animi & felicitate rerum
gestarum, veteranum Imperatorum gloriam non solum æquaverant, sed
& Regnum plurium Provinciarum, vi atque armis domitarum, am-
plitudine locupletaverant; verum Wladislaus ejus successor, discor-
dia atque ambitione Procerum potius quam insigni virtute, a Bo-
hemico ad Pannonicum Imperium evectus, cum singulari Provinciæ
detrimento, & fortissimæ gentis ignominia, saepè pudendam pacem
atque otium necessario bello prætulit. Unde & Proceres Pannoniæ
ac Nobilitas quietem & tranquillitatem nauci, adeo corpora atque
animos laxaverant, ut labante sensim disciplinæ militaris atque reli-
gionis cura, quibus priores Regnum stabiliverant, non aliud quam
suis commodis atque avaritiæ studere, & omnia per otium & igna-
viam transmittere, Regiam autoritatem Magistratumque honores,
non ad publicum decus, sed ad privatum quæstum revocare, deni-
que

que Rempublicam ex bona deterrimam reddidisse viderentur. Atque ita quæ antea invictis majorum armis felicissime stetere, ea etiamnum diuturno otio squallida jacere dolemus; sed utinam surdis fabulam non canamus.

Publicata pace Drascovicius re ubique bene gesta, superatis saepius hostium copiis, restauratis praesidiis, pacata Nobilitate, Patria demum tam a barbarico jugo ac haeretica pravitate, quam intestinis seditionum motibus, ac civilium bellorum fluctibus conservata, summa omnium satisfactione prudentiaeque laude, ac immortali nominis sui memoria apud posteros relicta, quindecim administrato Magistratu annis, tandem Banatu jussu Cæsaris se se abdicat, & ultradanubianarum partium ac limitum Hungariæ Praefecturam, Tavernicorum quoque Magisterium suscipit. Cum enim Consiliarii Bellici titulo gauderet, etiam munere ut fungatur propiusque adsit, voluit Imperator: quibus cum non nisi anno uno ac dimidio præfuisse, invidentibus fatis immatura sublatus morte, Posonii vir clarissimus anno decimo tertio supra sexcentesimum humanis excessit. Illud nullis intermorituris calamis cedrinis inscribendum tabulis, quod, dum usitata consuetudine in diætali tractatu Hungarico, inter Orthodoxos atque Acatholicos, de introducenda in Illyricum religionis libertate ejusque perdit gregis, ut falso vocant, pastoribus admittendis disceptatio mota fuisset, invicti pectoris magnitudine palam protestatus sit, se malle cum universo Regno ab unione Hungaricæ Coronæ separari, quam mortiferam illam animarum pestem, ac funestissimam Reipublicæ labem sub Banatu suo admissam aut concessam videre. O Virum nullis sæculis tacendum, omnibus posteris quam admirandum, tam imitandum! Ferunt eum coloris subrubei ac facie fuisse eminentiore, profundioribus oculorum cavitatibus explicatam tamen sustentasse frontem, & corporis ad obesitatem proclivioris, staturæ tamen justæ ventrem vastiorem habuisse. Prudentiae ac magnanimitatis quam singularis semper fuit, tam festivitatis ac lætitiae, cum tempus permittebat, amans, atque inter lauiores convivii epulas, dum cum amicis solito confidentius ageret, propinato eis haustu, in amoris deinde indicium, eorum genas submorsicare solitus fatur. Tres reliquit natos, sacris & politicis sublimis honoribus, quos si penitus contemplari cupis, tot Pallades e Jovis cerebro prognatas, quot viros numerabis. Denique vir omni ex parte præclarus Posonii ut diximus extensus, ibidem solemni funere in æde Divi Martini tumulatur, his Epitaphio ejus Marmareo incisis versibus:

Spes mea Christus,
Palladis & Martis columen, pietatis avitæ
Vindex, hic virtus Hunnia spesque jacet.
O Drascovicos dent postera secula multos,
Gloria prisca Hunni, Martis & artis erat.

Joanni
 Drasco-
 vicio suc-
 cedit ite-
 rum Tho-
 mas Er-
 dödöius &
 illi Bene-
 dictus
 Thuro-
 cius 1615

Discedente in Pannoniam Drascovicio anno 1611 Thomas Erdödöius denuo Banatum jubente Cæsare susceperebat, quænam vero in eo egerit, dum de eo scriberemus, paulo supra commemoravimus; quocirca Erdödöius, octo iterum functus annis officio, ætate ac laboribus gravatus, tædioque non solutorum stipendiorum affectus, Benedicto Thurocio, Viro militari ac elegantis formæ, illud administrandum resignat anno 1615. Fuerat hic Thurocius secunda fortuna aliquot exercitus præliis, & imprimis dum Hassan Bassa sub Siscio Colapim copioso Turcarum sanguine nobilitasset, is primus trium Centurionum Collegarum, quos habuerat, scilicet Joannem Drascovicium ac Franciscum Orehocium, in lectissimos Turcarum mille fortiter irruit, pugnæque fecit initium; omnium deinceps secutorum bellorum, nulli voluit deesse expeditioni. Sed & in illo Caczarlachiano omnibus sæculis memorando prælio, quo insigne etiam hostile mancipium quatuor aut quinque florenorum pretio veniebat, præclaram impedit operam, illo uno infortunatus casu, quod, dum acerrime cum hostibus gladio dimicasset, a proprio non agnitus servo, sed pro hoste habitus, pugnum dextrum totum, quo gladium peritissime gyrabat, a brachio dissectum amiserit, itaque ab ulteriori pugnæ fervore abesse coactus fuerit. Præfecturam sesqui altero non amplius gessit anno, quo tempore ex officii sui munere aliud egit nihil, quam quod longo intermissa tempore octavalium judicia celebraverit, velociore deinde quam merita ejus postulabant, sublatu fato. Desiderassent certe optimi quique longiori ejus & imperio regi, & benevolentia frui, si superis placuisset; verum ita divina providentia tempora hominum moderante, aliquanto conflictatus morbo, Viniciæ Castello extintus suis prodesse desit anno 1616. relicta vidua Susanna Rattcay Matrona inter Aulicos splendores prisæ pietatis, prolibus item duabus Nicolao & Barbara, quarum ille vernantis juventæ flósculus, in meridie inimica manu decerpitur, omnibus mundi hujus pullis futurus documento. Jacet uterque Viniciæ Divi Marci æde sepultus, eleganti sepulchrali coopertus lapide, hoc Patri Bano inciso memoriae futuro Epigrammate:

Mors
 Thuroci
 Bani 1616

Regnum tutela trium, Banusque potentis
 Illyrii & Patriæ, hic cura salusque jacet,
 Cujus si posset complecti saxeæ moles
 Virtutes, pulcher quam foret iste lapis!

Eodem in delubro quieti repositus jacet Thurocii necessarius, Nicolaus Istvanffius Pannonico ortus genere, sed qui ducta in matrimonium conjugé Elisabetha Bott, Andreæ Bani filia, sedem ac domicilium in Illyrico posuisset. Juvenis Italicarum Academiarum alumnus, Philosophiæ institutis, atque utrisque litteris apprime eruditus, in patriam rediit, in qua primis deinde perfunditus honoribus, gravissimus utriusque Patriæ Senator extitit; quippe qui & bellis præcipuis interfuerit, & Pro-Palatini dignitatem annis plurimis laudabiliter administrarit, & elegantissima Pannonicarum historiarum scriptione, post Mathiæ Regis obitum exorsus, nomen suum inter eruditos celebravit: eo uno infortunatus eventu, quod suorum postremus nomen ac familiam prole mascula nequiverit propagare.

Finis Libri quarti.



M E M O R I A E
R E G U M E T B A N O R U M
D A L M A T I A E, C R O A T I A E, E T S C L A V O N I A E,
G E O R G I I R A T T K A Y,
L I B E R Q U I N T U S.

Quae pluribus hactenus Principibus Banisque Illyrii imperantibus,
 paulo remotiora ab hominum memoria gesta sunt; & quam jam
 prospeli, jam funesti bellorum exitus, ob certamina potentium cladi-
 bus aliis post alias subsecutis evenere, e fide dignis literarum monu-
 mentis eruta, superioribus libris exposita sunt: deinceps certiora qui-
 dem & clariora sequentur, utpote quibus ætas nostra proxima, quo-
 rumque memoria recentior est, nequaquam tamen omnibus partibus
 lætiora. Nam a morte Thurocii sulcepit Magistratum Nicolaus Co-
 mes de Frangepanibus, Vir quidem præscæ severitatis, & cui multa re-
 rum experientia cum insigni conjuncta prudentia, summam inter sui
 temporis Heroes laudem attulisset, nisi ferventiores naturæ impetus
 temperare recusasset. Brevi enim a suscepto munere acerrimas nimis
 controversias, incertis de causis ortas, cum Stephano Patachichio Præ-
 tore Regni, quem nunc Protonotarium vocamus, postea etiam præ-
 sentiæ Regiæ in Judiciis Personalis Locumtenente, animorumque dis-
 fensiones gravi Reipublicæ offensione alere cœpit, quæ non solum
 privatim inter eos pruriebant, verum publicis etiam in Comitiis multis
 verborum aculeis patefactæ in apertam erupere partium scissionem;
 adeo ut ille scribam tantum suum mordaci perstringens voce hunc
 compellaret, sigillumque Banale Judiciarum, quod penes ipsum ex
 officio juxta vetera regni privilegia servabatur, repeteret, omnianque
 suo nomine ac sigillo literalia instrumenta in Futurum expedienda ve-
 taret. Ille contra traducta in partes suas nobilitate privilegioque
 Regni subnixus, Sigillum omnino se restitutum negabat, cum non
 Banali arbitrio, sed Provincialium votis Prætor constitueretur; ipse-
 que Banus privilegiis Regni dictantibus, electo jam Procerum No-
 biliumque calculis, Prætori judiciale sigillum suum publice tradere
 con-

Ferdinan-
dus II.
Rex.

Nicolaus
Comes de
Frang-
panibus
Dalmat.
Croat. &
Scla. Ba-
nus 1616.

consuetus esset. In longas demum protractum tempus absque fructu disceptationes, nullusque jurgiis impositus finis.

Concitata in se Nobilitate graviorem adhuc odii inimicitarumque familiæ Erdödianæ præbuit ansam; Petri siquidem senioris filiam, Annam Mariam vocatam, sponsalitii vinculo sibi copulatam eandem post paulo diuortio repudiavit; qua repulsa Erdödii accepta, ac velut gravi injuria se notatos rati, acerbos deinceps in eundem ferebant animos. Itaque exortis in Pannonia tumultibus Bethlemianis, ac vulgante fama, eam intestinam civilemque seditionem in Sclavoniam penetraturam, absque mora ad Semocium campum Dravum versus, a Frangepano indicta castra, quo cum frequentes ^{Factiones} Proceres, Nobilitasque confluxisset, Nicolaus Drascovicius occupato ^{in Castris} per vim hospitio Ladislai Kerechenii, exprobrataque acerbioribus ^{Semoc-} ^{zianis.} verbis, per fraudem traditæ Turcis Babociæ infidelitate Gregorio Petheoni, scissioni denuo principium fecit. Nam cum hi duo nobiles, tanquam contumelia inpræsentiarum affecti repentundarum a Bano postularent, nec ab eo, quod nobilitatem in se commotam intelligeret, satisfactionis quicquam obtinerent; Erdödios alioquin ei infensos, quosque nobilitatis pars semper potior sequitur, adeunt, querelas reduplicant, scissionem repetunt, palamque se ejus minime obtemperaturos mandatis ingeminant. Itaque re in apertum deducta discrimen, Banus ut tumultuantia tantisper sedaret castra, Varasdinum se recipit, ac Georgium Keglevitum, Virum militarem multisque acceptum, suo præesse nomine voluit, indicata interim per celeres nuncios partium scissione animorumque discordia Cæsari; quibus intellectis Cæsar, maximum Reipublicæ incommodum hanc turbatorum animorum discordiam allaturam ratus, e vestigio Stephanum Sennieyum jam Præpositum, postea Cancellarii munere functum, ad componendos intestinos motus, conciliandumque cum Provincialibus Banum, in castra quantocytus iter maturare jubet; qui quantumvis seriam, quo simultates mutuo ponerentur, atque pax & benevolentia inter eosdem coalesceret, impendisset operam; obstinationioribus tamen animis Provincialium ad concordiam deprehensis, negotio infecto ad Cæsarem revertitur.

Dilapsis hunc in modum castris, durantibus nihilominus Pannonicis tumultibus, quorum Franciscus Bathyanus gravem se fecerat assertorem, Frangepanus in mandatis a Cæsare accipit, ut Grebeniam Bathyanī arcem in media quasi Sclavonia sitam, cum in quilibet Regni Provincia, seu ut nunc vocant, Comitatu ditionem habeat, det & ovi atque armis expugnet: certis enim afferebat rumoribus, Bathyanum capat. Dravivadum occupatum, ac Haidones sensim & sensim trajectu-

ros, ut in arcem recepti in Sclavoniam universam populabundi excurrant, eamque occupandi fine infestis armis divexent. Est ea arx in edito monte sita, per declive quasi descendens, ac coronæ speciem referens ; muris sat firmis, fossis ac profundis undique valibus cincta, expugnatique difficilis. Itaque collectis Regni ac Banalibus stipendiariis eo cum duabus mediocribus colubrinis progreditur Banus, arcemque obsidione cingit : verum cum & locus natura munitus, & septuaginta Præsidiorum virtute, sub Georgio Turcovicio fortiter defenderetur, aliquot jam frustra absumpferant nostri obsidionis dies. Nam præterquam quod colubrinæ nullo opportuno loco ob longius intermediantes valles collocari poterant, ingentia etiam frigora, ac hyemis asperitas milites ad alacrius rem agendam retardabant, ingentibusque proinde rogis excitandis potius miles incumbebat, ac undique ex circumvicinis pagis conquirendo vino, quam oppugnationi insistebat. Nec Bathyanus interea per literas suos ad strenue defendendam arcem hortari desinebat, jam fortes alliciendo præmiis, jam pavidos adfuturis auxiliis animando, jam ignavos suppliciis deterrendo, & pleræque quidem literæ a Bano interceptæ dolum prodebant, aliæ tamen atque aliæ per multos internuncios a Patachichio & Petheone subministratos, in manus obfessorum deveniebant ; sed & horum duorum astu atque livore, tota Varasdinensis civitas cum subjecta nobilium planicie, duodecim millium Turcarum ac decem Hungarorum adventantium terrore consternata, Banum ad tuenda Dravi vada, ni universum Regnum perditum velit, revocabat. Intelligebat Banus ludicra hæc & malevolorum esse figmenta, nihilo tamen minus relicto ad oppugnandam arcem pedittatu, equitatum secum, ac duos peditum manipulos Varasdinum dicit. Ibi fallacias & clandestina inimicorum consilia detegit, Imperium quoque Cæsaris de occupando Grebenio recitat, ac gravi sermone universos ad vanum excutiendum timorem inducit ; affirmans se una cum universo exercitu, si quid periculi ab hostibus metueretur, aut immineret, in urbem inclusurum, & ad extremum usque spiritum cum iisdem perstiturum.

Confirmatis in urbe civibus recta Banus Grebeniam iter intendit, quo ocyus ubi advenisset, a suis didicit, arci murum sat validum ac firmum esse, ideoque diuturniorem in dejiciendo extrahendam moram, pluribusque machinis fore necessarium, verum porta si assultu invadatur, a nulla parte eam tueri quoquomodo hostes posse. Itaque jussis omnibus ad proximum impetum paratis esse, eam aperiendam decernit ; pars igitur Haramiarum, quos pedestres milites vocant, bipennibus, dolabris, cæterisque ferreis instrumentis valvas divellit,

pars

pars colubrinarum, aliorumque sclopetorum bombis terrore admoto, præsidiarios in deditio[n]em compellit. Itaque pactis conditionibus ac incolumente omnium, arcem spondent, quamvis eam, si viri fuissent, facili negotio retinere potuissent, adeo enim valvas concamerationes que portarum bipedalibus roboribus, ac vasis terra cespiteque repletis intercluserant, ut & nostri aforis, & illi a parte interiori, a matutina diei luce, usque ad serum crepusculum impedimenta amovendo desudaverint. Capta in hunc modum arce, quinque tantum nostris amis- sis, eam Frangepanus omnis generis comeatu ac munitione provisam, Præsidiariisque juramento adstrictis, Lupo Pernario administrandam commisit: verum ille non, ut temporis periculique ratio postulabat, arci invigilans, eam singulari negligentia hinc inde divagatus postea deseruit, ac corruptis aliquanto ære custodibus Bathyanii rursum postlimio cessit potestati, pro cujus tamen amissione aliam Frangepanus in Moravia, in stipendii sui Banalis debitum a Ferdinando accepit po- stea. Verum dum imperio adhuc pareret Bani, Joannem Kruffelium, virum quidem multa scientia præditum, sed singularis pervicaciæ, ac vipereæ in Banum loquacitatis, Zagrabiae captum in vincula conji- ciendum misit, insimulatus deinde Kruffelius variarum cum Bethlemio in perniciem Patriæ conspirationum judicio primum, gravi postmo- dum torturæ supplicio subjectus, ac de aliquibus quæ literis ejusdem interfici- probabantur convictus; demum ab Ogniano quodam a Turcis ad nos-tros transfuga, omnibus irrogatis in Banum injuriis vita persolutis interfectus fuit.

Pernatius
Grebe-
niām de-
serit.

Kruffel
tur.

His ita gestis denuo Frangepanus in urbe montis Græcensis Za- ragabiensis Comitia certis id causis exposcentibus indixit, in quibus nihil pro Reipublicæ commodo futurisque periculis præcavendis agi- tatum, sed inveterato in Banum odio, ac jam præsertim ob Kruffelii necem aucto, quod minime instar nobilium legitime citatus, neque juris processu morte damnatus, vitam posuisset, acerbissimis eum proscissum verbis, nobilitateque cum potiori magnatum parte separata, Comitia rumpere coegerunt. Tum vero postea consensis Erdödi equis, ac superimposito quilibet clunibus equi famulo, per forum ac Urbis plateas circumcursando, eumque contumeliosissimis affectum verbis, indigno sane modo plurimis onerarunt injuriis. Quibus ille tandem commotus, ne causa sua Respublica detrimenti quidpiam im- posterum capiat, in publica Soproniensi Diæta anno vigesimo secun- do supra millesimum sexcentesimum celebrata, medio Petri Domitro- vicii Zagabiensis Episcopi Magistratum, quem annis sex tenuerat, re- signavit, atque privatam deinceps ad canos usque dies, septuagenario major duxit vitam; quamvis postea jussu Ferdinandi fructuosam in-

com-

componenda cum Turcis pace ad Comaromium operam impendisset. Anno tandem quadragesimo septimo supra millesimum sexcentesimum, cum Posonium ad Centumviralem a Cæsare indictum diem gravissimus Patriæ Senator advenisset, paucis ibi mensibus commoratus, annis atque laboribus fatiscens, contracta ægritudine, Viennam ad curandam reparandamque valetudinem, effedo a Ferdinando Cæsare mutuato delatus est. Verum invalescente vi morbi, ubi supremam advenire horam sensit, omnibus e ritu Christiano munitus Sacramentis piam Creatori suo reddidit animam; Testamento in Croatia condito, quo Arcem in Moravia, Altichaniam vocatam, a se acquisitam Patribus societatis Zagrabiensibus ea conditione reliquit ac legavit, ut duodecim quot annis adolescentes Illyricæ nationis, quorum pars media a Familia Frangepana commendaretur, stipendio inde penso, literarum studia posterorum gentis hujus bono prosequerentur, atque Seminarium Frangepanicum non morituro nomine appellaretur. Septem quoque supra decem millium summam, partim tumulationi necessariam, partim in pios Eleemosynarum destinatam usus, in Collegio Sacerdotum Zagrabiensi, ab iisdem suo id tempore postulante dividendam reposuit; cætera omni divite suppellestili cum bonis fratri Lupo hæreditatis jure cedente. Viennæ Principum Virorum comitante turma apud Patres Societatis in Ecclesia Domus Professæ depositus eo usque jacuit, donec exanime corpus in Croatiam inde de vedium fuerat: quod postea in æde Divæ Virginis Tersatensi, ubi Majores sui pii ejusdem loci fundatores requiescunt, magna clientum veteranorumque militum frequentia, celebratis exequiis tumulatum est.

Georgius
Comes a
Zrinio
Dalmat.
Croat. &
Sclav. Ba-
nus 1622.

Sub finem Comitiorum anni vigesimi secundi obtinuit Banatus dignitatem Georgius Comes a Žrinio, mundi pullus, Bellonæ filius. Nihil erat, una duntaxat cultiorum literarum peritia excepta, aut militari Heroe, aut Summo Principe dignum, quod in eo desiderasses. Venationes, equestris ludos, militarem exercitationem, armorumque usum, gravia item, maturaque consilia, ac sermones eruditos, suo id exposcente tempore in deliciis habebat; parvis, mediocribus, maximis æque gratus. Præluserat jam tum felicitati futuræ, in campo ut vocant leporum sub Posonio, dum cum Ferdinando Cæsare venaretur, vulpes inventa, quam tam diu nobilissimo vectus equo in orbem circumagebat, donec eam asscutus, hastæ infixam Cæsari præsentaret, Divi Ladislai Regis instar, cuius muscella hastæ insiliens victoriam portendebat. Tum vero leviora exercens prælia, ingens hostium de ipso concepta fuerat opinio, ut sæpius pro mœnibus Canisæ, pecora hominesque abigentem, nullus insequi attentaverit, præsertim cum emancipiis postea fuissent edocti, eum tributariorum rusticorum habitu emen-

Žrinus
Canisæ
ligna ven-
dit.

ementito Canisam ingressum ligna vendidisse, omniaque diligentia madversione perlustrasse, jussisseque currus dominum, ut se servi loco vel minimum peccantis, personæ tunc dignitatem dissimulando repudiandoque, flagris castigare pro arbitrio, ac culpæ demerito haud cunctaretur. Hoc, ut magnorum erat a mulator, Mathiæ Regis Vien næ ova dividentis exemplo fecisse fertur. Ex quo deinde facto haud parum sane Canisiani terroris conceperant, semper ab eo fraudis aliquid metuentes; præsertim ubi nobilem semel abigentem prædam fuissent insecuri, nec immodicas temeritatis suæ dedissent poenas. Ex civerat quippe in prælium Zrinus præsidia Banalia, ac alios Regni Proceres, inter quos Joannem Drascovicium hodie Palatinum, Sigismundum Rattcaium clarum postea Imperialis militiæ exercitus ductorem, Nicolaum & Sigismundum Keglevicium; ac unitis suorum viribus, ad attenuandas Canisienium opes proficiscitur. Verum expectatis diu opportuno insidiis loco hostibus, nec iis prodire audentibus, octies centenis abactis bobus, incolumem reducit exercitum, jamque majori ejus parte trajecto flumine Mura in tuto posita, in unam quasi peditum Centuriam, quæ ne cum flumen superaverat, ac in hostili littore morabatur, repentina fettinatione irruunt hostes, ac nostris aliquot cæsis, cæteros in orbem dimicare cogunt. Animadverso nostrorum periculo Joannes Voicovicius Pocupiani loci Præfector, deposito vestium onere, nudis pedibus, ac uno tectus induso, ut si forte proximum periculo se sentiret, nandi peritus, commodius in flumen sese præcipitaret, gladio solum ac duobus minoribus instructus sclopis, scandit Nazadam, seu ut nostri vocant Saicam; cuius plures animati exemplo eundem sequuntur. Trajecto flumine hastatus in eum involat Turca, quem ille opportune jam sibi imminentem sclopo excipit; delapso ex equo imperfecto hoste, eundem Voicovicius conscendit, ac cum cæteris eum secutis acre cum Turcis contrahit certamen. Stetit a nostris propitio Deo, ac virtute Voicovicii victoria, ac hostibus in fugam conversis, eorum septem supra decem præcisa capita Bano retulit, nostrosque a præsenti morte, vel ab hostibus necandos, vel aquarum gurgitibus absorbendos conservavit.

Non Canisianis solum virtutem suam probatam reliquit Zrinus, sed & Costaniciam versus cum sat valida manu excursionem instituens, septem centurias hostium obvias factas, ea felicitate fudit, ac fugavit, ut primi statim agminis milites præeunte Lupo Mernavicio, Joanne Voicovicio ac Lupo Crisanicio, certamen inirent ac dirimerent, quo in certamine mira omnium enituit virtus. Bipartito enim & acri in hostes invecti impetu, dum obvium habet Voicovicius hasta in se involantem Turcam, ejus eluso ita, eum bre-

Insignis
Voicovi-
cii virtus.

viori trajicit sclopo, dumque extracto acinace cervicem hostis ferit, infelici casu proruens sub eo equus terræ illiditur, cuius Turcæ animadverso casu festini adcurrunt, hastis eum oppressuri. At Crisanicius collega rapidissimi torrentis more, socium jam jam peritum a morte vindicans cum suis irruit, unoque ex eis imperfecto, cæteros dissipat, ac cum Voicovicio jam terra sublevato, longius insequitur. Respectant subinde Turcæ & paucos e nostris insequi animadvertunt; stitere proinde fugam, ac eorum unus veneranda respersus canitie occurrit Crisanicio gladio cum eodem congressurus; & Turca quidem prior perfracta capuli cruce ferrea, levi inficto manui vulnere irritat Crisanicum; viso enim ille cruore, vel modici impatiens sanguinis eo immani Turcam fauciatur istu, ut universam dividens ab occipitio faciem hostem exanimaverit. Mox subsequitur alter juvenili audacia ferociens, ac cuspede gladii pectus Crisanicii perstringit, sed is Martiali jam accensus furore, inaudito impetu, a parte dextra colli in sinistram infra cor descendente gladio, per transversum totum dissecans, tribus secundis victor congressibus, immortalis dignis memoria hostem interemit; cæteros pavore perculfos in ingloriam conjectos fugam cum sociis insecurus. Nec Mernavicius sua caruit laude: is enim parte ab altera, ut diximus, aggressus hostem dubio tantisper decertans Marte, tandem superior evasit, ac interfectis nonnullis, fauciatis pluribus, captivos aliquot singulari sua suorumque virtute, ad socios dicit. Banus in secundo constitutus agmine, dum ad sonitum sclopetariorum pugnam indicantem auxilio adcurrit, jam hostes alios cæsos, alios captos, alios palantes ac dispersos, vulneribusque debilitatos receptui signa dare consperxit. Reditum est cum gloria Petriniam, cui Christophorus Mernavicius Lupi Pater, Regni simul Vice-Banus cum potestate præerat, ibique pro more præda militibus divisa, ac captivi sub hasta venundati. Post paulo iterum sub Jasenocium profectus non minori successu, præeunte ac primo statim aspectu, in hostes obvios cum quinque suis irruente Lupo Erdödio Viro militari, & cuius præclara in Patriam merita, longiorem melioris valetudinis vitam promerebantur, eosdem in effusam fugam convertit, nobilique suos ditavit præsingularis da, pluribus ex Turcarum numero tam fauciatis, quam desideratis.

Lupi Erdödi virtus singularis.

Sed ut plerumque tristia lætis misceri solent, ita his prospere foris auspiciis Zrinianis succendentibus, ingens Zagrabiae acceptum detrimentum. Anno enim vigesimo quarto supra sexcentesimum, secunda Pentecostes feria occidente iam sole, insperato glomerantur nubes, fuscatur cælum, sævis Aeolus universa concutit flatibus, imbreuque velocissimum felici prorsus casu nubibus egerit, tum de-

mum

num scintillantes nubium faces, cælumque altum immugiens, vehe-
 mentissimo impetu evibratum fulmen, tectum Basilicæ Divi Stephani
 Regis adeo potenter ferit, ut perrupto fornice, ac sepulchrali mar-
 moreo lapide in quinque dissidente partes, in incertum quidem sub
 terram abierit, sed occultatis in tecto fulmineis scintillis, sensimque
 trabibus flammam concipientibus, uno tandem impetu undecima
 noctis hora immanis exurgit flamma, grassanteque Vulcano tem-
 plum, arx Episcopalis, turres præcipue in circuitum nobili muro in-
 termixtæ, turris quoque ecclesiæ cum ære campano miserrime con-
 flagrarunt. Cætera etiam vicina loca, ni paulo ante copiose effusa plu-
 via maduissent, infelici incendio absumenda erant; imis deinde mo-
 tis fundamentis, quibus crux ad Hispanicæ similitudinem ferrea, ac
 in summitate deaurata, immanis magnitudinis tecto eminens sustine-
 batur; eadem decidens pondere suo fornicem Sanctuarii perfringens
 vasum aperuit hiatum, per quem deinde tædæ scintillis plenæ sum-
 mitati aræ magnæ invidentes (erat ea Osvaldi Episcopi sumptuosi
 operis, elegantis artificii, ac auri vetusti crassitudine memoria cele-
 bris) eandem in cineres & favillas redegerunt. Apparatus aræ majo-
 ris, qui pro solemnioribus ibidem festis asservabantur, simili affecti
 detimento cum duabus minoribus ac vicinis aris. Nec facile uni-
 versum reputaveris damnum, nec facile reparandum dixisses: Christi-
 ana tamen Regnolarum pietas quam necessaria tam munifica fuit,
 præeunte in Comitiis Zrinio Bano exemplo pio, ac numerante du-
 centos argenteos nummos, quos Thaleros vocant, tantamque ligno-
 rum copiam, quæ fabricæ Ecclesiæ sufficere videretur; cuius cæteri
 pio moti zelo, id auxilii attulere, quod utcunque illatum damnum
 tolerabile redderet. Franciscus deinde Ergelius Wesprimio in Zagra-
 biensem Prælaturam post infelia fata Petri Domitrovicii, cuius me-
 moria in benedictione sit, promotus, eam juvandæ Dei domus cu-
 ram & operam adhibuit, ut reparato fornice, extructa ara magni-
 ficentissima, inchoata sumiuosi operis e quadro polito lapide præalta
 turri, & prisorum amulato, & futurorum impulsor fuerit Episco-
 porum: cui si Deus optimus maximus diuturniorem adhuc vitæ
 usuram concessisset, quanquam amplius ocluagenarius e vivis exce-
 serit, summo Ecclesiæ bono, ac totius Regni fructu, quæ posteroru-
 m Ignavia perfectionem lugent, imposta coronide læti hactenus
 conspexissemus. Quamvis Benedicti Vincovicii Erghelii successoris
 vere magni ac indefessi Apostolicorum vestigiorum seftatoris, sci-
 entiaque Juris utriusque clari, & arcis ædificium ampliantis & templi
 frontem augusto opere nobilitantis laudem silere non debeamus;
 qui divino insuper pectore, in publicis Hungariae Comitiis hæreticæ

Incen-
dium Ec-
clesie S.
Stephani.

Franci-
eus insi-
gnis Ec-
clesie ad-
jutor.

Benedicti
Vincovi-
ci enco-
rum.

obsistens pravitati, ac murum pro domo Dei in regnis nostris sese opponens, ab hæreticis fidei religionisque causa, barba, crinibusque evulsis indigne tractus fuerat; cuius tamen contumeliae eum tulit fructum, ut omnis deinceps Capituli Zagrabiensis Præpositus Mitratus solemnia sacra perageret, ac intra Magnates vocem & locum Diætali tempore obtineret: iis interim, qui in Virum sacrum tunc quidem Præpositum, nefarias injecerant manus, e Regno publicatis bonis, eliminatis. Hæc eo fine dicta fuere, ut & Zrinii Ecclesiæ promotoris memoriam non deponeremus, & quæ intermedio accidere tempore, ordinata serie referre non omittenderemus.

Nondum consopitis Bethlemii tumultibus, Ferdinandus Cæsar Archistrategum suum Wallensteinum in Hungariam cum exercitu proficiisci jussérat. Tum vero aviditate summa hanc Zrinius arripiens occasionem, nequaquam aut privatis dominiis, aut tuendo regno detineri potuit, sed lectissima Illyrici nominis accepta manu ad superiora, trahentibus fatis, bella maturavit. Substituto igitur in Officium Sigismundo Erdödio, cum alias Regni Capitaneum ageret, annuente Ferdinando Cæsare ac Regni Optimatibus profectus est mense Aprili, vigesimo sexto a partu Virginis post millesimum sexcentesimum anno. Nec minus fortia geslit in Pannonia, quam in Illyrico. Accidit inter alia die quadam, ut dum sub Palanka Hungariæ arce, Turcarum nunc ditionis, castra agerent; ac eodem tabernaculo cum Nicolao Forgachio noctis quietem caperent, maneque militarem induiti vestem, ad prælium cum Turcis ineundum sese adaptarent; acinacem, quem ad latus gestare solitus fuerat, evaginans, ac felix sibi victoriæ omen præsagiens: *I'co, inquit, bodie ferro, bone Frater, Turcarum truncabo capita.* Itaque progressi in campum, præcipuum quemque oculis observat, tum fervente pugna, celebrem e cæteris insecutus assecutusque Turcam, spectantibus plurimis, propria decollavit dextera. Allato in conspectum Wallensteinii præciso capite: ita, inquit, hostis Cæsaris persequendus, ita victoria paranda foret. At plura, inquit Wallensteinius, truncata jam ego vidi capita; cui ille, *plura fortasse truncata vidisti, sed non truncasti plura.* Quo accepto, ac aliis subinde, quæ generosiori animo dabat Zrinius, responso velut insolentiori, gravi in eum deinceps Wallensteinius, homo nota ambitione ac crudelitate infamis, commotus stomacho quievit nunquam, donec omnem non effudit bilem. Itaque variis ulciscendi tentatis modis, cum se nihil proficere animadverteret, convivii tempore raphani radicem, quam Zrinius avidius esilitare solebat, veneno tinctam porrigit, edentemque inficit. Eo tabefactus subita correptus ægritudine e castris Posonium devectus, cum nihil Medicorum ope proficeretur,

Insigne
Zrinii fa-
cilius.

vir præstantissimus in ipso ætatis flore, cum vix trigesimum excessisset
ætatis annum, Banatus vero quartum, omnium commiseratione men-
se Decembri extinguitur. Sane Ferdinandum Cæsarem mensæ accu-
bantem, cum obitus ejus nuncium accepisset, cultris manibus de-
lapfis, totoque vultu in mœrorem commutato, indignam tanti viri
necem indicasse, fide dignis accepimus.

Zrinus
veneno
tollitur.

Posonio Chaktorniam delatus honorificentissimo funere, in æde Divæ Helenæ Claustræ Eremitarum Paulinorum, ubi majores sui ja-
cent, tumulatur: in omnibus cæterum dolendus, hoc vno mœrori relicto
solatio, quod filios expectationis maximæ paternæ virtutis ex asse hæ-
redes Nicolaum & Petrum reliquerit, illum Epaminondæ felicitatem
& cuius jam dextera gladiusque Turcico Suecicoque immaduit sanguine,
hunc Ajacis robur assecutum. Sed hic premo manum calamum-
que majora postea conantem, suoque tempori laudanda virtus ser-
vanda. At Georgius supra peritiæ militaris opinionem, multo etiam
splendore liberalis vitæ militariumque Alumnorum copia, cultuque
familiæ, Pannonicorum ac Illyricorum procerum longe clarissimus
habebatur.

Sequitur antepenultimus Proregum Sigismundus Erdödius Thomæ filius, post funera Zriniana a Cæsare Ferdinando II. consti-
tutus, anno reparatæ salutis 1627. Funguntur Cæsaris nomine Com-
missariorum munere, Franciscus Erghelius Zagrabiensis Præsul & Pe-
trus Rattcarius, quem an Aulæ Cæsaris Mathiæ a Cubiculis chariorem,
an postea Carlostdianæ turmæ Præfectum feliciorem dixeris, in am-
biguo esto. Eadem enim inaugurationis suæ die, dum hostis lætitiae
festivitatem Carlostdadii celebratam infestat, nostri obviam egressi præ-
unte Lupo Comite Frangepano loci Vice-Præfecto vere hostium Lu-
po, profligatis iis memorabilem sibi & prædam & victoriam peperere.
Coram his ubi de more in æde Divi Marci urbis montis Græcensis
Zagrabiensis, solemne juramentum susceptæ dignitatis præstisset, &
in Senatoriam ædem Comitia celebraturus fuisset introductus, ea, non
ut decebat, a rixis & tumultibus exorditur. Contractis siquidem jam
antea incertis de causis cum Thoma Miculicio, qui sub Zrinio Vice-
Banatus munere fungebatur, controversiis; eum deinceps ab officio
abstinere jussum, quod dare, vel auferre Bani esset potestatis, Gaspa-
rum Konzkium cum multa nobilitatis contentionе, quod Nobilium,
non Banorum id officii esset, substituit. Porro dignitatis hujus munus
est, Bani loco aciebus præesse, & nobilium gravamina ad sedem ejus
tribunalque provocata cum certis arbitris revidere, unde & Comita-
tum Zagrabiensis & Crisiensis Comitis supremi titulo gaudet. Ve-
rum Miculicio ei postea hujus officii ablatio cessit utilitati, ut Perso-

Sigismundus Erdödius Dalmat. Croat. & Sclav. Banus.

1627.

Dignitas Vice-Bani.

nalis præsentia Regiæ in judiciis Locumtenens, in demortui Stephani Patachicii locum subrogaretur, quem etiamnum hoc officium cum insigni Jurisprudentiæ laude tenere videmus. Quamvis & Patris sui Georgii militaribus meritis omnem ubique mereretur æstimationem, qui temporibus illis, quibus Turcæ Thrasesque Sclavoniæ Regnum qua publicis armis, qua clandestinis occultisque excursionibus infestabant, eam Patriæ navavit operam, ut ejusmodi hostes dies noctesque nunc per juga montium, nunc per vallum anfractus saltuosaque loca persequendo, nunc debitissimis locis & temporibus expectando, saepius profligaverit, captivos plurimos Christiani nominis eliberaverit, hostiumque ductores seu Haram-Bassas capiendo, nullis curatis ipsorum thesauris, opibus & redemptionum pretiis, in terrorem aliorum verubus infigendo necaverit. Ita ut universa supputando ductores novem pali supplicio affecerit, manu sua hostes ultra duodecim interficerit, Christianorum vero 473 opera sua, nulla merendo stipendia, summa cum nominis sui lande ac utilitate Patriæ in libertatem afferuerit: quæ omnia ex publico Capituli Chasmensis authoramento, anno adhuc supra sæcularem undecimo & postea vero etiam quadragesimo quinto collecta, fide integra deproprompsimus.

Cæterum celebrior hic postea Sigismundus Banus politica Nobilitatis gubernatione, quam tractandis bellis habitus; nam cum Regni adhuc Capitaneum ageret, quemadmodum sub Patre ejus Thoma Franciscus Orehocius fuerat, non expectato Zrinio Bano, qui intra triduum se quoque adfuturum pollicitus fuerat, sub arcem Zriniam profectus, insigni clade ab hoste accepta, quibusdam viarum ductoribus nostros in præcipitia montium, ac asperitates vallum deducentibus; quibusdam vero turpi intempestivaque fuga socios deserentibus, multis e nostrorum numero interfectis, pluribus captis ac fauciatis, ita ut sexcentorum numerum universi constituere, si non excedere dicarentur, ipseque duos sub se Erdödium plumbeis glandibus ieiros equos amitteret, ægreque sese ex hostibus explicaret, indecorum demum pedem referre coactus fuit; qua accepta clade, gravissimum quoque belli incendium emersisset, universumque Regnum dubio casu involvisset, nisi panico quodam terrore perculsus hostis, suimet honoris oblitus, a pugna recessisset; cuius ut principia altius paulo repeatantur, operæ pretium visum est.

Sigismundus Erdödius sub Zrinia arce profiliatur.

Captus fuerat in hoc prælio peditum Ductor præsidii Zredichko Petrus Levoievich cognominatus, quem Turcæ ob insignem militaris disciplinæ virtutem, gravi ære lytri, unionumque pretiosorum sponsione redimendum, constitutis antea pro se vadibus, ad Erdödium jam tum Banum remisere. Verum Levoievichius sex restitutis captivis

Tur-

Turcis cum pecuniæ summam delevisset, nec homo inferioris conditionis, preciosioris suppellectilis, unionumque copiam, habere potuisse; Turan Aga Badancovich Crupensis arcis Castellanus, seu ut illi vocant Disdarius, antiquo nobilique Croatæ genere ortus, diuturnioris pertæsus expectationis, communicato cum aliis consilio, acres admodum ac contumeliosas Bano scribit literas, exprobrata prius de non exoluto pretio fide ac humanitate, tum vero ad militaris hastæ congressum provocando. Similes scripsere literas Omer Aga Badancovich & ipse Crupensis Lupo Mernavicio Capitaneo in Zredichko, Hassan Aga Bihuklich Noviensis Lupo Krisanicio Capitaneo in Berkussa, Dervis Aga Ahmatagich Costaniciensis Lupo Jelachichio Capitaneo in Lethovanich, Viris fortissimis ac pugnacissimis. Et Mernavicus quidem diversam ab aliis provocationis suæ causam habuit; etenim cum Christophorus Pater, æstatis tempore in præsidio advigilans resideret, ne diminuto fervore solis Colapi, hosti pateret transitus, horum nihilominus Badancoviciorum frater, natu quidem minimus, sed virtute primus, Juvenis prima tectus lanugine, sed pugnax, procerus, atque lacertosus, Saphir Aga Badancovich appellatus, cum quingentis Turcis eo procurrerat in partes illas fine, ut si pauciores nostros occurrentes, aut neci dare, aut in captivitatem ducere posset, tum injecto præsidio igne, illud cum Christophoro, qui plurima olim illis intulerat detimenta, in cineres & favillas redigeret. Ubi nostris eorum adventus innotuit, dato signo tormenti boatu, Lupus filius, qui in Berkussa cum amicis hiliori indulgebat convivio, auditio tormento, Patrem senem & continuis podagræ doloribus, aut lecto aut sedili affixum in periculo ratus; relictis pateris, consensoque insigni equo octodecim tantum stipendia merentibus comitantibus, adeo rapida ac celeri festinatione unum decurrit lapidem, & ibidem adhuc morantes Turcas, imo jam anhelantibus equis Patrem insequentes, qui vicinis undique flammis territus profugerat, deprehenderet, animanteque eum Popovicio, qui visis flammis omnia absumpta credebat; Nunc, inquit, generose miles, aut nunquam, fumantem ac cineribus obrutum dulcem ulciscere patrem, teque Aneæ memorem exempli, Trajano ex incendio patrem liberantis, demonstrato. Tum Lupus æterna memoria dignum aliquid agendum ratus, quamvis contempnendo numero, desperato tamen similis, acerrimum in eosdem impetum facit, & cum obvium habuisset Badancovicium spectatæ virtutis apud hostes & virum & militem, eum in fugam conversum breviori sclopeto, ad dextræ latus vertebræ trajicit; quo accepto debilitatus vulnere, dum toto curvus super equum corpore procumbit, Mernavicius abjecto selopo, evaginatoque acinace, quem ad latus equi militibus gestare est moris, eum a sinistra par-

Turcæ St-
gismun-
dum cum
aliquot
aliis ad
Mono-
machiam
provo-
cant-

parte assecutus, adeo immani ferit impetu, ut uno eodemque i^{ctu}, & totum Turcæ caput, & equi per collum jugulumque venas præcideret, amboque uno casu in terram ruentes exanimati interirent: quo admirando viso casu, nostris jam animatis, & ad ulteriorem ferventibus pugnam, Turcæ universi ingenti consternati pavore in turpem abidere fugam; nostris tamen insequentibus, pluribus ex hostium numero interfectis atque captis, cum singulari in usitatæ victoriae lætitia in Zredichko advenere. Afflita dein Turcæ mater insignis miserata filii horrendam necem, a Mernavicio corpus reddi sibi per literas postulavit, quod ille humanæ conditionis memor, scarlatina indutum ueste, capite sibi retento, currui impositum remisit.

Tres adhuc superstites Badancovicius habuit fratres, quorum unus ulturus fratri cædem, ad singulare Mernavicium evocaverat certamen; verum ubi ab eodem responsum accepisset, acinacem suum nondum in occisi fratri jugulo hebetatum, neque ullum in Bosna esse Turcam, cuius vires armaque expavesceret, quin imo (hostem plus æquo territando) ne in inferno quidem dæmonem aliquem esse, cui gladio hastave resistere formidaret, tum dissimulato duello Turca per silentium rem transmisit. Atque hinc Badancovicii denuo cum cæteris neglectam captivorum redemptionem nostris pro causa Monomachiæ objectant, re tamen vera acceptam ignominiam vindicaturi, ultiōnem cogitabant. Literæ cum ad Mernavicium directæ ac perlatae fuissent, qui eo temporis Crisanicum cum Georgio Drevodelicio Banalis aulæ familiari apud se habuerat, easque perlegissent, scommaticis perstricti verbis, ad indignationem moti excanduerunt; quod videlicet nec Banalis dignitatis, nec eorum officii, nec demum militaris consuetudinis rationem ullam habuissent; sed fœminiarum more pecculanti ac mordaci lingua contumeliose, viros & dignitate primos, & militaribus factis claros perstringere non erubescerent. Illud quoque non minus ægre ferebant, eorum quemlibet, ut longe gradus ac conditionis inferioris Proregia dignitate hominem esse, ita gravioris injuriæ ac despectus improperia in literis ad Banum directis contineri, neque ullo pacto conveniens esse, ut vir tantæ existimationis Centurioni cuiquam ad certamen prodiret. Quocirca Georgius Drevodelicius Juvenis servidus atque fortis, non absque gravi nominis sui, ac honestæ famæ jactura id futurum rebatur, si re jam sibi perspecta heri sui loco pugnam detrectaret; significato proinde negotio Lupo Jellachicio absenti, ipsique Bano, cui grata Georgii accidit promptitudo, omnes postea unanimi voto ac consensu responderunt, se nullatenus eum arma formidare, paratosque ad diem constitutum apud Zredichko expectaturos, quantum ad Banum attineret, cum

Oceas
provoca-
tionis
Turca-
rum.

Pro-

Proregia authoritas Disdarii officiolum longe excelleret, non eum, sed Georgium Drivodelicium ejus nomine satisfacturum; quod si Vizirius aut Bosnæ Præfectorus officio pares Banum prodire voluerint; id vero illi non ingratum casurum: eligerent interea Turcæ sibi pro duello, quocunque genus armorum placeret; se quovis sive equo sive pede paratissimos velle respondere.

Gnari attamen fraudis ac dolorum Turcicorum nostri, quia expeditissimos habere solerent equos, ne fugæ cuiquam spes esse possit, cincta fuerat cancellis ligneis ultra Colapim tanti spatii planities, in quanto generosioris equi cursus, hastarumque congressus exerceri posset. Igitur missis ultro citroque literis, tandem dies constitutus, Banusque convocatis variorum locorum Præfectis & amicis, ac præser-tim Lupo Comite Frangepano Croatiæ limitum Præfectorum, qui cum ornatissimo equitum ac peditum apparatu comparuerat, Joanne item Drascovicio Crisiensium equitum ductore, cujus multi quoque Nobiles fecuti signa, & universi trium millium militum constituerant, ac ut a fraude se tutos præstarent, omnes eo se contulerunt certamen inire parati. At ecce Turcæ scriptis per mancipium quoddam literis significant, se ad Zredichko venire non posse, sed apud Berkussam omnino præstolaturos. Varias quidem rei hujus obtendebant causas; re tamen ipsa cancellorum angustiis territi venire non audebant, cum antea etiam subinde nunciassent, majores suos saepius cum Christianis duello conflixisse, nec tamen pecorum instar jugulandorum in haras constrictos fuisse. Subodorati nostri fraudem, eo nihilominus ii, qui pugnaturi erant, acceptis subito duilibus & ad certamen præpara-tis equis, ac una equitum turma, properant; verum Turcæ formida-to periculo, nec ibi congregati ausi, neglecta provocatione, quam pri-mi fecerant, domum inglorii abivere. Mernavicius ac alii expeditum statim cum literis equitem eos insequi jubent, mandantque, ut si viri sint, vel ad Zriniam expectent arcem, se ad duellum eo quoque ad-venturos. At nuncius cum eos fugientium instar properantes assequi subterfu-nequivisset, nostri infecto licet negotio triumphantibus tamen similes giunt. Turcæ duellum
domum rediere. Simile quid Ladislao Bucovaccio acciderat postea, quem Izam Aga Veletanlia Noviensis ad redemptionem mancipiorum quorundam evocaverat, nostroque cum vicinis & amicis, ut millena-rium complerent numerum, comparente, pari dedecore ac ignominia hostes, nemine etiam persequente, effusam fugam per avia & devia capessunt, nostris postea hastas, sclopetos, lances, cæteramque castrensem suppellectilem copioso numero colligentibus; qua fœda suorum fuga indignatus Bosnæ Præfectorus Izam-Agam præfocatis deinde fau-cibus jussit strangulari.

Duplici hac eaque insigni affecti hostes ignominia, altum sub corde premebant dolorem, anxioque nimis desiderio rependendi telionem expectabant opportunitatem. Tum vero Nobilem se adeptos arbitrati, cum Vincentium Malagrudicum Carlostadio profugum, superstitionique Mahometanæ adhærentem acceperunt. Nam circumcisum eum, statim militari stipendio Bihicci donavere, & novis futuris hymenæis auxilio fuere. Congregatis ibi plurimis ad honestandam nuptiarum solemnitatem, capto ex tempore consilio, duce Malagrudicio, Christianos invadendos decernunt; neque tamen adeo hæc occulta esse poterant hostium consilia, quin celerime per internuncios Erdödio Proregi significantur, qui re intellecta universis suis ad certum diem profectionem indicit, & Thoma Erdödio nomine suo, qui tum in Præsidio Pocupiano cum potestate præsidebat, præesse iusso, adjunctoque illi Georgio Erdödio ex fratre nepote, ac Petro Keglevicio, eos felicibus avibus iter maturare, remque bene gerere precatur. Ubi profectionis adfuit dies, ita in aciem sese dilposuere, ut Thomas cum suo agmine præcederet, quem duæ peditum Banalium Centuriæ ac postea Petrinenses sequerentur; Georgius Erdödius cum Keglevicio & Lupo Jellachicio, ac cæteris in occultis insidiis remanerent, ut, si necessitas eorum subsidium postularet, opportune advolarent.

Disposito hunc in modum exercitu dum progrediuntur, animadverunt nostri illucescente aurora, duos ex hostibus adesse, quorum unus ad proximum in valle fontem, levanda sitis causa, descenderat; alter pro vigilia constitutus, somnoque correptus dormitabat: in hunc e nostris unus directo longioris sclopeti itu, eundem interfecit, altero sonitu auditu fuga elapso, suisque nostros adesse indicante. Tum vero nostri promoto celeriori gradu hostes in colle, quem arenarium

Turcæ in vocant, obvios habent, in eosque Thomas cum agmine suo fortiter colle arenario profligantur. irrumpit, prælium atrox initur, cædesque fit hostium. Jam Banales pedites explosis pixidibus, absumptoque sulphureo pulvere e pugna recesserant, cum Thomas eis sine mora substituit Petrinenses, & ii quidem peritissime rem gerentes glandium procella Martem diremere, interfectis hostium sauciatisque non paucis, sed captis e præcipuis pluribus, inter quos Izris Aga, Præfector Bihicianus, cum filio Azir Agæ hominis ditissimi capite truncati, Paizit Aga cum filio Chehaich Agæ vivi in potestatem venere. Turcæ ubi desperatam rem suam vident, Malagrudicum tanquam gnarum de Christianorum adventu ac proditionis reum vociferari, contumeliosisque proscissum verbis, necem eidem minari occœpere; sed is arrepta acinace, gyrateque equo: me, inquit, si viri estis dubiamque meam habetis fidem, sequi-

sequimini! Quam diu spiritus hos reget artus, non me fidem fefellisse, nec expectatione vestra degenerem comprobabo. His dictis acre in nostros redintegratis aliquantum viribus invehitur impetu, sed mox plumbea glande e nostris emissâ fancius revertitur, equoque desiliens, sub querquetum quoddam jam vermbus exesum sese occuluit, cæteris in fugam tenuis instar nebulæ a vehementi sole dissipatis. A peditibus dein nostris curiosius dumetum quodlibet indagantibus, sub quercento Malagrudicius vulnere debilitatus reperitur; statimque eum veluti fidei christianæ desertorem ac proditionem Patriæ, alii capite truncandum, alii palo infigendum, usitatoque transfugis supplicii genere afficiendum contendebant. Verum Lopus Jellachichius, qui eum propinquitate sanguinis tangebat, pro eo intercessit, ac ut vivus ad Banum reduceretur, ægre admodum impetravit. Reductus demum ac Ecclesiæ reconciliatus vixit aliquandiu, sed a motæ mentis homini semper similis. In hoc prælio egregia Thomæ Comitis Erdödii, ac Lupi Crisanicii, viri acerrimi ac plures manu sua hostes diversis vicibus obtruncantis, enituit virtus; nullo nostro desiderato, solo Joanne Nemanicio gravioribus affecto vulneribus, qui & ipse tamen postea convaluit.

Hactenus in Campo Turcico respersi maduimus sanguine; nunc ut paululum obrigesceret, quietiora ab hostibus fecere tempora. Itaque depositis tantisper armis, ad civiles cum Germanis, Thracumque gente discordias componendas, Banus adjecit animum. Quare petitis jam saepius a potestate Regia arbitris, tandem anno quinto & trigesimo supra millesimum sexcentesimum mittuntur e Germanorum parte Ulricus Schaffenbergs, Godefridus Follenhauptus, & Vitus Sigismundus Herbersteinus; e nostrorum vero Thomas Miculicius, Petrus Znika Regni Prætor, & Petrus Spolaricius; Commissionis 1635. Præses constitutus Joannes Telegdinus Archiepiscopus Colocensis, qui Collegam habuerat Stephanum Sennieyum Jaurinensem Episcopum, Aulæque Cancellarium. Adegerant ad hanc concordiam instituendam nostros non solum multiplices, eæque graves Thracum insolentiæ, ac Prælectorum Alemannorum in Nobilitatem injuriæ, verum etiam famosi illius Thracum Archimandritæ, Hladica appellati, nova periculosaque adversus Regnum universum conjuratio. Is enim corrogata ingenti pecunia summa, Viennam ad Cæsarem profectus, novas Thracibus leges, immunitates, privilegiaque Regni ac Nobilitatis libertatibus atque juribus penitus adversantia, jam obtrinuisse vulgabatur, quidquid terrarum hactenus, aut deinceps possiderent, id illis, eorumque posteris, nulla terrestri dominio penfione, nulla recognitione spectata liberum esto; quicquid in corpore aut

rebus haberet Valachus, quicquid militaria, quicquid politica concerneret aut Judicia, id totum Germanici juris & administratio-
nis esto; denique ut compendio multa transeamus, nullum tam
enorme ab iis committi poterat flagitium, quod mortis secum tra-
heret poenam, sola corporis marsupiique multa locorum Præfectis
exolvenda annexa. Ita statuta eorum non modo in grave Regi-
colarum præjudicium, verum in omnem vitiorum patrandorum liber-
tatem ac licentiam concessa fuerant; quæ profecto in gravissimum
perdendæ sensim Patriæ turbinem, Regnum universum involvissent,
nisi & Hladica opportune e vivis excessisset, & Majestas Cæsarea, Sta-
tuum & Ordinum precibus ac justitia expugnata, universa edito
Diplomate fancitaque lege abolitis Statutis tranquillasset. Hac so-
pita discordia, veluti manifesto civilium bellorum fundamento, alia
adhuc Regni gravamina complananda, ob exmissis cæsareis Com-
missariis erant, quarum summam aliquot complectemur capitibus.

Puncta
Statuum
Regni
Sclavon-
iarum.

Et imprimis quidem instabant Status & Ordines, ut Valachi in confiniis Sclavoniæ & Croatiæ in terris Dominorum residentes, a Jurisdictione Capitaneorum eximerentur, ac Dominis, in quorum bonis degerent, plenaria Jurisdictione salvo militari stipendio resti-
tuerentur.

Secundo, ut officium Banale pristinæ dignitati & autoritati cum plenipotentia juxta articulos Viennenses & Posonienses 1608. & alios subsequentium Comitiorum restitueretur.

Tertio, ut Officia militaria, tam majora quam minora, in confiniis horum Regnorum ita Indigenis bene meritis, prouti Germanis, æqualiter conferrentur.

Quarto, ut miles Germanus ex arce Varasdinensi educeretur, ob cujus etiam insolentiam Erdödius Banus cum Georgio Schwarzenburgio limitum Sclavonicorum Præfecto, in graves controversias usque ad provocationem in duellum progressas, summo Re-publicæ scandalo ac detimento nuper inciderat.

Quinto, ut bona præsidii Caproncensis per Capitaneos ejusdem loci, extra omnem Fisci Regii & Regni utilitatem possessa, Jurisdictioni & oneribus Regni in Datiis Regiis, & Contributionibus solvendis, gratuitis laboribus ac Decimis instar aliorum præstandis, subjecta essent. Hæc aliaque privatorum complura fuere postulata: verum privatis quibusdam gravaminibus sublatis, iisque impensa satisfactione graviora modo recitata, nullum prorsus consecuta finem, irritis expensis & laboribus factis, ad ulteriora felicioraque tempora, ut Germanorum est phrasis, universa dilata etiamnum lugemus, atque ita Commissioni impositus finis, quem paulo ante Cancellarii Ste-

phani

phani mors præcesserat, qui ut fama ferebat, veneni tabe ab Ale-
mannis infectus, extrema usus valetudine, rediens in itinere ex-
piravit.

Quatuor adhuc supervixit annis Sigismundus Banus, quibus, ut Pietas Sigismundi Bani.
famam meritis cumularet, Patrum Societatis templo Zagrabensi Or-
gani partem, quam Positivum appellant, dono dedit; eamque Ec-
clesiam tapetibus Turcici operis ingentis magnitudinis, ac in primis
eleganti summa Ara, quæ septem millibus constare dicebatur, pia
liberalitate exornavit. Tum deinde patribus instituti S. Francisci
in oppido Klanacz sub arce Czeszar Templum ac Monasterium ex-
truere cœpit. His pietatis jactis fundamentis ubi in Hungariam Ve-
resvarium ditionis suæ fuisse profectus, in morbum ibidem incidit,
qui ei ultimus vitæ fuit mense Junio, salutis anno millesimo sexcen-
tesimo trigesimo nono, nullis relictis liberis, cum tribus propemodum
Ejus mors & descriptio
lustris egisset Magistatum. Inde in Sclavoniam reductus magnificen-
tissimo funere in Ecclesia a se fundata in oppido Klanacz tumulatur.
Erat vir staturæ proceræ, oculis glaucis, ac frequentius nictitantibus,
faciei liberalis, fuscique coloris; barbae prominentis nigræ, aliqua
jam respersæ canitie, toto denique corpore lacertoso atque vasto:
sed naturæ ad iram vindictamque proclivioris & adulantium linguis
credulitatis prope nimia; præter amplas tamen, quas habebat opes,
hoc uno fortunæ dono insignis, quod & ipse Banus Patrem quoque
atque Avum similis dignitatis Viros pulchra quadam serie fuerit se-
cutus.

Decurrimus ad calcem optato voto, sed lentius quam spera-
bamus festinavimus, Bane Palatine; ita nimirum exposcente Apostolis ad Banum Drascovitum.
materia, cuius cum plurimi sunt futuri Argi, omnium nos prius
Argum fuisse oportebat; decurrimus ad calcem, & tanto bila-
rius, quanto propinquius ad scopum declinamus. Verum non
jam mihi ad calcem recurrenti, illi est subscriendum senten-
tia: omnis motus in fine velocior. Quamvis enim amor ad
te Banum seu verius Bonum (in te enim non solum hæc vici-
nissima sed & conjuncta sunt, ut revera Banus Bonus semper
dici potueris) impellat, virtutum tuarum moles ac magnitudo
impetum suscepsum jam prope defatigat. Quid enim dicam?
laudabo? supra calatum meum virtus tua est, ut supra ven-
tos, & quidquid pluitur & ningitur, & nubes omnes Atlan-
tis vertices. Tangam magnitudinem? ridebor, qui eum

brevi charta sperem concludere, cuius magnitudini capiendæ, quartum Cæsar regnum adjecit. Commendabo in adolescentia animum pacatum, serium, maturum? Nil magnum, nisi quod placidum; & non altissima quæque flumina minimo sono labuntur. modestiam & morum suavitatem & beneficam in omnes mentem & manum? quo rariora fere in magnis, eo admirabiliora in te sunt, Palatine Magne! ad nocendum potentes sumus omnes; ad beneficiendum pauci. Mea præsertim si quid Suada posset, Rhetorum flosculis ludere hic deberet, nisi modestia tua gravibus assueta, indice ori apposito vetaret. Prudentiam ejusque sociam discretionem, quæ auriga virtutum a D. Bernardo dicitur, in te prædicabo? O quam multa mora & patientia vicisti, quæ calore alius perdidisset! Sapientiae hoc tuæ est: & verum nimis illud esse majorum exempla secutus docuisti; omnia non properanti clara certaque demum esse, cum fere improvida & cœca festinatio sit omnis. Politioris Literaturæ culturam & amorem in te non desiderabit, qui vel semel colloquio fruetur tuo, vel qui te operis potius hujus nostri authorem, quam me fuisse intellexerit. Sed quid dixi, desiderabit? imo vere admirabitur qui a viris doctissimis doctum tuum verticem basatum sciverit, cum in Academia Græcensi Philosophiae subtilitates ad examen propositas subtiliter te sapere ostendisti. Sed nec minus nunc miramur, linguas ferme omnes Europeas, vasta quadam ingenii capacitate, ne dicam felicitate te complecti. Taceo arma publica, ad quæ tibi nunquam animus aut peritia, sed occasio defuit. Pietatem fileo, qua sola cætera omnia es consecutus. Hæc ubi de te Augustissimus Tertius Ferdinandus cognovisset, non te amplius Crisiensis turmæ equitum Praefectum, sed suum in Regno Vicarium, imo trium Proregem regnorum esse voluit.

Ferdinandus tertius Rex.

Mandat igitur Ferdinandus tertius Benedicto Vincovicio Episcopo Zagrabiensi, & Lupo Comiti Frangepano Croatiae limitum Praefecto, ut Joannem Drascovicium Illyrici Proceribus ac Nobilitati præsentatum, suo nomine eisdem præesse jubeant. Verum cum

cum jam saepius Frangepani mentio inciderit, de eo pari ratione Joannes
quædam inferenda operæ pretium esse, imo ne ingratæ memoriae Drascovi-
erga virum tantum arguamur, necessarium judicavimus. cius Dal-
matiæ, Croat. &
Sclav Ba-
nus 1640.

Non tango natales, Romanis etiam saeculis notos, non majorum facta, quibus nullius Nationis historia caret, & nos, quantum propositum nostrum ferebat, referendis indulsimus; omnibus enim scribendis volumine opus foret. Hic Vir Catoniana gravitate, Laus Lu-
morum elegantia, consiliorum maturitate insignis omni tempore existimatus; ab ineunte adolescentia militæ deditus, ac Foro - Ju-
lianu bello, quod inter Archiducem Ferdinandum ac Venetos in-
tercesserat, adeo celebriter versatus fuerat, ut Christophori Abavi
sui adversus eosdem Venetos præliantis, militaris peritiæ speciem
omnium testimonio referre judicaretur. Hinc per omnes militiæ gra-
dus probatus usque ad summam Croatiae ac maris limitum Praefectu-
ram viam aperuit virtus. Quo in officio ea omnium satisfactione
usque in hanc ætatem, qua sexagesimum jam excedit annum, vivit,
ut quid in eo desiderare possis, invenias nihil; neque enim sic mor-
bis subinde ac ætate gravatus, ubi adventantis hostis signum acci-
pit, contineri potest, quin cum cæteris longiori etiam spatio ho-
stem insequatur. In hac ipsa vegetus senex ætate, ut æternos non
amat jocos, ita nec æternam gravitatem, memor Catonem, Lælium,
Scipionem seriis miscuisse jocularia; camposque nunquam otiosos ste-
rilitatem minari: Virorum nihilominus, qui sapientiæ quidpiam re-
dolent, congressum ambiens, conversatione pinguescit. Verum si-
leat distorta laus nostra, dum Cæsar is loquitur Majestas! Hoc sane
Augustissimi Ferdinandi Tertii, dum Posonii nobiscum in Conclavi,
mira dignatione de eo sermonem conferret, aureum ore fluxit elo-
gium: Ille, ait, bonus & fidelis est noster servitor, & Vir magnus.
Abscedat jam verborum nostrorum caligo, ubi solis luce veritas ir-
radiatur. Duos habet filios Casparem & Georgium, illum huma-
nitate an Martio spiritu clariorem, aliorum esto judicium; Georgius
vero musicorum instrumentorum peritia (quod nobilem juventutem
& oblectat & ornat) artium pictoriæ sculptoriæque, Cosmographi-
cæ demum, mœniorumque struendorum notitia excellit, ut vel
hinc vastam quandam ingenii ejus capacitatem metiri liceat. Verum
Casparum senilis sui solatii singulare venerandus senex habet gau-
dium, dum in hac sua declinante jam ætate videt se veram aqui-
lam non degenerem procreasse columbam. Nam in hac ipsa, quam
sub optimo gerit Patre, Croatiae limitum ac Ogulensis præsidii Præ-
fectura, ea se omnibus vitæ morumque æquabilitate ac lenitate ex-
hibet, ut a subditis amorem, ab æqualibus invidiam, a majoribus
lau-

laudem ac æstimationem referat. Hæc nimirum Imperialibus excul-
tus bellis, ac Hungarici Regni signifer jam olim didicerat; ut pro-
inde merito præclara quædam ejus facinora singulari fortunæ favore
comitata, hic nobis commemoranda videantur, quo & ipse debita
non fraudetur laude, & omnis virtus ac fortitudo ejus in gloriam
Caspar
Frang-
panus
Turcas
profugat.
 redundet Patris. Atque illud primum occurrit, dum Isacitiam arcem
in Croatia sitam, octavo Idus Decembbris reparatæ salutis anno tri-
gesimo quarto supra millesimum sexcentesimum profectus, dignita-
tis ac Vice-Generalatus sui, victoriam obtinendo, primordia ho-
nestavit; media quippe in prælium excita Legione, villam primum
Isacitiæ subjectam, Pretisne incolis vocatam diripit, ovium tria mil-
lia, majorum pecorum trecenta capita, captivorum viginti, sex in pa-
go interfectis abigit. Audito tormenti signo Bihachiani omnes occul-
to Christianorum adventu perturbati, in arma convolant, ac vergente
jam in meridiem sole in Campo Zavalie nuncupato nostros assequun-
tur, signa explicant, ingentique sublato clamore barbara in nostros
invehuntur ferocia. Caspar jussis suis frontem obvertere, adversis-
que pectoribus ruentem excipere impetum, illi animo præsentissimo
implorata Divini numinis ope, eo fortunæ successu hostium fregere
ferociam, ut quinque supra decem primi ordinis neci datis, præsertim
vero exercitus Duce Dervis Aga Hudugarich occumbente, ac sex vi-
vis in potestatem acceptis, cæteros omnes in turpem dilapsos fugam,
fessis atque anhelantibus jam equis, insequi ulterius destiterint. Per-
turbato indignantique animo hanc tulere hostes ignominiam, &
conceptus semel animi dolor pudorque ultiōrem stimulabat, quam
nostris denuo caussam præbentibus se relatuos confidebant, tametsi
ex adverso Lopus Frangepanus eos prope diem adventuros, vindi-
candæ cædis acceptæ caussa suspicaretur. Verum moræ longioris
pertæsi anno eodem mense Junio, communi voto tres expeditas
equitum centurias sub Duralia, peritissimo viarum duce, & Chri-
stiano nomini infestissimo decernunt, ut Corenitio flumine Carlo-
stadio propinquo transvadato, omnem eam oram infestam reddant,
& cædis nuper a nostris illatæ repetundarum postulent. Iis silenti
nocte adventantibus, ac nostris e vigiliarum speculis animadvententi-
bus Frangepano Præfecto subito indicatur, hostem pleniori nume-
ro adesse, & ad amnem Corenitum vado transitum conari. Jubet
ille Casparum filium cum prætoriana militum ala expeditum esse;
hostemque præclusa reditus via fortiter adoriri, cohortes brevi sub-
sidio advolaturas. Albescente die ad primum teporem solis, incer-
ta adhuc lux, speciem rerum omnium multiplicem intuenti reddens,
non solum hostem cunctabundum patescit, sed multo majores co-
pias,

pias, quam res ferebat, adesse persuasit. Magno nihilominus animo nostri eos adorti, suos ocyus auxilia confisi allatu*ro*s, subito perturbarunt, quindecim eorum occisis, viginti captis, præsertim Duralia expeditionis Du*c*e rei Christianæ inimicissimo, equis nobilioribus obtentis octuaginta. Cæteri per avia & devia, qua cuique cæca forte obtigerat, palantes diffugere. Caspari virtus eo in prælio præcipue eniuit, qui tres manu sua in ipso fervore pugnæ interemis. Duralia vivus in potestatem acceptus in vincula conjicitur, tetro deinde inclusus carceri mœrore tabescens, diris dudum devotam evomuit animam.

Turcæ ubi cumulatas se temeritatis luisse pœnas, & gemino jam prælio vietiis Ducibus semper, ac præcipuis e suis amissis persensere, tam virtutem Frangepani formidare, quam adversam fortunæ vicem incusare cœpere; nec palam amplius cum hoste configendum, sed aliis artibus frangendas nostrorum vires animumque censuere. Itaque communicato consilio in eam veniunt sententiam, ut expurgatis vetustæ arcis Perusicanae ruderibus divulgæ murorum rimæ & hiatus novo compaginentur ædificio, & arx ipsa commeatu, vallo, militeque præsidiario firmetur, opportunum ibi ad omnem late incurfandam regionem fore præsidium, nullam Christianis tute vivendi facultatem, facilem demum rependendorum sibi incommodorum futuram occasionem. Aggressi opus eo silentio prosequuntur, ac duas turmas ex universa Licæ Provincia selectissimas præsidii nomine imponunt; ut non ante, quam exacto biennio, nostris hostium conatus innotuerint. Quare Ottociani & Briniani præsidia festino celerique nuntio ad Lupum Frangepanum expedito eundem admonent, quo mature universis proficiat: cervicibus eorum Turcas imminere, & si locandis accolis tempus concedatur amplius, omnem Adriatici maris oram summo proximam esse periculo; eapropter se in tempore discrimen, in quo versarentur, indicare, & palam profiteri, si cæteros periclitari accidat, ne sua deinceps id evenisse culpa insimulentur. Quibus cognitis angelabatur Frangepanus, & operis perfecti celeritate, & temporis angustiis, quibus rem Cæsari & cæteris bellicarum rerum arbitris communicare prohibebatur. Itaque tacitus rem secum expendens, motus periculi magnitudine, universos stipendia merentes, ad certum diem Carlostadium acciri convenireque jubet, ubi gravi & eleganti facundia, qua Croaticus habetur Tullius, negotium exponens, ac arma capienda, ac nudandam præsidio arcem est omnes cohortatus. Cuncti alaci animo rem suscipiendam pro communi omnium salute rati, die altero proficiscuntur, & confecto jam medio itinere per montem Capellatum, Lupus Frangepanus tradita summo cum Imperio Legione una

filio Caspari, eum felicibus avibus iter continuare precatur, expugnationis maturandæ dato mandato. Revertitur Lopus ad cætera in futurum consilio disponenda, progreditur cum sociis Caspar. Pervenere occultato jam sole ad radicem collis arci vicini, eamque consultantes transegere noctem, qua demum ratione instituenda foret expugnatio, cum se bellicis machinis destitutos viderent; & cæterum nuda pectora ignitis objicere telis, quam periculosum, tam temerarium judicarent. Caspar secundam nominis famam superioribus jam præliis consecutus, non periculorum terriculamentis percelli, sed cum viri sint, magno eis animo opus esse dicebat, nec quid obstet fluctuandum, sed quid ignominiae ac detrimenti non expugnato præsidio, quid gloriæ, quid immortalis memorie, atque deinceps commodi eo obtento sit futurum, præ oculis habendum. Quare sibi optimum e re videri, si harpagonibus, dolabris, cæterisque ferreis instrumentis ad id secum allatis, ubi vetus novo jungitur muro ædificium, pluribus in locis subruatur, & patente hianteque muro pars ingressum conetur; pars per fenestrarum foramina tuendo loco accommodata, arcis propugnatores longioribus sclopeticis prohibeat submoveatque. Placuit cæteris consilium, ac e voto successit; etenim albescente imminentis diei luce prima, implorata summi Dei ope, meditatum aggressi negotium, duarum horarum labore perficiunt, & arcem ingressi Turcas omnes obtruncant, quatuor solum vivis in potestatem acceptis, quorum unus Frangepani manibus e latebris extractus, ac vinculis injectus est; alter porro terrore necis perculsus, in profundam se cisternam præcipitaverat, a nostris deinde repertus suppedit tis scalis funibusque ad exeundum adjuvabatur; verum ille singulari pertinacia obstinatus, coemento, aliaque conjecta macerie opprimi suffocarique maluit, quam in Christianorum venire potestatem: nostrorum novem muri potius ac decadentis materie ruina, quam hostium virtute sauci, vivi tamen rediere.

*Perusi-
ciam ar-
cem ex-
pugnat.*

Expugnato loco, arx solo æquata est, & Frangepanus viator rediens, lætus salutat Patrem, qui singulari quoque perfusus lætitia, ovantem de hostibus filium excipit benigne, plurimos in futurum triumphos adprecatus. Non minori felicitate arcem familiæ olim Frangepanicæ Cetinensem, cuius olim potestati Provincia integra, quam Comitatum adpellant, subdebat, occupavit ac diruit; ibidem namque Colonias Turcis jam locantibus, cum adventantem Frangepanum certis nuntiis cognovissent, relictis stationibus ac universis Coloniis profugere. Atque ut eadem honoris celebritate Fortunæque blandimento, rerum gestarum sparsam famam terminaret, qua cooperat; progressus in campum Zayalie adpellatum, eum omnem late incursans

de-

depopulatur, ac pluribus interfectis Turcis, mille ducentas promiscui sexus animas in Christianitatem abducit, nullum in his omnibus expeditionibus vel salutis, vel honoris discrimen passus, uno duntaxat Petro Jancovicio omisso, qui sub arce Ostrosicia profigatis Turcis, citatiore pernicis equi cursu raptus, ac inter hostes delatus, ab iisdem captus, gravi æris lytro postea penso decem millium fuerat eliberatus. Hæc e præcipuis, plurimis levioribus prætermisssis.

His prospere in Illyrico succedentibus, novæ undique Suecorum excite Legiones (Romanis alias Scriptoribus ignotorum) Moraviam Austriamque in discrimen vocabant, ac vastatis impune omnibus jam Cremsium, Chorneoburgum, ac ipsos Viennæ medio lapide propinquos pontes expugnatis moeniis occupayerant tanta rerum omnium perturbatione, ut & Ferdinandus de fuga Græcum cogitaret, & ci-vium animi ambigua ac incerta spe fluctuantes, celerrimi hostis pavo-re consternarentur. Hinc male rebus Germanorum constitutis, seve-rissima Ferdinandus Joanni Drascovicio Regni Proregi, & Lupo Fran-gepano mandata repetit, altissimam cum Turcis colerent pacem, nullam, ne levissimam quidem ulciscendi eis, commovendique darent occasionem. Quæ res generosos Illyricorum animos suppressos, ac otiose delitescentes torpere coëgit, eo præsertim tempore, quo mira DEI benignitate ac fortunæ beneficio Respublica Veneta, nullis externis adjuta subsidiis, universum Licæ & Corbaviæ in Croatia tra-ctum, ipsum etiam Clissiæ inexpugnabile subsidium gloriosis successi-bus e Turcarum tyrannide in Christianam afferuit libertatem. Porro Lupus Frange-panus a Venetis aureo tor-que hono-ratur.

Dum hæc de Frangepanibus extremam manum recipiunt, accepimus amici cuiusdam opera Libellum Joannis Baptiste Veri rerum Venetarum, adeo fastuolum atque arrogantem in extollendis Venetis, procacem in omnium Nationum Viris contemnendis, impudentem in mendaciis consarcinandis, inurbanum atque rusticum, in gravissimos Apologie - Heroes, ac præclarissimos milites acerbissime garrientem; ut profecto ticon contra Joan-nem Ve-rum.

passe debuisset, ne tam decoræ vocis gravis impostor ab omnibus haberí mereretur. Historicus quidem dici & audiri cupit, sed adeo historicæ veritatis ac modestiæ limites excessit, (quæ duo gemini velut ejus oculi sunt) ut gravissimam historico nomini maculam notamque inusserit, & omnes de eo Historicī repetundarum jure optimo postulare deberent. Quanquam imperitorum oculos speciosis verbis, quæ ad calcem opuseuli sui adposuit, velare conatur, ubi ita loquitur: „Venerata quidem supergressa sunt vitium obtrectationis ipsa sua antiquitate, & concordi scriptorum testimonio; in præsentibus pretium hæret veritatis, quæ proinde ad alia nobis carior est, quam ut iis, quæ nuper gesta vivorum adhuc conscientia variantur, reliquæ scriptio[n]is nostræ constantiam velimus invertere. „ At profecto vetera, quæ refert, nec antiquitate, nec concordi scriptorum testimonio falsitatis vitium supergressa sunt, multo minus præsentia pretium veritatis habent. Opinabatur quidem ille, neminem quodammodo veterum revolvere monumenta, eorumque habere cognitionem; proinde cum intactam vetustis rudiores delusisse se confidisset, in præsentibus etiam faciem sibi fidem a peritioribus adhibendam credebat. At effrontis omnino hominis est, veteribus nova jungere mendacia, & veritati quodammodo bellum indixisse. Mihi nunc nec omnia, nec singula persecui propositum est, graviora tantum, & ad propositum nostrum magis pertinentia aliorum autoritate Historicorum confutare visum, ut ex his facile prudens Lector de cæteris judicium ferat, quam forte pauca sint, quæ scriptorum testimonio concordent, & clarissimi potissimum Viri Lupi Frangepani hodie etiam viventis, quem acerbissimis ac contumeliosissimis proscissum verbis commaculat, famam integrā vindicare.

Ac illud primum occurrit, quod Lib. I. fol. 39. ad annum 1023 his verbis refert. „ Hoc anno Murcimirus, inquit, Liburniæ vulgo Croatiæ Regulus prædabundus in Jædrensum fines irrumpens Venetos ad arma traxit. Ne igitur illata fœderatæ genti impunita esset injuria, nostri ex improviso feruntur in hostem, atque uno quasi impetu profligatum in suorum montium anfractus & latibula cum cæde propellunt. Fugatis Liburnis eo tamen usque instant, donec ad victoriam nil ultra prædam deesset, quam uberem & sane luculentam accumulant. Hæc res non minus Murcimiris temeritatem castigavit, quam turpis antea fuga. Cæterum pententi data pax, quam cum potentioribus colendam, neque æmulatione potentiae validiores irritandos, suo malo didicit. „ In his paucis Lineis præter proprium fastum ac aliorum contemptum, tria latent aut mendacia, si scienter, aut errores, si ignorantia

rantia pressus hæc asseruit. Nam imprimis Liburniam Croatiam dici, sane asseruisset nunquam, si Paulum Jovium Lib. 13. legisset ita scribentem: „ Ea Regio (*Croatia de qua sermonem habet*) ad Illyri, „ cum pertinet, ab Aquilone latos habet campos; ab Austro ad Jū, „ lias Alpes usque ad Liburniæ oram se extendit. „ Videri etiam potest Ranzanus in Epitome rerum Ungaricarum Indice primo. Sed cum majores adhuc superfint errores, non tam rigidi ejus Censores esse velimus, ut hoc grandi Historicæ cognitionis demus vitio, cum Liburniam vulgo Croatiam velut ipsi conterminam appellaverit, quamvis eidem e diametro Ranzanus repugnet. Verum de limitibus horum Regnorum alias a nobis libro primo satis dictum. Illud inepte prorsus, quod ad annum 1023 Murcimirum Croatiae Regem constituit, cum adhuc anno 1003 Crescimirus Dalmatiæ Rex in Sclavoniae & Dalmatiæ Regem coronatus sit, ac uno supra trigesimum anno Imperium produxerit, cui deinde Zvonimerum successisse constat, nec Liburniam distinctum unquam habuisse Regem, ut Libro primo ex Tuberone docuimus; ex quibus demum consequens est, eo tempore minime Dalmatiæ Venetorum potestati, sed Crescimerii Imperio una cum Liburnia paucis, nec Venetos tunc Jadrenses velut sibi foederatos defendisse; totam proinde hanc ejus narrationem, quam fastuosam, tam fabulosam esse, perspicue intelligi potest.

Videat nunc ergo noster iste Falsus, quomodo hæc vetera ipsa antiquitate sint veritatem supergressa, & scriptorum testimonis nequaquam cohæreant. Multo profecto minus ipse Falsus cohæret sibi, qui uno impetu Croatas in latebras & montium suorum anfractus a Venetis, velut pulverem a vehementissima spiritus procella dissipatos scribit; neque enim eos tam timidos ac fugaces ad annum 1576., item ad annum 1615 declarat, ut hic etiam illud aptari videatur: Mendacem memorem esse oportere mendacii. Demum ubi postulatam a Liburnis pacem improperat, neque æmulatione potentiaæ validiores irritandos docet, voluisse ut & suos docuisset Venetos, cum ad annum 1118 a Pannoniis vicos amissis Duce non armis amplius, sed precibus obviam victoribus processisse referat, neque id ignominiaæ imputet; „ cum & id, *inquit*, censi debeat honestum, quod tuendæ Reipublicæ caussa sit factum. „ Quod si & Liburni tuendæ Reipublicæ caussa id fecissent, cur eis honestum esse non debuisset, aut Venetis ignominiosum æmulatione potentiaæ validiores irritasse, non video. Sed ultra. Ad annum 1423. ita habet: „ Sub hæc etiam tempora, flante a mari prospera fortunæ aura, selectissima Classis Adriaticum navigavit, quæ Petro Lauretano Duatore, cum totam Dalmatiæ perlustrasset, tanta Incolas affecit for-

„ midine, ut universa ea Regio non armorum impetu, sed spontanea ditione, Pannonicō jugo excusso, rursus Reipublicæ Dominationem suscepit, anno 58 postquam vi Barbaræ genti paruisseſet. „ En quam superbe, quam in paucis prægnans fraude. Etenim si Tullius aliquando Dalmatis imprecatus, eos semper bellicosos afferuit, & Batho potens in Dalmatia Princeps, (a quo forte Bathorii suam duxere originem) impatiens Romanorum Lupinæ feritatis Præfectorum concitatis suis, multum Romanis damni intulerit, nec ante, quam triennio evoluto, Tiberio potentiaeque Romanæ ſeſe dedidit, liberaque constantia Tiberio poſtridie pro Tribunali ſedenti ac quærenti, quid ita deficere, ac tantum temporis rebellarē Romanis ſtatuiffent, respondit: „ Vos, inquit, ipſi in culpa eſtis, qui ad uestros greges custodiendos non canes pastoresve, „ ſed lupos mittitis: „ nec demum niſi pacificatione Batho Romanis adhærere voluit, ut Salianus ad annum Christi 18. notavit. Quod ſi denique Appianus Libro de Bellis Illyricis negat ſe abunde cognoviffe, quemadmodum ſub imperium illos adegerint Romani; mirum profecto, Clafsem Venetam adeo Romanam potentiam ſuperaffe, ac tantæ formidini atque trepidationi universæ fuiffe Dalmatiæ, ut oblitia virtutis pristinæ ſpontanea statim ditione infantili more ſuccumberet. Quanquam ut aliquid Falſo concedamus, verum eſt, non armorum impetu, quibus ſe parum profecturos noverant, ſubegiſſe; ſed præstantis auri copia, ac infana pecuniae quantitate, tenaci hominum viſco, Dalmatarum Principum animos, occaſione ex morte Ludovici Venetorum mallei aucupata, allicuiſſe ſibi Venetos; quemadmodum & ſecundo Libro notavimus.

At Pannoniis velut barbaræ genti, & quidem vi Dalmatas paruiſſe, fallitur Falſus. Et quod non venenati animi indicium, Christianos fines ſuos aut tuentes, aut recuperantes, barbaros compellare? Ad annum 1496. quæ Venetos extollendo Pisanis contra Florentinos ſummis auxiliis ſuccurrentes referat, quam ea ſcriptorum testimonio concordent, videat Lector Jovium libro primo circa medium. Et fi Historicam ſinceritatem habuiſſet, retulifſet etiam haud dubie bellum Austriacum ad annum millesimum quingentefiſum decimum, quo Livianus ac Baleonus cum Cordiano ac Proſpero Columna Austriacis Ducibus collatis signis exercitum perdiuerunt, ac Mediolanensem deinde urbem Maximiliano cedere ſunt coacti, neque hæc fraudulento præteriiffet silentio. Ante hunc annum gravifſum Ferdinandus Venetis bellum intulerat, quo Chriſtophorus Frangapanus Dux bello inclytus adeo res eorum quinquennio integro affixit, animosque contrivit, ut omnibus belli calamitati-

lamitatibus fracti, destitutique a finitimis, victorum arbitrio se dediderint, quem proinde inepte Falsus noster in prima expeditione vulneratum scribit, & quamvis tertia id ei acerrime prælianti contigerit, non tamen cum ignominia projectis Insignibus, ut ignominiose Falsus blaterat: sed Jovio referente lib. 12. „a Joanne Veturio, inquit, in insidias præcipitatus captus est, suoque & alieno cruro perfusus (multum enim Vir lacertosus atque terribilis, ne vivus in potestatem hostium veniret, repugnarat) Venetas perductus, teterimo carcere includitur anno MDXIV., cujus ingeniosam deinde e captivitate eliberationem, eleganter Isthvanffius libro septimo est prosecutus, ubi plura de ejusdem celeberrimi Viri laudibus. Non minori clodium serie Lupus Frangepanus Christophori nepos Venetos attriverat, quam olim Christophorus ipse, orto inter eos ac Ferdinandum Archiducem bello, anno 1615, cujus altius exasperarat animum crudelis Josephi Rabathæ Oratoris sui mors, eorum voluntate atque imperio patrata; quarum causa quanta conviciorum scommata, & petulantissimorum verborum aculeos in Virum celeberrimum Falsus iste congerat, non sine gravi animi sensu atque indignatione legi potest; impudentiam omnino induisse videtur, & Thrasonem magis quam Historicum egisse. Nullum sæviorem, immanorem, barbarum magis hostem esse Turca, orbi universo notum; nec tamen memini ullum me historicorum legisse adeo humanitate extum, & pudoris omnis oblitum, qui ea verborum petulantia in eosdem debacharetur, qua Falsus in Virum Principem omnis humanitatis ac probitatis Ideam furit. Non hæc e mente atque sensu Reipublicæ suæ Falsum hausisse arbitror, quæ eodem pene anno, quo ille scommata mendaciaque sua impudentissime in lucem edi passus est, honorifica ad Frangepanum legatione expedita, eum fide, integritate ac dignitate Virum celebrem, & velut communem militaris disciplinæ sui temporis Magistrum salutans, precibus muneribusque onerans instantissime sollicitavit, ne dubiis cum Turca rebus suis opportuno auxilio, postulante necessitate, deesse vellet, ut paulo supra retulimus. Hæc Falso reponere placuit & necesse visum fuit, ne infamis ejus libellus per diversas volitans manus, variis refertus mendaciis pretium ac laudem veritatis referat, quem simul, si hodie in vivis adhuc est, amice monemus, ut animadvertat, calamum passionum atramento tintatum nequaquam historico stylo cohærere, & se conscriptionis suæ constantiam magno suo probro plurimum invertisse. Hæc tantorum virorum merita ac inclyta Frangepanorum Familia hac de se occasione dici desiderabant; nunc ut ad Drascovicium Proregem, a quo digressi non injucunda forte divagatione tantisper fueramus, redeamus, stylus & tempus admonet.

Inaugurato igitur eo in Proregiam dignatem a duobus supra memoratis Proceribus, coram Patriæ senatoribus tertia decima die Julii Anno 40 supra 1600, in sequenti die educitur in campum a Paulo Comite Palffio, tunc Thesaurario Regio, nunc curiæ Judice, ut quemadmodum in Regno curam Provincialium susceperebat, ita in campo Patriæ fines non modo tutandos, sed vero ampliandos etiam esse intelligat. Quibus peractis præludii loco, fortunæ tentaturus favorem brevi post collectis in unum copiis Banalibus, ac Carlostadianis, ut universi quatuor constarent millibus, pro eximendis a barbarorum jugo, ac in Christianas partes reducendis Thracibus, qui se cum familia, pecoribus, ac facultatibus auctore Tudor adpellato, transituros spoponderant, sub Petro Keglevicio, quem suo nomine præesse voluit, Jamniciam versus eos expedivit. Nostri ut rem periculi plenam caute aggrederentur, tres peditum centurias pro educendis Thracibus mittunt, reliquis sub Quosdantia Zriniorum Comitum argenteis mineris celebri olim arce, Turcarum insequentium impetum excepturis subsistentibus. Res uti a nostris prævisa fuerat, evenit; peditibus enim nostris cum Thracibus, ac optina præda redeuntibus, in sequentes hostes sub Quosdantia ea fortuna nostri insidiis occultati excepere, ut 14 eorum captis, pluribus autem interfectis cæteros in effusam fugam, potiori ex parte vulneratos, retro egerint; e captivis unus Odabassa novo datus Bano, Bradavica autem Aga (quem verucam latine dixeris) Lupo Frangepano ob eximiam Carlostadianorum virtutem cessit, cæteris captivis pro more militibus divisis. Præerat Carlostadianis Frangepani nomine Caspar Jancovicius, qui præter egregii, omnibusque præliis felicissimi bellatoris laudem, jam etiam ad temperati ac maturi Ducis nomen & famam haud dubie pervenisse credebatur. Bene ominato hoc principio, velut futuræ felicitatis accepto augurio, Banus animatus, numerosa postea exercuit prælia duce Petro Patachicio, secunda semper fortuna comitato; is siquidem consilio manuque promptissimus, incautos sæpius hostes in dolos præcipitabat, præcipitosque egregie sternebat, vir sane fortis & strenuus, & qui jam dextera sua hostilem, in latus Turicum, generose perfregit hastam.

Irritati Turcæ injuriis Patachicii alio ulciscendi caussa animum adjecerunt, & nocti quidem opportunitatem, quod captum Siscii incolam Marchecium adpellatum habuissent, eoque in superstitione Mahometi apud eos remanente, ejus opera Siscianos invadendos, quod brumali glacie Colapis concretus intelligeretur, constituerunt. Profecti igitur Costanicia ad secundam noctis vigiliam, ad turrim quandam lateri-

*Prima
Drascovi-
cii fortu-
na.*

*Petrus Pa-
tricius vir
fortis &
strenuus.*

teritiam Divæ Virginis Visitantis quondam Ecclesiæ, perveniunt, ibique cum nullas, a nostris alias observari solitas excubias reperissent, silentio summo per declive collis Colapim attingunt, ac eo pertransito, ingenti sublato clamore, flammisque mapalibus injectis, nostros somno oppressos adoriuntur; & pars quidem eorum, fœminas puerosque e medio flammarum fugientes capiunt, pars vero Parochialem Ecclesiam invadentes, valvas diffringunt, altare quod pictorio fulgeret auro solidum rati in partes convellunt (sed ubi se splendore delusos viderunt, ab ulteriori confractione abstinuerunt) calices demum cæteramque sacram suppellectilem abripiunt. Nostri eorum vociferatione excitati arma rapiunt, sed ut cæca nocturnaque festinatione accidere solet, tardius mutuo auxilio esse poterant. Sacerdos loci Joannes Philippassicus e domo in confertos per coemeterium Turcas plumbeas emittens glandes, unum aut alterum interfecit; dissipati inde, Turcarum unus e ductoribus præcipius domum per gradus ascende-re, sacerdotemque aut neci dare, aut captivum abducere conatus, ex ipsis gradibus trajectus devolvitur: ejus casu exacerbati cæteri, acriori glandium procella e diversis partibus ingruunt, ac tandem penetrante globo sacerdos in inguine vulneratur; tum ille debilitatus vulnera in domum se recipit, ac de vita, irruentibus jam jam hostibus, desperans, superis animam commendabat. At ecce Divina prorsus protectione, ac singulari Dei beneficio accidit, ut puer vix tertium aut quartum annum supra decimum agens, arrepto gladio inanes vibrans ictus, minasque intentans, eosque hostes ascendere prohibuerit, donec alii auxilio adcurrere, quorum metu hostes universi perterriti effusa fuga Colapim repetivere. Unde merito æstimare possumus, plus hostes ignominie ac dedecoris hac expeditione fibi, quam aut laudis, aut utilitatis peperisse. Et quidem si vicini in Odra fluvio milites tormentorum in arce reboantium fragorem citius exaudire potuissent, memorabilem sane Turcæ cladis suæ memoriam posteris reliquissent.

Appetente hujus anni vere Calend. Aprilis renovatur Monomachia inter Fratres Joannem Patrachicum Ivanicij, & Petrum Lethoivanicij Præfectos, quorum illum Chekich Aga, hunc vero Chor Begus (quod monoculus esset, sic dictus) ambo Costaniciæ Equitum Præfecti, ob veteres de captiuis controversias & acerbiorum verborum proscissionem, ut ferro cæteris spectantibus litem terminarent, evocaverant, Petrinæque congressus locum constituerant. Advenere quidem utrinque honesto stipati comitatu duellant, verum Georgius Schwarzenburgus Joanni, Banus vero eo in loco Petro certamen interdixerant, & si eorum aliquis pugnam aggredi attenteret,

Costanich-
enses Tur-
cæ Siccia-
nos inva-
dunt.

Nova
Turca-
rum pro-
vocatio.

ret, eum veluti mandati prævaricatorem, Lopus Erdödius loci Præfectus, e Petriniaœ moenibus, tormentis submoveret. Ubi in mutuum convenissent conspectum, verbaque ad invicem miscuissent, tum prior Chekich Aga ad Joannem: „ Non ego, inquit, chare frater, emeritus „ in decrepita miles senecta ad violandum amorem fraternalum, non ad „ spargendum amicum cruentum huc adveni, osculo fraterno, ample- „ xuque amico te salutatum veni. „ Tum Joannes eundem amplexatus amice affatur, gladioque ad pugnam præparato donat, quod qui- dem a multis sane gravi datum vitio, nec ab ipso Turca collaudatum, sed multa postea mentitus factum id in timiditatis signum interpretabatur. „ Ad quid, inquit, huc convenimus, nisi ut contraas „ longo tempore rixas non fœminarum more loquacitate continuare, „ sed militari congressu terminare pergamus? „ Quibus auditis Petrus Patachicius, subito desiliens equo, & acinacem duello destinatum

Petri Pa-
tachicii
magnani-
mitas

arripiens; „ Eja, inquit, et si machinis bellicis in nos desuper detona- „ bunt, arridebit fortuna, ut duos tresve iætus evibrare liceat; quod si „ hoc in loco alienæ potestati subiecto id non concedatur, ad Brestum, „ quod ducentorum vix passuum distat, Banalis Jurisdictionis acceda- „ mus, ibique accepta jam in præsentibus literis potestate, vir virum, „ miles militem experiatur; aut si fortasse non me, sed commilitones „ hic adstantes formidare videris, & hoc stabo pacto, ut in medium „ deducto ponte Colapim, nos in eo, soli Aganothetarum instar luctam „ ineamus, haustumque Colapis ad æternam extinguendam sitim, no- „ bis invicem propinemus. „ Deferbuerat ad hæc Chorbegi ferocia, Casparemque Orehocium Vice-Banum, qui Drascovicii Bani nomine cæteris præerat, accedens proprius iratum jam hostem declinabat; ita demum ultro citroque habitis sermonibus infecto negotio ab invicem secessere. Verum quamvis animus fuerit Drascovicio id pugnæ genus permittendi, colloquium tamen etiam Turcarum, data utrinque induciarum fide exoptabat, quo pretium tandem redimento- rum captivorum certum statueretur; eo jam enim insatiabilis Turcarum avaritia, pecuniæque sitis excrevit, ut gregarium etiam mili- tem multis centenis, etiam millenis nummis argenteis, quos Thaleros vocant, pretio æstimare sint consueti. Jamque Drascovicius media prope legione collecta (cui & nos interfuius) Berkussam versus iter susceperebat, cum certus affertur rumor, Turcas nequaquam ad colloquium comparituros, sed privatum saltem cum Patachiciis ad Petriniam eos sermonem desiderare; quibus proinde eo missis, cæte- rorum in sua quisque reversus est.

Quiescentibus deinceps per æstatem Costanianis, ac iis, qui Savi ripam incolunt, Cladussiani tractum Carlostadianum ac præci- pue

pue oppidum arcis Stenisnicæ Rechicam dictum, quod tunc Dra-
scovicii Bani potestati parebat, frequentius infestabant; quibus tandem commotus Banus, sumptis secum sex peditum, ac quatuor equitum centuriis, eos cohibendos ac castigandos constituit. Omnibus igitur ad sextum Idus Novembris in Zredichco convenire jussis, septimo Idus Colapim trajecit. Aderat cum eo Lupus Erdödius, alterius Claduffa-
Lupi filius, Bani gener, cum insigni equitatu, juvenis magnanimus, norum
& qui majorum suorum vestigia pressius tenebat, Georgius Rattcajus Turcarum
ad futura sese disponens tempora, primaque militiæ rudimenta positi-
turus, Caspar Orehocius Vice - Banus, Vir cordatus timorisque castigatio-
nescius; Joannes Voicovicius veteranus turmæ Ductor, milesque
multis probatus periculis, aliquique complures. Progredientibus ita-
que universis meridiei tempore in Slatkopolie, ut vocant, id est dulcem
campum, ad minorem Trebche rivum, quod adaquationi equorum,
jumentorumque sarciniorum opportunus esset, exercitus reficiendi
corpora spatio concessu substitit. Ibi de progressu ulteriori, ac to-
tius rei successu consiliis agitatum, in eamque conclusum sententiam,
ut Petrus Patachicius, cum Sigismundo Mernavicio Lupi filio, cum
quatuor peditum cohortibus præcederent, ac universa diligenter ob-
servarent, si quid pecoris ac hominum intercipi abigique posset, ii di-
luculo facto sublato clamore id officii præstarent, prædamque cen-
turiæ uni abigendam darent, altera sese continente, ut insequentes
prædam hostes, a fronte tergoque intercepti, velut indagine clausi,
aut occumbere, aut sese dedere cogerentur. Præeuntibus igitur iis,
lentoque passu exercitu subsecuto, ad collem quendam arci vicinum,
ita ut excubiæ hostium facile exaudiri possent, in multam noctem
perventum, quiesque data militibus; albescente deinde aurora, de
alia redeundi via, quod hesterna transitum quendam pericolosum,
si ab hostibus per notos tramites festinantibus occuparetur, haberet,
consultatum: itaque consensis equis, ad planitiem quandam sece-
dentes, socios expectavere. Socii sub arce paucos boves occurren-
tes accepere duobus imperfectis Thracibus, quanquam certo postea
constitit, nostros facili negotio arcem ipsam, dum portæ aperiren-
tur, ingredi, omnibusque multo vino sopitis, quod hilaritati festi-
visque nuptiarum lætitias nocte præcedenti indulsissent, trucidatis,
arcem occupare potuisse, si invadere attentassent. Verum Turcæ
audio tormenti signo, e cubilibus profluentes, brevi peditum e vi-
cinis etiam locis centum, equitum quadraginta concurrerant, nostro-
rumque terga prementes, tribus fortiter vicibus in nostros fraude
semper usi irruperant; sed repulsis semper iis, ac aliquot imperfectis,
unoque eorum primario ductore capto, ac tribus militaribus signis,

vulneratis etiam pluribus, nostris non nisi duobus lassis, reditum est.

Nostris dum rursum labore longoque itinere fessi ad Trebcham rivum vires reficiunt, turma una hostilium equitum boatibus forsan tormentorum matutinis excita, opportune Georgio Gregurocio praeuenti obviasset, nisi clangentes tubas tympanaque perstrepentia, in victoriæ relatæ lœtitiam inaudivisset; iis enim auditis, majorem solito exercitum victoremque adesse rata, effusam fugam dedit, ut nos ad eundem pervenientes locum, ejus fugæ vestigia graminis proculcati sese relevantis, deprehenderemus; atque ita bene inchoatum pugnæ exordium, meliori terminatum epilogo vidissimus, nisi intempestiva triumphi signa edidissimus. Sed nec minus felici arridentis fortunæ successu, affecta jam æstate, Lupum Erdödium, ac Calparem Orehocium, cui cæteri parere jussi, sub eandem Cladussam expediverat Prorex Drascovicius. Captus enim nuper iterato viarum ductor (qui paulo ante posito lytro liber a Nicolao Comite Frangepano discesserat) Comlianus adpellatus, fortunæ ludibrio apud hostem pertæsus, Christianis se deinceps adhæsurum jure jurando affirmabat, instabatque vehementius, ut Banus expeditione facta, conjugem, liberos, facultatesque omnes inde suas reduceret, se quoque in re bene perficienda utilem navaturum operam. Itaque obtenta expeditione nostris progredientibus, fortuna ita ferente hostes quoque occasionem aliquam probaturi obviam facti, a primo statim nostrorum impetu in turpem conjecti fugam, amissis aliquot suorum, degeneres nullo contracto certamine palantesque disparuere.

Sed nobile illud, & a sæculis inauditum, ab Emerico Comite Erdödio Petrinia Præfecto, hoc eodem anno patratum stratagema, omittendum haud esse videtur. Erat Turcis Costaniciensibus captivus Christianus Leginich adpellatus, vir militaris, & ut ab hostibus putabatur dives; cuius fides sex aliorum captivorum lytro onerata, eum pluribus annis in squallido hærere carcere vinculisque cogebat. Itaque apud se reputans, omnes alios dimitti captivos, se unum in ærumnosa captivitate perpetuo detinendum, infelicem & acerbam tandem finiturum vitam, nisi divina ope, ac occulto Christianorum auxilio sublevatus eliberetur. Ad astum igitur conversus, vestigia clavium, quibus vincula referari occludique solebant, diligenter observat, ac in cera deinde efformat, eaque per comineantes captivos Petriniam Erdödio mittit, ut aliis ad eorum similitudinem confectis, eæ opportuno tempore usui eliberationis esse possint. Erdödius rem cordi accipit, brevique per fabros rem petitam confici curat; tum vero assumpto forti equitatu (quamvis aliorum sententiis a proposito sum-

Mira ca.
ptivorum
e Costan-
cia libera-
tio.

summi scilicet periculi pleno, & prorsus inani distraheretur, alioque convertendum militem avocaretur) & aliquot peditum centuriis, quorum tres Banus Drascovicus suas auxilio esse voluit, ita Costanicam progreditur, ut ad secundam noctis vigiliam eo perveniret. Ibi commodo in loco struendarum insidiarum omnes collocat, quinque solum aut sex cum homine loci perito, qui olim apud hostes eo in praesidio stipendia merebat, ductorque viarum fuerat, & ad nostros postea transfugerat Petek cognominatus, clavibus ei traditis, rem peragere jubet. Illi invocata Divini numinis ope clandestino silentio vado Hunnum transeunt, oppidumque ingrediuntur; pergentes deinde ad carcerem, in medio quasi oppidi situm, neminem ibi, praeter duos altostertentes somno custodes, eosque a carcere paulo remotiores reperrunt, tum concendentes carceres per extantes trabium extremitates tabulatum perfringunt & aperiunt, ac ingredientes carcerem clavibus obserata vincula reserant, compedes lineis telis, ne prodente sono Christiana fraus detegatur, obvolvunt, captivos demum quinque humeris exportant, equisque ad id preparatis ac secum adductis impositos, intactis custodibus relictis, feliciter carcere oppidoque eductos, ad nostros perveniunt. Nostri singulari laetitia perfusi, ac immortibus Deo gratiis redditis vinculisque captivorum solutis, hostes si forte ablatos insequerentur, in multam diei sequentis lucem praestolantur. Verum Turcae animadverso stratagemate, usque Hunnam flumen progressi, visis ibi equorum vestigiis, nostros magno numero certo insidiarum loco, uti erat, adesse & expectare rati, ea ignominia ac dedecore revertuntur, ut vel ipsis postea confitentibus, maluissent dimidiam Costanicæ partem incendio cum universis facultatibus conflagratam vidisse, quam ejus se socordiae, ac extremæ in custodiendis Christianis negligentiae reos fuisse deprehensos, praeterquam quod decem millium Thalerorum pretii captivorum turpissime amisissent. Memorabile hoc, & audax nimis factum, ut nondum a nobis, quibus gloriae cessit, ita nec a Turcis, quibus ignominiæ, oblivioni tradi potest.

Quod felicitatis ac laetitiae de superatis semper hostibus hactenus accepimus, hoc omnibus postea in nos concitatis elementis, malo futuron indicio, deplorare cogebamus; postremque hi duo anni 1645. scilicet & sextus multis calamitatibus, in omnem memoriam nobilitati visi sunt; ita nimirum summo Deo flagitia nostra ulciscente, ut qui juxta Divum Gregorium in cunctis delinquimus, in cunctis seriamur, ut impleatur quod dicitur: Et pugnabit pro eo orbis terrarum contra infensatos. Nam & terræ motus inusitati ac frequantiores universum prope Regnum concutiebant, & ea aeris inæqualitas vigebat,

ut nulla fere Regni pars pestifera contagione libera fuerit, vicinæque Provinciæ simili infectæ tabe, nulli tutam præberent vitam, comœandique facultatem. Jam deinde tumescens fluminum terminos suos longe lateque evagantium inundationem, jam immanes cœlorum mugitus, tonitrua, fulmina ea fuere, ut vel Noeana tempora generali Cataclysmo memorabilia, vel extremi tribunalis horam, mundo finem posituram, adesse dixisses; ac ne quid malorum poenarumve ad complementum defuisse videretur, anno quadragesimo quinto, aliquot in locis vehementissimus desævit ignis, præsertimque Zagrabie Mense Martio. Orto enim incendio hora noctis nona in superiori Civitate, quæ Mons Græcius dicitur, ea immanitate grassabatur flamma, ut non nisi pars Urbis tertia illæsa permanserit: conspirantibus deinde in perniciem undique ventis, delatoque in Canonicorum Collegium igne, illud pene totum cum duabus celebrioribus Ecclesiis, & arce Episcopali miserrimum in modum conflagravit. Nec ibi sistente flamarum furore in Vicum Italicum, Episcopali arcii ac jurisdictioni subiectum sese transfert, similique debachatur impunitate. Et quamvis inæstimabilis pretii detrimentum sit illatum, præcipuam tamen omnibus commiserationem movebant insignia quatuor incinerata templa, Divi Stephani Regis Cathedrale, Divi Marci Parochiale, Divæ Catharinæ Societatis Patrum cum Collegio, ac sancti Francisci ejusdem ordinis Regularium cum Monasterio, olim ipsius Patris Seraphici inhabitatione cellaque nobili. Ampliorem adhuc Deo de nobis sūnente vindictam, dum Cathedralis Ecclesiæ reparacioni infudatur, anno insequenti fornix multis imbricis, pluviarum ventorumque impulsibus labefactatus, cedenteque cui innitebatur columna, eo corruit detimento, ut Chorum, Episcopi Thronum, quinque sub Choro Aras, Stallos stnistræ partis dimidios, &c, quod sine animi dolore dici nequit, nobilissimum multorumque millium organum, omnia veteris magnificique operis oppresserit, comminuerit. Miseranda profecto horum omnium facies, lacrymas intuentibus elicit, precarique instantius summum Deum cogit, ut jam tandem vindicem ac ultricem suspendat manum, nobis interim acta haec tenus mala emendaturis; sed ad Drascovitum dolori tantisper modum ponentes, redeamus.

Increbuerat invalueratque rumor, Turcam adversus Venetos proficiscentem omnino per partes nostras transitum tentaturum, quod quidem sine gravi Regni detimento, periculoque futurum haud videbatur; & ad fidem augendam certis nunciis afferebatur, Zrin Agam, permisso Præfeti Bosnensis, arcis dictæ Mali Gradacz reparacioni infistere, jamque collapsum vetustate murum emendassem, roborum quoque ac terræ coagmentatione vallum erexisse, portarum valvas, excubitorum

Incen-
dium Za-
grabiense.

rum pinnacula extruxisse, vicinum denique rus milites colere incepisse. Unde non exigua jam plerosque, rumpendæ pacis, Castrorumque futurorum, quod reparations arcium conditionibus pacis vetitæ es- sent, invaserat sollicitudo; quibus intellectis Prorex Drascovitus con- vocato Optimatum Concilio, de ferendis Regno auxiliis, de averten- do hostilis incursionis periculo, de tuenda demum conservandaque Pa- tria consultat. Decernuntur ad confœderatas Provincias pro bellico apparatu subministrando, ac militibus etiam si necessum foret, legati; & in Styriam quidem Joannes Voicovicius, in Carinthiam vero & Carniolam Mathias Orsicius, quorum iste cum satisfactiōne omnium allato plumbi, sulphurei pulveris & aliquot colubrinarum minorum auxilio, honorifica insuper futurarum suppetiarum, pro earum viri- bus ac facultate promissione, & ipse a Provinciis donatus est remis- sus. Sanctum interim Procerum suffragiis, ut ingruente necessitate ad Bani mandatum, omnes pro communi omnium salute in castra absque mora convolare teneantur; Arcem vero Gradacziam demo- liendam plerique suadebant, sed ne a nostris belli initia præberi vide- rentur, consultius alii abstinendum duxere. Itaque Drascovicius cum aperta vi solo æquandam non judicaret, Præfectis locorum potestati suæ subjectis dat in mandatis, ut Gradaczianos, nulla quiete concessa, indefessè vexent, eorumque agros ac segetes destruentes, in pristinam convertant sterilitatem. Unde brevi effectum, ut cum militari sti- pendio carerent, frugibus vero destructis vitam sustentare nequirent, nec usquam secure arce egredi permitterentur, deserta arce ad inte- riora sese recipere sint coacti. Hanc arcem cum aliis vicinis majori Gradacz, antiqua Petrinia, & Castello Zokol, Martinus Frangepanus horum Regnorū clarissimus olim Banus, & eximiae in Ecclesiam Dei liberalitatis, Zagrabiensi Ecclesiæ Eleemosynæ nomine pia munificen- tia, perpetuis futuris temporibus possidendas contulerat. Indefessam denique Drascovicii operam ac sedulitatem in tuendis reparandisque Confiniorum Præsidiis, eam fuisse certe constat, quæ ab annis jam prope quadraginta fuerat desiderata. Nam & veteres ruinam minan- tes demolitus restauravit, & novas plerasque extruxit vigilias; arcem quoque Gore, Pokupzko, & Berkussam, ubique præsens solus, ei re- stituit integrati, quæ & diligentiam ejus & Confiniorum tutiorem permansionem testaretur; quorum omnium Nos ipsi, individui ejus ha- rum expeditionum comites, testes sumus.

Nec se Drascovicii vigilantia atque cura in tutandis finibus cohi- bendisque hostibus continuit; sed ne a Thracibus Germanorum im- perio subjectis, eorumque Præfectis in Patriæ viscera sœviretur am- plius, neve plures, prioribus gravissimis nondum compensatis, irro-

Martini
Frang-
pani ma-
gna Elee-
mosyna-

Drascovi-
cius Com-
missionem
Valachi-
cam urge-
gen-

gentur nobilitati injuriæ, scriptis ad Cæsarem Ferdinandum publico Regni nomine literis, id effecit, ut Georgio Comiti Schwarzenburgo, Sclavoniæ limitum Præfecto, in mandatis Cæsar daret, quo ille rescil- sis omnibus remoris ac excusationum tendiculis satisfactionem Nobili- tati pro illatis injuriis impendat. Mittitur cum his Cæsareis manda- tis e medio Optimatum Varasdini congregatorum ad Schwarzenbur- gum Georgius Rattcajus & Caspar Orehocius Regni Vice - Banus, qui præmissa officiosa Statuum ac Ordinum salutatione, Ferdinandi præsentant literas, earumque contenta in paribus Regno transmissa, facunde explicant; tum demum, ut certum statuat præfigatque diem, quo omnibus injuriam passis fiat satis, precantur. Is gratiis pro obla- ta salutatione redditis, literas se primum Cæsaris perlecturum, ac tum deinde, quid facto opus fuerit, facturum respondit. In sequenti die, iisdem ad eum nunciis expeditis ac priora repetentibus, præter expe- ctationem tumultuose primum queri cœpit, seque mirari dixit, quod turbatis hisce temporibus, quibus Georgius Racocius universam Hun- gariam in immane chaos confundat ac involvat, novam Status & Ordines Thracum incitent seditionem. Ad quæ cum nuncii reposuissent, nullo quidem pacto Regnum ullos civiles mutuosque intendere motus, præsertim cum & Hungariæ ad eosdem tollendos, pecuniario spontaneoque nuper ad conducendum militem fuerit subsidio; sed expectare se ab eo, pristinæ libertatis immunitatem restituendam, ac justitiæ vel postliminio satisfactionem impendendam; non se tumultus vereri, cum voluntati ac mandatis Cæsaris paret; ejus denique spei esse universos, ipsum præsentia ac authoritate sua Thracum insolentiam, si quæ metueretur, cohibiturum partesque Regni Justitia, & Cæ- sare jubentibus defensurum. Ad quæ universa ille non se Croaticam gestare vestem respondit, sed proprio quantocyus expedito tabellario Cæsari significaturum, nequaquam turbata Hungaria id negotii tra- stari posse, ad feliciora id tempora esse differendum. Tametsi autem postea Status & Ordines, de tam inurbano superboque responso apud Cæsarem questi sint, Racocio tamen semper magis tumultuante, ac Cæsarem a pace ad bellum avocante, res omnis in infectum abiit. Et vero persensisset Regnum istud, paternam Drascovicium in se curam, si diutius hunc Magistratum Cæsar eum tenere voluisse. Constat enim no- bis, qui cæteris frequentius ac familiarius ejus usi sumus conversatione, quæ in animo suo agitabat, quam proficia Regno, quam opportuna Confiniis, quam generosa facinora mente sua digna; quæ omnia muta- tione Magistratum gravi Reipublicæ nostræ jactura omissa dolemus.

Est profecto quod lætetur Hungaria, ut quos Drascovicius me- ritorum surculos Sclavonico, Croaticoque non inseruit frutici, ejus

in Hungarica jam plantare pergit gleba; at benefica ejus in omnes suos mens etiamnum sese diffundit, spondetque se imitaturum solem, qui æstivo assurgens tempore, quamvis longius a terra distet, potentius tamen universa foveat, vegetat, animatque. Grassabatur Racocius per Hungariam ferro flammaque cuncta miscens, longiori quam quisque putarat tempore, donec tandem confecto inter eum ac Cæsarem Diplomate pactisque trium mensium induciis, Centumviralis publicatur Senatus. Drascovicius qui rebus ubique feliciter gestis, summa etiam prudentia, diligentia, ac felicitate sex administrato Magistratu annis Illyrico præfuerat, ad hunc Regalibus, ut vocant, literis vocatur, ad capessendam insuper Palatinatus dignitatem, frequentioribus amicorum literis invitatur, solicitatur. Convocato igitur antea concilio, relinquit Nicolaum Comitem Erdödium quorundam privatorum suffragiis substitutum Banum, qui ingruente hostili incursu repentina, se absente Patriæ tuendæ finibus Nobilitatique cum potestate præsit. Verum is, ut eventus postea docuit, neque usu aut rerum gerendarum prudentia, neque militaris disciplinæ peritia præditus, præter splendorem natalium ad eam dignitatem nihil attulisse visus est. Profectus demum Mense Septembri Drascovicius paulo meliori, miro Dei beneficio adepta valetudine, qua paulo ante ægra admodum utebatur, cum Posonium pervenisset, ea plurium procerum aggratulatione exceptus salutatusque est, ut haud obscure omnium prope animos in eum conversos intelligi potuerit. Vigesima tercia die Septembribus omnes Status & Ordines ad Cæsarem Ferdinandum accersiti, eoque publico in Palatio ac sublimiori Throno ad id præparato confidente, Georgius Szelepchenius Episcopus Wesprimiensis, & Aulæ Cancellarius, Hungaro Idiomate elegantem ad Proceres & Nobilitatem de paterna in omnes ac Regnum istud optimi Regis cura ac vigilantia, de mutua inter omnes habenda animorum concordia, de auxiliis demum afflictæ Patriæ, ac intestinis civilibusque factionibus dilacerato Regno ferendis, habuit orationem. Qua finita Rex ipse pauca eleganti latino sermone prolocutus, propositiones scripto, quas in Regno agitari concludique volebat, Georgio Lippai Lib. 3. Ode 3. Strigonensi Archipræsuli tradidit. Tum Lippaius vir Heroici pectoris, & de quo illud dixeris Horatianum:

*Si fractus illabatur Orbis,
Impavidum ferient ruinæ.*

facundas omnium nomine Cæsari reddidit gratias, post quas alii, qui ferius advenerant, Cæsari salutem precati Regias exosculantur manus; quibus peractis Cæsar ad epulum, cæteri ad sua quisque hospitia descendunt. Die 25 congregatis optimatibus recitantur eorum nomina

scripto a Cæsare transmissa, qui mortuo Nicolao Esterhasio ad suscipiendum Palatinalis dignitatis fastigium delecti erant. Fuere illi Joannes Comes Drascovitus, Adamus Comes Forgacius, Stephanus Bethlehemius, & Ladislaus Niarius; recensitis nominibus ad aliam interim, quoad vota ferantur, sedere domum jubentur. Latis ac collatis in unum calculis, Drascovicus centum viginti & uno Palatinus declaratur. Et quamvis ille postea gravi modestia facundiaque id muneris superfugeret, nulla in Regno Hungariæ bona sibi esse afferens, & si quid hostile ingruat, quemadmodum nunc decumanis involuta esset Hungaria fluctibus, se nullatenus dignitati posse respondere; ei etiam Magistratui multos labores, maximas curas, incredibilem negotiorum molem domi forisque annexam, quibus ipse ferendis impar esset. Visitus tamen postea singulari prece Nobilitatis ac populi, inter venerantes gratantesque contribules, & Provinciarum legatos, pulcherrimo ordine ac magnifico comitatu ad Ferdinandum ex Urbe in arcem Pannonensem perductus est; a quo benigne habitus, ac amplissimo eo in honore confirmatus, juri æqualiter dicundo administrandoque sacramentum dixit. Quo dicto Cæsari prandenti tantisper universi adstitere, tum festivo Palatinus Proceres exceperit convivio. At Calendis Octobris, ubi omnes prope Nationis Illyricæ ultimum quasi cum eis agens futura negotiorum mole impediendus prandio excepisset, inter medias epulas hac eum Georgius Rattecajus omnium nomine, brevi affari sœcit dictione:

„ Nescio lugendumne potius sit, an lætandum nobis in hoc auspicio honoris tui augmento, Palatine Prorex Illustrissime; lætandum quidem omnibus de prospero serenioris fortunæ tuæ afflatu, sed lugendum nobis de amissione Patris; lætandum quod exaltatus sis e nobis, sed lugendum, quia ablatus a nobis; & cum Hungaria sterilitatem suam, in quam ab anno jam uno inciderat, in viorem ac fœcunditatem reflorescere lætatur, Sclavonia Croatiaque nostra viduata marito, orbitatem suam gemit. Vix sexennio dulces patris affectus experiri, ac providam vigilantissimi Gubernatoris tutelam sentire licuit, cum his omnibus invidente fortuna, carere cogimur. Sed ubi universa in plausus tuos effusa Pannonia luctus sui obliviscitur, nos quoque tui potius, quam nostri, meminisse convenit; & quamvis passeris instar solitarii in tecto lugere deberemus, nec canticum novum in terra aliena cantare nos deceret, geminata tamen cum socia Pannonia lætitia Palatinalis honoris Ave tibi dicimus, & eo quidem hiliori vultu, quod post longam temporum seriem, felicia Saturni sœcula ad nos rediisse conspiciamus. Ut enim Ecclesia Romana quatuor sublimioribus coruscat Doctoribus, ita jam „ Illy-

Palatinus
creatur
1646.

„ Illyrium nostrum post Nicolaum Garam, Emericum Perenium, Thomam Nadasdium, ac Emericum Zapolyam, te quinto e Banali dignitate in Palatinalis fastigii apicem sublimato gloriatur; hoc etiam tu cæteris major, quod vel maxime Noſter, nec interrupta dignitas tum serie, priori viam futuræ sterneres, & ei, quem nunc amplissimum habes, honori præluderes. Vere nunc benigna aure optimus Deus gentis Hungaricæ, cum te illi concessit, vota ac suspiria suscepſisse videtur, quæ illa mortuo lapidi Patris tui Bani, affectu vivo ad perennaturam memoriam incidi voluit:

*O Drascovios dent Sæcula posteræ multos,
Gloria Prisca Hunni Martis & Artis erit.*

„ Vive igitur ter felix ac faustus Neo Palatine, Majorum tuorum Major, vive inclytæ Pannoniæ, cui te Cæfaris favores, merita tua ejusque vota gubernandæ attraxere; sed ita illi vive, ut nostri & nostrum te esse memineris, ac deinceps, ubi desiderata præsentia tua nobis frui non dabitur, matris tamen affectu universos gaudere patiaris., Grato hæc illi accidere animo, ac diuturniori postea cum suis tempore hilariorem animi conversationem protraxit. His peractis, quamvis felici principio Comitia auspicata, ea tamen multa contentioue turbata, ac singulari hæreticorum pertinacia funesta, jam quintum trahebantur mensem variis vicissitudinibus implexa, ut vere Bochcaianos nunc Turbantios vivaque eorum simulacra longa jam afflictum calamitate Regnum turbantes ab infernalibus excitatos furiis resurrexisse dixisses, quibus jam tandem Christus pacis Princeps magnique Consilii Angelus, Petri navi in Pannonicom mari fluctuanti, sedatis imperio suo adversitatum fluctibus optatam concedat tranquillitatem. Quam quidem bene nobis sperare licet, donec Lippaianæ inconcussæ constantiæ Columnam Drascoviciani Gryphi & fulcient & solidabunt. O Pannonia Apostolica quomodo commutatus est color tuus optimus! quæ olim Stephani Apostoli tempore tertia tui parte Deo dicata fueras, quæve ex hominibus dabas decimas; nunc, ut cum magno Hieronymo loquar, adversarium in pectore tuo Christum conantem occidere, non dico repellis, sed vel ultro phreneticum admittis, vel tacendo foves. Utinam supra quadraginta supersint dies, donec infelix subvertatur Nînive. Quamquam eam misericordiarum Patris erga te benignitatem videamus, ut omnibus pene Regni Optimatibus, velut errabundis oviculis ad veri Pastoris ovile reductis, iidem in pristinam fidei unitatem nobiscum coaluerint; magnam tamen adhuc tui partem reſcissam ingemiscimus, & votis omnibus nobiscum pro aliis gemere exoptamus.

Finis Libri Quinti.

M E M O R I A E
R E G U M E T B A N O R U M
D A L M A T I A E, C R O A T I A E, E T S C L A V O N I A E,
G E O R G I I R A T T K A Y,
L I B E R S E X T U S.

Prorex Palatini Drascovicii Successor tametsi in pugillari Cæsaris Zachariae instar jam scriptus fuerat, supra integri tamen bennii revolutionem publici eum juris Ferdinandus esse noluit; quod sane maximarum in Regno turbarum violentiarumque causam præbuit, ac motuum civilium periculum fecerat; dum enim indigenæ capite carerent, cuius authoritate ac imperio cohiberentur, quisque pene, quod libebat, licere sibi impune arbitrabatur. Hinc Magnatum pariter ac Nobilium mutua vis, cædes, bonorum direptio; hinc intestina odia, privata commoda, nullius propemodum in communem salutem studium; hinc, fatis concedente Martino Bogdano Zagrabiensi Episcopo, Præfectus Ivanicæ Joannes Waichardus Fetterus, ejus Castellum ibidem situm, Alemannicis præsidiariis eo missis invadit, æs percussum, frumentum, vinum, ac universam suppellestilem barbara diripit licentia, subditos omnes ab Ecclesiæ avel lens laboribus, ac sibi imperioque suo deinceps parere cogens. Quibus tandem omnibus Ferdinando Cæsari significatis, ac gravibus expositum querelis, tum demum ob tot jam patratas Regni injuras ac Regni sustentata incommoda, futuraque graviora formidando Nicolaus Comes a Zrinio Georgii Bani filius, cuius supra meminimus, jam antea Cæsaris animo ad hunc destinatus honorem, qui Reipublicæ in libertate pristina conservandæ ac præsidiis ab hoste tutandis, summa cum potestate præsit, anno quadragesimo septimo supra 1600. die Joanni Apostolo & Evangelistæ dicato, ejusdem Cæsaris oraculo declaratur. Causa tam diuturnæ hujus Officii dilationis, ac longi Interregni Thomæ Miculicij Regiæ præsentiae in Judiciis Personalis ambitio & invidia fuit. Etenim præterquam quod ille vehementissime pro parte sua instaret, eamque dignitatem sibi con-

Nicolaus
 Comes a
 Zrinio Ba-
 dando
 nus Croat.
 & Sclav.
 declaratur
 a. 1647.

conferri postularet, in Zrinium quoque, cui multa gratitudine obæratus esse debuisset, utpote quem majores ejus ex humili obscuraque statu sublevassent, ac dignitatum deinde, facultatumque, quas postea consecutus est, jecissent fundamenta, incertis tamen de causis gravissimo flagrabat odio: atque cum homo vafer ac versutus esset, miris politiæ artibus, cum alioquin bis a gremio Ecclesiæ fideliumque societate anathemate percussus fuerit segregatus, auctoritate sibi apud Cæsarem comparata, modis omnibus, neglecto Reipublicæ commodo, Zrinii Comitis obfistebat successibus; adeo ut, dum secretiora apud Ferdinandum, de constituendo horum Regnorum Prorege, consilia agitarentur, hæc ille arroganti ingratoque ore palam effutire non erubuerit: „ Jam, inquit, Majestas Vestræ Fratrum uni Præfecturam Silbergensem contulit, alteri nunc Banatus dignitatem dare parat, nobis reliquis Majestatis Vestræ servis aliud restat nihil, quam ut metuentes cervicibus ac for- tunis nostris, ultimum a servitiis vale demus. „ Et vero cum jam plurimum se apud Cæsarem posse videret, & arcis quoque præsidiique Caproncensis impetrasset bona, in eam omnino spem adducebatur, se dignitate Banali potiturum, sed dolosus hic felicitatis genius est, quamvis magnæ pariter indolis signum sperare semper. Induxere nihilominus Ferdinandum, ut hoc Zrinium honoraret officio, & Majorum ejus merita & servitia bellica repetitis vicibus sibi impensa, & in hac ejus ætate, qua nondum trigesimum attigit annum, militaris disciplinæ peritia, raraque in conferendis præliis prosperitas: denique adeo populorum ora, nominis ejus virtus complevit, ut ante illum plerique amare, quam nosse cœperint, nec tam laudandus esset ille, qui amaret, quam scelus putaretur facere, qui non diligeret; unde quantumvis sèpius castigatis memorabili clade Canisiensibus Turcis nomen suum inter populares celebrarit, nec alia tamen Regna virtutem suam latere patiebatur: sic nimirum vera virtus ignis instar est, qui quantumvis arcte conclusus erumpat tamen necesse est.

Grassabatur ea tempestate æra nempe Christiana 1646. per Imperium victor Svecus, ac victoriis prædisque superbus hostis insolens susque deque turbabat omnia; tum demum singulari crudelitate jam depopulatum Moraviam, inopino in fines Hungariæ impetu ruere, ad Ferdinandum Cæsarem crebris ac certis nuntiis affertur. Ille rei novitate motus Geciānam e vestigio ducit secum Legionem, & Hungariæ optimatibus dát in mandatis, ut universis Regni copiis quantocvus collectis sese præstolentur ad Szakolcam, Castra ibidem me-
taturi, & primo quoque tempore in hostem, si necessitas postulet, Dd 3
Cæsar ad Szakolcam cum

Hungaris convenit. moturi: ne in ipsa jam domesticarum Provinciarum viscera belli flamma gliscat, quæ universum Imperium elapsis temporibus incenderat, miserabilique deformatione jam prope incinerarat. Porro Status & Ordines Hungariae conveniunt Croatiae & Sclavoniae Regna per literas, uti & ipse Ferdinandus, ut qui animo atque corona conjuncti essent, ad commune propulsandum periculum subsidio quoque vicinis adeissent, vicaria, postulante necessitate, auxilia repensuri. Et Regna quidem Croatiae Sclavoniaeque milite subsidiario præsto esse omnino non poterant, cum eo temporis præsertim frequens omnium animos turbaret fama, ingentes Ottomannici Imperatoris in Boñae Regno Legiones eo animo congregari, ut per Croatiae fines ac præsidia, qua cæterum transitus a Cælare illis negabatur, in Venetos, cum quibus acerrima gerebant bella, aperta vi penetrarent: pecuniariori nihilominus auxilio pro quingentis conductis militibus sociis subvenere, & jam æs numeratum in manus Bani Drascovicii collocatum fuerat. Itaque cum omnes belli nervo succurrissent, privato attamen nomine Comes Zrinius tricennaria suo ære comparata turma Cæsari obsequiofus, Hungariae proficuus esse voluit. Appropinquans Szakolczam apparatu ac ordine honorifico, ipse ante alias ostro auroque refulgens, evaginato acinace, inspectantem Cæfarem Alemannicis ac Pannonicis stipatum turmis prætergreditur, obsequioque veneratur. Brevi post oblata ab hoste Sveco pugnæ copia, & facta a Cæsare potestate, ea facilitate ac suorum virtute hostem fudit, ut ducentis amplius cæsis ac non multo paucioribus vivis in potestatem acceptis, nova gloria, auctus victor in Castra redierit.

Comes Zrinius auxilio venit.

Zrinius fugat Suecos.

Sed prosperiori usus fortuna ad Tybiscum in Hungaria nobilicrem multo potitus est victoram, dum Georgius Racocius Transylvaniae Dominus, solita illis Principibus perfidia, adversus Cæarem tumultuatur, Ecclesiae unionem scindit, ac inconsutilem Christi tunicam dilacerat, Patriæ pacem ac tranquillitatem perturbat, afflictam exagitat opprimitque plebem, nulla æquitate, bona ac Dominia aliena a Cæsare extorquet: dum, inquam, calamitosam proprio purpurat Hungariam sanguine, jubet legionem unam suorum trajecto Tybisco, vicinos populari agros, arces, ac Castella flammis absumere, ac omne hostilitatis genus exercere. Ad hos reprimendos castigandosque prædones mittuntur Tribuni a Gecio Cæsaris Archistratego Comes Puchamius Corneoburgensis, Cremensisque in Austria, ac Iglaviensis in Moravia Civitatum expugnatione clarus (est vir singulari humanitate & cui Musæ omnes aliquid leporis fui ac venustatis admisuisse videntur) atque cum eo Comes Zri-

Zrinius; qui hosti obviam facti, ac vix bene cum eo congressi in præclare turpem illum conjecere fugam, ut tria millia amplius partim Tybilci gurgitibus absumenda dederint, partim sub gladium miserint; ipse Zrinius hostilis sanguinis anhelus, jamque ex Duce miles effectus, duos manu sua trucidat, ac tertio hostile vexillum Signiferō eripit, ipsi demum Gecio Cæsareanarum Legionum Præfecto spectandum exhibet. Sane inter Ferdinandum Cæsarem ac Racocium Principem Transylvananum vehementi impetu & magnis partium viribus per annos plures bellum acerrimum, parum prospero Ferdinandi successu gestum novimus. Superiorem quippe Racocius Pannoniam pervagatus, ejusque Dominia ample circumlato armorum terrore deprædatus ac depopulatus, Tyrnavia quoque jam occupata, extrellum Posonio incusserat metum. Tametsi vero maximis ejus ditionis proceres incommodis affecerit, Joannem tamen Druethum curiæ Regiæ judicem præ cæteris sibi infensum, ac damna paulo ante haud vulgaria inferentem, exagitandum suscepit. Quo omnibus ejus dominiis pulso, arce demum Jessenocia, quamvis valida ac munita, in quam ille velut in tutissimum asylum conjugem ac liberos cum immensa thesauri copia inclusuerat, vi atque armis expugnata ac pene solo æquata; conjugem ac liberos in tutum abire, asportatis amplissimis Thesauris concescit. Druethus universis prope suis acerba fortunæ indignatione desperditis, nec consanguinitatis deinde, nec dignitatis, neque veteris stemmatis natalium prærogativa hospitium inveniens, tota Pannonia exul Sclavoniam cum suis petiit. Ibi Casparis Comitis Drascovicii, ac generi ejus Nicolai Zriniani Proregis munificentissima liberalitate anni prope spatio sustentatus vixit. Ille enim Klenounichio Castello in Residentiæ locum assignato, iisdem etiam bonis plena cum potestate traditis, velut propriis perfaci indulxit. Zrinius vero ingenti non semel suppeditato ære, ac cæteris vitæ subsidiis subministratis, grata eundem ambo fovebant hospitalitate. Consopitis deinde tantisper Pannonicis tumultibus dum in Patriam ac Natale domicilium redditum parat, quantam interim honoris ac nominis, bonorum ac fortunarum omnium jacturam discriminque subierit, amaro volvens animo; quomodo Patrio solo profligatus exterorum ope sustentatam vitam duxerit, nec se tamen horum unquam frumentum recepturum, indefessis profundisque pensans cogitationibus; tandem iter arripiens dum Styriam attingit, subitanea tactus apoplexia ex animi mœrore caułata, vir, qui tantis fortunæ fluctibus agitaretur, indignus, repente summa omnium admiratione extinguitur. Sed Pannonicorum motuum causas atque eventus, quam-

Joannes
Druge-
thius exul
in Sclavo-
niā ve-
nit.

vis pro posteriorum memoria explicare operæ pretium atque documento foret, ut alienum tamen ab instituto nostro aliis scribendum permittimus.

His virtutis bellicæ a Zrinio datis documentis, quo amplius irritatæ virtuti incitamentum suppeditaretur, supremus vigiliarum Præfectus, ac Croatarum omnium Generalis constituitur; atque ita omnibus prospere laudabiliterque foris actis in Patriam ac Insulam suam perpetuis interea Turcarum incursionibus afflictam ac vexatam revertitur, cui hactenus defendendæ Petrus frater fuerat constitutus. Admonet hic locus, ut, cum Petri mentio nobis inciderit, de eo pariter quædam memoria digna brevibus inferamus. Juvenili adhuc est ætate, sed masculo corde, robore Herculeo, artis peritus, qua tormentorum Magistri uti solent, quam eo fine descendam sibi proposuerat, ut Christiani nominis hosti gravius inde noceret, quo factum, ut Canisienium suburbiorum partem semel arte ista, ac industria sua in cineres ac favillas redegerit. Porro fortitudinis suæ experimentum non vulgare Posonii sub Comitiis spectante Cæsare præbuit: dum enim Ferdinandus levandi animi causa venatione se se oblectat, ecce fit obvius aper annorum septem; jussus a Cæsare Zrinus aggredi subito desiliens equo, evaginato acinace, eo uno immanni belluam ferit ictu, ut divisa acinace fronte, diffusoque cerebro e vestigio humi prostrata animam vomeret. Cæsar miratus accepto a Zrinio gladio eum paululum vibrat, ac restituit, adjiciens eum non pro sua esse manu: Ut hoc virium corporis ac spectatæ fortitudinis nobile fuit documentum, ita alterum quod sequitur, animi magnitudinis exemplum singulare.

Petrus a
Zrinio
fortis &
magnani-
mus.

Excubabat Petrus ipse per pagos Insulæ suæ, donec Frater Nicolaus Imperialibus occupatus distineretur armis, adventu hostium excitus; & cæca intempestaque nocte, dum utriusque studetur fraudi, inopino casu obvii facti, in incertum accendunt animos certamen. Petrus martiali spiritu succensus Turcam in fugam convertit, ac usque in Muram flumen persequitur: Turca salutis anceps dum in littore effugium non invenit, in Muræ vortices se præcipitem dare cogitur. Infilit ergo hostis, sequitur Comes, & in ipsis aquæ gurgitibus barbarem Neptuno immolat victimam; quamvis & ipse ægre admodum opera cujusdam Dechko cognominati, fluctibus prope absorbendus, ereptus fuerit. Collatam deinde a Cæsare accepit durantibus Posonii Comitiis Præfecturam Silbergensem, cui mille prope parent homines, ea tamen conditione, tametsi de veteri Regum Hungariæ confuetudine ac lege dignitates hujusmodi absque ullo onere bene meritis conferri consuevissent, ut cum sex

mi-

militum Centuriis suo ære comparatis exercitui Cæfareo per trimestre sese conjungat. Absolutis enim Comitiis, & filii sui Ferdinandi Quarti in Hungariæ Regem felici inauguratione peracta, quæ undecim integris prope mensibus singulari hæreticorum protervia protrahebantur, Ferdinandus ipse, cum minus diligenter ac fideliter administrari in Bohemia arma sua intelligeret, eorum præsens esse voluit spectator.

Obsidebatur ab hoste Egra Bohemiæ Urbs, imo deditioFerdinan-
radisi frequentata ei familiæ infidelitate prodebat, quo simul tem-dus in ca-
pore Ferdinandus Egræ vicinus in castris morabatur. Verum Sue-stra Impe-
cūs nequaquam Cæfarem dignitatem suam, fortunas, & caput ipsum rialia pro-
temeræ belli aleæ exiguo protectum exercitu exposuisse ratus, ficiuntur.
tandem a milite Cæfaris paulo ante captivo cognoscit, eum omnino
armis suis quamvis non pro Majestate Cæfarea sat amplis præsen-
tem esse, seque ab eodem donativi nomine aureorum nummum de-
cem beneficium cum libertate consecutum. Hinc Wrangelius Tol-
li, seu quem præcipitem latine dixeris, locum, quo Cæsar moraba-
tur, ac occasionem omnem ab eo edocitus, adscitis trecentis spe-
statæ virtutis atque animi sociis primi ordinis, accepta a Torsten-
sonio Svecicarum Legionum Chiliarcha potestate aliquid agendum
æterna memoria dignum ratus, Ferdinandum ipsum sub noctem
hospitio suo quiescentem invadendum, tum demum aut captivum
abducendum, aut diræ morti tradendum decernit. Progreditur igit-
ur ille, adeoque silenti adventu vigilias nostrorum fallens, forti
animo in Cæfaris hospitium irrumpit; ut Ferdinandus cum omnibus
aulæ munia obeuntibus e strato profiliens, salutis anceps, extre-
num aut vitæ, aut libertatis fortunarumque perdendarum adierit
discrimen. Et sane nisi Croatæ veterani excitato commoti tumultu, in propinquo ad custodiam collocati, ocyus accurrissent, de Fer-
dinando ac universis summa rerum omnium jactura fuisset actum.
Verum illi innata virtute animique generositate furentem jam hostem,
ac triumphum de Cæsare parantem velocissime perturbant oppri-
muntque. Hostes dum singulari pavore consternati tenentur, Lö-
wensteinius cum uno agmine corporis Cæsarei defensioni destinato
advolat, ac junctis Croataram viribus Wrangelium cum sociis ad
internacionem prope paucissimis fuga elabentibus delet, & arro-
gantem illam hostium temeritatem digno mortis stipendio mulcat:
ob quod profecto vitæ salutisque conservatæ beneficium a Croatis
præcipue acceptum, merito Ferdinandus, ejusque posteri univer-
sam hanc gentem amplissimis favoribus atque gratiis in omnem po-
sterorum memoriam locupletare debuissent.

Sed & omnibus his superiorum bellorum tempestatibus, quibus Imperium Romanum sœvissime supra viginti jam annos agitabatur, quid Illyrica natio, triginta prope aut supra millia optimorum militum diversis submittendo vicibus, profuerit; & recens plurimorum memoria & diversæ testantur historiæ. Et quidem plura fane de magnificis Illyriorum gestis apud Eberhardum Weisenbergium Eboracensem in Floribus Germanicis petere licuisset, nisi omnem eam laudem, quam prima editione amplissimam posuerat, in posteriori, communi in hanc gentem livore, erasam atque abstersam vidissimus. Certe quemadmodum Augusto Cæsari quondam præ cæteris Illyrii bellicosissimi habitu erant, ac sœpe numero molestissime fese ab iisdem infestari palam in Senatu querebatur; atque ut Anastasio quoque Imperatori primæ existimationis, ac summæ semper fiduciæ exercitus Illyricanus fuerat, ut scriptis ad eum a Symmacho Pontifice litteris, quo a communicatione patrocinioque hæreticorum desisteret, iis magis irritatus tantum abest ut ei Anastasius obtemperaverit, ut etiam eos, qui erant in oriente Catholicæ communionis Antistites & eis subditi orthodoxi, immisis Illyricis coegeret cum hæreticis communicare. Nam ut Baronius ex Marcelino in Annum Christi quadringentesimum nonagesimum refert:

„ Hoc, inquit, anno gens ignota nomine, scilicet Bulgari, ex intibus Borealibus finibus palibunda progressa violento agmine fese infudit in Thracias, quæ adeo cruento decertavit bello, ut & Illyrica militum virtus eo prælio conciderit, & Romanus Exercitus internectione fuerit deletus: „ ita ut Gustavus Suecorum Rex militaris disciplinæ ævi sui magister, dura impatientiæ voce novum genus diabolorum, ob velocitatem, dexteritatem, constantiamque in præliando compellare solitus fuerat. Nec tamen cum ullo se promtiori animo, quod strenui haberentur milites, infestis armis concursurum, quam cum Joanne cicatricibus signato, ac Josepho vitulini capitis glabricie similitudinem referente afferebat; illum Pappenheimium Alemannorum Scipionem, hunc Isolantum Croatarum Ulyssem subintelligens.

Accepta superiori hostium insolentia, Ferdinandus ne dubiis deinceps vitam imperiumque exponeret casibus, Aegra Pilsnam cessit; unde nihilominus vicinus exercitui, de omnibus bello necessariis commode prospicere valeret. Brevi post, proxima scilicet Comitia, subsecuta æstate Petrus a Zrinio agmine jam collecto ascende re maturavit, cuius signis Georgius Comes de Frangepanibus Lupi filius, Georgius Rattcajus, Thomas Esterhasius & Christophorus Lambergerus e Nobiliaribus adhæsere. Et Zrinus quidem assumpto

Illyrico-
rum vir-
tus belli-
ca.

Petrus a
Zrinio ad
Imperiale
bellum
profici-
scitur.

pto secum Georgio Rattcajo ac paucis equitibus, ad Cæsarem Pilsnam festinavit; copiis lente interea ductante Frangepano progredientibus; non facile dixeris, quantum omnium, qui aulæ munia obeunt, videndorum Croatarum advenientium arserit desiderium, quasi nationis ejus homines, eorum nemo vidisset ante, & cum sperato lentius adventarent, mira indignatio. Ubi tandem affuere, jubet Ferdinandus Urbem omnes ac Aulam suam transfire: effusa ad spestantum Civitas Proceribus mixta extra Urbem etiam turmas comitata est, & vernantes florida ætate, ac vegeto robore milites, equorum quoque & armorum apparatum admirati, nondum se militem adeo probe instructum vidisse affirmabant. Inde ad Cæsarea-na missi castra, quæ ad tertium distabant lapidem, commeatus Pilsna devehendi illis cura committitur. Ingressi castra, deductis feliciter curribus, eo uno infaustos se casu arbitrabantur, quod vicinus hostis ante biduum, paulo ante a veteranis Croatis bene castigatus clam supterfugerit, eaque celeritate arreptam fugam sit prosecutus, ut una cum bellicis machinis & cæteris impedimentis, timore addente alas, cuius tamen pavor universis pro victoria fuit, per diem quatuor decurreret milliaria. Hinc mittit Zrinus ex mandato supremi Chiliarchæ Joannis de Werth, Georgium Comitem Frangepanum ac Georgium Rattcajum cum una Croatarum Centuria ad insequendum hostem, famamque, quo inimicus iter dirigat, reportandam. Profecti illi ac per præcipites, aspermosque montium anfractus, ad quadraginta prope milliaria infsecuti Zwicaviam ultra Saxoniæ Urbem, nec ullibi integrum assecuti hostem, in unam tandem incidere manum, ex qua paucis neci datis, cæteri omnes in potestatem cessere; & quamvis pro numero hostium sat opulenta lætabantur præda, illud tamen gravem illis injecerat metum, quod certis cognoverant rumoribus, Wrangelium hostium Præfectum de eorum expeditione certiorem factum, Tribunum unum quoque expedivisse, qui ad Annabergum certo transitus loco eisdem præstoletur atque intercipiat. Augebant insuper angorem non solum ruricolarum Saxoniæ ac Misniæ, verum & Oppidanorum ac Civium, quamvis neutrius essent partis, prodiciones ac infidelitas, quorum aliena fides victoriæ quoque ac fortunæ successum hosti potius, quam Cæsareanis avebat, quod & ferme ad Montem Niveum civium dolo contigisset. At nihilominus protegente suos Deo, ac ductante Magistro equitum Damiano Poseganorum Sclavoniæ natalium viro forti ac circumspecto, salva præda, ac integris omnibus ad suos remearunt, hostemque continuatis itineribus Hassiam versus contendere retulerunt. Con-

Sub Er-
fordia
cum hoste
velitatur.

tinuabatur hic prosper successus ad Erfordiam Thuringiæ Urbem, jussus enim cum agmine suo Zrinus Urbis portis incumbere, ne prætergrediens Cæsareanus exercitus detrimenti quidpiam ab irrumpente hoste capiat, ubi, præeunte Georgio Rattajo ac Stephano Bogdanio manipulo uni, eo usque velitatum est, Zrinio interim cum cæteris ad clivum collis Urbi propinquum consistente, ut tribus pro pœmodum horis ante ipsa Civitatis propugnacula ac fossam absumpis, erumpentes hostes sèpius repulerint, ac suos illæsos detonantibus licet undique qua machinis qua minoribus sclopetis adversariis, non sine laude in castra reduxerint. Porro tametsi Petrus Holzapfelius eam laudis palmam pulso ex Bohemia inimico tulerit, quod incruenta suorum victoria sit potitus, in eo tamen reprehensibilis non parum videbatur, quod aspernum difficillimum que e Bohemia fugienti hosti, per cupreum montem transitum liberum omnino tutumque permiserit, in quo vel paucis nostris resistentibus magnam prorsus hostium cædem stragemque edere potuisse. Verum quia misceri cuncta bellico tumultu, unde honores atque divitiæ certa laboris atque audaciæ præmia petuntur, malunt, quam sub sedato Principe, qui esset damnosæ pacis cultor inglorius, otiosam inutilemque militiam perferre; ideo dubiam in omnibus reperias fidem necessum est. Cætera quæ ibidem acta sunt, quamvis non levia, ad graviora tamen ac instituto nostro magis accommodata maturantes prætermittimus, & ad Nicolaum Banum sermonem reducimus.

Peninsulam Mura Dravoque interclusam privatis excursionibus a Canisiensibus Turcis divexatam, jam supra retulimus; verum non hac contenti eam etiam ditionem, quæ Adami Bathyanus potestati paret, frequenti deprædatione infestam reddebat, ut præter alios diversis dominiis subjectos pagos Lupi pagum appellatum, hominibus ad unum omnibus in servitutem abducatis, in extremam adduxerint desolationem. Quibus tandem commotus Battianus eorum locorum Praefectus communicato cum Nicolao Zrinio confilio, decernunt communibus auxiliis Canisienses invadendos, ac vices illatorum hactenus incommodorum esse rependendas. Quare Zrinus accepta a Battiano turma tricenaria, adlectis deinde fratris Petri copiis, ac excitis pluribus ex Sclavonia, inter quos Lopus Erdödius, Joannis Drascovicii Palatini gener, spectatæ juvenis magnanimitatis atque expectationis, honestam secum adducens centuriam, ut medium prope universi constituerent legionem, Legradum suscepit iter. Aderat & Franciscus Chiculinius honesto stipatus equitatu, juvenis integritatem vitæ cum seculi moribus polite commiscens, ante pau-

Nicolaus
a Zrinio
profectio-
nem sub
Canisam
parat.

paucos annos Banalis Præsidii Bercussa, tum deinde Imperialis militiæ Centurio. Hujus atavus Ludovicus Chiculinus e vetusta cruce signatorum Florentinorum nobilitate prognatus, Flumen Liburniaæ Urbem visendi causa adveniens, mulieris elegantis formæ Riccianæ Baronum familiæ amore captus, ejusdem nominis tametsi potiorum rerum suarum jacturam ob acerrima Venetorum cum Ferdinando primo prælia subiisset; sub prima tamen deinde Clissiæ Turcarum expugnatione, certa militum manu impensis suis comparata, insignem navans Christianitati operam, prælio oppetierat. Liquerat ille Franciscum Hæredem Julii Patrem, qui deinde Illyricæ Patriæ illectus amoenitate stabilem demum in Sclavonia, ducta e Rattcajorum familia Conjuge, fixit pedem; ac Franciscum, de quo nobis sermo est, hæredem ejus expectationis reliquit, quam Patria desiderare potest.

Trajecto cum his insequente nocte fluvio Mura sic dispositis ordinibus progrediuntur, ut Legradiani præcederent, quos pone Comes Nicolaus cum Prætoriana ala sequeretur; tertium tenebat agmen Petrus frater cum Lupo Erdödio; cladebant cæteros Hungari Battianiani. Progressi ad clivum collis Divi Nicolai Canisæ propinquum subsistunt, ac ne ab hostibus præmature conspiciantur sese occultant; præmittunt Joannem Chanadinum virum impigrum, uno comitatum manipulo ad eliciendum hostem, verum ille gnarus nostrorum adventus, & a tributariis edoctus agro deditis, suppares opposuit copias, tum obvios aliquot e selectioribus expedit, qui conferto prælio integræ faciant pugnæ potestatem. Exaudito concurrentium utrinque clamore, Legradiani celerius pedem movent, ac obvia facta hostium manu, novis semper succendentibus, dubio ancipitique Marte præliantur, ne quicquam parte alterutra cedente. Advolat a tergo Nicolaus fulminis instar cum Prætorianis, urget a latere Petrus, ac tum nutare, inclinari, fugam demum capessere cœpere Turcæ, quos nostri ad portas usque suburbiorum insequuti cœidunt. Aly Bassa, qui dubios prælii casus ad Urbis portas operiebatur, in extremo jam suos discrimine versari animadvertis, omnes velut imbelles ac ignavos, qui virtutis obliti pristinæ paucis cederent, acrioribus castigans & objurgans verbis, reducta acie confirmatisque militum animis in certamen ipse descendit. Nostri pariter resumptis viribus ac e disciplina militari restitutis ordinibus, quos partæ jam sœpius victoriæ ad retinendam gloriam, sicut barbaros acceptæ clades ad injuriarum ultionem incendebant, fortissime congregiuntur, atque atrox exoritur bellum. Tum Nicolaus Brevis & cordata Zrini co-hortatio. Comes voce manuque primus; „Et si, inquit, o Commitones mei oc- „, cumbentem me videritis, haud degeneri fugite animo, sed sinceris „, dextris pro yobis vestrisque constanter dimicantes, victoria manibus

, meis parentate. , His dictis auditisque pugnatur acerrime, cadunt utrinque complures; tandem e nostris favente Numine stetit victoria. Turcarum enim acies præsentissimis nostrorum animis obsistere reformatans, se in fugam repetito dedit, ubi juvabat alacritatem propitia belli fortuna, atque ea hostis eo in certamine affectus est clade, ut centum plures impetu postremo fuerint desiderati. Duo ex iis primi ordinis authoritate, militari scientia, ac locupletissimarum opum copia præstantes, maximo hostium moerore occubuere, quorum unus Canisensis, alter e Bihaciano Croatiae præsidio visendorum amicorum cupidus hospes advenerat. Erat hic fortitudinis ac præsentiae spectatæ eques, cyclade Persarum more auro intertexta, ac plumeis cristiæ a grue mutuatis involuta syndone surgentibus insignis.

Turca-
rum Cæ-
des.

Nostro-
rumvirgin-
ti amii.

Lupus Er-
dödii in-
matur.

Ex nostris quoque interiere pene viginti, inter quos Lopus Desficius Nicolao Comiti cum primis Juvenis charus, proruente sub ipso equo, præciso capite imperfectus; Joannes vero Bochcaius, quem summo adhuc mane cremato dementatum fuisse vino ferunt, indomito raptatus ac circumlatus equo, quem tenuibus loris, tartaricoque frænulo retinere nequiverat, in hostium incidit manus, ac duro etiamnum inclusus carceri, intolerabili litratus pretio, vinolentiæ temeritatisque suæ cumulatas persolvit poenas. Ladislaus quoque Laczovicus annorum nondum octo supra decem adolescens, dexteritate ac fervore singulari, supra quam ætas ferre putabatur, dimicans & ipse capit. Sed fatalis Lupi Erdödii mors acerbissimusque interitus victoriam omnem, quam jam manibus nostri tenebant, & perturbavit & funestavit; is enim intemperato animo, quo semper ferociebat, Nicolai Comitis disciplinam paulo ante levibus de causis acerbioribus contractis inimicitiis aspernatus, nullo servato ordine cum tribus quatuorve equitibus collem, sub quo nostros occultatos initio diximus, per ignotam scandit semitam, ex quo hostem conspicatus præceps in eundem dum ruit, a tergo plumbe glandea ictus delabitur equo: occurunt socii quatuor auxiliu causa, verum ab irrumpente Turcarum procella obtutti & ipsi interiere, & Lopus humi prostratus hasta transfixus, duplique accepto in occipite vulnere animam egit. In ipso demum ultimi certaminis fervore, ubi serius de fato ipsius cognitum fuisset, omnium concidere animi, & omissa pugnae serie, victoriam in corpore ejus obtinendo collocavere; quo haud sine labore obtento, meridiei tempore prælia finis impositus, & cadaver Ludbregum arcem ejus currui tumultuario opere confecto impositum, expeditumque fuit. Illud postea Joannes Drascovicus Sacer Palatinus in Sclavoniam ex Hungaria redux, honorifica funeris tumulatione, in æde Divi Marci sub Castro Vinica apud maiores suos quieti reposuit.

Verum ipse Drascovicius tumulato genero haud anno supervixit uno, curis interim ac negotiis Pannoniæ exigentibus, ac parum since-ro præsertim quorundam Hungariæ Procerum in Patriam amare compellente, infectis rebus suis ex Sclavonia in Pannoniæ festinavit. Nam ut illi bonos Patriæ cives popularibus suis, Regique fæse venditarent, haud obscurò interim Palatinum odio, confictas, & ambitioso plena-s fumo ad Ferdinandum dant litteras: Drascovicium orbam Præsidio Hungariam ruinæ ac excidio futuram reliquissæ hosti; Turcam ingentes, crebrasque ab ejus discessu inde agere prædas; Georgium Raco-cium novos denuo, civilesque moliri belli motus, nec Palatinum tamen, qui nullis in Pannonia gauderet bonis, adventum accelerare; frequentioribus potius rumoribus ferentibus, eum omnino in Sclavonia remansurum, quoconque tandem casu Pannonia labascat aut consistat. Itaque sibi consultissimum videri, si Majestas Regia tempestivo ac paterno consilio fluctuanti Pannoniæ succurreret, & Palatinalis dignitatis authoritatem in eorum aliquem, præsentibus id periculis exposcentibus, derivaret. At Ferdinandus, qui jam ante animos eorumdem Illyricæ gentis invidia laborare, ac imperandi libidine vescatos probe cognoverat, dato responso eos bono animo esse jubet, & adventum Palatini propediem operiri; nihil se hactenus de periculis quæ metuerent, intellexisse, neque se formidare pacem ab Ottomannorum Transylvanorumque Principibus, iætis sacrosanctis nuper foederibus ac tabulis permutatis turbatum iri; non facile fidem adhibendam primis esse rumoribus, firmiora deinceps a viris horum peritis atque meliora expectanda. Porro quod ad officii in alium translationem attineret, id neque Juris esse Regii absque Optimatum Senatu, neque Palatini fidem in cunctis hactenus inconcussæ servatam postulare, ut quod ob præclara merita votis omnium fuisse consecutus, id privatorum livo-re, tacitaque Principis indignatione amittere censeretur.

Eorum porro literas Ferdinandus ad se datas mittit Palatino, monetque paterne, ne absentia diuturniori malevolorum linguis ansam præberet. Festinato igitur itinere ubi Posonium pervenisset, confictarum literarum reis silentibus, quæ turbata & adversus se concitata intellexerat, ea adventu suo universa pacata tranquillaque reddidit. At dum progressu temporis solita prudentiæ ac diligentia dexteritate, rerum gerendarum prosequitur administrationem, ea in eo Ferdinandus Cæsar animadvertisens, arcem eidem ac universa bona Ovariensia seu Altenburgica, opulentum omnino Pannoniæ domicilium ac præsidium, bis centenis numeratis milibus ad decennium benigne confert. Eo hilari festivitate frequenti comitiva, ac tormentorum reboantium fragore introductus & aliquot hebdomadibus moratus, ut humanæ fert

Conspira-tio Hun-garorum contra Palati-num.

Respon-Cæfaris ad Con-spirat.

Ovariun-
Palatinus
a Cæsare obtinet.

Joannes
Draſcovi-
cius Pal-
rius pie
moritur.

fert vitæ vicissitudo, læta mœſtis commiscens, in supremam ibi incidit valetudinem, paucisque diebus morbo conflictatus anno millesimo sexcentesimo quadragesimo octavo nonis Augusti, annum agens quintum & quadragesimum, dignitatis vero gestæ secundum, magno proborum omnium dolore extictus est; omnibus tamen ante e ritu Christiano, ipſomet petente ac urgente, communitus sacramentis, ac singulari in Deiparam, cuius eximius semper fuerat cultor, pietate. Atque ut palam Orbi universo suam in Virginem Matrem pietatem testatam faceret, ut ad ejusdem aram Ecclesiæ Tallensis sacra exomologesi expiatus, ac Synaxi publice refectus, die conceptionis ejusdem votivo, brevia suscepta dignitate officii Palatinalis onus auspicari voluit; ita postea paucis ante obitum mensibus ante aram ejusdem miraculosæ Virginis, quæ celebri populi pietate Posonii colitur, flexo poplite prostratus, ac duabus integris inflammato pectore horis fere commendans, cor ex argento fabrefactum tessera amoris ac observantiae in eam suæ humili prece offert, donatque.

Lubethic ipsius pietati tantisper immorari. Ut Virginis Deiparæ frequentiori recoleret memoria devotionem, ejus officium non solum pie attenteque recitabat, sed e Latina etiam in Ungaricam transluit linguam, quo latinæ linguae ignaris pietati profectus, ac Patrem Jacobum Nemethium Societatis Sacerdotem, ut prælo Posoniensi, occultato suo nomine subjiceret, suppeditato ære, petivit. Contigerat non semel, ut Sacrificium Missæ auditurus, ministrum deesse animadverteret, ipse loco surgens aram propius accessit litanti Myſtæ responsurus. Initio vitæ Conjugalis, dum adhuc Lutheri erroribus Conjugem suam implicitam mcereret, adeo ardenti prece ejus aestuabat conversionem, ut in arce Szomoliana certo cubiculi loco genuum orantis vestigia Conjunx ipsa deprehenderet: stupefacta rei novitate, quid tam ardui eum premeret negotii, quo tam frequens assiduusque ad Deum recursus, ut animadversa mortificati corporis vestigia docerent, exquirit: „Pro anima, inquit, tua o Conjunx mea su- „„ premium Numen precibus fatigo, neque enim fas mihi judico te so- „„ ciam vitæ sortitum fuisse, nisi etiam animam tuam communi no- „„ strum Creatori lucri faciam. „ Simili zelo dum Altenburgica bona vi- senda circumiret, ac intermixtos plerosque alienæ fidei sectatores animadverteret, alto suspirio tracto, in has voces ad Conjugem conversus prorupit: „ Utinam tantum vitæ tribuat mihi Deus, donec opera ac labore meo hujus dominii subjectam plebem Deo meo addi- ciam videam; quam lubens tunc, o Conjunx mea, mortali hac luce immenso perfusus gaudio excederem! Sane nonaginta Ecclesiæ diætali tempore anno quadragesimo septimo supra millesimum sex-

centesimum hæretorum rabiei datas, nonnisi pravorum Catholiconsum consensu & annisu, ac Ferdinando scriptis ad eum manu sua literis jubente, quanquam invitus concessit. Rependit Deipara demum vices cultus sui ea misericordia, ut quam pie in vita sua veneratus fuerat, ejus diei festivitate ad Nives nuncupata, quos Romanæ miraculo asservatos olim se veneratum referebat, extremum clauserit diem. Sufficiat hæc pauca e multis adnotasse, e quibus cætera incensa ejus totius vitæ desideria conjicere licebit.

Fuere ea tempestate, qua Cælitibus animam inseruit, complures, qui eum lentis ac mortiferis Medici, cuius opera utebatur, potionibus, æmulorum invidia, pernecatum fuisse putarent, quod id ipsum ante crebrius querula voce, & deinde terna indice comminatione Medico facta morientem significasse ferunt. Jacet in æde Divi Martini Posoniensi, apud Genitores suos honorifica funeris pompa, Procerumque frequentia, quæ virum Principem deceret, ac præsertim inusitati ponderis laboriosæque elegantiæ tumba reconditus; Barbara Thurzo priscæ pietatis prudentiæque Matrona singulari Vidua relæta, filiis duobus, ac tribus filiabus, quarum unam Catharinam Sponso Christo in Clastrum Studenicze vocatum, ante annos paucos elocaverat. Ejus speciem ac corporis constitutionem qui nosse cupit, repeatat ea, que de Patre ejus, cui simillimus ferebatur, annotavimus. Fuit acris omnino judicii vigore sublimi ac vehementi, & Imperatoriis virtutibus auctoritate felicitateque insignis; adeo ut ex privatis honoribus ad summos publicosque evectus, fortunam quoque omnibus coeptis, consiliisque suis propitiam atque benignam expertus fuisse censeretur. Idibus deinde Octobribus Georgius Racocius Transylvaniæ Princeps vita cum morte commutata, eum secutus est, eo præsertim tempore, quo tria supra decem Oppida jam olim Poloniæ Regno pignori data, persoluto pretio Hungariæ denuo restituere cogitarat; quo facto facile sane conjectura assequi licet, animum mentemque ejus eo propensiisse, ut universæ tandem Hungariæ dominio ac potestate potiretur, cum jam Ferdinandum, amissa Praga ac reliqua pene Bohemia, attritis viribus afflictum ac divexatum nimium observasset. Intellecta morte Racocii Ferdinandus ad Cassoviam, ac quinque superioris Pannoniæ Provincias, vel ut vulgari appellant sermone, Comitatus in potestatem suam revocandos, quos inter pacis foedera vita superstite ei concesserat, nuncium Joannem Törösum destinat, expeditque; quanquam & ipsi Cassovienses cives severo atque avaro Racocii Imperio offensi, Franciscum Wesselenium earum partium Praefectum Cæsaris nomine adventum accelerare commonuerint, eos pristinum Ferdinandi Regimen nequaquam deinceps detrectatueros, sed integrum fidem, atque

Georgius
Racocius
moritur.

fidelem observantiam, velut veteranos Regiæ Majestatis subditos deceret, inconcusse servaturos. Atque ita demum Cæsaria cum adjunctis Regni partibus a Cæsare recepta.

Interea Georgius Lippaius Strigoniensis Archi-Præsul Vir tabescens zelo, pacem peccatorum videns, dum memoria repetit, a decennio jam sacro Prælatorum universæ Provinciae Concilio intermisso, hæreses earumque potentiam nimium vires sumere, Catholicorum procerum pietatem tepescere, gregem Dominicum curæ suæ creditum sylvescere, & longe ab instituto, quam sacratos viros deceret, discedere; ac inter eos præsertim Georgium Drascovicium Jaurinensem Episcopum, qui dignitatem eam præalto ingenio, eoque semper astute liberali, quibusdam apud Cæsarem sibi faventibus, non occulta largitione præoccupatis atque corruptis concenderat. Is ab insigni cupiditate majores opes affectans, non solum Nobilitatem plurimis onerarat injuriis, sed Collegium quoque Sacerdotum; subditosque potestati suæ subjectos, variis affixit cladibus, Pontificatu denique varia labe polluto, cujus antea nomen sanctius & venerabilius fuerat, Ecclesiasticarum rerum statum magnopere conturbavit. Itaque cum & antea per Comitiales dies gravissimis a Nobilitate depositis querelis in judicium fuisset postulatus, & deinceps quoque seditiosa multitudinis adversus Clerum concitatio metueretur; sanis Lippaius inductus consiliis, sacram ad mensem Septembrem indicit Concilium, quo convenientibus universis, quæ pro incremento Catholicæ fidei, emendatione depravatorum morum, castigandisque fontibus expedire visa sunt, magno Lippianæ pietatis, ac publici boni fervore fancita fuere.

Georgius Drascovi- cius Episcopatu suspen- tur. Et Drascovicius quidem velut Nobilitatis ingenitæ, & sacratae dignitatis, quem gerébat, immemor tum ob crimina, quorum supra minimus, tum præcipue ob Episcopatus sui bonorum devastationem, desolationem, abalienationem, avaram demum nimium tributorum exactiōem, communi Concilii voto bonis Ecclesiæ suæ ad triennium, quinque millibus annuis pro sacra dignitate decore sustentanda concessis, non absque gravi nominis, bonæque existimationis jactura motus est. Verum dum hac mitiori correctione pertinaci conatu neutiquam contentus fuerat, deinde judicio ab Archiepiscopo legibus Regni jubentibus rite celebrato, in bis centenis millibus damnatus, Ecclesiæ bonis sese denuo abdicare jussus fuit. Tum vero ille festinato ad Cæsarem itinere recuperandæ gratiæ, beneficiique repetendi caussa Viennam contendit, ubi diurno desudans labore, ac quorundam interpositis precibus, ægre tandem, obligatis ac depositis diversis sibi faventibus bis centenis millibus, salvo ac integro Archiepiscopi judicio cæterum persistente, optato potitus voto Jaurinum reversus abiit. Ita

Synodus
a Lippai
Tym. viæ
celebra-
tur.

auri sacra fames, ac dira dominandi libido cœca cupiditate mentem animumque abripiens, hominem in honoris sui, authoritatis, gloriæque dispendium præcipitem agit; & divitiæ, quæ cæteris ad comparandam, sustinendamque nominis celebritatem adjumento esse solent, ipsi ad ignominiam ac sempiternum dedecus conversæ, infamem eundem reddidissent, nisi senectute ac vitæ termino propinquante melioribus mentem consiliis instituisset. Quare edaci serpigne atque carcinomate desperatæ curationis per menses plures laborans, tandem bonorum acquiescens monitis, universa sua ea pietate disposuit, ac postremis firmavit tabulis, quæ non modo Christianum bonum, sed vero etiam Ecclesiasticum pium declararet. Nam præterquam quod Nepotibus ex fratre Palatino genitis centum millia thalerorum reliquisset, cæteram quam habebat amplissimam pecuniæ summam pietati consecravit. Quare patribus Societatis pro Soproniensis Collegii foundatione, quibus & antea opulentum Pörnensis Abbatiae Sacerdotium cesserat, supra quadraginta millia adjungit: & cum se Illyrico genere ortum meminisset, Seminario Capituli Zagrabiensis Bononiæ fundato subsidii caufsa millia decem; Vestalibus D. Claræ Virginibus in Urbe Montis Græcensis degentibus alia decem legavit; ac demum si quem aliquando quacunque ex caufsa defraudasset, Zachæi exemplum imitatus aliquot in satisfactionem destinavit millia. Quibus peractis, omnibus deinde ritu Christiano Sacramentis munitus, singulari in Deum ac Deiparam pietate, omniumque adstantium consolatione Deo animam reddidit.

Emensum jam anni curriculum fuerat, quod Ferdinandus Cæsar Nicolaum Zrinium trium horum Regnum Præfectura honoratum publicaverat; verum cum ingenti obligatus ære Sueco hosti, Banalibus militibus interea stipendia exolvere nequivisset, ejus quoque dignitatis munere fungi Zrinius remorabatur. Quare initio quadragesimi noni supra millesimum sexcentesimum anni mense Januario quæstoribus datis mandatis stipendia persoluta, quo simul tempore Petrus Petreticius Zagrabiensis Episcopus Martini Boghdani successor, vir apprime doctus, ac juris scientia clarus, & Nicolaus Comes Erdödius, jussu Cæsaris velut Proregem Regni Optimatibus ac Nobilitati ad imperandum Varasdini præsentant. Frequens sane Procerum ac Nobilium eo confluxerat Senatus, tum quod a pluribus annis vacante Magistratu de Patriæ rebus nihil consiliis agitatum fuerat, tum ut Zrinio gratantes, ac obsequiosi contribules forent Absoluta demum latefusa dictione, qua Episcopus de immortalibus Familiaë Zrinianæ in Cæsares ac Patriam meritis, ac de ipsius

Nicolaus
Zrinius
Banus
præsenta-
tur.

Nicolai præclaris virtutibus differuerat, Banus tandem ipse quam brevi, tam gravi, ac maturo respondit sermone in hunc modum:

„ Si tota ista frequens Inclyti hujus Regni Congregatio & maje-
 „ stuosus generosusque Procerum aspectus, magnos mihi animos non
 „ facerent, non scio illustrissimi ac Reverendissimi cæterique Domini,
 „ qualis ratio me hortaretur ad hoc onus suscipiendum. Deliberave-
 „ ram sane sacram Majestatem Cæfaream Dominum & Regem no-
 „ strum clementissimum suppliciter orare, ut ab ista onerosa dignita-
 „ te me eximere dignaretur; Genius enim meus magis me ad tra-
 „ standum gladium pro utilitate Patriæ, quam ad gestandam togam
 „ invitat. Et quis, Domini & Patriotæ mei, sola sua prudentia, plu-
 „ rium Regnum gubernationem apprehendere præsumat? In hoc
 „ præcipue calamitoso tempore, quo nec pax certa, nec bellum aper-
 „ tum, sed unusquisque angulus insidias, unumquodque Regnum aut
 „ sibi, aut aliis ruinas minantur. Ecce omnia Europæ Regna cum
 „ mirabili fortunæ inconstantia pernicie[n]t, ultimasque ruinas inter se
 „ miscent. Magna certe sapientiæ columna, virtutumque bellicarum
 „ fulcris ille inniti debet, qui tam vastæ navis, vel potius tam inlyti
 „ Regni clavum, in tam procellosis fortunæ inconstantiis gubernare
 „ desiderat. Ut ut sit, Domini & Patriotæ mei, nullam certe fortunæ
 „ rationem alte pertimesco, quando tot præstantissimorum Procerum
 „ conjunctam benevolentiam cum mea promptitudine animadverto.
 „ Libenter itaque mea servitia, fortunas, vita inque meam huic aman-
 „ tissimæ Patriæ offero, dedicoque: id solum per Deum immorta-
 „ lem vos omnes obtestor, ut & vos in bene animadvertenda Re-
 „ publica unanimes sitis, mihi quoque, si me forte oneri succumbentem
 „ videritis, consilio, aliisque vestris præclaris virtutibus succurratis.
 „ Suæ autem sacratissimæ Majestati Regi & Domino nostro Clemen-
 „ tissimo immortales habeo gratias, quod me tali dignitate cohone-
 „ stare, & mea præstata servitia, fidelitatemque avitam se acceptam
 „ habere toti mundo ostenderit. Non intermittam sane, quo usque
 „ guttam sanguinis retinuero, hanc Majestati suæ gratiam perpetuis
 „ meis serviis promerer. „

Quibus dictis & redditis a Nobilitate per Prætorem Regni Joannem Zakmardium pro propenso in omnes animo gratiis, negotiorum tractandorum mole in diem imminentem dilata, ejus diei celebritati impositus finis, ubi prius ad Ecclesiam Divi Joannis Baptiste Patrum Franciscanorum itum, ac inibi de more veteri Banus manu dextra sceptrum, altera vexillum tenens, perstrepenibus tubis ac tympanis, ac tormentorum bombis reboantibus, præeunte deinde Episcopo sacramentum dixit. Die in sequenti inter varias

Procerum Nobiliumque consultationes, graves admodum querimoniæ adversus Alexandrum Miculicium Thomæ filium, flagitiosæ ac perditæ vitæ juvenem, in medium allatæ; ejus petulantem insolentiam, ac plura jam patrata homicidia, ni Banus severiori exemplo, quod Patriæ leges dictarent, in eundem animadvertat, Nobilitatem id minime laturam, omnibus conclamantibus. Cujus partes cum Pater Thomas homo cæterum etiam factiosus tueri conaretur, in eum quoque Nobilitas commota, quod filius ejus defensione ubique protectus, non a prioribus destituturus, sed in graviora quotidianæ prolapsurus crederetur, eundem e Comitiorum loco movit. Tum deinde quod a Ferdinandō Cæsare Centumviralis Hungariæ Senatus, ad octavas Idus Januarias Posonium indictus fuisset, Oratores Regnum nomine decreti Georgius Rattcajus & Joannes Zakmardius Regni Praetor, vir doctus & eruditus, legumque Patriarum apprimegnarus. Aspera horridaque hyemis acerbitas, concreto glacie Danubio, evoluto mense Cæsarem Vienna mouere prohibebat, donec tandem die vigesima Martii diurna expectatione fessi Proceres, ad citeriorem Danubii ripam, quod ingentibus subinde disruptæ glaciei tabulis descendantibus, pons construi nequivisset, adventanti occurrere, ac de more Strigoniensi Archiepiscopo salutem novo Regio adventui adprecante, festino deinde tormentorum plausu in arcem induxere. Paucis interiectis diebus Palatinus, Paulus Comes Palffius in demortui Drascovicii locum electus subrogatur, nec aliud quidquam calamo dignum Historico ibidem actum.

Verum sub cursu Comitiorum Thomas Miculicius ægritudine lentæ tabis contracta, præsertim vero moerore filii sui Alexandri excessuum viscera depascente contabuit, ac semifivus Zagrabiam postea devectus, paucis interiectis diebus totius patriæ, cuius hostis fuerat, gaudio extinctus est.

Posthac ut plerumque pax diurnior assuetis bello viris tædio ac ignavia esse solet, Turcæ Bihachiani ac finitimarum Croatiae arcum, ne penitus otio marcescere viderentur, & nostros longa pace frumentos, armorum tractandorum peritiam oblitos arbitrati, pauciores quidem, at crebrius nil tale metuentes ruris occupatos laboribus vellicant, dirumque subire cogunt captivitatis jugum: donec tandem exacerbatus Lupus Frangepanus Croatiae limitum Praefectus, generum suum Comitem Petrum a Zrinio, assignatis ei octo pene equitum peditumque Centuriis, ad castigandam reprimendamque hostium insolentiam, ac illata damna ulciscenda proficiisci jubet. Itaque constituto tempore ad finem mensis Novembris hilares in unum milites limitanei coivere, quasi nutu Deorum bene gerendæ rei fa-

Comitia
Posonium
a Cæsare
indicta.

Turca.
rum cæ-
des a Pe-
tro Zrinio
facta,

Zrinii ma-
gnanimi-
tas.

cultas offerretur, & adversus Bihacianos, qui superiori æstate incur-
siones fecerant, progressi, tres in itinere obvios depopulantur pa-
gos. Reduces dum lentius cum præda sexcentarum majorum, mil-
le vero minorum & quingentarum pecudum, nullo reperto hoste
remeant, exciti tandem repetitis reboantum tormentorum ictibus
in prælium hostes Bihicio procurrunt, & ad Isachiciam arcem no-
stros insequuntur; ibi tenui certamine cum novissimo exercitus no-
stri agmine velitatum, donec auxilia vicinarum arcium adessent. Et
vero necdum Slunium attigere nostri, cum nunciatur Zrinio, Badan-
covicum Dellibassam Crupensis arcis Præfectum Bihacianis sese, pa-
tēfacto jam antea per captivos nostrorum adventu, plenioribus co-
piis conjunxit, & amplificatis viribus explicatisque signis justa acie
moliri in nostros impetum. Subsistere ad hæc suos æquo campo
Zrinius, & triplici distinctum ordine militem, suo unumquemque
loco, quo hostem adventurum rebatur, operiri jubet; ipse medium
cum Carolostadianis tenet agmen, quod tribus constabat centuriis.
Vix spatium ordinandæ aciei ex instituto disciplinæ militaris conces-
sum, cum Badancovicius pleno Marte pugnæ cupidus, in medium
irruit ordinem; cui dum Zrinius præclari quidpiam facturus, ac fa-
cinus æterno nomine dignum patratus occurrere studet, habenæ
frœni disruptæ felicitatem omnem bene gerendæ rei præcluserunt,
& concitatus jam in cursum pernix equus vix sisti, ne in medium
hostium sessorem deferret, poterat, nisi a cæteris circumcingentibus
a suscepto cursu fuisse inhibitus. Nefasti hoc fuisse ominis, &
se-
verioris cujusdam censuram portenti ariolabantur plerique; sed ipse,
tametsi periculo proximus, cæteris sibi præsentior, ne animis fracti
nutent concidianve, quin pristinæ memores virtutis imperterrita ob-
vient fronte monet, se quoque alio consenso equo cum iisdem
oculis prælium initurum, omniaque martis discrimina experturum
pollicetur. Nondum integre completo sermone hæc auribus arden-
tium militum infuderat, cum jam in mutuum cum hostibus conspe-
ctum facti, adversis pectoribus utrinque vicaria excipiuntur vulnera,
& primo statim in congressu Badancovicius a Joanne Crisanicio, ut
communior fama ferebat, vix annorum viginti adolescente Lupi fi-
lio, paternæ virtutis ex aſſe hærede, sclopo ictus occubuit. Amis-
so duce, cæteris etiam ægre admodum impressionem nostrorum su-
stinentibus, tandem plurimis cadentibus, sinistro fortunæ successu,
ac nostrorum fortitudine animadversa terga vertunt, & fusi palan-
tesque per avia atque devia, qua cuique cæca obtigit forte, dila-
buntur. Carolostadiani, & arridente marte, & victoriæ jam partæ
succensi gloria, longius hostes insecuti alios dant neci, alios ex fu-
ga

ga retrahunt ; imo quibusdam, ne ab irato milite perimerentur, sup-
plici voce vitam precantibus, idem victorum misericordia, atque
magnanimitate servati fuere. Periere eo prælio ducentis amplius ho-
stium, e quibus præsertim Badancovicius- vetusti Croatiæ stemmatis
clarique nominis miles, frater vero graviter saucius ægre Crupam
vivus repetiit : vivi in potestatem nostrorum cessere, quatuor supra
centum, ac inter eos primi ordinis nonnulli, & præcipue Sasuar Aga
Bihacianus Lupo Frangepano Præfecto dono datus ; quamvis longe
major cæsorum captorumque fuissest numerus, nisi distractæ nostro-
rum vires serius ad dimicandum persequendumque coaluissent.

Badan-
covicius
interfici-
tur.

Parta hunc in modum propitio Deo victoria, & eo quidem Cæsi Tur-
celebriore, quod vix decem e nostris desiderati sauciatique sint, eo carum
die Slunium pervenere, & ibi quiete militibus data, nox transacta. 200, capti
Die insequente, qui Solis erat, Carlostadium advenere eo ordine,
ut uno nostrorum agmine præcedente, equi deinde qui prædæ ces-
serant subsequerentur, ac eos equi clitellarii complures præcisis ho-
stium capitibus onerati ; sed unius Badancovicii hastæ infixum, ac
in altum sublatum, jucundo universis spectaculo fuit , tum captivi
longo ordine ducti. Post quos ipse Zrinius augusta specie, victore
turmarum cohortiumque stipatus caterva, triumphanti similis præ-
sidium ingreditur. Universa demum populi frequentia, quæ ad
spectandum gratulandumve concurrerat, eum in delubrum sacro-
sanctæ Triadi dicatum, die quoque ipsi sacrato deducente, ibi
omnes desilientes equis supplices in genua provoluti, Deo primum
gratias ter optimo maximo litante mysta, ac hymno quo supre-
mo numini laudes ab Ecclesia referri solent, egit, quod barbarem
hostium insolentiam eorum viribus attriverit. Tum deinde captivi
sub hasta venundati, quorum præcipiuus Sasuar Aga dupli Aga-
Lucatus seu Centurionis stipendio donatus, Publicani in Regno Bos-
næ filius, Lupo Præfecto datus quinque millibus nummum argen-
teorum, quos thaleros vocant, insigni etiam elegantiorisque operis
Persici militaris Papilionis lytro persoluto, deinde libertatem acce-
pit. Nec multo post vidua interempti Badancovicii funestam viri
mœrens cædem, litteris ad Frangepanum datis, ac nobili transmis-
so equo supplex obtestatur, ne caput ejus cum reliquis occisorum
conto infixum, suorum ignominiae ac ludibrio pro foribus præsidii
propositum diutius extare, verum conditionis humanæ memor, di-
gno nobili milite tumulo recondere velit ; cuius ille postulationi abun-
de pro more militum satisfecit. Ita celebri hoc reportato de imma-
ni hoste triumpho , cui a condito Carlostadio similem vix meniorant,

an-

annus quadragesimus nonus supra millesimum sexcentesimum præclara Zrinii virtute nobilitatus, finem accepit.

Anno qui sequitur quinquagesimo, in alma quidem Urbe Roma, abrogata olim ethnicæ superstitionis memoria, quæ sœculari anno ludis insolitis insaniebat, Innocentius X. stupendo apparatu clausam quartæ sœculi parte coctilique laterculo obstructam portam aperuit, & Ecclesiæ thesauros largiter dispensavit, omnibusque Christianis eo potiundi copiam fecit. Ferdinandus vero Tertius, dum sex prope lustris toto Imperio tubæ lituique ferales concrepant, festam ac quassatam jam bellis Germaniam, partis ac permutatis Monasterii cum hostibus foederis tabulis, alma deinceps pace fruituram, festivis concentibus replet. Hos secutus Nicolaus Prorex cum Canisiensibus ac iis subjectis Turcis, quibuscum acerrima superioribus annis gerebat prælia, indicto Legradini conventu foedus percussit. Aderant ad indiciam diem supra sexaginta Barbari parum eleganter instructi; at Zrinius cum cæterum augusta specie, ac procera corporis statura spectabilis esset, surgentibus de capite ardearum pennis auro gemmisque interclusis, Sarissam deinde pedestrium ducum insigne gestans, ac magno Procerum, nobilium, militariumque virorum comitatus agmine, tubis, tympanisque concrepantibus, certo interim hospitii loco Turcis præstolantibus, pedibus gressus advenit spectabilior. Mutua peracta salutatione Barbarorum primis, quos Agas vocant, ac Decurionibus Oda-Bassis eis appellatis, parte ab una confidentibus, nostris ab altera, supremum Zrinio tenente locum; graves utrinque in medium recitatæ superiorum temporum hostilitates, quibus vicissim exaggeratis pax inita est, portus Legradinus liber declaratus, commeandi demum militibus utriusque partis, præsentatis Ducum suorum litteris, facultas concessa; tum demum epulis indulsum.

Eodem anno ad finem vergente stabilita hæc pax in Turnischa, quo Hafanes præcipiuus Canisiensium visendi Zrinii cupidus advenerebat, Vir sane elegans atque militaris, nisi fama ejus factio ante cum Zrinio certaminis congressu, ac in fugam verso, pileoque cum honore amissio decrevisset. Dum summa Orbis Regnorumque capita paci ineundæ conservandæque student, Joannes Waychardus Feterus Germanus Ivanicij Capitaneus, novo Sclavonicorum limitum Præfecto a Cæsare missio gratificaturus, compulsis suis navalem absque ordine sub Dubiciam cogit expeditionem; verum cognito a Turcis nostrorum adventu, eo infelici casu successit, ut centum amplius e nostris sint desiderati, una cum excubiarum Magistro Alemanno expeditionis Præfecto, vix aliquo hostium detimento. Tractatum denuo anno præfenti,

Pax in
Imperio
& cum
Turcis
declaratur.

Ivanicen-
ses a Tur-
cis casti-
gati.

senti Valachorum negotium, ad quod complanandum Styriæ quidem Provincia Othonem Henricum Comitem Trautmansdorffum virum politum atque elegantem, Lupum deinde Rindsmaulium acuto insignem ingenio submiserant. Ferdinandus porro Cæsar pro Hungariæ parte Coronæ in eorum Commissariorum locum, qui post trigesimum quintum annum supra millesimum sexcentesimum fatis concesserant, substituit Casparem Orehocium Vice-Banum, Joannem Zakkardium Regni Prætorem, ac Joannem Ruchicum Vice-Comitem Zagrabensem, viros opibus ac ingenio potentes, præsidente universis Nicolao Prorege, qui etiam Thomæ Miculicio præsentia Regiæ Personali, paulo ante e vivis sublato, authoritate a Cæsare jam habita, Georgium Rattcaium non sine fructu subrogavit. Et sene per trimestre spatum quam acriter, tam sublimi ingenio inter eos disceptatum, bonumque tandem res exitum, annuente etiam Ferdinando clementer, sortitura credebatur; nisi & innata Thracum inconstantia, qua lœvissimi homines fluxa semper fide laborantes, Regnum ac Proregem fecellerunt; & Styrorum astus, quo continuis epistolarum ad Cæsarem missationibus tempus extraxerunt, obstitissent. Itaque cum se justitia subsistere omnino diffiderent, eo perverso usi consilio, ut apertissimam quoque optimi Cæsaris mentem in dubium vocarent, id demum effecere, ut mutuo consensu in præsentiam Cæsaris negotium dirimendum, terminandumque differretur.

Stabilita cum hostibus pace anno primo & quinquagesimo supra decimum sextum saeculum post adoratum a Regibus Christum, Prætorium tribunal Zagrabiae indixit Banus, quo, nunquam interrupto quadraginta dierum spatio, rite peracto, adulto jam vere, cum pax, quæ primo aspectu secura ac florens bona spe tranquillitatis atque opulentiaz cunctos impleverat, portento similis, quod vastitatem Europæ denunciaret, non solum civile Bellum inter Nicolaum Proregem & Casparum Comitem Drascovicium Socerum ejus, sed externum quoque maxime atrox atque formidolosum, diffudit. Atque illud quidem ut Bellum intestinum inter Banum & Casparem Drascovicium.

Junxerat connubio sibi Nicolaus Prorex Eusebiam Caspari filiam, cum qua dotis nomine Tracostaniam arcem atque Castellum Clenounichium sub triginta millium summa litteris obligata acceperat: nec his contentus pater novis filiæ litteris bona atque summam vita ejus superstite obstrinxit; ipsa porro maritali amoris ac complacendi studio Nicolao Comiti sub declarata pecunia post fata etiam sua possidenda concessit. Eusebia nullis ex se reliefis liberis fatis concedente, Drascovicius pater cum prodigentia & luxu enormi effuse vilissimis quibusque ministris largiendò, insaniosque sumptus & immoderatos

faciendo, omnem substantiam, quæ opulentissima a matre Margaretha Alapiana sibi relicta fuerat, paucorum annorum curriculo profligata decoxisset ac dissipasset, egestate atque inopia pressus a Genero bona repetit; verum is tametsi, ut animo semper excelsa est, absque ullo æris onere restituere animo statuerat, acerbitate tamen virulentissimum Soceri verborum offensus & adversus eum commotus, negat se nisi summa deposita bona redditurum. Eo accepto responso variis deinde Drascovicus mediis Generi mentem expugnare instituit, jam siquidem allatis a Cæsare litteris urgebat, jam diversorum procerum interpositionem adhibebat, sed fluxa semper instabilique apud omnes fide nutans. Quare ubi dolosis se artibus haudquaquam proficere animadvertisit, male coepta principia pejoribus usus consiliis, temerario prorsus ac fatuo terminavit exitu. Mutuatus quippe obligatis bonis quatuor florenorum millia, quæ in redemptionem saniori consilio conferre potuisset, collectiam quandam gregariorum hominum manum stipendio conduxit, ac primo in Styriam eductam bona sua Lutumbergica, quæ Provincia sorori ejus Saræ Dyonisi Comitis Zechii conjugi, ob inexolutam hæreditariorum bonorum portionem cum potestate tradiderat, ferro atque igne devastat, Castellum ipsum sub Arce situm obscuris noctis tenebris subiecto igne, infami crudelitate pulsa ex eo forore, flammis absunit. Inde quasi præclararam naëctus victoriam Dravum per Ormosdinum suis remeantibus incendiariis, celesti festinatione Clenounichium obsidet. Verum ubi vel a paucis Comitis Nicolai militibus egregie locum tueri, ac explosis per fenestras pixidibus longioribus aliquot e suis imperfectos occubuisse videret, spe potiundi castelli dejecta, curiam Lypounichiam versus iter movet, atque inde pecora omnia abigit frumentumque avehit, provisoris bonorum domum prædonum more diripit, uxorem ejus ac plures honestas matronas abducens, earumque pudicitiam vilissimorum prædonum libidini foede prostituens, Tracostaniam arcem hominibus vacuam ingressus, & advectis secum aliquot minoribus colubrinis, obseratis portarum valvis, extremam ibidem fortunam experiri statuit. Nemo fuerat, qui Nicolaum Proregem hac offensum ignominia, extremam quoque Drascovicio contumeliam irrogaturum dubitasset; verum ille Petovini Styriæ oppido curandæ valetudinis caussa eo temporis commoratus, festinum ad suos in Insulam expedit nuntium, datque in mandatis, ut assumptis quoque tormentis omni postposita mora expugnationi duntaxat arcis incumbant. Eorum centuriæ aliquot in expeditionem profectæ, cum tormenta jugis protracta opportunis locis collocavissent; arcis tamen expugnationem præter spem difficiliorum prehenderunt, quod arx mediis in montibus mediocri sita rupe, ab ipsis

Flagitia
 Casparis
 Drascovi-
 ci.

ipfis tamen montibus remotior esset, quam ut justus tormenti jactus officere posset, nec ad arcem ullus præter unum, qui ad portam dicit, pateret accessus. Itaque adhibitis in terrorem aliquot tormentorum bombis, Germani deinde milites, qui in itinere equites esse, prælia tamen pedites exercere solent, consensa rupe cuniculis rem aggredi coepere; quo insperato turbati periculo obsessi, nuntiant ditionem sine mora ac tergiversatione se facturos, si vita ac rebus suis salvis in tutum evadere liceat. Firmata utrinque conditione arce excedunt, tametsi defectu rerum obsidioni tolerandæ necessiarum fugam meditarentur. Quoniam etsi frumenti atque vini pulverisque nitrati copia abundassent, aceti tamen, aquæ, lignorum atque salis penuria summa laborabant: & demum, quod non solum discipline militaris peritiam, sed rationis quoque ductum arguit, cum multum animalium numerum, ac equos supra quadraginta in arce, quinque aut sex vix foer i plaustris procuratis, habuissent; ea pene omnia macie fameque enecta foetore intolerabili infessos in desperationem agebant. Ejectus atque pulsus arce, post aliquod deinde tempus, hinc inde velut exul divagatus, ægre tandem amicorum quorundam opera impetravit, ut numeratis Nicolao Proregi quatuor millibus in bona restitueretur. Ita Drascovicius militiæ ac prudentiæ leges æque prætergressus, cuius alioquin facinora maiorem fane animadversionem promerebantur, audaciæ atque inconsideratæ temeritatis ludum exhibuit.

Dum hæc domi geruntur, Hafan Aga Canisiensium primus, quem anno superiore Nicolaum Proregem invisiſſe retulimus, ipso vere ad Selymum Budensem Vezirium profectus, eundem muneribus corruptum, multis verbis edocet; Kys Comarinum duabus distans Canisa leucis summo eis promovendæ ampliandæque ditionis obstaculo esse, exiguum tamen locum nec ullis naturæ artisve munimentis firmatum, paucis duntaxat militibus præsidium teneri; facil proinde Hafan Aga Kys Comari- posse. Quare summis precibus obtestari se Vezirium, ut expugnandi loci potestate sibi concessa, fines Regni sui prolatare nullatenus intermittat, spondere se exigua militum manu nullo e suis amissio petrat. locum obtenturum: solum impensi laboris id se præmium postulare, ut loco in potestatem redacto, eidem ipse, hæredesque porro ejus perpetuis futuris temporibus præficiantur. Obtinuit Hafan Aga amicorum ope quod postularat, Canisamque reversus, collecta aliqua militum manu Kys Comarinum, quamvis irrito conatu, obsidet.

Interea in diversis Europæ partibus Christiana religio reporta- Diversæ Christia-
tis de immani barbaro haud vulgaribus victoriis magnifice trium- norum in
phabat; nam & Veneti septennio jam integro pro Candia Insula Europa victoria.

depugnantes navali prælio novem Turcarum millibus internecione deletis, ac tribus in potestatem acceptis, reliquis fusis ac fugatis, præclaram omnino palmarum retulere; adeo ut ea sibi tota imminenti hyeme quietem atque otium peperisse, ac futuri belli apparatum præparandi tempus comparasse viderentur. Et Casimirus Poloniæ Rex aliquot jam præcedentibus annis Cosacorum & Tartatorum immani rabie, severissimisque armis divexus ac pene oppressus, tandem divini numinis ope, communibus Regni precibus impetrata, quæ a Pentecostes festo, usque ad tempus reportatæ victoriæ, diem scilicet Apostolis Petro & Paulo dicatam indictæ ac publicatæ, quotidie quadraginta horarum spatio perdurantes frequentabantur, celeberrimum de devictis hostibus trophæum reportavit. Ingenti siquidem magnus Tartarorum Cham exercitu comparato, cuius centum millia recenserit ferebantur, eum cum Chmielniczkio Cosacorum Duce eo consilio conjunxit, ut adunatis in unum viribus Polonorum Regno potiretur. Verum Casimirus excitis Regni sui copiis, ac Germanorum Suecorum adjutus auxiliis hosti obviam factus, plena in pugnæ fecit potestatem Hieremiæ Visniowieczky legato suo præente. Dum acerrimus parte ab utraque conflictus initur, coruscantibus tormentorum ac sclopetorum flammis castra ipsa in igne arsisse credebantur, & tribus prope diebus integris protracto certamine, omne Tartarorum ac Cosacorum robur contritum prostratumque per multa viarum millaria jacuit; sexaginta hominum milia cum plerisque copiarum Præfectis eo prælio occubuisse vulgabuntur, & Cham ipse tormento sub axilla iactus fugam capturus, equo delapsus extinguitur. Chmielniczky vitato mortis discrimine ad saltuofas quasdam palustris loci convalles profugiens, iis occultatus tantisper hæsit, donec jussu Regis milites ferro atque igne terribiles, tametsi atrocitate ac diuturnitate prælii fatigentes, eundem cum sociis prædam habituri præstolabantur. Sed mira fortunæ benignitate ei aspirante, illucescente die nimbosus e cælo depluens imber, omnem bene gerendæ rei facultatem præclusit. Quare forum natus per occultos tramites inde se subripiens, sub Turcarum principis patrocinium confugit, a quo etiamnum eundem Casimirus repeatit, nisi ipse pariter armorum vim atque eandem Martis aleam experiri malit. Quanquam nec Polonis incruenta cessit victoria, cum vi-ginti quinque millia eorum desiderata fuisse pro comperto tradatur. Hæc Polonorum pugna maxime atrox atque cruenta, qua Tartarorum Cosacorumque Duces inauspicati honoris ac superbæ dominationis inusitata clade obruti poenas dederunt, inter memorabiles sæculi nostri, quæ a multis retroactis annis acciderint, merito numerari.

rari potest ; sive quis clarissimorum Ducum inopinatum interitum, sive nū nerosissimi exercitus internecione deleti cladem cum desperato prōpemodum Polonorum statu conferat, sive promptissimi cū jusque funestam mortem & cædem animo contempletur.

Sub idem tempus Zagrabia in Illyrico, nocte intempesta, adeo vehemens nube rupta trium horarum spatio ruebat imber, ut exiguae latitudinis fluvius Cirquenschak vetusto nomine, nunc Medvednicza appellatus, Urbem a Collegio Sacerdotum interfecans, in immensum superatis alveis tumefactus, plerasque suburbanas domos humi locatas inundaverit ; duodecim vero imis evulsis fundamentis una cum hominibus somno sopitis ad Savum usque detulerit, ut quarundam ne vestigia quidem apparuerint, & quinquaginta homines eadem aquarum celeri vehementia suffocati, partim sub domorum ruinis, partim campis jacentes aquarum decursu delati reperti fuerint ; totus deinde annus cunctis pene terræ frugibus ablatis aut putrefactis, summa annonæ penuria laboraverit. Nec Illyrici finibus vis mali conclusa, sed eodem pene tempore, in remotissimis quoque Belgii partibus civitates integras undarum copia insepultas accepimus. Non sine gravi præpotentis Dei acerri- mi scelerum vindicis usque adeo in nos sui oblitos irati, ac magna di- vinæ ultionis urgente pœna hæc accidisse potiores interpretabantur.

Una hac diluvii infelicitate Zagrabiensium ac Vicinorum ani- mi graviter perculsi, nova insigni, nec vulgari Nicolai Proregis de Costaniciensibus Turcis relata victoria recreati, exhilaratique fue- re. Costanicia sacræ Rhodiorum Equitum Militiæ olim dominium, postea Zrinianis Comitibus a Joanne Tahyo pignori data, flumine Hunna, quem veteres Valdanum appellavere, ex Dalmaticis alpi- bus orto in Insulæ modum undique circumflua ; ita ut difficilem expugnatu locum, unus qui citra flumen arci supereminet Dedus mons, quod ex eo tormentis peti poslit, infirmorem reddere vi- deatur. Verum ubi juratus Christiani nominis hostis Crobatiam ex- pugnare progrederetur, quod armis se comparaturum non confide- bat, eo auro tenaci hominum visco penetravit. Quoniam fraude ac proditione Simonis Lostohar e Carnis oriundi, cum e manibus Zriniorum accepta in Præsidium fuisset commutata, duorum mil- lium aureorum nummum pretio cum perfidiæ scelere divendita est. Costanicienses tametsi crebrius nostros infestis armis, ac præcipue Siscienses etiam flammis afflixissent, ut libro superiore retulimus, a nostris tamen invidente fortuna quieti ac prope securi tranquillam agebant vitam, nec ullo adversæ fortunæ metu a Drascovicia- næ oppugnationis tempore tenebantur. Inde Zrinius aucupata idem-

tidem invadendi eos opportunitate, tandem ad pridie nonas Augusti ad Petriniam conventum stipendia merentibus indixit. Sparso itineris rumore alii quoque Proregi obsequii causa gratantes advenere, inter quos Georgius Comes Frangepanus selecta Carlostadianorum Centuria adducta, & cum eodem Paulus Cholnicius & Christophorus Delysimunovicius, viri fortes equitumque Magistri. **Hic** Georgius cum anno quadragesimo nono supra millesimum sexcentesimum Posoniensium Comitiorum tempore Cubicularius Regius constitueretur, anno praesenti Consiliarii munus obsequiorum meritis, ac in juvenili ætate maturitate prudentiæ, elegantissimisque moribus, quibus se Ferdinando Cæsari ac universis aulicis gratum fecerat, est consecutus. Accurrit & Georgius Rattcajus, ad quem tametsi serius futuræ expeditionis fama pervenerat, celeritate tamen usus, ac meridiei prope tempore Zagrabia iter instituens, eodem die inclinato jam sole Petriniam, quod octo Germanorum milliarium spatium continet, ac inde ad primam noctis vigiliam ad exercitum jam quieti deditum advenit. Ladislaus quoque Comes Racocius Romano itinere fortuna redux, quod visendæ Italiæ studio suscepserat, ne obviam videndæ primum militiæ sortem per ignaviam transmittere videretur, viæ Comitem se Proregi adjungit; adfuere & alii complures, ut numerus omnium mediam Legionem omnino constitueret.

Trajecto pars ad Siscium, pars ad Petriniam Colapi magno per circuitum facto itineris flexu, ad locum equis sarcinariisque jumentis adaquandis opportunum exercitus substitit; ibique non modo ea nocte, verum diei quoque imminentis multis horis insuntis, ac corporibus cibo refectis, paululum deinde ante meridiem lento passu progreditur. Modico demum intervallo Costanicia distante opportuna exercitui locando valle, tertiiis castris ventum ac pernoctatum est, ita tamen ut pedestris universus, Petro Patacicio viro forti atque impigro Proregis legato ductante, ad supercilium montis Dedi arci supereminantis eo quidem consilio deduceretur, ut cum pugnæ tempus adesset, equitatus a fronte, pedestris a tergo prodeentes oppido hostes intercluderent. Præmissus interim fuerat intempesta nocte manipulus militum, qui illucescente die quacunque arte posset, hostem in certamen eliceret. Atque ille quidem silenti passu progressus, molam frumentariam Valdano fluvio superimpositam perfractis securi foribus ingreditur, binosque ibidem repertos & tantisper reluctantibus, opprimit tamen & ad Patacium captivos perducit. Duo erant, quæ magnam nostris prosperi successus difficultatem ingenerabant: nam imprimis ple-

Proceres
quidam se
Bano ad-
jugunt.

2000 in
Castris
Bani.

plerique rebantur, vix posse accidere, ut duarum noctium ac integræ diei in eorum solo tanti exercitus facta mora eosdem lateret, unde graves & occultas veriti insidias male cum nostris actum iri formidabant. Deinde paulo ante auroram lenis decidere pluvia cœperat, quare majorem obducto undique nubibus cœlo pertingescentes ingruituram, ne viris armisque madefactis expedito boni militis officio prohiberentur, anxii dolore premebantur; dumque hoc ipsum a Georgio Rattcajo Proregi proponeretur, sorti etiam bona, suo alludens symbolo, aliquid tribuendum esse reposuit.

Verum enimvero & ea Dei erga nos affuit benignitas, ut de adventu nostrorum ab hostibus penitus ignoratum fuerit, & ea cœli clementia ac peramœna temperies secuta, ut cessante quidem pluvia, nubes tamen totius diei æstivi fervorem solis, magno militum commodo, prohibuerit. Perfractam a nostrorum manipulo præmisso molam, abductosque homines quamvis equitatui in valle matutinam lucem præstolanti ignotum adhuc fuerit, hostibus tamen jam probe perspectum erat, verum incertum quibus de causis miro omnes silentio continebantur: neque enim nostros pro more suo infecuti; neque ullum tormenti signum edidere. Clara aperataque jam lux albescet, cum diurno hostium silentio pertæsi ambigui quid factò foret opus, hærebant omnes; tum accito Jurassino viarum ductore, ac collato cum eo consilio, duas Banus præmittit turmas, quæ vagabunda per pascua quaquaversum animalia hominesque intercipiant: cæteri vero per declive collis celeriori pafsu decurrentes, lata planicie inter Valdanum & colles pulchris confertos vincis palam in Costaniciæ conspectum longo ordine protensi constitere. Nec mora: dato tormenti signo puncto temporis Turcæ Thracibus mixti erupere; ac equites quidem planiciem occupabant, pedites autem ad dextram ducente via, veterem, qua Costanicia rivus in Hunnam decurrebat, alveum aqua vacuum subintrabant, quo ex insidiis nostros veluti vallo protecti longioribus sclopeticis petere possint; verum ii ab militibus Germanis Comitis Zrinianis, qui pedites præliari solent, ad fores alvei collocatis, ne plures succederent redditumque nostris ea, qua venerant, præcluderent, prohibiti sunt. Ubi Turcæ equites planicie fusi justo numero sese invicem contuentur, accelerant gressum ad conserendas cum nostris manus; tum vero Prætoriana Bani turma, quæ dexteram tenebat, ac Carlostadiana pone sita acerrime cum hoste congreguntur; in ipso nostrorum in hostes impetu tres e Carlostadianis, duo e Zrinianis a Thracibus in alveo occultatis glandibus petiti cadunt, duo vulnerantur: cæterum ubi ad manus ventum, hostium plu-

Difficul-
tates fu-
turæ pu-
gnæ.

Primus
cum hosti-
bus con-
gressus.

plurimi bis repetita pugna occubuerunt, captis etiam nonnullis, nullo ne læso quidem nostro; ex certamine vero reduces, eos quos alveo ex hostibus occultatos diximus, omnes obtruncant. Fervente prælio adeo crebris tormentorum reboatisbus vicina ciebant auxilia, ut universo internecione deleto præsidio Costaniciam ipsam amittendam significant, tormentorumque fragor Banialucam usque atque ad multa in partes nostras millaria facile exaudiretur. Sat jam hostis plerisque castigatus existimabatur, redditumque Banus receptui canere jubens apparabat; cum ecce opportune admodum peditatus noster e Dedo monte ab altera fluminis parte densa veluti nebula devolvitur, ac ponte pertransito quoscunque planicie hærentes, & equitum nostrorum abitum prospectantes deprehenderant, magno sublato clamore atque acri in eos invecti impetu in profluentem propinquum Hunnam impulerunt. Audito nostri clamore denuo hostes subsequi rati, eorum aliqui pedem referunt; verum agnitis militaribus nostrorum signis jucundum cum iisdem habuere spectaculum, dum anatum instar supernatantium Hunnæ Turcarum capita, brevi deinde gurgitibus aquarum hausta prospectant; nec minus octuaginta aquis obsorptos constat.

Secundus
cum hosti-
bus con-
gressus.

Omer Aga Castellanus arcis quem Disdarium ipsi cognominant, visa duplici suorum strage, universos arce oppidove sub diræ mortis, aut perpetui exili interminacione exire, ac nostros insequi præliumque totis viribus redintegrare jubet; neque ullum ex eis pugnam detrectaturum Imperatoris sui pane deinceps sustentandum minaci voce contestabatur. Quibus auditis tum vero Turcæ, Thraæces, ac Christiani eorum potestati subjecti, quos ipsi Magiaros appellant, glorioſa magis cum hoste configendo morte occumbere, quam sine honore atque stipendio vivere, aut turpi fame enecari malentes, aut mori aut vincere constituunt. At peditatus noster recenti victoria factus alacrior, animis præsentissimis in novos inventus hostes, aliquot ex eis neci datis, cæteros in turpissimam conjectu fugam; nec a persequendo destitit usque ad ipsas arcis portas, ut Disdarius occupandæ arcis metu percussus sublicium pontem super Valdanum structum, arcii ipsi attiguum levare, ac suos retro fuga delatos ingredique conantes, nostris trucidando relinquere atque excludere sit adactus. Evacuato pene viris ac præsidariis oppido, mulieres cum infantibus atque pueris, & quod quælibet urgente tempore auferre poterat, visa in ipso ponte miseranda suorum cæde, proximos colles caprearum instar confundunt, gemituque, lacrymis, atque clamore metus ac doloris testibus vicinas valles complent. Facili prorsus negotio universum oppidum prædæ nostrorum cedere, imo in potestatem

Tertius
cum hosti-
bus

re-

redigi potuisset, si & occupare per Cæsarem & expilationi immorari
 per advenientes e vicinis præsidii Turcas licuisset. Satiatis hostium
 sanguine nostris per Dedum montem iter, pugnante adhuc peditatu, in-
 institutum, universi absoluto prælio prosequuntur. Dispersi interim
 hostes in unum denuo confluentes, in furorem ac rabiem conversi, &
 conjuratione per impia Mahometis numina facta non se nisi victores
 retrocessuros, vestigiis nostrorum inhærentes postremum insequuntur
 agmen; & brevi post duobus prælatis militaribus signis in remotiore
 colle, ne fugam nostri accelerarent, eos adhuc die illa experturos
 quid negotii cum Costanicensibus essent habituri, clamitantes conspi-
 ciuntur. Eadem hæc verba elegans quidam Turca oblongam Scar-
 latinam indutus vestem ac equum Spadiceo colore ex Aegyptia radi-
 ce tinctum in orbem gyrans, tum proprius nostris accurrens ingemina-
 bat. Accidit non injucunde, ut Germanus Zrinii Comitis miles mini-
 tantem conspicatus Turcam, destinato longioris sclopeti istu, peritilli-
 me deponeret equo, facete subjungens: Nunc, inquit, experiris optime
 militum, quid hodie futurum sit. Cæterum convolantibus plurimis,
 nec postremo nostrorum agmine satisfacente, cuiusvis turmæ, cum in
 decem divisus universus fuisset equitatus, quinque milites Banus redi-
 re jubet, quibus regressis ac in hostem obvium acriter fese inferenti-
 bus, iterato interfectis nonnullis, atque captis aliquot, cæteris repul-
 sis, inceptum iter continuatur. Substitere tantisper hostes, donec Quartus
 angusto in transitu nostri, structo exiguo super Moseynicum rivum
 ponte, cunctantur, in quo ultra binos non dabatur transitus. Interea
 novi occurserant e Zrinia arce tantis tormentorum boatibus exciti
 Turcae & a fronte, ubi captivi cum præda ducebantur, infestant no-
 stros; verum unius Zriniani equitis Georgii Ivanovicii virtute ac ma-
 gnanimitate cæco in eos impetu inventi, ac Bani nomen atque auxi-
 lium inclamantis, pulsi fugatique summa cum ignominia pedem retule-
 runt, quo ultra eos persequente unum in fuga captum retraxit. Sub
 hæc recurrit Georgius Rattcaius, qui cum Georgio Frangepano pri-
 mæ aciei intererat, ad Proregem, eundem admonens, ut festinato gra-
 du maturaret, novos quoque a fronte advenisse hostes, ac periculum
 amittendæ prædæ nostrorumque in medio hostium claudendorum im-
 minere; jam quidem semel pulsos atque rejectos esse, sed nequaquam
 advenientibus semper novis aliam intermissuрос pugnam. At ecce
 eo hæc referente terribili in Cœlum sublatu ululatu, atque inconditis
 clamoribus Dei ac Mahometis propitium numen lingua sua vocife-
 rantibus, acerrimo in pedites nostros a tergo constitutos impetu in-
 vehuntur, atque si antea fuerat, maxime atrox atque cruentum præ-
 lium recrudescit. Exacerbatis plane ac desperatis Turcarum animis

semihora pugnatum est, adeo ut pedites nostri diuturno ac irrequieto prælii labore fessi, ulterius certamen detrectarent; neque usla Proregis authoritate vel imperio ad resistendum adigi posse viderentur. Eo tempore & a fronte & a tergo graviter a nostris laboratum, neutra parte alteri opem ferre valente. Qua animadversa Banus difficultate, ac peditum præfertim fracto animo, subito desiliens equo & militibus fratrum nomine compellatis, ne dejecti animis deciderent, neque quaternam jam hodie reportatam victoriam postremo fœde commaculent, sed, ut fortis deceret milites, strenue & honeste æterna memoria dignum certamen glorioso exitu terminarent, acri voce cohortatur; se quoque pedibus usurum, & æquato periculo peditem cum peditibus pugnaturum, vitam demum æque ac mortem pro fide atque Patria cum iisdem positurum. Mirum dictu quantum animi omnium audientium in prælium exarserint, nec jam ullum aut præteriti laboris memorem, aut futuri periculi pavidum vidisses, sed novos quasi recentesque submissos in novum ruere bellum: tantum quippe refert generosi atque magnanimi Ducis exemplum. Quatuor e nostris, amplius vero supra sexaginta Turcarum eo in congressu desiderati, nec tamen cessatum ab hostibus. Atque cum jam multum verticalem sol lineam superasset, ac longum adhuc nostris iter superandum esset, Banus consilio quorundam astu atque arte certamen diremit. Præcedentibus quippe progreedi jussis agminibus, pedites quoque celeri festinatione pontem transire intermissa pugna jubet, collocatis interea parte ab altera pontis bifariam divisis, ac extra viam occultatis triginta Germanis sclopetariis; Turcæ nostros ab armis cessare, & festino pro cursu pugna exedere animadvententes, fugam rebus nostrorum desperatis arbitrati, eosdem resumptis recreatisque animis insequuntur. Verum ubi ad Germanos pedites ventum, in infidias præcipitati, plerisque e suis evestigio amissis, a prosequitione ulterioris prælii abstinere, pedemque semper victi referre coacti sunt. Horis octo plenis a matutina luce coeptam pugnam continuatam fuisse, observatum ab iis, qui pensile ex collo gestaverant horologium, qua ponticulo multorum sanguine superato absoluta, hilares deinde sub serum crepusculum Petriniam festivis sclopetorum bombis per vastas sylvas resonantibus advenere. Cæsi eo prælio hostium quinquaginta supra ducentos, & ad pontem quidem quinque primi Ordinis, quos ibidem sepultos hastis tumulo super infixis socii honoravere; unus vero cognomento Chatte militum scriba indomita barbaraque in Christianos captivos usus semper feritate, præciso capite omnium gaudio imperfectus est. Capti triginta octo, ex quibus præcipuus Deli Mahmut superstitionis ejus sacrificiorum Antistes, Temesvario Pannoniæ oppido Costani-

Quintus
& acerri-
mus cum
hostibus
congref-
sus.

niciam veluti patriam invisens, qui Bano muneris loco datus, quem admodum & pater ejus suo quoque Patri sub Costanicia captus in sortem cesserat. Duo etiam Canisienses, quorum unus a Canisiensibus submissus nuntium atrulerat, Banum ex insula eo profectum animo, ut Croatiæ partes armis infestaret; fauciati plurimi, qui deinde vulneribus debilitati domi mortem omnes ex æquo subiere. Signa militaria capta tria, equi septemdecim, pecora majora 200, prædæ nostrorum cessere, quæ omnia die insequenti Petriniæ ex veteri more divisa militibus. Duo præcipue toto hoc prælio memoratu digna acciderant, primum quod nullis occultatus insidiis, sed palam equitatus aperto campo in conspectum Costaniciensium sese præbuerit; tum deinde quod ipsis arcis portis nostris incumbentibus clauso levatoque ponte, hostis vix loci salutem obtinuerit. Sed majori pene ignominia quam detimento accepta, Omer Aga Disdarius ad Paszliam Bosnæ Præfectum Banyalucam subito profectus arcem officiumque ei resignat, nec se deinceps custodiam curamque ejus habiturum, nisi emendato & colubrinis aliquot impositis, quibus hactenus Disdarius omnino caruerat, loco communito per sacra omnia affirmabat, puden-
re prorsus se suffundi memoria ejus cædis atque cladis a Zrinio accep-
ptæ, cui similem Mahometani milites ab eo tempore, quo locum il-
lum obtinerent, nunquam sustinuissent. Paszlia tametsi & furore
ipse exagitatus, blandioribus tamen Disdarium verbis consolatus, cu-
ræ sibi negotium fore pollicitus est, nec longam passurum elabi mo-
ram quo Costaniciensibus tutioris permanisionis caufsa quam optime
consulatur, non demum temporis multum decursurum, quin se de in-
juriis Zrinianis ad satisfactionem ulciseretur; pergeret in præsens bo-
nis avibus, atque vigilias tam domesticas quam forenses gnавiter obi-
re non intermitteret.

Vix Zrinius Insulam repetiverat, cum speculatores referunt Hafan Agam Canisiensem per absentiam Zrinii magis stimulatum Kys-Comariensem denuo obsidionem repetendam animo suscepisse; in quem finem Canisiensium, Bersencianorum, ac Segusdianorum me-
diā pene in castra exciverat legionem & admotis aliquot colubrinis HafanAga
secundis castris expugnationem instituit. Præerat loco Ladislau denuoKys
Pethö genere Illyricus, vir impiger atque strenuus & animadverso Commari-
oppugnationis periculo, a priore jam cautior redditus, ad toleran-
das obsidionis necessitates vires animumque adjicit, & primo qui-
dem oppugnationis die tentata irruptione multa strage hostis re-
pressus in vicinos pagos fauciato truncatoque milite secessit. Ea
nocte a tributariis ac dedititiis eorum locorum incolis intelligit, Ada-
mum Comitem Bathyanum cisdanubianarum partium Praefectum

ac Comitem Nicolaum Zrinium justis cum copiis Kys Comaromienibus auxilio adventare. Itaque ne multiplici affectus incommodo ac supervenientium distractus prælio, & tempus expugnandi præsidii amittat, & suorum vires imminutas accipiat, eorum adventum prævenire ac summo diluculo nec opinato moenia descendere statuit. Quare prima luce & colubrinis promotis moenia quatere & militibus dato irrumpendi signo, quamvis non eadem qua hesterna die animorum alacritate, veluti fortunam minus secundam præfigientes, inire pugnam occoepere; quorum deinde pars una suburbii domos, pecoribus abductis, flammis absumpsit. At nostri hesternæ victoriæ divinitus partæ memores, in irrumpentes, viri quidem colubrinis ac sclopetis rem gerere, mulieres vero faxis ac ferventi aqua subeuntem hostem magno detimento afficere pergebant, ac eadem nostrorum virtute viribusque hostes repulsi ac rejecti iterum se recepere frendente ac fremente Hafan Aga, quod is & cubitotenus dextræ manus brachium colubrinæ iætu avulsum & plurimos suorum temeritatis suscepit poena castigatos amisisset. Quare omissa quam temere intulerat obsidione, & amissis e suorum numero non minus mille ac in iis aliquot clarioris nominis Centurionibus atque manipulariis re infecta, cæteris in eum gravi odio atque ira ferventibus Canisam retrocessit; ac non multo post vulnere in pejus vergente, nec Chirurgorum medicamine opitulante e vivis excessit: quamvis & a suis præfocatis faucibus, crudeli sed Turcis usitato mortis genere, ob expeditionem male gestam, nisi honestiori fato ante subreptus fuisset, vitam posuisset.

Facto ab hostibus bellandi principio, nostri pari consilio vices rependendas censuere, quare Joannes Christophorus Comes Puchamius Comaromiensis ac Cæsareanarum Legionum, quem nunc campi Marescalcum vocant, Præfectus consiliique bellici Vice - Præses, vir non minus toga quam sago præstantissimus, & qui superioribus bellis magnanimitate animi, ac pulcherrimarum fama victiarum inclarerat, cum Comitibus Nicolao Zrino ac Batthyano collectis in unum copiis, quarum ad septem pene coiverant millia, ad Segusdium amplissimum Pannoniæ oppidum, quod ab incolis segesticæ Illyrii Insulæ, Dacorum incursionibus olim pulsis, mutatis ac in Pannoniam translatis sedibus, nomen accepit, oppugnandum profecti sunt. Ferdinandus, quoniam expeditis per celeriores equos ad Puchamium Comitem ex Consilio suo literis, eidem demandabat, ut si hostis contempto induciarum foedere, ruptisque pacis quas confecerant tabulis Kys Comarinum occupasset, is e vestigio vi, machinisque adhibitis illud recuperaret; sin vero destructa quæpiam mi-

Hafan Aga
vulnera-
tus extin-
guitur.

Nostri Se-
gustium
oppo-
gnandum
fusciplunt

militari insolentia reperisset, ea restaurare quam primum maturaret. Excessum nihilominus quam inopinum tam gravem aut armorum congressu, aut præsidii cujuspiam minoris incendio castigare nequam intermittat, neque se in fortioris munitiorisque expugnatione loci distineri sinat, ubi & militum copiam amittere & præsidium expugnatum transactæ vi pacis restituere necessum foret. Itaque Segusdium cum iis quos diximus profectus, quod Kys Comarini hostes fecisse didicerat, suburbiorum duntaxat domibus incensis percoribusque abactis, nec ullo majore operæ pretio facto, Zrinio febrium caloribus æstuante, ac potiori ex parte curru per exercitum vecto Kys Comarinum redditum est; ac iis quæ Turcarum violentia destructa repererat restauratis, ad sua quisque reversus est. Cæsar collaudatis per literas Puchaimio atque Zrinio, quod celeritate usi singulari universa e mente sua expedite confecissent, admonet postremo, ut quiescentibus hostibus a nostris quoque pax atque quies concedatur; iis porro ulterius insolecentibus, quod iisdem optimum e re visum fuerit, se arbitrio prudentiæque eorundem intelligent commisisse.

His omnibus per Europam affecti barbari cladibus, nec minore accepto rerum suarum in Asia incommodo, quod Spahogliani, quos illi nobiles, seu fundorum ac villarum possessores appellant, adversus Janicaros justis odiis ad inferendum civilem tumultum exarsissent, quibus mitigandis aut sopiendis, neque magnum Veziriorum Divani Concilium, neque Imperatoria authoritas sufficiebat, metu haud mediocri rerum suarum perturbandarum tenebantur. Quare Canisiensibus novandis motibus intentis scriptæ Byzantio litteræ, & a militibus Zrinii Comitis Legradino experiundæ fortunæ causa profectis una cum Chausio interceptæ & ad eundem delatae hunc reddebat sensum: Primus Vezirus Canisiensibus salutem. Insolentias, quas præteritis hisce temporibus exercuistis, admirati sumus; quas si adhuc continuare perrexeritis, sciatis capitibus vestris vos persoluturos. An ignoratis, Tartaros a Polonis ingenti cæde profligatos, eosdemque novos in nos cognari motus, Asiam quoque Janicerorum atque Spahiarum turbidissima contentione periclitari, ut nullo imperio cohiberi possint? Nec ex aliis partibus bona accepimus nova; non est jam tempus superbiendi. Brevissimis sed nervosis hisce litteris calamitates atque miserum rerum Turcicarum statum exponebat barbarus, quo uno felicissime oblato tempore quam opportune Christiani Principes mutuis positis odiis, & coadunatis in unum viribus, exagitandum eum remque Christianam promovendam fusciperent, nemo est qui

Primus
Vezirus
Camifien-
ses per lit-
teras cor-
ripit.

non videat. Verum ii execribili vecordia diducti ac perpetuis infestisque inter se armis dimicantes, de vicinæ Pannoniæ Illyricique salute ac permansione, nihil pensi habere videntur; tam diuque insipient, donec ipsi debellatis calamitosorum Regnorum reliquiis, eorundem barbarorum armis injuriæque expositi, aut ab extremo ignominiæ pudore ad pietatis decus revocati necessaria arma sumere, aut similem sibi, ac suis populis & regnis calamitatem clademque expectare condidicerint.

Christianorum victoriis consternati Turcæ ad sua restauranda Bosnenses præfertim vires omnes contulerunt, ac imprimis accepto nuper ad Costaniciam detrimento, eam & colubrinis impositis & veteri collapsio restaurato ædificio fortiore munitioremque reddiderunt. Insistentes operi & inopinatam nostrorum irruptionem metuentes, magnis accitis interioribus etiam auxiliis longiorem ibi moram protraxere, quamquam frequens nec falsa omnium pene aures fama pulsaret, firmissime eos statuisse, aut Turopoliam latefusam uberemque inter Savum & Colapim planiciem populari, aut Petriniam expugnatione obtinere. Verum Paszlia Bosnensis, cum Bani copias ex Sclavonicis limitibus vehementer auctas, Lupi Leszelii earum partium Præfecti jam Petriniam cum mille equitibus adventu, ac suppares a Lupo Frangepano suppetias indies ex Croatia adventuras certis nuntiis fuisse edoctus; nostrorumque copias robore, animo disciplinaque firmissimas, vera tum prium æstimatione metiretur, & præsentis maxime Proregis nomen vimque ejus cum summa felicitate conjunctam in tanta suorum fortunæ inclemens, quam anno præsenti experiuntur, magnopere formidaret, quando etiam paratis omnibus victricia arma vix sumenda viderentur; ab proposito destitit consilio, ac parte ab utraque propinquante jam hyeme ex castris discessum; præfertim quandoquidem Colapis aquæ, quæ fervore solis imminutæ plerisque in locis transvadari poterant, decidentibus autumnalibus pluviis succrevissent.

Hæc fuere, Rex Apostolice, quæ Drascovicio Bano authore scribenda, eo Palatino impulsore perficienda suscepseram; nunc annuentibus Superis, deducto ad calcem opere, cuius pallentem sæpe ac inclinatam fessa pagina exceptit faciem, in benignas tuas id repono manus: & sane biennium jam solidum inter lucubrationes meas detentum tenebras suas gemebat, publicæ lucis avidissimum. Sed tempori aptari decet. Nunc ad Orexin multorum aut sedandam, aut acuendam, anni superiores prodeunt; cæteros vita superstite, si hos lectori placuisse cognovero, diligentia maturiori prosecuturus. Imperii quidem Drascoviciani fuit, ut scriberem, sed observantiae &

& amoris in te mei (nam & noster te metus amat) ut tibi scriberem, atque tuum in Illyricarum Provinciarum curam amorem fortius impellerem. Non quod putem non amare, cui concessum, ut tuos parentum more ames, & a tuis filiorum more ameris: cum scias frustra terrore succingi, qui suorum amore septus non est, armisque arma irritari, amore amorem; sed ut Numinis more, cum eminus nos videris jactari, protector adsis. Finio, Rex Apostolice, ita Majorum Regiæ Majestati Vestræ offerens ac relinquens memoriam, ut mei quoque apud ipsam, quam felicibus Aristis tot Regnis ac Provinciis gloriosam ac superstitem imperare desidero; nostra demum apud posteros virens semper floreat Memoria.

Finis Libri sexti.





